

যাদুকরী

শ্রীতারশঙ্কর বন্দ্যোপাধ্যায়

পরাগ পাবলিশাস

১৬২, কর্ণওয়ালিস স্ট্রীট, কলিকাতা।

প্রকাশক—
শ্রীলক্ষ্মণচন্দ্র দাঁ
পরাগ পাবলিশাস
১৬২, কর্ণওয়ালিস স্ট্রীট,
কলিকাতা।

২৪৬৫

প্রথম সংস্করণ
কার্তিক—১৩৪২
মূল্য—দুই টাকা

প্রিন্টার—
নির্মল কুমার দাশ
পরাগ প্রেস
১৬২, কর্ণওয়ালিস স্ট্রী
কলিকাতা।

পরমপ্রীতিভাষন—

শ্রীযুক্ত শিশির মল্লিকের

করকমলে

লাভপুর, বীরভূম

কার্তিক, ১৩৪২।

যাছুকরী
শ্রীনাথ ডাক্তার
জায়া
ভ্রমণ কাহিনী
ফল্গু
তপোভঙ্গ
প্রত্যাবর্তন
বাউল
শ্যামাদাসের মৃত্যু
সনাতন

গ্রন্থকাষের অন্য বই—

কবি

বেদেনী

র স ক লি

ছ ল না ম য়ী

হা রা নো - সূ র

কা লি ন্দী (নাটক)

ছ ই পূ র্ণ ব (নাটক)

শ্রে ম ও প্র য়ো ভ ন

ধা ত্রী দে ব তা (২য় সংস্করণ)

জ ল সা ঘ ব (২য় সংস্করণ)

আ শু ন (২য় সংস্করণ)

কালিন্দী (২য় সংস্করণ)

গ ন দে ব তা

চৈতালী ঘূর্ণী

পাবাণ পুরী

রাই-কমল

তিনশূন্য

যাহ্নকরী

শরতের নির্মল জলভরা বায়ুহিল্লোলিত দীঘিতে কলরব করিয়া যেন একদল বালিহাঁস আসিয়া পড়িল।

আখনি মাস। আকাশ নীল, রোহ্রে সোনালী আভা, ঘরে ঘরে পূজোর আয়োজন-উত্তোগের সাড়া, দোকানে দোকানে পণ্যসস্তার, পরিপূর্ণতায় চঞ্চলতায় গ্রামখানি নির্মল জলভরা বায়ুহিল্লোলিত দীঘর সঙ্গেই তুলনীয় হইয়া উঠিয়াছিল। তাহারই মধ্যে বালিহাঁসের মতই কলরব করিয়া আসিয়া পড়িল দশ-বারোটি বাজীকরের মেয়ে ও জনচারেক বাজীকর পুরুষ। বাজীকর অথবা যাহ্নকর।

বাজীকর একটি বিচিত্র জাতি। বাংলা দেশে অল্প কোথাও আছে বলিয়া সন্ধান পাওয়া যায় না। বীরভূমের সীধল গ্রামে এবং আশেপাশেই ইহাদের বসতি। বেদে নয় তবু যথাব্যবহারে বেদেদের সঙ্গে খানিকটা মিল আছে। ধর্ম্মে হিন্দু, কিন্তু নির্দিষ্ট কোন জাতি বা সম্প্রদায় জাতিকুল-পঞ্জিকা ঘাঁটিয়াও নির্ণয় করা যায় না। পুরুষেরা ঢোলক লইয়া গান করে, যাহ্নবিহার বাজী দেখায়। নিরীহ শান্ত প্রকৃতি, গলায় তুলসীর

যাদুকরী

মাল্য পরণে মোটা তাঁতের কাপড়, দুই কাঁধে দুইটা ঝোলা ও ঢোলক, মুখে এক অদ্ভুত টানের মিষ্ট ভাষা। ঐ ভাষা হইতেই লোকে চিনিয়া লয় ইহার। বাজীকর। মেয়েরা কিন্তু পুরুষ হইতে সম্পূর্ণ স্বতন্ত্র। বিলাসিনীর জাতি। কেশে বেশে বিভ্রাস তাহাদের অহরহ, রাত্রে শুইবার সময়ও একবার কেশ বিন্যাশ করিয়া লয়, প্রভাতে উঠিয়া প্রথমেই বসে চুল বাঁধিতে। পরণে সোঁখীন পাড় শাড়ী, হাতে একহাত করিয়া কাচের রেশমী অথবা গিল্টির চুড়ী, গলায় গিল্টির হার, উপর হাতে তাগা অথবা বাজুবন্ধ, নাকে নাকছাবি, কানে আগে পরিত সারিবন্দী মাকড়ী, এখন পরে গিল্টির ঝুমকা, ছল প্রভৃতি আধুনিক ক্যাশানের কণ্ঠভূষা। কাঁকালে একটা গোবর-মাটিতে লেপন দেওয়া বিচিত্র গঠন ঝুড়ি, তাহার মধ্যে থাকে সাপের কাঁপি, বাজীর ঝোলা, ভিক্ষা সংগ্রহের পাত্র, সেগুলিকে ঢাকিয়া থাকে ভিক্ষায় সংগৃহীত পুরাণো কাপড়। মেয়েদের প্রধান অবলম্বন গান ও নাচ। নিজেদের বাঁধা গান, নিজেদের বিশিষ্ট সুর, নাচও তাই—বাজীকরের মেয়ে ছাড়া সে নাচ নাচিতে কেহ জানে না। লোকে বলে তামার বদলে রূপো দিলে নির্বিকারচিত্তে নঃ অবয়বে নাচে বাজীকরের মেয়ে। দর্শকে চোখ নামায়, কিন্তু বাজীকরের মেয়ের চোখে অকুণ্ঠিত দৃষ্টিতে পলক পড়ে না; ছুনিয়ার লোকে ছি ছি করে, কিন্তু বাজীকরের সমাজে ইহার নিন্দা নাই, বাজীকরীর বাজীকরের মনের ছন্দ পর্য্যন্ত মুহূর্ত্তের জন্য অস্বচ্ছন্দ হইয়া উঠে না।

গ্রামে ঢুকিয়া তাহার ছড়াইয়া পড়িল। দল বাঁধিয়া উহার। ভিক্ষা করে না; দল দূরের কথা—স্বামীপ্রীতে এক সঙ্গে কখনও গৃহস্থের ছায়ায় গিয়া দাঁড়ায় না।

বাছুরী

—ভিক্ষা দাও মা রাণী, চাঁদবদোনী, স্বামীসোহাগী, রাজার মা !

মুখ্জে গিন্নী তরকারীর ঝঁটতে বসিয়া আনাজ কুটিতেছিলেন, চোখের কোণে দুই ফোঁটা জল টলমল করিতেছিল। সম্মুখে বসিয়াছিল কন্যা রমা, বিষন্ন নতমুখে সে নথ দিয়া মাটি খুঁটিতেছিল অকারণে। গিন্নী বিরক্তিভরে বলিলেন—ওরে, ভিক্ষে দিয়ে বিদেয় করতো, পুজো এলো আর এই হল বাজীকরের আমদানী।

—নাচন ছাথেন মা, গান শোনেন। কই আমাদের রমা ঠাকরণ কই ?

—না। নাচ দেখবার মত মনের সুখ নাই আমার। ওরে।

—বালাই ! বাঠ ! শক্রর মনের সুখ যাক। আপনকার দুঃখ কিসের—

—বকিসনে বলছি। এমন হারামজাদা জাত তো কখনো দেখি নাই। ওরে রমা, ঝি কোথায় গেছে, তুইই দে তো ভিক্ষে।

রমা ভিক্ষা লইয়া আসিয়া দাঁড়াইল। বাজীকরের মেয়েটি রমার চেয়ে বয়সে বড় হইলেও দেখিতে প্রায় সমবয়সী মনে হয়। তাহার মুখ স্মিতহাস্তে ভরিয়া উঠিল, পর মুহূর্ত্তেই বলিয়া উঠিল—ভোজটা ফাঁকি পড়লাম দিদি ঠাকরণ।

রমা বিরক্তিভরেই বলিল—নে নে ভিক্ষে নে।

—কোন্ মাসে বিয়া হল ঠাকরণ ? কোথা হল বিয়া ?

গৃহিণী উঠিয়া আসিলেন, রুচভাবে বলিলেন—ভিক্ষে নিবি তো নে, না নিবি তো বিদেয় হ'।

—ওরে বাপরে। তাই পারি ! আজ শুধু ভিখ নিয়া যেতে পারি !

যাছুকরী

দিদি ঠাকরণের বিয়ার ভোজ খেতে পেলম নাই, বিদায় পেলম নাই—
আজ শুধু ভিখ নিয়া যেতে পারি ! আজ নাচ দেখাব—গান শুনাব,
শিরোপা নিব। কাঁথালের ঝুড়িটা নামাইয়া কাপড়ের আঁচল কোমরে
জড়াইয়া বলিল—কাপড় নিব, গয়না নিব, রমা দিদির কাছে নিব কাঁচের
চুড়ির দাম, তবে ছাড়ব। বলিয়াই সে আরম্ভ করিল—

হায় গো দিদি, কাঁচের চুড়ির ঝম্‌ঝমানি

উর-র-র জাগ জাগ জাগিন ঘিনা—

জার ঘিনিনা—

চুড়ির ওপর রোদের ছটা

হায় মরি কি রঙের ঘটা

সোণারূপো বাতিল হল কাঁদছে বসে আকরাণী।

বেলাত হতে জাহাজ বোঝাই

হল চুড়ির আমদানী।

উর-র-র জাগ জাগিন ঘিনা—

জার ঘিনিনা—

সঙ্গে সঙ্গে তাহার হাতের চুড়ি সে তালে তালে বাজাইতেছিল—ঝম্
ঝম্ ! ঝম্ ঝম্ ! একস্থানে স্থির হইয়া দাঁড়াইয়া পাক থাইয়া থাইয়া
বাজীকরীর সর্বাস্ত নাচিতেছিল সাপিনীর মত। গিন্নী ও রমা দুজনের
বিষম মুখেই এতক্ষণে হাসি দেখা দিল—অতি মৃদু স্মীণ রেখায়। বাড়ীর
এবং পাশের বাড়ীর মেয়েরাও আসিয়া জুটিয়া গেল। বাজীকরী
নাচিয়াই চলিয়াছে—চোখের তারা দুইটি নেশার আমেজে যেন ঢুল ঢুল
করিতেছে, সঙ্গে সঙ্গে বিচিত্র সুরের গান।

পাড়ার যত এয়োস্তীরি—শাঁখা ফেলে

পরছে চুড়ী—

লালপরী সবুজপরী—মাঝখানে হলুদ পারা—

ওগো চুড়ির বাহার দেখে যা' তোরা—

এবার যদি না দাও চুড়ি, ত্যজ্য করব

এ ঘর বাড়ী

নয়কো দোব গলায় দড়ি

তবু চুড়ি পরব গো,

হাতের শাঁখা ঘাটে ভেঙে ফেলব চোখের

নোনা পানি ।

উরর-জাগ-জাগ—

গান শেষ করিয়া বাজীকরী থামিল ।

চুড়ির জন্ত গলায় দড়ি দিবার সঙ্কল্প শুনিয়া মেয়েরা মুখে কাপড় দিয়া হাসিতেছিল, একজন বলিল—মরণ !

বাজীকরী খিল খিল করিয়া হাসিয়া উঠিল, বলিল—চুড়ি লইলে মরণ ভাল গো ঠাকরণ । রমা দিদি চুড়ির পয়সা লিয়ে এস—কাপড় গয়না নিব তোমার বরের কাছে । বর কখন আসবে বল ? চিঠি লিখ তুমি । আমার নাম করে লিখ ।

রমা বা গিন্নী কোন কথা বলিল না, একজন প্রতিবেশিনী তরুণী বলিল—তুই যা না হারামজাদী তার কাছে ।

—র্যাল ভাড়া দাও, ঠিকানা দাও, চিঠি লিখে দাও ! আজই যাব । বরং লিয়ে আসব—নাকে দড়ি দিয়া বেঁধে রমা দিদির দরবারে ।

যাছুকরী

—মরণ ! ও-পাড়ায় যেতে আবার ‘র্যাল ভাড়া’ লাগে নাকি ?

গালে হাত দিয়া মেয়েটা সবিস্ময়ে বলিল :—গাঁয়ে গাঁয়ে বিয়া না কি ?

—তং করছে ! কিছু জানিস না না কি ?

—কি কর্যা জানব দিদি, আমরা ফিরেছি তো দেশে তিন দিন।

‘বাজীকরের জাত ভিক্ষা করিয়া দেশে-বিদেশে ঘুরিয়া বেড়ায়। যাযাবর সম্প্রদায়ের মত গৃহহীন নয় ভূমিহীন নয়—ঘর আছে। প্রাচীনকাল হইতে নিকর জমিও ইহারা ভোগ করে, তবু ভিক্ষা করিয়া ঘুরিয়া বেড়ায়। পূজার পূর্বে দেশে আসে, পূজার পব বাহির হয়, ফেরে ফসল উঠিবার সময়, ফসল তুলিয়া জমিগুলি ভাগচাষে বিলি করিয়া আবার বাহির হয় নীল সংক্রান্তি অর্থাৎ চৈত্র সংক্রান্তির গাজন উৎসবের পর। গাজন ইহাদের বিশেষ উৎসব।

মেয়েটি বলিল—ও-পাড়ার বাঁড়ুজ্জ বাড়ীর দেবুকে জানিস ?

চোখ দুইটি বড় বড় করিয়া বাজীকরী বলিল—খোকাবাবু ?
কলকাতায় কলেজে পড়ে, টকটকে রঙ, শিবঠাকুরের মত ঢুলু ঢুলু চোখ,
—ললছা’পারা বাবুটি ?

—হ্যাঁ ।

—অ-মাগ ! আমি কুখা যাব গ ! মেয়েটা যেন হাসিয়া ভাঙিয়া পড়িল।—বুঝল ঠাকরণ, বাবুটিকে দেখতম আর ভাবতম ইয়ার গলায় মালা কে দিবে ? আর রমা দিদিকে দেখ্যা ভাবতাম ই লক্ষ্মী ঠাকরণটি কার গলায় মালা দিবে ?

গভীর একটা দীর্ঘনিশ্বাস ফেলিয়া মুখুজ্জ গিন্নী বলিলেন—থাম বাবু

ভুই, আদিখ্যোতা করিস নে। কপালে আমার আগুন লেগেছিল—তাই ওই ঘরে বয়ে আমি বিয়ে দিতে গিয়েছিলাম।

—কেনে মা? মেয়েটা চকিত হইয়া উঠিল। চারিদিকে সকলের মুখের দিকে সে একবার চাহিয়া দেখিল, সকলেরই মুখ গম্ভীর হইয়া উঠিয়াছে। রমা দাঁড়াইয়াছে দূরে, নতমুখে; না দেখিয়াও চতুরা বাজীকরী বুঝিয়া লইল—রমার চোখে জল ছলছল করিতেছে।

কতসন্ধানী মক্ষিকার মত মেয়েটা ব্যগ্রতায় চঞ্চল হইয়া উঠিল।

*

*

*

*

মুখুঞ্জেরা অবস্থাপন্ন লোক। গ্রামখানি বেশ বড়, গ্রামের চেয়ে ছোট সহর বলিলেই ঠিক হয়—ব্যবসা-বাণিজ্যের কল্যাণে দিন দিন বড় এবং সহরের শ্রীতেই সমৃদ্ধ হইয়া চলিয়াছে; অবস্থাপন্ন ব্যবসাদারও কয়েকজন আছে, তবু মুখুঞ্জেরা অবস্থাপন্ন বলিয়া খ্যাতি আছে। রমা পিতা মাতার একমাত্র সন্তান। শ্রীমতী মেয়ে বাপ-মায়ের আদরের ছালালী। মেয়েকে চোখের আড়াল করিতে পারিবেন না বলিয়াই গ্রামে বিবাহ দিয়াছেন। ঘর জামাইকেও মুখুঞ্জেরা কঠোর ঘৃণা করেন। ও-পাড়ার বাঁড়ুঞ্জেরা এককালে সম্ভ্রান্ত সঙ্গতিপন্ন ঘর ছিল—এখন শুধু সন্ন্যাস আছে, সঙ্গতি নাই। এই বাঁড়ুঞ্জেরদের দেবনাথ ছেলেটি বড় ভাল। সুরূপ সুন্দর ছেলে, বি এ পাশ করিয়া এম এ পড়িতেছে। এই ছেলেটির সঙ্গে মুখুঞ্জেরা রমার বিবাহ দিয়াছেন। ক্ষেতের কলা-মুলা হইতে রান্না-করা তরকারী পর্য্যন্ত যাহা নিজেদের ভাল লাগিবে—তাহাই মেয়ে জামাইকে পাঠাইয়া দিবেন, মেয়ে এক বেলা থাকিবে শ্বশুরবাড়ীতে এক বেলা থাকিবে বাপের বাড়ীতে এই ছিল তাঁহাদের কল্পনা।

যাছুকরী

বিবাহের পর কিন্তু বিরোধ বাড়িয়াছে এইখানেই। বনিয়াদী ঝাডুজেরা কলা-মুলা রান্না-করা তরকারী উপঢৌকনে অপমান বোধ করিয়াছেন। বধূর একবেলা এখানে—একবেলা ওখানে থাকাও তাঁহারা বরদাস্ত করিতে পারেন নাই। বাদ-প্রতিবাদই চলিতেছিল, অকস্মাৎ একদিন রমাই সেটাকে বিবাদে পরিণত করিয়া তুলিল। রোজ্জ অপরাহ্নে মুখুজ্জ বাড়ীর ঝি আসিয়া রমাকে লইয়া যাইত—দুধ এবং জল খাইবার জন্ত। সেদিন কিসের ছুটিতে দেবনাথ আসিয়াছিল বাড়ী। রমার শাণ্ডী আপত্তি তুলিয়া বলিয়াছিলেন—দেবু বাড়ী এসেছে আজ আর বোমা যাবে না।

পরক্ষণেই দীর্ঘদিনের সঞ্চিত বিরক্তি প্রকাশ করিয়া তিনি বলিলেন—আর রোজ্জ রোজ্জ কচি খুকীর মত দুধ খেতে যাওয়াই বা কেন? গরীব বলে কি দুধও খাওয়াতে পারিনে আমি বেটার বউকে! বলিস তুই, একটা পাড়া অন্তর রোজ্জ আমার বেটার বউ আমি পাঠাব না।

ঝিটা কিছুক্ষণ চুপ করিয়া থাকিয়া বলিয়াছিল—আজকের মত পাঠিয়ে দেন মা, মা আজ খাবার-দাবার করেছেন—

—না-না-না! রুচস্বরে রমার শাণ্ডী জবাব দিয়াছিলেন।

ঝি কিরিয়া গিয়াছিল। কিন্তু কিছুক্ষণ পর দেখা গিয়াছিল—বউ বাড়ীতে নাই। গ্রামের মেয়ে মা-বাপের আদরের ঢুলালী ততক্ষণে জনবিরল গলি পথে পথে মায়ের কাছে গিয়া হাজির হইয়াছিল।

আরও কিছুক্ষণ পর মুখুজ্জ বাড়ী হইতে এক প্রবীণা আত্মীয়া আসিয়াছিলেন দেবনাথের নিমন্ত্রণ লইয়া :—কই হে দেবুর মা! দেবুর

আজ নেমন্তন্ন ওবাড়ীতে। শ্বশুর পাঠা কেটেছে। শাস্ত্রী খাবার করেছে।

নিমন্তন্ন স্বীকার বা অস্বীকার কিছুই না করিয়া দেবুর মা জানাইয়াছিলেন কেবল ভদ্রতাসম্মত সম্ভাষণ—এস বস।

—বসব না ভাই। নেমন্তন্ন করতে এসেছিলাম। বউও তোমার ও-বাড়ীতে। থেয়ে দেয়ে বউ-বেটা তোমার ও-বাড়ীতেই আজ থাকবে; কাল সকালে আসবে।

বাড়ুজ্ঞে গিন্নীর মুখ আষাঢ়ের মেঘাচ্ছন্ন প্রভাতের মত ধমধমে হইয়া উঠিয়াছিল—কথার জবাব তিনি দেন নাই।

—তা হ'লে চললাম ভাই। সন্ধ্যাতেই পাঠিয়ে দিও দেবুকে—

—দেবুকেই কথাটা ব'লে যাও।

—সে কি?

—হ্যাঁ। ব্যাটার শ্বশুরবাড়ীর কথাতেও আমি নাই, বউয়ের কথাতেও আমি নাই।

দেবনাথ রাত্রে যায় নাই। সেও বধূর এই আচরণে ক্ষুব্ধ না হইয়া পারে নাই। শ্বশুর-শাস্ত্রীর এই প্রশ্রয়পূর্ণ ব্যবহারও তাহার ভাল লাগে নাই। তাহার উপর ক্ষুব্ধ মাকে উপেক্ষা করিয়া এই নিমন্তন্ন রক্ষার কোন উপায়ই ছিল না।

ঝগড়ার সূত্রপাত এইখানেই।

দেবনাথের মা বলিলেন—বধূর পিতামাতাকে কন্যাকে লইয়া অপরাধ স্বীকার করিয়া এ বাড়ীতে দিয়া যাইতে হইবে।

রমার মা বলিলেন—দেবনাথ নিজে আসিয়া রমার অভিমান ভাঙাইয়া

যাদুকরী

তাহাকে লইয়া যাইবে—তবে তিনি কন্যাকে পাঠাইবেন। উপেক্ষিতা রমা সেদিন নাকি কাঁদিয়াছিল। ধীরে ধীরে সেই বিবাদ কঠিন পরিণতির দিকে অগ্রসর হইয়া চলিয়াছে। দেবনাথ স্ত্রীকে চিঠিপত্র পর্য্যন্ত লেখে না। দেবনাথের মা আশ্বালন করেন—ছেলের তিনি বিবাহ দিবেন—ভাত্র আশ্বিন কার্তিক—এই অকাল কয়মাসের অপেক্ষা।

রমার মা ইহাতে ভয় পান না ; তিনি কন্যার জন্য দালান কোঠার প্র্যান করেন। ইদানীং তিনি খোরপোষ আদায়ের আর্জি পর্য্যন্ত মুসাবিদা করিতে শুরু করিয়াছেন।

ভরসা কেবল দুই পক্ষের পিতা।

মুখুঞ্জে কর্তা ব্যবসা-বাণিজ্যে মহাজনী লইয়া ব্যস্ত। বাঁড়ুঞ্জে কর্তা আজীবন মাষ্টারী করিয়াছেন—রিটার করিয়াও তিনি আজও পড়াশুনা লইয়া ব্যস্ত। ইতিহাসের মাষ্টার, ভাড়ামুঠি, পুরাণো পুঁপি সংগ্রহ করিয়া গ্রাম গ্রামান্তর ঘুরিয়া বেড়ান। দুই পক্ষের গিন্নী তারস্বরে চীংকার করিয়াও অপদার্থ মানুষ দুইটিকে সচেতন করিতে পারেন না বলিয়া মধ্যে মধ্যে কপালে করাঘাত করেন।

বাজীকরী খিল খিল করিয়া হাসিয়া সারা হইল।

মুখুঞ্জে গিন্নীর প্রতিবেশিনীর বাড়ীতে বসিয়া কথা হইতেছিল। প্রতিবেশিনী বিরক্ত হইয়া বলিল—মর, এতে আবার হাসি কিসের ?

—হাসি নাই ? ছাগলের লড়াই দেখেছ ঠাকরণ ? বলিয়া আবার খিল খিল করিয়া হাসি !

—হাসি তামাসা পরের কথা রাখ ; এখন আমি যা বললাম তার কি বল !

বাদ্যকরী

তাহার দিকে চাহিয়া বাদ্যকরী বলিল—তুমার হাতে যোগবশের
ওষুদ খাটবে নাই ঠাকরণ !

মেয়েটি বশীকরণের ঔষধ চায়। সবিস্ময়ে সে বলিল—খাটবে না ?
কেন ?

—রাগ কর নাই। তুমি বড় ময়লা থাক ঠাকরণ। আমার ওষুদ
লিতে হলে তুমাকে পরিকার হতে হবে কিন্তুক।

—আমি তো রোজ চান করি—

স্নান করা লয় ঠাকরণ ; পরিকারের অনেক করণ আছে। তোমাকে
কাপড় পরতে হবে, কেশ বিন্যাস করতে হবে, ঢলকো করে চুল বাঁধবা,
কপালে সিঁহুরের টিপ পরবা ! গায়ে গন্ধ লিবা। আলতা পরবা।
খোঁপাতে ফুল পরবা, সেই ফুল কর্তার হাতে দিবা। দেখ পারতো এলাচ
আন আমি মস্তুর দিয়া পড়ে দি।

স্থির দৃষ্টিতে বাদ্যকরীর দিকে চাহিয়া থাকিয়া মেয়েটি বলিল—
পারব।

—তবে আন, এলাচ আন, ছোট এলাচ দারচিনি, বড় এলাচ ; মস্তুর
পড়ে দিব, তাই দিয়া মোটা খিলি ক'রে পান সাজবা, নিজে খাবা ;
খেয়ে কর্তাকে দিবা। কিন্তুক যা বললাম—তা না করলে খাটবে নাই
ওষুদ। তখন যেন আমাকে গাল দিয়ে না। আর পাঁচটি পয়সা লাগবে,
পাঁচ পাই চাল লাগবে, পাঁচটি সুপারী সিঁহুর—আর পুরাণো কাপড়
একখানি। লিয়ে এস।

*

*

*

*

বাদ্যকরী চসিয়াছে বাজারের পথে।

যাদুকরী

একটা দোকানের সম্মুখে লোকের ভিড় জমিয়াছে, বাজীকর পুরুষ বাজী দেখাইতেছে।

—লাগ—লাগ—লাগ—লাগ। ভেঙ্কী লাগ! লাগ বললে লাগবি, ছাড় বললে ছাড়বি। ভাটরাজার দোহাই দিয়ে ডুববি বেটা টুপ টুপিয়ে—! বাহারে বেটা—বাহারে!—

একটা বাটার জলে একটা কার্ঠের হাঁস—ক্রমাগত ডুবিতেছিল, আর উঠিতেছিল।

— হাঁ—হাঁ বেটা, আর ডুবিস না, সদ্দি লাগবে, জ্বর হবে!

হাঁসটা ডোবা বন্ধ করিল।

এইবার আমার কার্ঠের হাঁস—শুন আমার কথা, ক্ষিধায় জ্বলছে পেট, ঘুরা পরছে মাথা। প্যাক প্যাকিয়ে ডাক ছেড়্যা, দে দেখি একটা ডিম পেড়্যা; আশুন জেল্যা পুড়ায়ে খাই।

একটা ঝুড়ির ভিতর কার্ঠের হাঁসটাকে চাপা দিয়া বাজীকর বোল আওড়াইয়া একটা হাড় ঝুড়িটাতে ঠেকাইয়া দিল।—ভাটরাজার দোহাই দিয়ে, ওঠ বেটা প্যাক পেকিয়ে—! দোহাই ভাটরাজার দোহাই! সঙ্গে সঙ্গে ঝুড়িটা উঠাইতেই দেখা গেল কার্ঠের হাঁস জীবন্ত হইয়া উঠিয়াছে ঠোঁট দিয়া সে পালক খুঁটিতেছে, পাশে একটা ডিম।

দর্শকের দল আনন্দে বিস্ময়ে হৈ হৈ করিয়া উঠিল। ছোট ছেলের দলে হাততালি আর থামে না! বাজীকরী মুহূ হাসিতে হাসিতে তাহাকে অতিক্রম করিয়া চলিল।

—এই বাজকরুণী! এই! থানার বারান্দায় বসিয়াছিল কয়েক জন

যাছুকরী

পুলিশ কর্মচারী। তিনজন ভদ্রলোক চেয়ারে বসিয়াছিল। জনকষেক বসিয়াছিল বারান্দায়। একজন ডাকিল—এই বাজকরুণী ! এই !

বাজীকরী আসিয়া কাঁথালের ঝুড়িটি নামাইয়া ভূমিষ্ঠ হইয়া প্রণাম করিল।—পেণাম দারোগাবাবু !

—তোর নাচ দেখা দেখি ! এই বাবু তোদের নাচ দেখেন নাই , দেখবেন।

বাজীকরী দেখিল, তাহার চেনা বড়দারোগা ও ছোটদারোগার পাশে নূতন একটি বাবু। চতুরা বাজীকরীর ভুল হইল না, সে মুহূর্তে চিনিল, এও এক দারোগাবাবু। গোঁকের এমন জাঁকালো ভঙ্গি, কপালে এমন গোল দাগ, গায়ে এমন হাতকাটা খাঁকীর জামা দারোগা ছাড়া কাহারও হয় না।

বড়দারোগাকে প্রণাম করিয়া সে বলিল—আপুনি ই-খান থেক্যা চল্যা যাবেন বাবু ?

—হঠাৎ আমাকে বিদেয় করবার জন্যে তোরা এত গরজ কেন ?

—আজ্ঞে, লতুন দারোগাবাবু এলেন—তাথেই বলছি !

উনি এখানে কাজে এসেছেন।

—কাজে ?

—হ্যাঁ, তোকে ধরে নিয়ে যাবেন। পরোয়ানা আছে তোরা নামে ;

—আমার নামে ? মেয়েটি খিল খিল করিয়া হাসিয়া উঠিল।

—হাসছিস যে ! তুই হারামজাদীরা পাকা চোর।

হাসিতে হাসিতে বাজীকরী বলিল—আজ্ঞে হ্যাঁ। কিন্তু ধর্যা কি করবেন হুজুর, মন চুরির বামাল যে সনাক্ত হয় না !

যাছুকরী

নূতন দারোগাবাবুট চোখ কপালে তুলিয়া বলিল—ওরে বাপরে !

বাজীকরী দুই হাত তুড়ি দিয়া আরম্ভ করিল—

উর-র জাগ জাগ জাঘিন ঘিনা জারঘিনি না—

সরু কাপড় নক্সিপেড়ে—মাকড়ী চুড়ি গয়না—

গোট পাটা সাপ কাঁটায় পুঁজিপাটা রয়না—

বিদায় হইয়া বাজীকরী চলিয়া যাইতেছিল। কিন্তু বারান্দায় উপবিষ্ট কনেষ্টবল দলের জনহুয়েক উঠিয়া গিয়া থানার বড় বটগাছটার আড়াল হইতে তাহাকে ডাকিল।

হাসিয়া বাজীকরী বলিল—বল, কি বলছ !

—আমাদের আলাদা করে নাচ দেখাতে হবে।

—দেখাব।

—ল্যাংটা হয়ে নাচতে হবে ! এরা এসেছে ভরতপুর থেকে দেখবে।

মুখের দিকে চাহিয়া বাজীকরী বলিল—একটি টাকা লিব কিস্তক।

—আমি দেব।

—তুমি ভরতপুরের সিপাই ?

—হ্যাঁ।

চোখ দুইটা বড় বড় করিয়া বাজীকরী বলিল—কিসের লেগে এলে তুমরা ?

—কাজ আছে, পুলিশের কাজ।

ফিক্ করিয়া হাসিয়া মেয়েটা এবার বলিল—কার মাথা খেতে এসেছ আর কি।

কনেষ্টবলটিও হাসিল।

যাদুকরী

বাজীকরী তাহার গা-ঘেসিয়া চলিতে চলিতে মৃদুস্বরে বলিল—মানুষটা কে বঁধু ?

কনেষ্টবলটা তাহার মুখের দিকে চাহিল ;—মন্দিরদৃষ্টিতে বাজীকরী তাহারই দিকে চাহিয়াছিল, ঠোঁটের রেখায় রেখায় মাথানো লাস্তভরা হাসি ।

মেয়েটা সত্যই নাচে সমস্ত আবরণ পরিত্যাগ করিয়া । এতটুকু সঙ্কোচ নাই, কুণ্ঠা নাই, যৌবন-লীলায়িত অনাবৃত তনুদেহ, চোখে অদ্ভুত দৃষ্টি । সকলের কলুষ দৃষ্টি তাহার দিকে নিবন্ধ থাকিলেও তাহার দৃষ্টি কাহারও দিকে নিবন্ধ ছিল না । কণ্ঠে মৃদুস্বরে সঙ্গীত—

হায়রে মরি গলায় দড়ি

তুমি হরি লাজ দিবা,

হায়রে মরি গলায় দড়ি

তুমি হরি লাজ দিবা,

তুমার লাজেই আমি মরি

লইলে আমার লাজ কিবা

কুল ত্যজিলাম মন সঁপিলাম

কলঙ্কেরই কাজল নিলাম—

হায়রে মরি বস্ত্র নিয়া

তুমি আমায় লাজ দিবা !

উর-র জাগ জাগ জাগিন ঘিনা—;

আগন্তুক কনেষ্টবলটি একটা টাকাই দিল । খানিকটা পথও তাহাকে আগাইয়া দিল । মেয়েটি বলিল—এইবার এস লাগর, আর লয় ।

যাছুকরী

হাসিয়া সিপাহী বলিল—আচ্ছা !

—তুমি কিন্তুক লোক ভাল নয়।

—কেন ?

—বল না কথাটা ! মেয়েটি ফিক করিয়া হাসিল।

* * * *

আশ্বিনের প্রথম নির্ঘেষ-নির্মল নীল আকাশে মধ্যাহ্ন ভাস্কর, ভাস্করতম দীপ্তিতে জ্বলিতেছে। বৈশাখের প্রথরতর বটে কিন্তু এমন উজ্জ্বল নয়। বিগত বর্ষার বর্ষণসিক্ত মাটি হইতে সূর্য্যের উত্তাপে যেন বাষ্পোত্তাপ উঠিতেছে। ঘামে ভিজিয়া মানুষ সারা হইয়া গেল।

বাজীকরের দল এখনও ঘুরিয়া বেড়াইতেছে। গৃহস্থের বাড়ীতে তাহার আহারের ব্যবস্থা করিয়া রাখিয়াছে। এইবার সেইখানে গিয়া পাতা পাড়িয়া বাসবে। ঝাড়ুজ্ঞে বাড়ীতে সেই বাজীকরী আসিয়া চাপিয়া বলিল।

—পেসাদ হ'ল মা ঠাকরণ। বাবুদের সেবা হ'ল ? পড়ল পাতার এঁটোকাটা ?

ঝাড়ুজ্ঞ গিন্নী বলিলেন—বস, বস্ চেষ্টাস নে।

হেলে দেবনাথ পান মুখে দিয়া বাহির হইয়া যাইতেছিল, সে বাহির দরজার ওপাশ হইতে মেয়েটাকে ডাকিল—শোন !

কাছে আসিয়া ঠুক করিয়া একটি প্রণাম করিয়া মেয়েটা ফিক করিয়া হাসিল, বলিল—আপনকার ভিতরটা পাথরে গড়া !

তু কুঞ্চিত করিয়া দেবনাথ বলিল—বলেছিস মাকে ?

যাদুকরী

চোখ দুইটা বড় বড় করিয়া মেয়েটা বলিল—মিছা বলেছি তো বেটাবেটার মাথা খাব বাবু !

—তুই দেখেছিস ?

—নিজের চোখে গো ! বাপ কাঁদছে, মা কাঁদছে, মেয়ের সেই পণ !

কথাবার্তায় বাধা পড়িল। ভিতর হইতে গিন্নী ডাকিলেন—হালা বাজকরুণী গেলি কোথায় ?

দেবনাথ তাড়াতাড়ি চলিয়া গেল—দেখ মা ডাকছেন।

গিন্নী বলিলেন—ওই শোন ওর কাছে।

বাঁড়ুজ্জ্ব কৰ্ত্তা মেয়েটার দিকে চাহিয়া বলিলেন—বাজীকর তোরা ?

—আজ্ঞা হ্যাঁ বাবু ; আপনকাদের চরণের ধূল।

—হঁ ! সাপ আছে ? বাজী দেখাতে পারিস ? গান গাইতে পারিস ? মস্তুরতন্তুর ওবুদপত্র জানিস ?

—আজ্ঞা হ্যাঁ হুজুর।

—ভাটরাজকে জানিস ? ভাটরাজা ?

বারবার প্রণাম করিয়া মেয়েটা বলিল—ওরে বাপ্পরে ! দেবতা আমাদের ! ভগবান আমাদের ! এখনও জমি খাই। দোহাই দিয়ে বাজী দেখাই !

মুহু হাসিয়া কৰ্ত্তা বলিলেন—ভাটরাজ নয়। তাঁর নাম হ'ল ভবদেব ভট্ট। আর তোদের গ্রামের নাম কি জানিস ? সীথল গাঁ—নয় সিদ্ধল, সিদ্ধল !

গিন্নী রাগিয়া একেবারে আগুন হইয়া উঠিয়াছিলেন, বলিলেন—

যাছুকরী

বলি ই্যাগা! ঐ সব জিজ্ঞেস করতে তোমায় ডাকলাম বুঝি? বত বাজে—

—বাজে নয়। রাঢ়দেশে সিদ্ধলে ভবদেব ভট্ট মহাপ্রতাপশালী রাজা ছিলেন—তিনি—

—এই দেখ, এইবারে আমি মাথা খুঁড়ে মরব?

কর্তা একেবারে হতভম্ব হইয়া গেলেন।

মেয়েটারও বিশ্বয়ের সীমা ছিল না; সীথল গ্রামের নাম 'সিদ্ধল', ভাটরাজার নাম ভবদেব ভট্ট! সে বলিল—কর্তাবাবু—আপনি এত কি কর্যা জানলা গো?

গিন্নী বলিলেন—বউমায়ের কথা জিজ্ঞেস কর ওকে। ও নিজে চোখে দেখেছে!

—জিজ্ঞেস আর কি করব! আজই ব্যবস্থা করছি আমি। কর্তা চলিয়া গেলেন পড়ার ঘরে; সিদ্ধলে ভবদেব ভট্টের ইতিহাসটা আজও তাঁহার অসমাপ্ত হইয়া পড়িয়া আছে। আজ এই বাজীকরীকে দেখিয়া মনে পড়িয়া গিয়াছে।

* * *

অপরাজ্জ্বল শেখভাগ।

বাজীকরের দল গ্রাম ছাড়িয়া আপন গ্রাম সীথল গ্রামের দিকে চলিয়াছে। গ্রামের প্রান্তে আসিয়া সেই বাজীকরটা ধমকিয়া দাঁড়াইল।

—তুরা চল গো। সবরাজপুরের হোথা দাঁড়াস খানিক। আমি এলাম বল্যে।

দলের কেহ কোন প্রস্তাব করিল না, বলিল—আচ্ছা।

যাছুকরী

—হ্যা, ও নটবর, তুর বাজীর ঝোলা আর ঢোলকটা দিবি ?

নটবর মুখের দিকে চাহিয়া বলিল—তু বড় বাড়াবাড়ি করছিস কিস্তক। মেয়েটা উত্তরে কেবল হাসিল। নটবর মুখে ও' কথা বলিয়াও ঝুলি ও ঢোলক দিতে আপত্তি করিল না। কাঁথালের ঝুড়িতে কাপড় চাপা দিয়া বেশ করিয়া ঢাকিয়া লইয়া মেয়েটা দ্রুতপদে গ্রামের দিকে চলিয়া গেল। আসিয়া উঠিল ডোমপাড়ায়।

ডোমপল্লী—এ অঞ্চলের বিখ্যাত চোর-ডাকাতের পল্লী। পল্লীর প্রত্যেক মানুষটির রক্তের বিন্দুতে বিন্দুতে অসংখ্য কোটি চৌর্য্যপ্রবণতার বীজাণু যেন কিলবিল করে।

—গান শোনবা গো। গান! নাচন দেখ। নাচন! মেয়েটা শশী ডোমের বাড়ী আসিয়া ঢুকিল। কাহারও সম্মতির অপেক্ষা করিল না, গান আরম্ভ করিয়া দিল। গান গাহিতে গাহিতে চকিত তীক্ষ্ণ দৃষ্টিতে সে চাহিয়া দেখিল। সহসা নজরে পড়িল কোঠার জানলায় একখানি মুখ। বাইশ-চব্বিশ বৎসরের জোয়ানের মুখ। মুখখানা তাহার ভাল লাগিল। গান শেষ করিয়া সে শশীকে ডাকিল—শোন।

—কি ?

—উপরে মানুষটি কে ?

শশী ক্রোধে ভীষণ হইয়া উঠিল।

হাসিয়া মেয়েটি বলিল—রাগ করছ কেনে, ভাল বলছি। তুমার জামাই, হামি জানি।

শশী স্তম্ভিতের মত মেয়েটির দিকে চাহিয়া রহিল।

যাছুকরী

মেয়েটি বলিল—ভরতপুর থেকে দারোগা এসেছে সিপাই এসেছে।
কাল সকালে তুমার ঘর খানাতলাস হবে, উয়ার নামে পরোয়ানা আছে।

শশী এবার শুকাইয়া গেল।

—তুমার ছয়ারে সারাদিন নোক মোতায়েন আছে। সাজের পরে
ঘর ঘেরাও করবে।

দীর্ঘনিশ্বাস ফেলিয়া শশী বলিল, জানি।

এক কাজ কর। এই ঢোলক দাও, এই ঝুলি দাও উয়ার কাঁধে।
মাথায় মুখে গামছাটা বেঁধা দাও ফেটা ক'রে। আমার সাথে সাপ
আছে। আমি ধরি মুখটা—উ ধরুক লেজটা। তুমরা চোঁচাও সাপ সাপ
বল্যা। আমি উয়াকে নিয়ে চল্যা যাই, পুলিশের নোক বুঝতে লারবে,
ভাববে আমরা বাজকর।

মেয়েটা হাসিতে আরম্ভ করিল, সে যেন আকণ্ঠ মদ খাইয়া নেশায়
বিভোর হইয়া পড়িয়াছে।

বাজীকরী চলিয়াছে, সঙ্গে তাহার নকল বাজীকর। দ্রুতপদে পথ
অতিক্রম করিয়া গ্রাম পার হইয়া চলিতেছে। দক্ষিণপাড়া ভদ্রলোকের
পল্লী, পল্লীপথে একখানা পাক্কী আসিতেছে। সঙ্গে দুইজন লোকের
মাথায় বাস্ক ও কুটুমবাড়ার তত্ত্বতলাসের জিনিষপত্র।

পাক্কীটা আসিয়া থামিল বাঁডুজ্জে বাড়ীতে। পাক্কী হইতে নামিল
বাঁডুজ্জে বাড়ীর বধু—মুখুজ্জে বাড়ীর মেয়ে রমা। বাঁডুজ্জে গিন্নী আজই
দেবনাথকে পাক্কী সঙ্গে দিয়া পাঠাইয়াছিলেন, তাঁহার বধু আজই সন্ধ্যার
পূর্বে মহেন্দ্রযোগে পাঠাইয়া দিতে হইবে। মুখুজ্জে কর্তার অমত কোনও
কালেই ছিল না। মুখুজ্জে গিন্নীও আর অমত করেন নাই। তাঁহার

প্রতিজ্ঞা ছিল—দেবনাথ নিজে আসিয়া কন্যার অভিমান ভাঙাইয়া লইয়া যাইবে তবে পাঠাইবেন। দেবনাথ নিজে লইতে আসিয়াছে, কন্যার অভিমান নাই, স্তুতরাং সঙ্গে সঙ্গেই তিনি সম্মত হইয়া পাঠাইয়া দিলেন। জামাইয়ের হাত ধরিয়া চোখের জলও ফেলিয়াছেন। কাল তিনি বেয়ানের কাছেও আসিবেন। বাপরে, তিনি জামাইয়ের মা, তাহার উপর তিনি গাহিতে পারেন? মেয়ে পাঠাইয়া তিনি কর্তার কাছে চলিলেন—মেয়ে-জামাইয়ের পূজার ফদ লইয়া।

মুখুজে গিন্নী কর্তার ঘরে ঢুকিয়া লজ্জায় গালে হাত দিলেন। তাঁহার প্রতিবেশীর ঘরের খোলা জানালা দিয়া যাহা তিনি দেখিলেন, তাহাতে তাঁহার লজ্জার অবধি রহিল না। প্রতিবেশিনী মেয়েট তো খুকী নয়, সে আজ রঙীন শাড়ী পরিয়াছে, ব্লাউস পরিয়াছে, কেশবিন্যাসের কি পারিপাট্য, খোঁপায় ফুল। স্বামীর সহিত যাহার দিনরাত ঝগড়া হইত—সে হাসিয়া স্বামীর হাতে পান দিতেছে। স্বামীও হাসিতেছে।

রমা পাক্কী হইতে নামিয়া শাশুড়ীকে প্রণাম করিয়া নীরবে অপরাধিনীর মত দাঁড়াইল।

শাশুড়ী সেইকু অহুভব করিয়া সম্মুখে বধূর মাথায় সিঁহর দিয়া আশীর্বাদ করিয়া বলিলেন—ছি মা, কি সর্বনাশ বল দেখি!

রমার চোখ হইতে টপ্ টপ্ করিয়া জল ঝরিয়া পড়িল। গিন্নী বলিলেন—যাও, আপনার ঘর দেখে শুনে নাও গে। আমি বুড়োমানুষ পারব কেন—তবু যা পেরেছি শুছিয়ে রেখেছি।

গিন্নী কর্তার ঘরের দিকে গেলেন। কর্তা ঘাড় গুঁজিয়া লিখিতে-ছিলেন।

যাছুকরী

—দেখ, কথাটা সত্যি।

হঁ।

আকিং যদি না খেতে চাইবে তবে বোমা কাঁদল কেন? বাজকরুণী ভাগ্যে দেখেছিল! ছুড়িটা এইদিন এলে একথানা কাপড় দেব।

‘কর্তা মুখ তুলিয়া বিজ্ঞের মত খানিকটা হাসিয়া বলিলেন, ওদের খবর মিথ্যা হয় না গিন্নী! ওরা কারা জান! আবার খানিকটা হাসিয়া বলিলেন, ওরা নিজেরা অবশ্য জানে না; বাংলা দেশেই বা ক’জনে জানে! শোন;—

রাঢ়ের সিদ্ধলরাজ ভবদেব ভট্ট—গুপ্তচরের এক অতি নিপুণ সম্প্রদায় সৃষ্টি করিয়াছিলেন। নটী ও রূপোপজীবিনীদের সম্ভান সম্ভতি লইয়া গঠিত হইয়াছিল এই সম্প্রদায়। নারী এবং পুরুষ উভয় শ্রেণীই গুপ্তচরের কাজ করিত। ইহাদিগকে ভোজ বিজ্ঞা, সর্প বিজ্ঞা, মন্ত্র তন্ত্র, অবধৌতিক চিকিৎসা শিক্ষা দেওয়া হইত, নারীরা নৃত্যগীতে নিপুণ ছিল। এই সম্প্রদায় যাযাবরের মত ভিক্ষাবৃত্তি অবলম্বন করিয়া দেশে দেশান্তরে সংবাদ সংগ্রহ করিয়া আনিত। তৎকালীন অগ্রান্ত রাজারাও এই দৃষ্টান্তে—

গিন্নী চলিয়া যাইতেছিলেন, কর্তা বলিলেন শেষটা শোন—;

গিন্নী পিচ্-কাটিয়া বলিলেন, ওসব শুনবার আমার এখন সময় নেই। যত সব উদ্ভট কথা!

* * * *

গ্রামের প্রান্তে নকল বাজীকরকে বিদায় দিয়া বাজীকর বলিল—
চললাম লাগর! এইবার চলা যাও সোজা!

যাছুকরী

জ্ঞতপক্ষে বাজীকরী সবরাজপুরের দিকে চলিল।

এত বড় ডোম জোয়ানটি বারবার কথা বলিতে চাহিয়াও পারিল না।
বহু কষ্টে অবশেষে তাহার কথা ফুটিল—সে ডাকিল শোন!

কেহ উত্তর দিল না। রাজ্রির অন্ধকারে অভ্যস্ত চোখে ডোম ছেলেটি
দৃষ্টি হানিয়া তাকাইল—কিন্তু দেখিতে পাইল না। বাজীকরী যেন
মিলাইয়া গিয়াছে।

শ্রীনাথ ডাক্তার

ক্লাবে ‘প্রফুল্ল’ অভিনয় হইবে তাহারই মহলা চলিতেছিল। আমার যাইতে একটু দেরী হইয়াছিল। একটু লজ্জিত ভাবে আসরে বসিলাম। ওপাশ হইতে প্রেসিডেন্ট পবিত্রবাবু ডাকিয়া বলিলেন, ইনি তোমার সঙ্গে আলাপ করতে চাইছিলেন।

তাঁহার অঙ্গুলিনির্দিষ্ট ব্যক্তিটির দিকে চাহিয়া দেখিলাম, প্রোট ভদ্রলোক একজন। লম্বাচওড়া, সুস্থ, সবল দেহ। প্রৌঢ় বোঝা যায় শুধু চুলের শুভ্রতায় আর দৃষ্টিহীনতায়। মাথার চারিপাশের চুল পাক ধরিয়াছে, কিন্তু সামনের চুলগুলি বেশ কালো, সমুদ্রবিশুদ্ধ। সমুদ্রের গুটি দুই তিন দাঁত নাই, তাহার পরেই দুটি দাঁত বেশ বড় বড়, ঠোঁটের উপর চাপিয়া আছে। কাঁচাপাকা বেশ বড় গৌরব এক জোড়া, দুই প্রান্ত তাহার পাকাইয়া উঠিয়াছে। দুইটি আয়ত প্রদীপ্ত চোখ। দৃষ্টি দেখিয়া মনে হয় লোকটি সাহসী, হয়ত বা কিছু উগ্র।

ভদ্রলোক নমস্কার করিয়া বলিলেন, আপনার বইখানা পড়ছিলাম। প্রতি-নমস্কার করিয়া আমি একটু হাসিলাম। পবিত্রবাবু তাঁহার পরিচয় আমাকে দিলেন, উনি শ্রীনাথ বন্দ্যোপাধ্যায়, হোমিওপ্যাথিক ডাক্তার।

শ্রীনাথ ডাক্তার

এখানে প্রাক্টিস করবেন বলে এসেছেন। আমার ওখানেই এখন রয়েছেন।

বলিলাম, বেশ বেশ। ভাল হল আমাদের এখানে আমাদের হোমিওপ্যাথিক ডাক্তারের অভাব খুব।

ভদ্রলোক হাসিয়া বলিলেন, আমারও অভাব খুব সামান্যই স্তর। পেটের ভাত আর পরবার কাপড়, অন্ন এবং বস্ত্র। মাসে কুড়ি পঁচিশটে টাকা।

জিজ্ঞাসা করিলাম, আপনার নিবাস ?

শ্রীনাথ বাবু হাসিয়া বলিলেন, জন্মস্থান নদে জেলা। কিন্তু বাস করবার কোথাও অবকাশ পাইনি। ঘুরতে ঘুরতেই জীবন কাটছে। দেখি শেষ কটা দিন যদি আপনাদের এখানেই কেটে যায়। সেই খোঁজেই বেঁচেছিলাম, পথে কাল পবিত্রবাবুর সঙ্গে আলাপ। চলে এলাম ওঁর সঙ্গে।

...কান মলে দেব এয়ার ছোকরা।...চাঁচা গলায় 'জগমণি'র চীৎকারে চমকাইয়া উঠিলাম।

ডাক্তার বলিলেন, ও বাবা !

আমি হাসিয়া বলিলাম, ও পার্টটা ও করে ভাল। ডাক্তারের দৃষ্টি আমার দিকে ছিল না, 'জগমণি'র ভাবভঙ্গী দেখিয়া পূর্ণ ভাবে মুগ্ধ খুলিয়া হাসিতেছিলেন।

আমি জিজ্ঞাসা করিলাম, আপনি মেয়েছেলে আনবেন ত ?

ডাক্তার জলের মত স্বচ্ছন্দ গতিতে উত্তর দিলেন, ভাগ্যবান পুরুষ

যাছুকরী

স্তর, স্ত্রী মরে গেছে। ঘোড়া কখনও ছিল না, কাজেই হুর্ভাগ্য কাছ ঘেসতেই পারলে না।

—ছেলেমেয়ে ?

—ওয়ান মাইনাস ওয়ান। একটা হয়েছিল, তিন দিনের দিন আতুড়েই গেছে। জীবনে এক বোতল হরলিকস্ কিনেছি মোটে।—
হা-হা করিয়া তিনি হাসিয়া উঠিলেন।

‘জগমণি’ চাঁৎকার করিয়া উঠিল, চোপ, ইষ্টুপিট !

ডাক্তারের হাসিতে টিনের ঢাল যেন ফাটিয়া পড়িল।

—বড় গোল হচ্ছে মশাই।

গলা মোটা করিয়া কে উইংসের ফাঁক হইতে চাঁৎকার করিয়া উঠিল। বক্তাকে দেখা গেল না—অন্ধকারে শুধু জলন্ত বিড়ি একটা জোনাকীর মত টিপ-টিপ করিতেছিল। ডাক্তার হাস্ত সম্বরণ করিয়া গভীর হইয়া বলিলেন, আপনাকে যা বলছিলাম। আপনার বইখানার কথা। শোকে এমন অভিভূত হওয়া মানে তার একটি স্থায়িত্ব স্বীকার করে নেওয়া, আমার মতে এ অবাস্তব। দুদিন না হয় চারদিন, তারপর, আবার কি ? মন হাঁপায় হাসবার জন্যে, কিন্তু চক্ষুদৃষ্টিয় বিমর্ষ হয়ে থাকতে হয় দায়ে পড়ে ; আমি ত অনুভবই করলাম না মশায়।

আমার চোখে দেখা ছবি, কিন্তু সে লইয়া তর্ক করিতে আমার প্রবৃত্তি হইল না। নবপরিচিত বলিয়াও বটে আর লেখক বলিয়া যে মর্যাদাবোধ বা অহঙ্কার তাহাতেও বাধিল। আমি চুপ করিয়া রহিলাম।

ডাক্তার কিন্তু অদ্ভুত লোক, ছাড়িবার পাত্র নয়। আমাকে দুর্বল ভাবিয়া জোর করিয়া ধরিলেন, আমায় বুঝিয়ে দিতে হবে আপনাকে।

শ্রীনাথ ডাক্তার

ঠিক এই সময় একটা গোলমাল উঠিয়া আমাকে ত্রাণ করিল। যে লোকটি পাহারাওয়াল সাঙ্গে সে ঝাঁকিয়া বসিয়াছে।

—ও পাট আমি করব না মশায়। চর, না হয় দূত, গতবার আবার দিলেন অল্প-চর। এবার আবার পাহারাওয়াল—এ মশায় আমি করব না।

লোকটাকে পাহারাওয়ালার পাটও দেওয়া চলে না। সরল সূতা তাড়াতাড়িতে যেমন জট পাকাইয়া বসে—তেমনি কথা কহিবার ক্ষততা হেতু লোকটার কথার মালায় জট পাকাইয়া যায়। এ যুক্তি সে বুঝিবে না। বলে—ক্যানে মশাই এঙন কতা কি থাকে নান্ না কি?

কে বলিল, বেশ তুমি যোগেশের পাট কর।

ওদিক হইতে কে ভ্যাঙাইয়া উঠিল, এঙন কতা কি থাকে নান্ না-কি?

লোকটা আর কোন কথা কহিল না। ধীরে ধীরে উঠিয়া চলিয়া গেল। আরও দুই একবার এমনি করিয়া সে চলিয়া গেছে। আমাদের জ্ঞান ছিল যে, ও এবার আর ফিরিবে না। আগামী বারে অবশ্য ডাকিতে হইবে না। মহলা বসিবার দিন হইতেই নিয়মিত আসিবে। কিন্তু এবার ও হিমালয়। পাহারাওয়াল খুঁজিয়া আর পাওয়া যায় না। কে বলিল, বাবুদের চাপরাশী ধরে নামিয়ে দেব।

কিন্তু কথা আছে যে। সকলকে দ্বিজ্ঞাসা করা হইল—তুমি—তুমি—তুমি?

সকলেরই পাট আছে। যাহার নাই—সে বলিল, আমি ত থাকবই না সে দিন, নইলে—

যাছুকরী

—আমাকে দিয়ে চলবে মশাই ?

লম্বা-চওড়া ডাক্তারবাবু উঠিয়া দর্জির দোকানে মাপ দিবার ভঙ্গীতে দাঁড়াইলেন। খাড়া সোজা মানুষ, চুল ও দাঁত ছাড়া অবয়বের কোনখানে প্রৌঢ়ত্বের অবসন্নতা একবিন্দু নাই। দেখিয়া আনন্দ হইল।

কে, বলিয়া উঠিল, দি ম্যান কর দি পাট। ভগবান যেন পাহারা-ওয়ালা সাজতেই শুঁকে গড়েছিলেন।

অল্পবয়স্কের দল হাসিয়া উঠিল। আমরা কয়েকজন খুব লজ্জিত হইয়া পড়িলাম। একটা ধমক দিয়া পবিত্রবাবু কি বলিতে গেলেন—কিন্তু ডাক্তার তাহার পূর্বেই নিখুঁত একটি মিলিটারী অভিবাদন করিয়া বলিয়া উঠিলেন, খ্যাক ইউ শ্র, বলুন বলুন, কি বলতে হবে বলুন। আমি কিন্তু মশাই থিয়েটার কখনও করিনি।

প্রম্পটার ওদিক হইতে বলিল, সেলাম হুজুর।

ডাক্তার আবার মিলিটারী কায়দায় সেলাম করিয়া বলিলেন, সেলাম হুজুর।

কে বলিল, উহ, হল না। সেলাম কি এমনি না কি ?

গম্ভীর ভাবে ডাক্তার বলিলেন, পুলিশ সেমি-মিলিটারী।

বক্তা রামসুন্দর পান-বিড়ির দোকান লইয়া মেলায় মেলায় ঘুরিয়া বেড়ায়। তাহার দোকানে কনেষ্টবলেরা প্রায়ই পান খায়। তাহা ছাড়া, ঐতিহাসিক নাটকে প্রায়ই সে গ্রহরী সাজে। সে এ কথা মানিল না। বলিল, তা মিলিটারী সেলাম কি ওই রকম নাকি ?

ডাক্তার বলিলেন, ‘আর্মি’তে তিন বছর ছিলাম মশাই। মিলিটারী স্ট্রালিউট কি, তা শিখতে তিন বছর সময় কি যথেষ্ট নয় ?

শ্রীনাথ ডাক্তার

বুঝিলাম ডাক্তার চট্টয়াছেন। রামসুন্দরকে আর কষ্ট করিয়া কাহাকেও নিরস্ত করিতে হইল না। ‘আর্মি’র উল্লেখই সে ঘায়েল হইয়া পড়িয়াছিল। নিজেই সে চূপ করিল, বলিল, কে জানে মশাই। যা ভাল হয় করুন।

মানুষটিকে লইয়া আমার কোতুহলের সীমা রহিল না !

*

*

সময়টা শীতের প্রারম্ভ। মাঠে ধান কাটা হইতেছে। পরদিন গিয়াছিলাম ধান কাটার তদারকে। ফিরিতে প্রায় এগারটা হইয়া গেল।

—সুরেশ বাবু, সুরেশ বাবু !

অপরিচিত উচ্চ কণ্ঠে কে ডাকিতেছিল। ঘুরিয়া দাঁড়াইলাম, দেখিলাম মাঠ ভাঙিয়া দ্রুতপদে আসিতেছেন কল্যাকার সেই ডাক্তার। বিস্মিত হইয়া প্রশ্ন করিলাম, এমন সময় আপনি ?

ডাক্তার হাসিয়া বলিলেন, তিনটের সময় ওঠা আমার অভ্যাস। উঠে দেখি, পবিত্র বাবুর বাড়ী স্বপ্নবিত্তের। কি করব, বেরিয়ে পড়লাম। আপনাদের দেশটা দেখে এই ফিরছি।

জিজ্ঞাসা করিলাম, কেমন লাগল ?

—মাটি দেখলাম। দেশ দেখতে পেলাম না। তবে কল্পনা করছি এ মাটির মানুষ ভালই হবে। এই দেশেই বাস করব।

আমি হাসিলাম। ডাক্তার বলিলেন, চলুন আপনার বাড়ী যাই।

কথাটা আমারই বলা উচিত ছিল। লজ্জিত হইয়া বলিলাম, চলুন—
চলুন।

চলিতে চলিতে ডাক্তার বলিলেন, কাল সমস্ত রাত্রি ঘুম হয়নি।

উত্তর দিলাম, নতুন জায়গায় ঘুম সচরাচর হয় না।

—কেন হয় না বলুন ত ? সমস্ত রাত্রি অতীত জীবনটা ইতিহাসের পড়ার মত মুখস্থ করেছি।

চট করিয়া উত্তর দিলাম না। কথাটা ভাবিতেছিলাম। ডাক্তার আবার বলিলেন, কেন এমন হয় বলুন ত ?

বলিলাম, অপরিচয়ের মধ্যে একটা পীড়া আছে, ডাক্তার বাবু। পারিপার্শ্বিকের মমতাহীনতা আমাদের পীড়া দেয়। প্রতি মুহূর্তে মনে হয় আমি একা, এরা আমার পর। দোষও নেই, অপরিচিত স্থানে পাই আমরা ভদ্রতা—একান্ত মৌখিক বস্তু। ঠিক তুলোর মত, পরিমাণে হয়ত অনেক কিন্তু ওজন কই তাতে ?

কথাটা ডাক্তারের মনে ধরিল, বলিলেন, ঠিক বলেছেন, নতুন জুতো পায়ে দেওয়া আর কি ! ভেতরের চামড়ার রং-কষ যতক্ষণ না উঠছে—ততক্ষণ পা দিলেই লাগবে রং, স্নায়ুশিরা হবে আড়ষ্ট—হোক ছেঁড়া, তবু পুরোনো জোড়ার হাজার গুণ মনে পড়বে।

হাসিয়া ফেলিলাম। ডাক্তার বলিলেন, উপমায় আমার ভুল পাবেন না। বিচার করে দেখুন। জুতো না থাকাকাটাই হল স্বাভাবিক অবস্থা পায়ের। অথচ জুতো না হলে তার চলবে না। কৌশল হবে, টন টন করবে, তবু চাই। মানুষের দেখুন—একা আসে—একা যায়—একাকিত্বই তার সত্য অকৃত্রিম অবস্থা ; তবু সে একা—তার কেউ নাই, মনে হলেই বুকে যেন পাথর চেপে বসে !

বলিলাম, তা সত্য।

শ্রীনাথ ডাক্তার

উৎসাহ পাইয়া ডাক্তার আরম্ভ করিলেন, আবার দেখুন, নতুন জোড়াটি যাই মুখস্থ হল, বাস, পুরোনো জোড়াটা মাটিতে পুঁতে তার ওপর নারিকেল গাছ রোপণ করা হল। তাইত বলছিলাম কাল, আসলে মাহুষ হল একা। তার শোক দীর্ঘকাল স্থায়ী হতে পারে না। স্ত্রী মারা গেলেন মশাই, তাঁর বাপের বাড়ীতে মারা গেলেন, মা-বাবার কান্নাকাটিতে ঘরের ছাদ ফেটে গেল। সিঁদুর—আলতা—ফুলের মালা দিয়ে তাঁরা শব সাজাতে আরম্ভ করলেন। দাঁত ভেঙ্গে গেছে—জিভের আগল নেই, বলে ফেললাম, খালি মদের বোতলে আর সিঁদুর দেওয়া কেন? বাস, সিদ্ধান্ত হয়ে গেল—মাতাল আমি—আমিই বোতল খালি করেছি! তারপরই—নিকালো হিয়াসে। আমিও হাঁপ ছেড়ে বাঁচলাম। চলে এলাম কলকাতায়। থিয়েটার, সিনেমা, ফুটবল—গড়ের মাঠের ভিড়—কোথায় যে তার মধ্যে দুঃখ হারিয়ে গেল—নাগরে যেন নদীর ঘোলা জল মিশে গেল। বাস!

আমি বিস্মিত না হইয়া পারিলাম না। মৃত প্রিয়জনের জন্ত বেদনার ক্ষত আরোগ্য হয় মানি, কিন্তু সেখানে দাগ একটা থাকিয়া যায়। সেখানে হাত পড়িলে বেদনায় টন্ টন্ না করুক—অন্ততঃ ক্ষতবেদনার স্মৃতি জাগিয়া উঠে। অনুমান করিলাম, স্ত্রী ডাক্তারের প্রয়োজনীয় বস্তু ছিল—কিন্তু প্রিয়া ছিল না।

ডাক্তার বলিলেন, কি রকম? আপনি যে চূপ করে গেলেন স্ত্রী! জিভের গোড়ায় আসিয়া পড়িল,—অবছি, এমন সহজভাবে এসব কথা আপনি বলেন কেমন করে?

কিন্তু আত্মসম্বরণ করিলাম।

যাছুকরী

গ্রামের মধ্যে প্রবেশ করিয়াই প্রথমে মুখুজ্যেদের বাড়ী। কর্তা মুখুজ্যে মহাশয় ধর্ম্মপ্রবণ অমায়িক ব্যক্তি। বাহিরে বসিয়া তিনি তামাক খাইতেছিলেন। ডাক্তার তাঁহাকে নমস্কার করিয়া বলিয়া উঠিলেন, নমস্কার।

মুখুজ্যে মহাশয় সবিস্ময়ে প্রতি-নমস্কার করিয়া কুণ্ঠিতভাবেই আমাকে প্রশ্ন করিলেন, সুরেশ, ইনি ?

পরিচয় আমাকে দিতে হইল না। ডাক্তার নিজেই সপ্রতিভ ভাবে বলিলেন, আপনাদের আশ্রয়ে থাকব বলেই এসেছি। নাম আমার শ্রীনাথ দেবশর্মা, পদবী বন্দ্যোপাধ্যায়। হোমিওপ্যাথ ডাক্তার আমি।... আপনি চলুন সুরেশবাবু, আমি গেলাম বলে।

ডাক্তার বোধ হয় আমার অসহিষ্ণু ভাব লক্ষ্য করিয়াছিলেন। আমি নিজেও ক্লান্তি অল্প ভব করিতেছিলাম। ডাক্তারের অল্পরোধ উপেক্ষা করিলাম না।

বৈঠকখানায় হাতমুখ ধুইয়া বসিয়াছি, এমন সময়ে ডাক্তার আসিয়া হাজির হইলেন। চূপ করিয়া থাকা যেন ডাক্তারের অভ্যাস নয়, তিনি বলিলেন, মুখুজ্যে মহাশয়ের সঙ্গে আবার একটা সম্বন্ধ বেরিয়ে গেল মশায়। দূর সম্পর্ক অবশ্য।

বলিলাম, তাই নাকি ?

—হ্যাঁ। তারপর উনিই বললেন, আপনার মামার বাড়ী নাকি পাটনায় ? আপনার মাতামহের নাম কি বলুন ত ?

পরিচয় দিতেই ডাক্তার লাফাইয়া উঠিলেন। প্রকাণ্ড একটা বংশ-পরিচয় আওড়াইয়া সম্বন্ধ তিনি একটা বাহির করিয়া ফেলিলেন,

শ্রীনাথ ডাক্তার

আমার মাতামহ তাঁহার দূর সম্পর্কীয় মামা। ভদ্রতা রক্ষার জন্ত প্রণাম করিতে উঠিলাম। ডাক্তার বাধা দিয়া বলিলেন, ও নয়, স্মরেশ বাবু। বন্ধু আত্মীয় হলেন এই আমার পরম লাভ। মরি যদি তবে সংকার হবে এই ভরসাই যথেষ্ট। ঐ টুকুই আমার আত্মীয়তার দাবী রইল। প্রণামের চেয়ে বরং চা আনতে বলুন।

তাঁহাকে বসিতে বলিয়া বাড়ীর মধ্যে গেলাম।

চা লইয়া কিরিয়া দেখি ডাক্তার খবরের কাগজ পড়িতেছেন। চা-টা আগাইয়া দিলাম। ডাক্তার সহাস্রমুখে কাগজখানা একটু সরাইয়া দিয়া বলিলেন, পুলিশের বড়কর্তার কাছে একখানা দরখাস্ত করব। পুলিশ এখন সত্যিই নারীহরণের প্রতিকারে মন দিয়েছে।

তাঁহার বক্তব্য বুঝিতে পারিলাম না। ডাক্তার বলিলেন, বৃদ্ধ বয়সে আমার স্ত্রীকে ‘বলপূর্ব্বক অপহরণ করিয়া লইয়া গিয়াছে।’

বিস্ময়ের আমার সীমা ছিল না ; প্রশ্ন করিলাম, সে কি ? তবে যে— গম্ভীরভাবে ডাক্তার বলিলেন, আজ্ঞে হ্যাঁ। হরণকর্তা দুর্ব্বৃত্ত যম।

তারপর হো-হো করিয়া হাসিয়া ঘরখানা যেন ফাটাইয়া ফেলিবার উপক্রম করিলেন।

এতটা আমার ভাল লাগিল না। হয়ত ঠিক বলা হইল না, মনটা আমার বিবাহিয়া উঠিল। বলিয়া ফেলিলাম, মাপ করবেন ডাক্তার বাবু, আপনার স্ত্রীর জন্তে আপনার মনে কষ্ট হয় না ?

কয়েক মুহূর্ত্ত নীরব থাকিয়া ডাক্তার উত্তর দিলেন, হাত পুড়িয়ে রান্না করবার কষ্ট যেটুকু—দুঃখই বলুন আর শোকই বলুন সেও ঠিক ওইটুকু। ওজন করলে এক তিল বেশী হবে না।

যাছুকরী

সবিস্ময়ে ডাক্তারের মুখের দিকে চাহিয়া রহিলাম। ডাক্তার বলিয়া গেলেন, এখন রান্নার কষ্ট সহ্য হয়ে গেছে, শোক বাক্যটার বানান পর্য্যন্ত মনে নেই। দৈবাৎ কোন দিন হাত-টাত পুড়ে গেলে নেশার খোঁয়াড়ীর মত মাথার মধ্যে একটু বোঁ-বোঁ করে দেখা দেয়। সে একটু ওষুধ লাগিয়ে এক গ্লাস জল খেলেই ঠাণ্ডা !

আবার ডাক্তার হাসিয়া উঠিলেন, কিন্তু পূর্বের মত ততখানি জোরে নয়। বোধ হয় আমার বিরক্তি তিনি বুঝিয়াছিলেন। আমি নীরব হইয়া ভাবিতেছিলাম, মানুষের বৈচিত্র্যের কথা। আকারে, অন্তরে প্রত্যেক জন স্বতন্ত্র, কাহারও সহিত কাহারও মিল নাই। এই শোকেই ত কতজন পাগল হইয়া যায়। আমার নিজের কথাতেই জানি, দেড় বৎসর পূর্বের আমার পাঁচ বৎসরের একটি মেয়ে মারা গেছে। কিন্তু আজও পর্য্যন্ত এমন একটি দিন যায় না, যেদিন তার সক্রুণ মুখ আমার মনশ্চক্ষুর সম্মুখে সে আসিয়া না দাঁড়ায় ! আজকে ঠিক এই মুহূর্তেই সে আমার মুখের দিকে চাহিয়া বুকের মধ্যে দাঁড়াইয়াছিল, চোখে জল আসিয়াছিল, কোনরূপে গোপন করিলাম। কিন্তু দীর্ঘশ্বাস বাধা মানিল না।

ডাক্তার হাসিয়া উঠিলেন। আমার মনে হইল, সে হাসি যেন ছুরির মত তীক্ষ্ণ। মনশ্চক্ষুর সম্মুখে আমার হারানো মেয়েটা যেন শিহরিয়া উঠিল। ডাক্তার কি বলিতে যাইতেছিলেন। আমি প্রচ্ছন্ন স্বগাভরেই বলিলাম, বেলা অনেক হল, আপনি আসুন ডাক্তার বাবু।

*

শ্রীনাথ ডাক্তার

দিন তিনেক বাড়ীতে ছিলাম না। কার্যোপলক্ষে বাহিরে যাইতে হইয়াছিল। ফিরিলাম তৃতীয় দিন রাত্রে। সকাল বেলা একটা কলরবে ঘুম ভাঙ্গিয়া গেল। উঠিয়া বৈঠকখানায় আসিয়া দেখি, পাড়ার ছেলেরা হাট বসাইয়া ফেলিয়াছে। তার মধ্যে দেখি আমার তিন বৎসরের মেয়েটি পর্য্যন্ত দুই হাত তুলিয়া নাচিতেছে। নিশ্চিত হইয়া ভাবিতেছিলাম—এই তিন দিনের মধ্যে আমার বাড়ীটাকে এমন শিশু-মঙ্গল মঠ বানাওয়া তুলিল কে? আমার পিছনে দাঁড়াইয়াছিল আমার মেজ ভাই। আমার বিস্মিত মনোভাব বোধ করি সে বুঝিয়াছিল, বলিল, শ্রীনাথ বাবুর মক্কেল সব।...ঐ যে ডাক্তার বাবু আসছেন।

মুখ ফিরাইয়া দেখিলাম, রাস্তার ধারের নাতিউচ্চ প্রাচীরটার ওপাশে ডাক্তারের মাথা দেখা যাইতেছে।

—নমস্কার! কখন এলেন? কাল রাত্রে বোধ হয়! ওদিক হইতেই ডাক্তার সম্ভাষণ করিলেন।

প্রতি-নমস্কার করিয়া বলিলাম, পসার যে জমিয়ে তুলেছেন দেখছি।

ফটকের মধ্যে প্রবেশ করিয়া ডাক্তার উত্তর দিলেন, কান টানলে মাথা আসে জানেন ত। ছেলের হাত ধরে বাড়ীর মধ্যে ঢুকব।

ছেলের দল এমন কলরব করিয়া উঠিল যে, আমার আর উত্তর দেওয়া হইল না। বাগানের মধ্যে বাঁধান বেঞ্চটার উপরে বসিয়া ডাক্তার বলিলেন, ভোর বেলাতে কার জয়? সমস্বরে ছেলেগুলো টেঁচাইয়া উঠিল, স্থবির আমার জয়।

—তাকে সবাই প্রণাম কর।

সঙ্গে সঙ্গে ছেলের দল কচি কচি হাতগুলি তুলিয়া নমস্কার করিল।

যাছুকরী

তরপর ডাক্তার বলিলেন, লাইন করে দাঁড়াও সব।

এইবার ঔষধ পরিবেশন আরম্ভ হইল। এক পুরিয়া করিয়া গুগার অব্ মিক্স। তৃতীয় ছেলোটকে ঔষধ দেওয়া হইল না। তাহাকে লাইন হইতে বাহির করিয়া অগ্ন স্থানে দাঁড় করাইয়া দিয়া বলিলেন, তুই পরে ওষুধ পাবি। তোরা নাক দিয়ে সিকুনি বরছে।……এই—এই—জিভ দিয়ে চেটে খাসনে। ঝেড়ে ফেল।

আবার আর একজনকে ধরিয়া বলিলেন, এই ঞ্চাদা, তোরা পেটের অসুখ কেমন আছে?

—কাল রাত্রে একবার পেট কামড়েছিল শুধু। ভাল হয়ে গিয়েছে, মা বলছিল।

—তুইও বাইরে দাঁড়া।

এ লাইন শেষ হইলে ডাক্তার কয়টা শিশি বাহির করিয়া বসিলেন, পৃথকভাবে যাহারা দাঁড়াইয়াছিল তাহারা এইবার ঔষধ পাইবে।

এদিকে চা আসিয়া পড়িয়াছিল, ডাক্তারকে বলিলাম, চা এসেছে, আপনার শিশু-মন্ডল শেষ করুন।

ডাক্তার বলিতেছিলেন সরকারদের সুধীরকে, দাঁড়া তুই একটু। তোরা বাবাকে দেখতে যাব।

সরকার-পরিবার আমাদের প্রতিবেশী। জিজ্ঞাসা করিলাম, কি হয়েছে সুধীরের বাপের?

ডাক্তার বলিয়া উঠিলেন, আরে মশায়, আপনারা প্রতিবেশীর খবর রাখেন না! লোকটা আজ দশদিন শয্যাশায়ী, এক ফোঁটা ওষুধ পড়েনি। নানান গোলমাল, জ্বর, কোমরে একটা এ্যাবসেস উঠছে।

শ্রীনাথ ডাক্তার

সুধীর কাছে আসিয়া দাঁড়াইয়া বলিল, হাটের পয়সা নাই আজ ডাক্তার বাবু।

চায়ের কাপে শেষ চুমুক মারিয়া ডাক্তার বলিয়া উঠিলেন, চল চল, দেবী হয়ে যাচ্ছে আমার। আবার দত্তপাড়ার আড্ডায় যেতে হবে।

দত্তপাড়ার আড্ডা গ্রামের একটি বিখ্যাত আড্ডা। কড়ি, কলম প্রভৃতি নানা চিহ্নযুক্ত গোটা বিশেক ছাঁকা অগ্নিগর্ভ বয়লারের মত অবিরাম সেখানে ধুমোদগীরণ করে। বয়সের তারতম্যের কোন বালাই নাই। ভাগবৎ, পুরাণ, রাজনীতি, আইন আদালত, পরনিন্দা, এমন কি পরস্পরী-চর্চা পর্যন্ত অবাধে অনুশীলিত হইয়া থাকে।

তাই সবিস্ময়ে জিজ্ঞাসা করিলাম, সেখানে?

হা-হা করিয়া হাসিয়া ডাক্তার বলিলেন, ও আড্ডারও সভ্য হয়েছি মশাই।

তারপর অকস্মাৎ গম্ভীর হইয়া বলিলেন, বন্ধু হিসেবে হয় ত ওরা ভাল নয় সুরেশ বাবু, কিন্তু সঙ্গী হিসেবে ওরা বড় ভাল। সময়ের ওদের কোন মূল্য নেই।

কয়েক দিনের মধ্যে লক্ষ্য করিয়া বুঝিলাম, ডাক্তার উদারচরিত ব্যক্তি। সমস্ত দিনের মধ্যে ভদ্রলোকের অবসর নাই। বসুধার এই ক্ষুদ্রতম অংশটির প্রত্যেকের সহিত কুটুম্বিতা করিতে করিতে সকাল ছয়টা হইতে রাত্রি দশ এগারটা পর্যন্ত কাটিয়া যায়। কোন কোন দিন দশ এগারটাতেও সঙ্কুলান হয় না। পাশায় কিম্বা দাবায়, বা বিনা পয়সার কোন রোগীর শিয়রে পুনরায় প্রভাত হইয়া যায়। বালক হইতে বৃদ্ধ পর্যন্ত সবাই ডাক্তারের বন্ধু।

যাছুকরী

হাঙ্গি আর রহস্য ছাড়া শ্রীনাথ ডাক্তারের কথা নাই। চেষ্টাকৃত রহস্য বা রহস্যের মাত্রাহীনতার জগৎ অনেকে অনেক সময় বিরক্ত হয়, কিন্তু ডাক্তারের অট্টহাসির অভাব হয় না। রহস্য করিবার লোক না পাইলে ডাক্তার রোগী খুঁজিয়া বেড়ান।

কোন অবলম্বন না থাকিলে আমার মাথা খাইতে আসেন। ধূমকেতুর মত অকস্মাৎ আসিয়া চাপিয়া বসিয়া বলেন, কি লিখলেন আজ? কই পড়ুন শুন।

লোকের বিরক্তি ক্রমশঃ সুপরিষ্কৃত হইয়া উঠিতেছিল, সে কথা আমার কানেও আসিয়াছিল। ধীরে ধীরে আমিও বিরক্ত হইয়া উঠিলাম। সেদিন ইঙ্গিতে সে ভাব প্রকাশ করিয়া বলিলাম, একটা ডাক্তারখানা করে বসতে আরম্ভ করুন ডাক্তার বাবু।

ডাক্তার কয়েক মূহূর্ত্ত আমার মুখের দিকে চাহিয়া বলিলেন, একটা ঘর দেখে দিন না।

খানিক পরে ডাক্তার বলিয়া উঠিলেন, কিন্তু একা যে থাকতে পারিনে। প্রাণ হাঁপিয়ে ওঠে।

*

*

*

অকস্মাৎ ডাক্তারের জীবনে একটা পট পরিবর্তিত হইয়া গেল। দিন পাঁচেক ডাক্তারের দেখা না পাইয়া সেদিন ডাক্তারের বাসায় গিয়া উঠিলাম।

ডাকিলাম, ডাক্তার বাবু!

ভিতর হইতে উত্তর আসিল, আশুন।

শ্রীনাথ ডাক্তার

আমি কিন্তু উত্তরের প্রত্যাশা করিয়াছিলাম ডাক্তারের সন্ত-করা রসিকতা একটি। ইহার পূর্বে ডাক্তার বলিতেন, দাঁড়ান দাঁড়ান, মেয়েদের সরে যেতে বলি।

প্রথম দিন আশ্চর্য্য হইয়াছিলাম। ডাক্তার হো-হো করিয়া হাসিয়া বলিয়াছিলেন—স্ত্রীর সঙ্গে প্রেমালাপ করছিলাম।

আজ ভিতরে গিয়া দেখি ডাক্তার একরাশ বই লইয়া বসিয়া আছেন। একখানার উপর ঝুঁকিয়া পড়িয়া দেখিলাম, প্রকাণ্ড একখানা চিকিৎসা-শাস্ত্রের বই। জিজ্ঞাসা করিলাম, কি ব্যাপার? রসশাস্ত্র ছেড়ে হঠাৎ রসায়ণ নিয়ে পড়লেন যে?

ডাক্তার মুখ তুলিলেন। গভীর চিন্তায় সমস্ত মুখখানা থম থম করিতেছে। চশমার ভিতরে বড় বড় দীপ্ত চোখের দৃষ্টি স্বপ্নাচ্ছন্নের মত স্থির, পলকহীন। স্থির দৃষ্টিতে আমার দিকে চাহিয়া ডাক্তার মৃদুস্বরে বলিলেন, ভেরি ইন্টারেস্টিং কেস মশায়।

তারপর ঝাঁ হাতের আঙুল দিয়া সামনের একগোছা চুল লইয়া অনর্থক পাক দিতে দিতে আবার বলিলেন, এ্যালোপ্যাথরা কেউ বলে প্যারালিসিস, কেউ বলে নার্ভাস ডিরেঞ্জমেন্ট, কেউ বলে ফাইনলেরিয়া। কিন্তু আমার—

ডাক্তার আবার বইয়ের উপর ঝুঁকিয়া পড়িলেন। জিজ্ঞাসা করিলাম, আপনার কি মনে হয়?

দৃষ্টি তুলিয়া ডাক্তার বলিলেন,—দেখি—এখনও স্থির সিদ্ধান্ত কিছু করতে পারিনি।

ডাক্তারকে বিরক্ত করিলাম না, উঠিয়া পড়িলাম। ডাক্তার একখানা

যাছুকরী

বই বন্ধ করিয়া বলিলেন, উঠছেন? দুটো ভাত আজ পাঠিয়ে দিতে পারেন? রান্নার হাঙ্গাম আজ আর করব না। কাল রাত্রেও থাইনি।

বলিলাম, সে কি?

আর একথানা বই খুলিয়া পাতা উল্টাইতে উল্টাইতে মুগ্ধভাবে ঘাড় নাড়িয়া ডাক্তার বলিলেন, ভেরী ইন্টারেস্টিং কেস মশাই।

•

•

•

এই একটি রোগীর চিকিৎসা করিয়াই ডাক্তার এ অঞ্চলে খ্যাতি লাভ করিলেন। রোগীটি অবশ্য ঝাচে নাই। কিন্তু সে কলঙ্কও ডাক্তারকে স্পর্শ করিল না। শেষের দিকে রোগীর দেহের কয়েকটি স্থান পাকিয়া উঠিতেই এ্যালোপাথরা ছুরি চালাইবার জ্ঞাত রোগীটিকে ছিনাইয়া লইয়াছিল। রোগীর আত্মীয়-স্বজন ডাক্তারকে মত জিজ্ঞাসা করিলে ডাক্তার বলিয়াছিলেন, ঝাচে কি না আমি বলতে পারিনে—বরং একটু সন্দেহ হয়। কিন্তু কাটাকাটি করলে ফল ভাল হবে না এটা নিশ্চয়। হইয়াছিলও তাই।

কলে ডাক্তার প্রসিদ্ধ হইয়া উঠিলেন। বিয়াম নাই—বিশ্রাম নাই, ডাক্তার কল-বান্ধ সঙ্গে ঘুরিয়া বেড়ান। শুধু তাই নয়, ইহারই সঙ্গে সঙ্গে ডাক্তারের বাসায় প্রকাণ্ড একটি আসরও জমিয়া উঠিল। আশ্চর্য্য কথা এই যে, পূর্বে ডাক্তারের যাওয়ায় যাহারা বিরক্ত হইত তাহারাও এ অবস্থায় আসিতে দ্বিধা করে না। আজ্ঞা চলে, ডাক্তার কিন্তু অধিকাংশ সময় ঘরের মধ্যে বসিয়া থাকেন। ডাকিতে গেলে দেখা যায়, ডাক্তার একরাশ বই সম্মুখে লইয়া বসিয়া আছেন, মুখ উঠাইয়া জিজ্ঞাসা করেন, টি-বি, মানে, যন্ত্রা কত রকম জানেন?

শ্রীনাথ ডাক্তার

একটু থতমত খাইতে হয়। ডাক্তার ইত্যবসরে আবার আরম্ভ করেন, ভয়ঙ্কর ব্যাধি, মৃত্যুর নিঃশ্বাস থেকে বোধ হয় এর উৎপত্তি। সেদিন একটা মাদার-টিফারের শিশি দেখাইয়া বলিলেন, এ ওষুধটা কিসের থেকে তৈরী জানেন? কলার কন্দ থেকে। বিষ থেকে পর্য্যন্ত ওষুধ তৈরী হয়। বিষের মধ্যেও অমৃত আছে। অমৃত সৃষ্টি ভগবানেরেণ।

অকস্মাৎ ডাক্তার জিজ্ঞাসা করিলেন, সমুদ্র-মহন কাহিনীটা আপনি বিশ্বাস করেন?

আমি হাসিয়া ফেলিলাম। ডাক্তার গম্ভীর ভাবে বলিলেন, আমি কিস্তি করি। সমুদ্রের তলদেশে এমন সব উদ্ভিদ, জীবজন্তু আছে যা থেকে অমৃত প্রস্তুত হয়।

*

*

*

দুই তিন দিন পর। বৈকালের দিকে এক পশলা বৃষ্টির পর সূর্য্য-কিরণে আকাশ একখানা অথও অসীমবিস্তার গাঢ় নীল স্ফটিকের মত ঝলমল করিতেছিল। ডাক্তার আসিয়া উপস্থিত হইলেন।

প্রশ্ন করিলাম, কি রকম, হঠাৎ?

প্রশ্ন-সমাপ্তির পূর্বেই ডাক্তার বলিলেন, একটু বেড়াতে যাব, যাবেন?

এমন প্রশ্ন অপরাঙ্ক উপভোগ করিবার প্রবৃত্তি আমারও ছিল। সুতরাং বাহির হইয়া পড়িলাম। ডাক্তার চিন্তাকুল ভাবেই পথ চলিয়া-ছিলেন। আমরা দুইজনে নদীর ধারে আসিয়া বসিলাম।

ডাক্তার হঠাৎ বলিয়া উঠিলেন, আপনার সেই বইখানার কথা আজ সমস্ত দিন ভেবেছি স্মরেশ বাবু।

কোঁতুহল হইল। প্রশ্ন করিলাম, কেন বলুন ত?

যাছুকরী

ডাক্তার গভীর চিন্তার মধ্যে হইতে মৃদুস্বরে বলিলেন, প্রথম দিনই এ প্রশ্ন আপনাকে করেছিলাম, মনে আছে আপনার ?

আমার মনে পড়িল, কিন্তু কোন উত্তর দিলাম না।

ডাক্তারই আবার বলিলেন, শোকের স্থায়িত্ব দীর্ঘদিন—এমন কি, চিরজীবনই ধরুন। আমি শুধু ভাবছি আপনি যা দেখিয়েছেন—এটা বাস্তব কি না ?

আমি জিজ্ঞাসা করিলাম, আপনার কি অবাস্তব মনে হয় ?

ধীরে ধীরে ডাক্তার উত্তর দিলেন, হত, যদি আপনার নায়ক মদ না খেত। মদ খেয়ে সে যদি ভবিষ্যৎ জীবনের আশা-আলো নিভিয়ে অন্ধকার করে না ফেলত, তবে অবাস্তব হত। ভবিষ্যতের আশা-আলো যতক্ষণ জ্বলবে—ততক্ষণ শোক স্পর্শ করে জ্বলের মত। একটু পরেই নিঃশেষে নিশ্চিহ্ন হয়ে যায়। এ বিষ বলুন বিষ—অমৃত বলুন অমৃত। কোটা কোটা নমস্কার এর আবিস্কারককে।

ডাক্তার পকেট হইতে ছোট একটি ফ্লাস্ক বাহির করিলেন। আমি চমকিয়া উঠিলাম, প্রশ্ন করিলাম, ও কি ?

ডাক্তার বলিলেন, মদ। আপনি মদ খান ?

বিরক্তিভরে বলিলাম, না।

ধীর ভাবে ডাক্তার বলিলেন, আমি খাই, বহুকাল থেকে খাই। স্ত্রী যতদিন বেঁচে ছিলেন, সে প্রায় চক্ৰিশ বছর, নিয়মিত নির্দিষ্ট পরিমাণে খেয়ে এসেছি। তিনি নিজে ঢেলে দিতেন আমি খেতাম। স্ত্রী মারা গেলেন, তারপর উন্মত্তের মত অপরিমিত পান করেছি। কিন্তু এর

শ্রীনাথ ডাক্তার

চেয়েও প্রবল নেশা আছে সুরেশ বাবু—পৃথিবী দূরের কথা—মদের তৃষ্ণাও ভুলিয়ে দেয়।

কিছুদিন হইতেই ডাক্তারের চরিত্রের অদ্ভুত পরিবর্তন দেখিয়া সন্দেহ হইতেছিল হয়ত বা ডাক্তার বেশ প্রকৃতিস্থ নন। আজ সে সন্দেহ ঘনীভূত হইল। প্রসঙ্গটা চাপা দিবার জন্ত বলিলাম, দেখছেন ডাক্তার বাবু, সূর্যাস্তের রং-এর বাহার!

ডাক্তার একবার আকাশের দিকে চাহিয়া সঙ্গে সঙ্গেই দৃষ্টি নামাইয়া লইলেন। ওপারে নদীর ঘাটে জল লইয়া কয়টি মেয়ে গ্রামে ফিরিয়া চলিয়াছিল।

ডাক্তার বলিলেন, মেসোপটেমিয়ার কথা মনে পড়ছে। সেখানে অবসর পেলে এমনি বসে সম্মুখের পানে চেয়ে দেশের কথা ভাবতাম। টেণ্টের সম্মুখে যেদিন বসতাম সেদিন টেবিলের উপরে থাকত ইইঙ্গি আর বিয়ারের বোতল। সেইখানেই মদের এই গুণের পরিচয় পাই। অতীতকে উজ্জ্বল করে তোলে—বিশ্বুতির বন্ধ দ্বার ভেঙে বেদনাকে বুকের মধ্যে মুক্তি দেয়।

সন্ধ্যা হইয়া আসিতেছিল, বলিলাম, চলুন ডাক্তার বাবু ওঠা যাক।

উঠিতে উঠিতে ডাক্তার বলিলেন, আজ আমার ফুলশয্যার দিন। কিন্তু সমস্ত দিনের মধ্যেও আমার স্ত্রীর মুখ আমি একবারও মনে করতে পারলুম না সুরেশ বাবু। নিবিষ্ট মনে যতবার চিন্তা করতে গেলাম, মনে জেগে উঠল ক্ষয় রোগ আর তার ওষুধ। ডাক্তার নীরব হইলেন। মোঁন মৃদু অন্ধকারের মধ্যে হুজনে নির্জ্ঞন পথে চলিয়াছিলাম। লাল কাঁকর বিছানো পাকা রাস্তাটার উপরে হুজনের জুতার শব্দ একসঙ্গে

যাছুকরী

সৈনিকের পদশব্দের মত বাজিতেছিল। এটি ডাক্তারের গুণ। ভদ্রলোক যে কোন সঙ্গীর সঙ্গে কয়েকবার পা মিলাইয়া লইয়া একসঙ্গে পা ফেলিয়া চলিতে পারেন এবং চলেনও। চলিতে চলিতে ডাক্তার আরম্ভ করিলেন, অথচ আমার স্ত্রী শুদ্ধমাত্র আমার স্ত্রীই ছিলেন না, আমার প্রিয়তমাও ছিলেন। চিরদিনই আমি দুর্দান্ত প্রকৃতির, প্রথম যৌবনে বাবার শাসন মানি নি। মেডিকেল সিক্সথ ইয়ার পর্য্যন্ত পড়েছিলাম। কিন্তু বাবাকে উপেক্ষা করবার জগুই পরীক্ষা দিলাম না, হোমিওপ্যাথি পড়তে আরম্ভ করলাম। সেই আমার মত দুর্দান্ত, তার ওপর তখন আমি মাতাল— আমি স্ত্রীর বশতা স্বীকার করেছিলাম। তাঁর হাত ছাড়া মদ খাবার অধিকার তিনি আমায় দেন নি, আমি কোন দিন পাই নি।

হঠাৎ একটা জীবের যন্ত্রণাকাতর শব্দ শুনিয়া চমকিয়া উঠিলাম। আবার শব্দ উঠিল। বুঝিলাম সাপে ব্যাং ধরিয়াছে। তাড়াতাড়ি টর্কটা জালিয়া শব্দলক্ষ্যে আলোক-পুচ্ছটা ঘুরাইয়া দেখিলাম। ডাক্তার বলিয়া উঠিলেন, দাঁড়ান, দাঁড়ান—দেখি, টর্কটা দেখি।

গভীর খাতের মধ্যে আলো ফেলিয়া নিবিষ্ট চিত্তে কি দেখিতে দেখিতে ডাক্তার খাতের মধ্যে নামিয়া পড়িলেন। শঙ্কিত হইয়া বলিলাম, কোথায় যাচ্ছেন? সাপটা ওইখানেই কোথাও আছে। আহারের সময় বিষ স্রষ্ট করলে বড় ভয়ঙ্কর হয় ওরা।

ডাক্তার সে কথায় ভ্রক্ষেপও করিলেন না। জঙ্গলটা উত্তমরূপে পরীক্ষা করিয়া ডাক্তার কতকগুলো আগাছা তুলিয়া লইলেন।

জিজ্ঞাসা করিলাম, ওটা কি?

শ্রীনাথ ডাক্তার

বাঁ হাতে টর্ক জালিয়া সেগুলি দেখাইয়া ডাক্তার বলিলেন, দেখুন, চেনেন ?

চিনিতে পারিলাম না। ডাক্তার বলিলেন, চেনেন না যখন তখন থাক। এ আমার প্রোফেসনাল সিক্রেট।

ডাক্তার হাসিলেন। ডাক্তারের মুখের দিকেই চাহিয়া ছিলাম— অঙ্ককারের মধ্যে ভুল বুঝিলাম কিনা কে জানে, কিন্তু মনে হইল অল্পক্ষণ পূর্বের সে মানুষ এ নয়। সমস্ত রাস্তার মধ্যে ডাক্তার আর একটা কথাও কহিলেন না।

পরদিন বাড়ীতে একটা ছোটখাটো নিমন্ত্রণের ব্যাপার ছিল। পাড়া-প্রতিবেশী এবং স্বজন-বন্ধুদের নামের ফর্দ করিয়া মেজোভাইকে বলিলাম, ডাক্তারকে নেমস্তন্ন তুমি করে এস।

কিছুক্ষণ পর সে ফিরিয়া আসিয়া বলিল, ডাক্তার আসতে পারবেন না। জিজ্ঞাসা করিলাম, কেন ?

একটু ইতস্তত করিয়া সে বলিল, ডাক্তার বেশ প্রকৃতিস্থ নাই। অচেতনের মত পড়ে আছেন। মনে হল সমস্ত রাত্রি মদ খেয়েছেন। ঘরে মদের গন্ধও উঠছে।

একটা দীর্ঘনিঃশ্বাস আমার বুক হইতে আমার অজ্ঞাতসারেই যেন বরিয়া পড়িল। শুধু বলিলাম, হঁ।

মেজোভাই বলিল, উঠোনময় কাঁচের শিশি, টেবু-টাইব ভেঙ্গে ছড়িয়ে পড়ে আছে। পাশের ময়রাবা বললে সমস্ত রাত্রি নাকি ভদ্রলোক উঠোনে ঘুরে বেড়িয়েছেন আর শিশিগুলো ভেঙেছেন।

সে বেলা আর পারিলাম না, অপরাহ্নে ডাক্তারের বাসায় গিয়া

যাছুকরী

উঠিলাম। দেখিলাম, পূর্ণ প্রকৃতিস্থ না হইলেও তিনি অপ্রকৃতিস্থ নন। একটু অর্থপূর্ণ হাসি হাসিয়া বলিলাম, কি ব্যাপার ডাক্তার বাবু?

—সমস্ত রাত্রি কাল মদ খেয়েছি আর কতকগুলো যন্ত্রপাতি ছিল—
সেগুলো ভেঙেছি।

—যন্ত্রপাতি! কিসের যন্ত্রপাতি?

ডাক্তার বলিলেন, মাদার-টিক্সার তৈরী করবার। যুদ্ধের পর ফিরবার সময় আমি আমেরিকা ঘুরে আসি। সেখান থেকে মাদার-টিক্সার তৈরী করতে শিখে আসি।

ডাক্তার নীরব হইয়া উঠানের দিকে চাহিয়া রহিলেন। কাঁচের টুকরাগুলি রৌদ্রসম্পাতে ঝকঝক করিতেছিল। কিছুক্ষণ পর ডাক্তার মৃদুস্বরে বলিলেন, ওইখান থেকেই এই অভিশাপ আমি বয়ে নিয়ে আসি।

আমার মুখের দিকে চাহিয়া বলিলেন, অভিশাপ বৈকি! মাদার-টিক্সার তৈরী করতে শিখে হঠাৎ খেয়াল হল কি জানেন, আমাদের দেশের ভেষজ থেকে নতুন ওষুধের মাটার-টিক্সার তৈরী করব। এ দেশের রোগ, এদেশেই তার প্রতিষেধক ভেষজ আছে। তাই আরম্ভ করলাম। কয়েকবার ব্যর্থ হয়ে দু তিনটে ছোটখাটো অসুখের ওষুধে কৃতকার্য হয়ে আমি যেন পাগল হয়ে গেলাম, সুরেশবাবু। সব তুচ্ছ হয়ে গেল, স্ত্রী পর্যন্ত ব্যথিত হয়ে উঠলেন, আমার অবহেলায়। আমি তখন পাগল হয়ে উঠেছি যন্ত্রার ওষুধের জন্তে। আয়ুর্বেদ থেকে ভেষজের নাম সংগ্রহ করি আর মাদার-টিক্সার তৈরী করবার চেষ্টা করি। প্রাক্টিস প্রায় নষ্ট হয়ে গেল। স্ত্রী একদিন অসুযোগ করলেন। যেদিন

শ্রীনাথ ডাক্তার

তাকে সব বুঝিয়ে বললাম সুরেশবাবু—সেদিন তাঁর কি আনন্দ! আমার অহঙ্কারে, গৌরবে, তাঁর যেন মাটিতে পা পড়ছিল না। এরপর থেকে আমি নিশ্চিত হয়ে গেলাম। কোনদিন কোন অভিযোগে তিনি আমায় বিরক্ত করেননি। তার ওপর সেবা—অক্লান্ত সেবা। একদিন মনে হল, আমার আবিষ্কারে আমি কৃতকার্য হয়েছি। পরীক্ষার জন্ত উদ্গ্রীব হয়ে উঠলাম। অনেক ভেবে ঠিক করলাম, বাড়ীর ওই পোষা বেড়ালটার ওপর পরীক্ষা আরম্ভ করব। আমার স্ত্রীর পোষা বেড়াল—বড় শাস্ত—আর তাঁর প্রিয় ছিল।

ডাক্তার নীরব হইলেন। আমিও নীরব। বহুক্ষণ নীরবতার পর আমিই প্রশ্ন করিলাম, তারপর?

ডাক্তার বলিলেন, তারপর আর কি? বেড়ালটাকে তিনি আদর যত্ন করতেন, তা থেকেই বিষ তাঁতেও সংক্রামিত হল। একেবারে গ্যালপিং থাইসিস। দিন কয়েকের মধ্যেই সব শেষ।

কিছুক্ষণ পর ডাক্তার স্বল্প একটু হাসিয়া বলিলেন, তখন আমি এতদূর মত্ত যে, রোগের আরম্ভে আমি বুঝতেই পারিনি। তখন তাঁর দিকে লক্ষ্য করবার অবসরও আমার ছিল না। শরীর খারাপ দেখেই তাঁকে আমি জোর করে বাপের বাড়ী পাঠিয়ে দিলাম। একবার কারণ খুঁজেও দেখলাম না। তারপর ভাবলাম, নিশ্চিত এইবার। খাবার জন্তে জ্বালাতনের হাত এড়ান গেল। তারপর যখন টেলিগ্রাম পেয়ে গেলাম তখন আর উপায় ছিল না। আমায় দেখেই প্রথম তিনি কি বলেছিলেন, জানেন? হেসে বলেছিলেন, এখানে সকলে ভয় পেয়ে গেছে, ওগো তুমি কি ওষুধ বের করলে সেই ওষুধ আমায় দাও তো?

যাছুকরী

জিজ্ঞাসা করিলাম, সে ওষুধ দিয়েছিলেন ?

—না। তখন বেড়ালটার উপর পরীক্ষায় বিফল হয়েছি, আর আমেরিকার ডাক্তাররা পরীক্ষার ফলে জানিয়েছেন আমার আবিষ্কারের কোন মূল্য নাই—একান্ত অসার।

আকাশে মেঘ দেখা দিয়াছিল, জলকণায় বাতাস ভারী হইয়া উঠিয়াছে। মেঘলা আকাশের দিকে চাহিয়া বিষণ্ণ চিত্তে ডাক্তারের কথাই ভাবিতেছিলাম। ডাক্তারও নীরবে বসিয়া ছিলেন। কতক্ষণ পর জানি না ডাক্তারই বলিয়া উঠিলেন, শোকও সহ হয় না। ভাবি হেসে উড়িয়ে দেব। মানুষের সাহচর্য্য খুঁজি। মানুষ বিরক্ত হয়ে ওঠে। তার ওপর জীবিকার সমস্যা। বাধ্য হয়ে চিকিৎসা আরম্ভ করতে হয়। কিন্তু এমন প্রচণ্ড মোহ এর সুরেশ বাবু, আরম্ভ করলে আর রক্ষা নাই। অকস্মাৎ এই সর্বনাশী নেশা ঘাড়ে চেপে বসে। কাল সন্ধ্যাবেলা লক্ষ্য করেছিলেন কি সেই ভেষজগুলো পেয়ে আমার পরিবর্তন? কিন্তু কাল আত্মরক্ষা করেছি—সব ভেঙে ফেলে দিয়েছি।

*

*

o

ইহার কিছু দিন পর ডাক্তার অকস্মাৎ একদিন কোথায় চলিয়া গেলেন। আমার সহিত কিন্তু আর একদিন ডাক্তারের দেখা হইয়াছিল। কার্য্যোপলক্ষে মাস দুই কলিকাতায় থাকিয়া ফিরিবার পথে গ্রামের ষ্টেশনে নামিয়া দেখি, ডাক্তার ষ্টেশন-প্লাটফর্মে দাঁড়াইয়া বক্তৃতা করিতেছেন। একদল লোক তাঁহাকে ঘিরিয়া দাঁড়াইয়া হি-হি করিয়া হাসিতেছে। মদে বিভোর ডাক্তার ‘যোগেশ’র পাঠ করিতেছিলেন—
মরছ মর মর। আমি কি করব? আমি মদ খাইনে!

শ্রীনাথ ডাক্তার

—‘এই—এই—একটা পয়সা দাও না—একটা পয়সা দাও না।’

আমি ডাক্তারের হাত চাপিয়া ধরিলাম। বলিলাম ছি—ডাক্তারবাবু!

মাতালের হাসি হাসিয়া ডাক্তার বলিলেন, পাঁটটা কেমন হচ্ছে
বলুন ত ?

‘জায়া’

রূপ স্বতন্ত্র বস্তু—রূপ তাহার কোন কালে ছিল না ; কিন্তু অন্ন বস্ত্রে দেয় যে শ্রী—সে শ্রী তাহার ছিল। সেটুকুও তাহার থাকিল না। অন্নবস্ত্রের অভাবে নয়, কয় মাসের কারাক্লেশ জলৌকার মত শ্রী টুকু যেন শোষণ করিয়া লইল। জেলে ক্লেশ কিছু সে পায় নাই, কিন্তু তবুও চারমাসের মধ্যেই আমাশয় ও চোখের অশ্রুতে কুজ, শ্রীহীন হইয়া ফিরিল। স্থূলতা বর্জিত শরীর শীর্ণ হইয়া গিয়াছিল ; খন্দের পোষাকও ভারী বোধ হইতেছিল। অবয়বের লাভণ্য নিঃশেষে ঝরিয়া গেছে—দেহের শ্রামবর্ণ প্রায় কালো হইয়া উঠিয়াছে। তাহার সে লাভণ্য আর ফিরিল না। শ্রী না ফিরুক দেহ সুস্থ হইল।

জেল হইতে ফিরিয়া তাহার নেশা পড়িল লেখায় এবং গাছ পোঁতায়। নিজেই মাটি কোপাইয়া ফুলের বাগান করে, গ্রামের প্রান্তের প্রকাণ্ড বড় বাগানটার বট অশ্বথের ডাল ও চারা পোঁতে, ফলের গাছও পোঁতে—কিন্তু সংখ্যায় কম। রোঁদ্রে বৃষ্টিতে তাহার শ্রীহীনতা উত্তরোত্তর বাড়িতেছিল। আন্দোলনের পূর্ক হইতেই জামা জুতা সে ত্যাগ করিয়াছিল ; তাহার পরণে থাকে মোটা কাপড় আর কাঁধে চাদর ! চাদর আবার সব সময়ে নয়, কোথাও যাইতে আসিতে হইলে চাদরটা কাঁধে চাপে। অন্য সময়ে খালি গা, খালি পায়ে সে মূর্ত্তিমান শ্রীহীনের মত ঘুরিয়া বেড়াই। সে জেলে থাকিবার সময় ছোট ভাই সংসার

জায়া

ঘাড়ে লইয়াছিল—সে সংসার তাহার স্বক্ষে দৈত্যের স্বক্ষের আকাশের মতই
গপিয়া রছিল। শিবনাথ সে আর ঘাড়ে করিল না। তবে উপদেশ দেয়—
সময়ে সময়ে কিছুদিন ধরিয়া কঠোর পরিশ্রমে ক্রটীগুলি সংশোধন
করিয়া দিয়া সংসার রথখানিকে অপেক্ষাকৃত সবল ও দ্রুত গতিশীল
করিয়া দেয়।

দ্বিপ্রহরে এক গা ঘামিয়া সেদিন শিবনাথ বাড়ী ফিরিল! খালি
গা, খালি পা—কোমরে গুঁজিয়া কাপড়খানা পর্য্যন্ত হাঁটুর উপর টানিয়া
তোলা; সাড়া না দিয়াই বাড়ী ঢুকিল।

শিবনাথের স্ত্রী গৌরী ও ছোট বৌ অমলা বারান্দায় থামের আড়ালে
সিয়া পান সাজিতেছিল—গৌরী বলিল, শত্ৰু এদিকে শোন দেখি!

শত্ৰু শিবনাথের বাড়ীর মাহিন্দার।

শিবনাথ সটান খিড়কীর বাগানের দিকে চলিয়া গেল। গৌরী উঠিয়া
বারান্দায় দাঁড়াইয়া বলিল—শত্ৰু কোথায় গেল মম্বর মা?

রন্ধনশালাে ব্যস্ত পাচিকা মম্বর মা বলিল—কে জানে বৌদিদি, দেখি
নাই ত। কেউ আসে নাই ত'!

ছোট বৌ অমলা মিহিভাবে বলিল, আসবে না কেন—খিড়কী দিয়ে
গল চোথের সামনে। গৌরী রুই হইয়া উঠিয়াছিল—চাকর বাকর
বোধ্য হয়েছে দেখেছ!

ডাকলে সাড়া পর্য্যন্ত দেয় না। তা' বলব কাকে বল?

বড়বাবুই চাকর বাকরের মাথা খেলে। এখুনি শত্ৰু খিড়কী দিয়ে
গল।

যাছুকরী

খিড়কীর রাস্তাবরে পদশব্দ উঠিল। মম্বর মা বলিল—ওইযে ওইযে বাবু আসচেন।

গৌরী বলিল—এই শব্দ—বেয়াদপ ঢাকর কোথাকার—

প্রথমটা না লক্ষ্য করিলেও শিবনাথ খিড়কীর বাগানে দাঁড়াইয়া কথাবার্তা শুনিয়া সব বুঝিয়াছিল—সে হাসি মুখেই জোড় হাতে দাঁড়াইয়া বলিল—অধম কি একান্তই শব্দ পদবাচ্য হ'ল ছজুরাইন।

মম্বর মা মুখে কাপড় জুঁজিয়া ঘরে ঢুকিয়া পড়িল। ছোট বৌএর চাপা হাসির থুক থুক শব্দ বেশ শোনা যাইতেছিল। গৌরী নিজেও না হাসিয়া পারিল না—বলিল—মা গো মা কি অপ্রস্তুত করতে পার তুমি—মাম্বকে—না বাপু—ছি ও কি ?

শিবনাথ হাসিয়া বলিল—আমার কাথাটার উত্তর দাও আমি কি শব্দের কেলাসে পড়লাম তা' হ'লে ?

গৌরী স্বামীকে বেশ করিয়া দেখিয়া বলিল—কিন্তু এ কি চেহারা হয়েছে বল দেখি ? সর্বদা বুলো, শরীরের এই অবস্থা—ছি ছি ছি। বস দেখি, একটু বাতাস করি।

ভোলাদাসী জল দে ত এক বালতী ! ছোট বৌ আমার সাবান আর তোমার ভাস্করের গামছা দেখে দাও ত'।

ভোলাদাসী বাড়ীর ঝি।

খেয়ালের সুর চাপা পড়িয়া ক্রপদ ধামার আরম্ভ হয় দেখিয়া শিবনাথ ভ্রান্ত হইয়া উঠিল—তাড়াতাড়ি সে বলিল—ধীরে মহাশয়া ধীরে, ক্রপদ ধামার আরম্ভ করতে হয় ধীর ভাবে সুস্থ চিত্তে ! একটু অপেক্ষা কর, এই গাছ কটা পুঁতে আসি।

গৌরী বলিল—হাত মুখ ধোও জল খাও তারপর। সে স্বামীর হাত হইতে গাছের চারা কয়টা টানিয়া লইল। আর উপায় ছিল না—শিবনাথকে বাধ্য হইয়া আত্মসমর্পণ করিতে হইল। অতঃপর কিন্তু শিবনাথের মন্দ লাগিল না—তপ্তদেহে শীতল বারি সিঞ্চন, তাহার সঙ্গে পাখার মুহু বাতাস, সকলের উপরু মিছরীর সরবৎ—মন্দ কেন, খুব ভালই লাগিল। সে চোখ মুদিয়া পরম আরামে বলিল—আঃ !

গৌরী বলিল—দেখ কিছুদিন কোথাও গিয়ে শরীর সেয়ে এস তুমি !
আর জামা জুতো পর—ও ছেড়ে আর—

মধ্য পথেই শিবনাথ বলিল—কেন, অম্নি আর পছন্দ হচ্ছে না আমাকে !

গৌরী বলিল—আমার কথাই পছন্দ তোমার হয় না। কিন্তু মা থাকলে তিনিও ঠিক এই কথাই বলতেন।

শিবনাথ বলিল—তনয় যতপি হয় অসিত বরণ, প্রসূতির কাছে সেই কবিত কাঞ্চন। কিন্তু, কত্না কাময়তে রূপঃ—সখি আশঙ্কা আমার তোমার সম্বন্ধে।

গৌরী এবার বিদ্রোহ করিয়া উঠিল। সে বলিল,—তোমাকে যেতে হবেই। আর জামা জুতো তোমাকে পরতেই হবে।

শিবনাথ উত্তর দিল—শরীর ত' আমার অসুস্থ নয় গৌরী। আর বেশভূষা জীবনে পক্ষে বাহ্য্য বলেই আমি মনে করি।

গৌরী বলিল—ও শরীর তোমার ভাঙতে কতক্ষণ ? তা' ছাড়া শ্রী বলে ঙ্গিনিষটাও ত' দরকার। আমি টাকা দিচ্ছি। শিবনাথ মুদ্রিত চক্ষেই উত্তর দিল—কি হ'বে রূপ, কি হবে বেশভূষা, মহাকালের দরবারে—

যাছুকরী

গৌরী রাগ করিয়া উঠিয়া গেল।

শিবনাথ তবুও একটু রসিকতা করিবার চেষ্টা করিল—রূপ দেখে যদি ভালবাস সখি—’

কিন্তু রসিকতা জমিল না, গৌরীর মুখ দেখিয়া গানের কলিটা সে সম্পূর্ণ আবৃত্তি করিতে পারিল না।

শিবনাথ স্ত্রীর অলুপ্তাধ রাখিল না। তাহার সেই এক উত্তর—কি হবে? সে গ্রাম প্রান্তের বাগানে ঘুরিয়া বেড়ায়, কত ধারার চিন্তা করে, লেখে—মস্তিষ্ক ক্লান্ত হইলে গাছ পৌতে।

গৌরী অবশেষে দেবর দেবনাথকে দলে টানিয়া শিবনাথকে পরাজিত করিবার চেষ্টা আরম্ভ করিল। এবার ফল কিছু ফলিল, স্থির হইল এখন কয়েক মাস আর এমন করিয়া শিবনাথের ঘুরিয়া বেড়ান হইবে না। বাড়ীতে বসিয়া সেরেসতার কাজ কর্ম দেখিয়া দিতে হইবে। শিবনাথকে স্বীকার করিতে হইল। কর্তব্য সে অবহেলা করে না।

গৌরী বলিল তবু আমার কথাটা রাখলে না!

শিবনাথ বলিল—তোমার কথাইত’ রাখলাম।

—না—ভাইএর কথা রাখলে। কেন—সে কথাও আমি জানি।

—কেন শুনি?

—বই ছাপাতে টাকা চেয়েছিলে তুমি—আমি দিইনি—তাই। আমার টাকায় শরীর সারতে পর্য্যন্ত যাবে না তুমি। আমার ব্রতের কাপড় জামা জুতো ছাতা সে পর্য্যন্ত নিলে না তুমি।

শিবনাথ বলিল—পাগল তুমি! গৌরীর কথা তখনও শেষ হয় নাই

সে বলিতেছিল—টাকা দেবার আমি কে? টাকার মালিক ছেলেরা। তারাই মায়ের দৌহিত্র। একথাটা তুমি বুঝলে না, আমার উপর রাগ করলে।

শিবনাথ বলিল—ও তোমার ভুল ধারণা গোঁরী। বলিয়া সে বাহিরে চলিয়া আসিল। কিন্তু কথাটা সে চিন্তা না করিয়া পারিল না। বৈঠক-খানাটা জনশূন্য—চাকরটা বাজারে গিয়াছে, চাপরাশীটা এই মাত্র গেল দেবনাথের সঙ্গে মার্চে, নায়েব স্থানীয় ব্যক্তি, কি কারণে সে আজ আসিতে পারে নাই। শিবনাথ একা বসিয়া ঐ কথাটাই ভাবিতেছিল।

গোঁরী কিছু মাতৃধন পাইয়াছে—হাজার নয় টাকা। টাকাটা কতক ক্যাস সার্টিফিকেটে আবদ্ধ আছে, কতক গোঁরীর পিতৃকুলের এক ব্যবসায়ে ধার দেওয়া আছে—সুদটা তাহার মাসে মাসে পাওয়া যায়। কিছু টাকা শিবনাথ একবার চাহিয়াছিল, কিন্তু গোঁরী দেয় নাই। শিবনাথ ভাবিতেছিল গোঁরীর কথাটা কি সত্য।

চিন্তাটা স্নেহপ্রদ মনে হইতেছিল না, মনে মনে যেন অপরাধ আংশিক ভাবেও স্বীকার করিতে হইতেছিল। শিবনাথ উঠিয়া সেরেস্তার খাতাপত্র-গুলি লইয়া বসিল।

কাহার জুতার শব্দে মুখ তুলিয়া শিবনাথ দেখিল এক সৌম্যদর্শন প্রৌঢ় আসিতেছে। ভদ্রলোক আসিয়া নমস্কার করিয়া বলিলেন—নমস্কার।

শিবনাথও প্রতিনিমস্কার করিয়া বলিল—বসুন। বসিয়াই ভদ্রলোক বলিলেন—নতুন বহাল হয়েছেন বুঝি আপনি।

নয় গাত্র শিবনাথ বুঝিল ভদ্রলোকের ভুল হইয়াছে। কিন্তু কি ভাবে কেমন করিয়া সে ভ্রম সংশোধন করিয়া দেওয়া যায়, তাই সে দ্রুত চিন্তা

যাছুকরী

করিতেছিল। কিন্তু তাহার পূর্বেই ভদ্রলোক তাহার হাতছুটা জোড় করিয়া মৃদু কণ্ঠে বলিল—পাঁচটি টাকা আপনাকে পান খেতে দোব নায়েব বাবু। আমার একটা কাজ ক’রে দিতে হবে।

শিবনাথ অগাধ জলে পড়িয়া গেল। দুই কূল বজায়ের উপায় না পাইয়া সে নায়েব সাজিয়াই বসিল।

বলিল—কি কাজ বলুন।

ভদ্রলোক বলিল—বাবুদের দরবার থেকে পাঁচ টাকা ক’রে বার্ষিক রুত্তি ছিল আমাদের। গত বছর থেকে সেটা বন্ধ ক’রে দিয়েছেন বড়বাবু। তা সেইটা আপনাকে উদ্ধার করে দিতেই হবে।

শিবনাথ প্রশ্ন করিল—রুত্তি বন্ধ হ’ল কেন? বড় বাবু ত’—

বিরক্তিভরে ভদ্রলোক বলিয়া বসিল—আরে মশায়, নতুন লোক আপনি—ক্রমে বুঝতে পারবেন। সে এক আচ্ছা লোক। এখন ব্যাপারটা শুধুন। বাবুদের মহাল ২১২ নং তৌজি পাবনায় আমার শ্বশুর বাড়ী—রুত্তি আমার শ্বশুরদের পৈত্রিক। আমিই সব সম্পত্তি পেয়েছি—শ্বশুরের ছেলে পিলে নাই। শ্বশুরের পৈত্রিক দুর্গাপূজা ছিল; বিজয়ার পর যাত্রার দিন আমার শ্বশুর প্রতিমার গলার পৈতে নিয়ে আসতেন—বাবুরা পাঁচটা করে টাকা দিতেন। এখন এবার আসতেই ছোটবাবু বললেন—রুত্তি আপনি পাবেন না; কেন মশায়, জিজ্ঞাসা করলাম। শুনলাম শ্বশুরের দুর্গাপূজো ত আমি আর আর করি না। সেই জগ্গে বড়বাবুর হুকুম।

শিবনাথের ব্যাপারটা মনে পড়িয়া গেল! সে বলিল—পূজোটা বন্ধ না করলেই হ’ত!

হাসিয়া ভদ্রলোক বলিল—বেশ মশাই আপনি ! থরচ কত ! তা ছাড়া ইস্কুল মাষ্টারী করি, ছুটি হয় সেই পঞ্চমীর দিন । কখনই বা কি করি ।

শিবনাথ ভাবিয়া চিন্তিয়া বলিল তা আমি বলব বাবুকে ।

ভদ্রলোক বলিল—হ্যাঁ !—ছোটবাবুকে নয় বড়বাবুকে বলবেন । আচ্ছা ঘ'ড়েল লোক মশাই—ছোট ভাইকে শিখণ্ডীর মত সামনে রেখে আড়াল থেকে হুঁঃ—বেশ ! আরে মশাই পাঁচ দিন এসে দেখাই পেলাম না । কোথা ? না, বাড়ী নাই—মাঠে—নয় বাগানে ।

তারপর সহসা মুখটা খুব কাছে আনিয়া বলিল—এত বাগানে কেন মশাই, বলি মালটাল—এঁয়া ? এদিকে ত স্বদেশীতে জেল টেল থেটে এলেন ।

শিবনাথের এবার হাস্য সম্বরণ করা কঠিন হইয়া উঠিতেছিল—সে কোনরূপে বলিল—কই সে রকমত শুনি টুনি নাই । চোখের ইসারা করিয়া ভদ্রলোক বলিল—আরে মশাই ডুবে ডুবে জল খেলে একাদশীর বাবাও জানতে পারে না ।

শিবনাথ ভদ্রলোককে বিদায় করিবার চেষ্টায় ব্যস্ত হইয়া উঠিল—এখনি কে হয় ত আসিয়া তাহার পরিচয় ব্যক্ত করিয়া দিবে । সে বলিল—আমি বলব—আচ্ছা, নমস্কার ।

ভদ্রলোক আবার তাহার হাত দুইটা চাপিয়া ধরিয়া বলিল—আজ্ঞে বলব বললে হবে না । ব্রাহ্মণের বৃত্তি উদ্ধার করে দিতেই হবে । আমি বরং আরও কিছু—। বাধা দিয়া শিবনাথ বলিল—আমাকে কিছু লাগবে না । তবে বড়বাবু যে ধারার মানুষ—

যাদুকরী

ভদ্রলোক বলিল—আরে, দেখা পেলো যে দেখি কি ধারার মাছুষ। বুড়োছেলে শাসন করা অভ্যেসও আমার আছে। এই দেখুন, দশটাকা দোব আমি। আচ্ছা চল্লাম আজ—নমস্কার!

ভদ্রলোক চলিয়া যাইতেই শিবনাথ তত্তাপোষের উপর গড়াইয়া হাসিতে আরম্ভ করিল। একা একা এতটা কোঁতুক ভোগ করিতে তাহার ভাল লাগিল না। সে উঠিয়া বাড়ীর দিকে চলিল। শিবনাথের বাড়ী ও বৈঠকখানার মধ্যে খানিকটা ব্যবধান আছে—একটা রাস্তা পার হইয়া সামান্য একটু যাইতে হয়। বৈঠকখানা হইতে রাস্তায় নামিয়াই কিন্তু তাহাকে দাঁড়াইতে হইল। সেই ভদ্রলোক তাহারই এক বন্ধুর সহিত কথা কহিতে কহিতে অগ্রসর হইয়া আসিতেছেন।

শিবনাথ সঙ্গে সঙ্গে ফিরিল, কিন্তু তাহার পূর্বেই বন্ধুটি বলিয়া উঠিল—এই যে শিবনাথ। এই ভদ্রলোক—ও মশায়, ও সীতারামবাবু—চলে যাচ্ছেন কেন, এই যে শিবনাথ।

সীতারামবাবু ততক্ষণে বিপরীত দিকে মুখ ফিরাইয়া দ্রুতপদে অনেকটা চলিয়া গিয়াছেন।

শিবনাথের হাসিতে নূতন জোয়ার ধরিয়া গেল। তবুও সে ডাকিল—
গুহুন, গুহুন, সীতারামবাবু!

অল্প দূরেই পথটা একটা মোড় কিরিয়াছে। সীতারামবাবু সেই মোড়ের মধ্যে তখন অদৃশ্য হইয়া গিয়াছেন। বন্ধুটি হতবাক হইয়া শিবনাথের মুখের দিকে চাহিয়া রহিল। অবশেষে বলিল—কি ব্যাপার বল ত' শিবনাথ—
ভদ্রলোক আমার জানা লোক। তাই দেখা হতেই বল্লেন শিবনাথবাবুকে

খ'রে একটা কাজ ক'রে দিতে 'হবে আমার। তাই সঙ্গে আসছিলেন ও আমার, কিন্তু তোমাকে দেখেই—; কি ব্যাপার বলত ?

শিবনাথ তখনও প্রচুর হাসিতেছিল—সে হাসির মধ্যেই কোনরূপে বলিল—পরে বলব দাদা—এখন হাসতে দাও !

বলিয়া সে হাসিতে হাসিতেই বাড়ী চলিয়া গেল। বাড়ীর সকলেও হাসিয়া আকুল হইল। গৌরী, ঘরের মধ্যে লক্ষ্মীর সিংহাসন পরিষ্কার করিতেছিল। সে গম্ভীর মুখে বাহির হইয়া আসিল।

বাড়ীর পুরাতন ঝি সতীশের মা বলিতেছিল—তা' বাপু লোকের দোষ কি ! বাবু লোকের চেহারা হবে এ্যাই থলথলে—এই ভুঁড়ি ! এ্যাতখানি জায়গা জুড়ে ব'সে থাকবে পাহাড় পর্বতের মতন ! এই জামা, চক্চকে জুতো, মস্ মস্ করে যাবে ! তা-না ই এক টং বাপু তোমার।

শিবনাথ গৌরীর মুখের দিকে চাহিয়া বলিল—শুনলে হাসির কথা !

কাজের অজুহাতে ওঘরে যাইতে যাইতেই গৌরী উত্তর দিল—কালো ত' নই, শুনলাম বৈ কি ! কিন্তু হাসির ত' এতে কিছু নাই।

শিবনাথ প্রশ্ন করিল—কি রকম ?

—তা' বৈ কি। আড়িপেতে শোন যদি তবে নিরেনকুইজনকে অমনি ধারার কথা বলতে শুনবে। নিজের পরিচয় গোপন ক'রে নিজের সম্বন্ধে কথা শোনাও আড়িপাতারই সামিল। ও অতি ছোট কাজ।

গৌরীর কথার সুরে ও অর্থে বাড়ীর হাস্যচটল বায়ুস্তর যেন দেখিতে দেখিতে স্তব্ধ উত্তপ্ত হইয়া উঠিল। সকলেই যেন হাঁপাইয়া উঠিতেছিল। শিবনাথও মনে যেন একটু আঘাত পাইয়াছিল—তবুও সে রহস্ত করিবার

বাছুকরী

চেপ্টা করিল—হতভাগ্য শিবের কপালে পতিনিন্দা শুনে গৌরীও শেষে সতীর মত দেহত্যাগ না করেন—আমি তাই ভাবছি !

গৌরী শাস্তস্বরে উত্তর দিল—দেহত্যাগ করে আর লাভ কি বল ? গৌরী দেহত্যাগ করলে মহাদেব আবার বিবাহ করবেন মাঝখান থেকে গৌরীর কার্তিক গণেশই ডেসে যাবে।

কথাগুলির গঠনের ভঙ্গীতে রহস্য বলিয়াও ধরা যায়—কিন্তু অতি কুংসিং ব্যক্তির রোদন বিকৃত মুখ দেখিয়া যেমন হাসা যায় না—তৈমনি এ কথাগুলি শুনিয়াও কেহ হাসিতে পারিল না। শিবনাথও নীরব হইয়া রহিল। কিছুক্ষণ পরে শিবনাথ বলিল—এত রূপের আকাজক্ষা কেন বল ত' তোমার ?

অতি রুষ্ট কণ্ঠস্বরে গৌরী উত্তর দিল—এত বড় জঘন্টু কথাটা তুমি বললে আমাকে ! অতি ইতর তুমি !

শিবনাথের কর্কশ কৃষ্ণমূর্ত্তি ক্রোধে কুংসিত হইয়া উঠিল—সে বলিয়া উঠিল—যা সত্য তাই বলেছি। সত্য কথা ইতরে বলে না—ইতরেই সত্যকথা সসম্মানে গ্রহণ করতে পারে না !

পাটিকা মমুর মা বলিল—তা বাবু একবার ঘুরেই আসুন না। বৌদিদি ত' ভাল কথাই বলছেন !

শিবনাথ উত্তর দিল—সে খরচ করবার মত অবস্থা আমার নয়। তার চেয়ে স্নো-পাউডার মেখে রূপ বাড়ান কম খরচে হয়। বলিতে বলিতেই সে উঠিয়া নৈঠকখানার দিকে চলিয়া গেল।

* * * * *

জায়া

ইহার পর দুইবৎসর চলিয়া গেছে। শিবনাথ তখন খ্যাতি সম্পন্ন লেখক। দুই চারিখানা কাগজের লেখার তাগিদ পত্রের জবাব তাহাকে নিত্য দিতে হয়। পরিশ্রমও সে করে অগাধ। কিন্তু গাছের নেশা—উদ্বেগহীন ভাবে মাঠে মাঠে ঘোরার নেশা, বেশভূষায় উদাসীনতা এখনও তাহার তেমনি আছে।

সেবার বর্ষার সময় খেয়াল হইল ঘর মেরামতের। রাজমিস্ত্রী লাগাইয়া নয়—রাজমিস্ত্রীর যত্নপাতি কিনিয়া সে নিজেই কাজ আরম্ভ করিল। বাগানের ভিতর দিয়া বৈঠকখানায় প্রবেশের পথ ছিল না—সেখানে সে পাঁচাল ভাঙ্গিয়া এক নূতন ফটক ও একপ্রস্ত সিঁড়ির প্রয়োজন অনুভব করিল। আর তৈয়ারী করিতে হইবে বাগানের মধ্যে একটা পাকা বেদী।

ছোট ভাই বলিল—তোমার অঙ্কু খেয়াল দাদা। বেশ ত' রাজমিস্ত্রী লাগান হোক।

শিবনাথ নিজের হাতেই বনিয়াদ খুঁড়িতেছিল। সে বলিল—উঁ-হ। দেবনাথ জানে এ লোকের সঙ্গে বাক্যব্যয় করা বৃথা ; সে দাদাকে কিছু না বলিয়া বাড়ীতে গিয়া গোঁরীকে ধরিল—পার ত' তুমি পারবে বৌদি—তুমি বল।

গোঁরী বলিল—পাগল তুমি দেবু ! মহাপুরুষ যারা হয় তাদের ঐ ধারা ! কারও কথা তাদের রাখতে নাই। আমি পারব না ভাই, আমাকে বল না।

দেবু বলিল—প্রজা সজ্জন আসে যায়—তারা দেখলে কি বলে বল ত' মাধার ওপরে এই কড়া রোদ, কখনও রুষ্টি !

গোঁরী বলিল—তারা হীন ব্যক্তি—তাদের বলা কওয়ায় কি আসে

যাছুকরী

যায়! আর রোদ বৃষ্টি প্রকৃতির দান ওতে কি শরীরের অনিষ্ট হয়! তা' ছাড়া খালি গায়ে, খালি মাথায় রোদ, বৃষ্টিতে মহাপুরুষদের কষ্টও হয় না।

দেবু চুপ করিয়া রহিল। গৌরী জল খাবার সাজাইয়া একখানা রেকাবী দেবুর হাতে দিয়া বলিল—খাইয়ে এস দেখি। চাকর বাকরের হাতে দেওয়া ত' মিথ্যে—পড়েই থাকবে।

* * * *

পনের দিনেও সিঁড়িটা শেষ হইল না। সেদিন সকালে শিবনাথ মাথায় এক মাথালী দিয়া সিঁড়ির উপর সিমেন্ট চালাইতেছিল। পনের দিনেই রোদ্রে তাম্রাভ রংএ তাহার কাল ছোপ ধরিয়াছে—পিঠখানার রং গাঢ় কাল হইয়া উঠিয়াছে।

পিওন আসিয়া প্রশ্ন করিল—এই, বাবু আছেন রে?’

শিবনাথ মুখ তুলিয়া চাহিতেই সে লজ্জায় জ্বিত কাটিয়া বলিল—আজ্ঞে—চিনতে পারি নাই আপনাকে। একটা রেজেষ্ট্রী আছে, খারিজ ফিজের নোটিশ!

চিঠি কয়খানা হাতে লইয়া সে হাসিয়া বলিল—রেজেষ্ট্রী ছোট বাবুকে দাও গে যাও।

চিঠিগুলোয় কয়খানা কাগজের পত্র, একখানা তাহার মামার, অপর খানা দিয়াছেন তাহার ভগ্নীপতি। ভাগ্নীর বিবাহ আগামী সপ্তাহে, তিনি তাহাকে যাইতে লিখিয়াছে। দিদিও পত্র দিয়াছেন—এবার দেবুকে পাঠাইলে চলিবে না। তাহাকেই আসিতে হইবে। অগ্ৰধায় তিনিও কখনও আর শিবুর বাড়ী আসিবেন না।

জায়া

শিবু এ নিমন্ত্রণ উপেক্ষা করিতে পারিল না। ভগ্নীপতির দেশ বর্ধমান জেলার এক পল্লীগ্রামে—রেল ষ্টেশন হইতে মাইল পাঁচেক দূরে ঘাইতে হয়। কাঁচা রাস্তা বর্ষার জলে কাদায় অব্যবহার্য হইয়া উঠিয়াছে। পৌছিবামাত্র ভগ্নীপতি সম্বর্দ্ধনা করিলেন—এস এস ভাই এস। কিন্তু এ কি চেহারা হয়েছে, তোমার শিবু! খালি পা—পালি গা—এ কি!

শিবু হাসিয়া বলিল—চাষার চেহারা আবার কবে সম্বন্ধের মত হয় জামাইবাবু! এই ত' চাঙ্গীর পোষাক।

ভগ্নীপতি উপস্থিত ভদ্রলোক কয়টির দিকে লক্ষ্য করিয়া বলিলেন—ডাক্তার বাবু, ইনিই হলেন আপনাদের প্রিয় লেখক শিবনাথ—আমার তালব্যাশয়ে আকার লয়ে আকার। কেমন হে? আর ইনি—

তৎপূর্বেই ডাক্তার বাবুটি আগাইয়া আসিয়া বলিলেন—আমার পরিচয়—এ ভিলেজ ডক্টর, সামান্ত ব্যক্তি। ভারী সুখী হলাম! ভারী ভাল লাগে আপনার লেখা। আমাদের ক্লাবের লাইব্রেরীতে কিন্তু একদিন যেতে হবে আপনাকে

ভগ্নীপতি বলিলেন—হবে ডাক্তার হবে। ওকে এখন পনের দিন ছাড়ব মনে করছ? তবে চোয়াড়ের গলায় ফুলের মালা দিয়ে কি করবে! চলহে, বাড়ীর ভেতরে চল—দিদি তোমার দশবার খোঁজ করেছে এর মধ্যে—শিবু এল?

শিবু বলিল—যে রাস্তা আপনাদের!

বাড়ীর মধ্যে দিদি তাহাকে দেখিয়া কাঁদিয়া বলিলেন—এ কি দশা হয়েছে তোর শিবু?—এঁা, সেই শিবু তুই! বলে না দিলে ত' তোকে আমি চিনতেই পারতাম না। বৌ লেখে শরীর খারাপ হয়েছে তোর,

ঘাছুকরী

কিন্তু এত খারাপ ! সে রাক্ষুসী সেবা যত্ন করে না নাকি ? বস'বস' আমি বাতাস করি । আর এ কি পোষাক পরিচ্ছদের শ্রী-রে তোর ।

শিবনাথ হাসিতে হাসিতে বলিল—এক কাপ চা দাও দেখি আগে !

দিদি ডাকিয়া বলিলেন—অ ভাই বিনী—চারের জল চড়িয়ে দাও ত' ।
আর ওরে নবীন—হাত মুখ ধোবার জল দে ।

ওদিকের বারান্দায় মেয়েরা দাঁড়াইয়াছিল, সম্মুখেই কতকগুলি ঝিউরা মেয়ে—তাদের পিছনে কতকগুলি বধু । দিদি বলিলেন—মেয়েরা সব দেখতে এসেছে তোকে । আমাদের এখানে লাইব্রেরীতে তোর বই সব আছে কি না—আর সব কাগজই আসে ত' ।

শিবু হাসিয়া বলিল—তা' ছাড়া তোমার মত সজীব বিজ্ঞাপন যখন রয়েছে, তখন এখানে শিবুর খ্যাতির অভাব কি ?

দিদি বলিল না—রে না, আমি মিথ্যে বড়াই ক'রে বেড়াই না ।
কিন্তু ও চেহারায় তোকে দেখবে কি বল্ ত' ?

শিবু বলিল—ভয় কি দিদি । জামাইবাবু অনুচা ভগ্নী ত' নাই যে এই চেহারায় বরমালা গলায় নিতে হবে - টোপর পরতে হবে !

শিবুর মাথায় এক চপেটাঘাত করিয়া ভগ্নীপতি বলিলেন—ওরে শালা আমাকে পার্টে শালা বলতে চাও তুমি !

দিদির নন্দ বিনী বা বিনোদিনী হাসিতে হাসিতে আসিয়া এক কাপ চা হাতে দিয়া বলিল—দুধ বেশী হয়ে গেছে, গরমও নেই, শিগ'গির খেয়ে নিন ।

দিদি বলিল—খাসনে শিবু খাসনে—মাড় মাড় চা নয় ।

তাহার পূর্বেই শিবু চুমুক দিয়াছিল—সেটুকু ফেলিয়া দিয়া শিবু

বলিল মাড় খুব পুষ্টিকর জিনিষ, সেন্ট পারসেন্ট ভিটামিন। আর আমার মত চাষার পক্ষে উপযুক্ত বস্তু। সকলে হাসিয়া উঠিল।

* * * *

শিবনাথের উপর পড়িল বরষাত্রী সম্বন্ধনার ভার।

ভগ্নীপতি গোপালবাবু বলিল—দেখো ভাই, সহরে জীব সব, তার ওপর আসছেন বরষাত্রী, বিজয়ী প্রসিয়ান সৈন্তের মত বিক্রমে আসবেন। প্রথম মোহড়া তোমাকেই নিতে হবে।

মাধায় এক তোয়ালে জড়াইয়া শিবু যাইবার জন্ত সাজিল, বলিল—কোন চিন্তা নাই আপনার। খান দশেক গো-গাড়ী ও খান দুয়েক পাঙ্কী লইয়া শিবু ষ্টেশন হইতে বরষাত্রী আনিবার জন্য যাত্রা করিল। রাস্তায় স্থানে স্থানে এক হাঁটু করিয়া কাদা জমিয়াছে। শিবু যখন ষ্টেশনে পৌঁছিল তখনও ট্রেনের বিলম্ব ছিল। একজন খাবারওয়ালাকে ধরিয়া সে চায়ের বন্দোবস্ত করিয়া রাখিল।

বরষাত্রীর দল ষ্টেশন হইতে বাহির হইয়াই থমকিয়া দাঁড়াইল।

কাদা! এ কি দেশ বাবা! এ কথাতো ছিল না!

শিবু যোড় হাত করিয়া বলিল, এই আমাদের দেশ। তবে কষ্ট বেশে করতে হবে না, যেটুকু কষ্ট ঐ দোকান পর্য্যন্ত। ওখানে চা খেয়ে গাড়ীতে উঠবেন, বাড়ীর দোরে নামবেন।

একজন বলিল—বলিহারি ইয়ার! জুতোর কাদা ঘুচাবে কে?

বরকর্ত্তা আগাইয়া আসিয়া বলিলেন, করবে কি আর, উপায় কি! এক কাজ কর, সব জুতো খুলে ফেল সব।

তরুণ দলের মধ্যে গুঞ্জন উঠিল জুতো হাতে করে বরষাত্র যাওয়া
'এ ত' নতুন ।

বরকর্তা বলিলেন—তোমরা জুতো হাতে করবে কেন—ঐ যে চাকর
না সরকার ওকেই দাও সব ! এই জুতোগুলো সব নাও হে তুমি ।
একুথানা বস্তা আন' বরং ।

শিবু অদূরবর্তী একজন গাড়োয়ানকে ডাকিল—ওরে

একজন বরষাত্রী তাহার মাথায় সজোরে এক চড় বসাইয়া দিয়া
বলিল—ওকে বলা হ'ল ত' উনি আবার বলেন ওকে । নে বেটা তুই
নে না । তোকেই নিতে হবে ।

ভাবী বৈবাহিক তখন ক্রুদ্ধ মার্জারের মত গৌফ ফুলাইয়া বলিতেছেন
—লোক নাই জন নাই কি ব্যাপার সব ? পাড়াগাঁয়ের ভদ্রলোক means
হাফ চাষা ।

শিবু হাসিমুখেই বস্তা ঘাড়ে লইয়া জুতা সংগ্রহ করিতেছিল । সে
বেয়াইকে বলিল, আপনার জুতো জোড়াটা !

দোকানে আসিয়া আর এক হাঙ্গামা, ভাঁড়ে চা কি ভদ্রলোকে থায় !

শিবু বলিল—আজ্ঞে কাপের চেয়ে ভাঁড় অনেক ভাল—কাপে কত
জনে থায়—সেই ।

একজন বলিয়া উঠিল—আচ্ছা ইম্পার্টিনেন্ট চাকর ত—দে ত' রে
বেটার কান মলে !

শিবুর সঙ্গে চাপরাশী ছিল জন কয়েক । তাহারা রুট হইয়া উঠিয়াছিল,
কিন্তু ইসারা করিয়া শিবনাথ তাহাদিগকে নীরব থাকিতে আদেশ করিল ।
যাই হোক নেশার বস্তু চা এবং সে চা যখন আর রাস্তার মধ্যে পাওয়া

জায়া

যাইবে না, তখন অগত্যা ভাঁড়েই থাইতে হইল ! ভাঁড়ে চা বিশ্বাস লাগিল কিনা সে প্রশ্ন করিতে শিবু সাহস করিল না ! গাড়ীতে উঠিবার সময় জুতা চাই—শিবনাথ পূর্বেই জুতাগুলি জোড়া মিলাইয়া সারিবন্দী করিয়া সাজাইয়া রাখিয়াছিল । বরষাত্রীরা বলিল—পায়ে যে কাদা, জুতো পায়ে দি কি ক'রে ?

শিবু গাড়োয়ানদের হুকুম করিল—জল এনে দে, বাবুরা পা ধোবেন ।

একজন গাড়ীতে বসিয়া পা বাড়াইয়া দিয়া বলিল, এইখানে পা ধুয়ে দাও বাবা, কাদার ওপরে পা ধুয়ে ফল কি !

সহযাত্রীরা তাহাকে তারিফ করিয়া উঠিল—দি আইডিয়া ! ত্রৈণ কি রে বাবা !

সঙ্গে সঙ্গে সকলেই গাড়ীতে চড়িয়া পা বাড়াইয়া বসিল । গাড়োয়ান পা ধুইয়া গামছা দিয়া মুছিতে উত্তত হইতেই বরষাত্রীটা বলিয়া উঠিল—থাক—থাক । শোন ত' হে ইয়ার খানসামা, শোন ত' !

শিবনাথ কাছে আসিতেই সে বলিল, খোল ত' বাপধন মাথার তোয়ালে খানি, মোছ পা মুছে দাও ।

একে একে সকলের পা মুছিয়া দিয়া হাসিতে হাসিতেই সে গাড়ীর সঙ্ক ঘরিল । গাড়ীতে স্থান তাহাকে কেহ দিল না ; অগত্যা সে একজন গাড়োয়ানের স্থানে বসিয়া পাঁচন হাতে গরু ঠেঁজাইতে বসিল—হেং-তা-তা বাপধন রে আমার !

ভগ্নীপতি গোপাল বাবু বলিল—ব্যাপার কি হে শিবু, চাপরাশীর বন্ধে আশ্রয়—ওরা নাকি তোমার মাথায় চড় মেরেছে, জুতো বইয়েছে—

যাছুকরী

হাসিয়া বাবা দিয়া শিবনাথ বলিল—যেতে দিন না জামাইবাবু, ও সব তুচ্ছ ব্যাপার নিয়ে শেষে কি শুভকর্মে একটা ব্যাঘাত ঘটাবেন ?

সজল চক্ষে গোপালবাবু শুধু বলিল—ভাই শিবু !

শিবনাথ তাড়া দিয়া বলিল—যান—যান কাষে যান। কোথায় কি ঐকটা হয়ে যাবে শেষে। আপনাকে হয় ত, কান নাক মলিয়ে ছাড়বে।

গোপালবাবুও এবার অল্প একটু হাসিয়া বলিল—তোমাকেই ডাকতে এসেছি—আলাপ করবেন বেয়াই মশায়। উনি আবার সাহিত্য রসিক লোক কিনা।

শিবু বলিল—না—না, সে হয় না জামাইবাবু। ভারী অপ্রস্তুত হবেন ওঁরা। গোপালবাবু বলিল—তুমি না গেলে হয় ত' ভাববে তুমি রাগ করেছ, কারণ, জানতে ওরা পারবেই যে তুমিই ষ্টেশনে আনতে গিয়েছিলে।

শিবুকে দেখা দিতে হইল।

গোপালবাবু শিবুকে সঙ্গে লইয়া আসরে আসিয়া পরিচয় দিতেই গমগমে গরম আসরখানায় কে যেন জল ঢালিয়া দিল। বরষাত্রী সকলেরই মুখ কাল হইয়া গেল। বরকর্তা উঠিয়া আসিয়া ঘোড় হাতে সম্মুখে দাঁড়াইলেন। শিবু বলিয়া উঠিল—ডিটেক্টিভ নভেল লিখব বেঁই মশাই, তাই ছদ্মবেশ প্র্যাক্টিস করছি।

তুচ্ছ রসিকতা, কিন্তু ইহাতেই সকলে প্রাণ খুলিয়া হাসিয়া হাঁপ ছাড়িয়া ঝাঁচিল। ইহার পর কিন্তু দুয়স্ত বরষাত্রীর দল স্তবোধ বালক হইয়া গেল—যাহা পাইল তাহাই খাইল—যাহা অনুবোধ করা হইল তাহাই রাখিল।

বাড়ীতে আসিয়া একথা শিবনাথ প্রকাশ করিল না—গৌরীর উষ্ণ আশঙ্কা করিয়া।

সেদিন সে পড়িবার ঘরে বসিয়া একখানা সাপ্তাহিকের একটা প্রবন্ধ পড়িতেছিল। প্রবন্ধটা গল্প সাহিত্যের উপরে লেখা—তাহাতে তাহার সম্বন্ধে উচ্ছ্বসিত প্রশংসা করা হইয়াছে। গৌরী ঘরে ঢুকিয়া একখানা খোলা চিঠি তাহার সম্মুখে ফেলিয়া দিল। শিবনাথ দেখিল, দিদি লিখিয়াছেন চিঠিখানা। সমস্ত কাহিনী সবিস্তারে বর্ণনা করিয়া পরিশেষে গৌরীকে তিরস্কার করিয়াছেন—তুমি নিশ্চয়ই শিবনাথের সেবা যত্নে মনযোগী নও। রত্ন পাইয়া তুই চিনিলা না পোড়ারমুখী!

শিবনাথ মুখ তুলিয়া গৌরীর দিকে চাহিল, তারপর ঈষৎ হাসিয়া বলিল—হ্যাঁ, বলিনি তোমাকে আমি।

অকস্মাৎ ঝর ঝর করিয়া কাঁদিয়া গৌরী কহিল—তুমি চেঞ্জে যাবে কি না বল? নইলে—। কথা তাহার অসম্পূর্ণ থাকিয়া গেল।

শিবু বলিল—আবেগ ভাল নয় গৌরী, শোন, আমার কথা শোন!

গৌরী চোখ মুছিল, কিন্তু তাহার ঠোঁট দুইটা কাঁপিতেছিল। সে বলিল—

লোকে তোমায় চাকর ভেবে আপমান করে—কতজনে কত কথা বলে। ও বাড়ীর হরির বৌ সেদিন কি বলে জান, বলে—দিদি, বড়ঠাকুর কি নেশা টেশা করেন যে এমন পাক দেওয়া—।

তাহার কণ্ঠস্বর আবার রুদ্ধ হইয়া গেল।

শিবু হাসিয়া বলিল—এ যে তোমার মিথ্যে দুঃখ গৌরী!

যাছুকরী

গোঁরী বলিল—না-মিথ্যে নয়। নিজেই স্বামী—সন্তান কুংসিং হলেও কেউ সে কথা বললে বড় দুঃখ হয়। বুলুর কথা কি মনে নেই তোমার?

শিব চমকিয়া উঠিয়া একটা দীর্ঘ নিঃশ্বাস ফেলিল, তাহার মনে পড়িয়া গেছে। গোঁরী বলিল—বুলুর কথা ত' তোমার ভোলবার নয়।

বুলু শিবনাথের মৃত্যু কথা। মেয়েটি শিবনাথের বড় প্রিয় ছিল।

কিন্তু সে ছিল কাল, তাহার উপর চোখ দুটা ছিল ছোট ও ট্যারা।

গোঁরী বলিল—মনে পড়ে তোমার, গাঙ্গুলী বাবুদের ঠাকুরবাড়ী থেকে যে দিন সে কাঁদতে, কাঁদতে—

ঝর ঝর করিয়া গোঁরী নিজেই কাঁদিয়া ফেলিল।

শিবনাথের মনশ্চক্ষের উপর ছবিটা ভাসিয়া উঠিল।

শিবনাথ বসিয়া জল খাইতেছিল সেদিন। অব্যাহত ঝরে কাঁদিতে কাঁদিতে চার বছরের মেয়ে বুলু আসিয়া দাঁড়াইল। সে তাড়াতাড়ি তাহাকে বুকে লইয়া প্রণাম করিল—কি হল মা—কে মারলে তোমাকে?

বুলু উত্তর দিতে পারিল না—চোখের জলে বুকের দুঃখ তখনও তাহার নিঃশেষিত হয় নাই। উত্তর দিল গঙ্গা, শিবনাথের বড় মেয়ে—সে বলিল—ওই ঠাকুরবাড়ী গিয়েছিলাম আমরা পূজো দেখতে। তাই ওদের গিন্নী বললে, এই কাদের ছেলে তুই? স'রে যা! তা' আমি বললাম—ও—আমার বোন। তাই ওরা কি বললে জান বাবা—বললে—শিবুর মেয়ে! ওমা কি কুচ্ছিং হয়েছে এটা, চোখ দুটো আবার দেখ! শিবু বিয়ে দেবে কি ক'রে গা! বুলু ছুটতে ছুটতে পালিয়ে এল। রাস্তা থেকে কাঁদতে কাঁদতে আসছে!

শিবনাথের মনে পড়িল, সে দিন সে বলিয়াছিল—মিথ্যে কথা মা,

ওরা মিথ্যে কথা বলেছে; এই দেখ তুমি—আমার চেয়ে কত সুন্দর তুমি !

বলু সাঙ্ঘনা পাইলেও শিবনাথের কথা বিশ্বাস করে নাই, সে বলিয়াছিল—বাবা তুমি কাল, আর আমি কাল ! ওরা সব সুন্দর !

গোঁরী তখন বলিতেছিল—সে আঘাত আমি জীবনে ভুলব নু। তুমি ও ত' সে দিন কঁদেছিলে।

শিব দীর্ঘশ্বাস ফেলিয়া বলিল—ভুলি নি গোঁরী !

গোঁরী বলিল—তুমি হাস, কিন্তু আমার বুকে তেমনি আঘাত লাগে ! তোমার খ্যাতিতে আমার তৃপ্তি হয় না। তোমার স্বাস্থ্য, তোমার শ্রীতে আমার বেশী তৃপ্তি।

শিবনাথ গোঁরীর হাতখানি টানিয়া আপনার কাঁধের উপর রাখিয়া বলিল—এখানটা বড় ধরেছে, একটু হাত বুলিয়ে দাও ত'।

গোঁরী নীরবে স্বামীর ঘাড়ে হাত বুলাইয়া দিতে আরম্ভ করিল। আরামে শিবনাথের চোখ বন্ধ হইয়া আসিতেছিল। মাথাটি হেলাইয়া সে গোঁরীর বুকের উপর স্থাপন করিয়া বলিল—আজ থেকে তোমার হাতেই সম্পূর্ণভাবে আত্মসমর্পণ করলাম গোঁরী। যা করবার তুমি কর।

চোখে জল মুখে হাসি মাখিয়া গোঁরী বলিল—তা হ'লে আসছে সপ্তাহেই দিন দেখাই !

এবার চোখ খুলিয়া চোখে চোখ মিলাইয়া শিব বলিল—কিন্তু আমি সুন্দর হলে আমাকে দেখে তোমার মনে কি বেশী আনন্দ হবে ?

গোঁরী আরক্তিম হইয়া উঠিল, বলিল—হবে, এর চেয়ে ঢের বেশী আনন্দ হবে।

ভ্রমণ কাহিনী

‘দুয়ারে প্রস্তুত গাড়ী—বেলা দ্বিপ্রহর’—অর্থাৎ যাত্রার আরোজন সম্পূর্ণ, তবে সেইদিন দ্বিপ্রহরে নয়, পরদিন সন্ধ্যায় যাত্রা করিবার কথা। নানাদিক হইতে নানা জনের উপদেশ বর্ষণের আর বিরাম ছিল না। আজকালকার দিনে উত্তরাপথ ভ্রমণ এমন একটা বিপদ-সঙ্কুল সুদীর্ঘ ভ্রমণ নয়, তবু বাঙালীর ঘর এখনও বাঙালীর ঘর, বাঙালীর মেয়ে এখনও বাঙালীর মেয়ে। স্নেহ-প্রবণতায় আশঙ্কায় নানা অসম্ভব কল্পনা করা বাঙালীর মেয়ের অন্তরের একটা বিশিষ্ট পরিচয়।

আশঙ্কার পরিমাণটা সকলের চেয়ে বেশী আমার পিসীমার ট্রেন কলিশন, বিদেশে কঠিন ব্যাধি হওয়ার সম্ভাবনা, এমন কি কোন অপরিচিত পথে হঠাৎ মাথা ঘুরিয়া পড়িয়া যাওয়ার সম্ভাবনার আশঙ্কাও তাঁহাকে উদ্ভিন্ন করিয়া তুলিয়াছিল। তিনি অত্যন্ত বিরক্ত হইয়া বলিলেন—এই বয়সে তোমার তীর্থধর্ম করার কি যে সখ হ’ল তা বুঝলাম না বাবা। আমার বাবা চুয়াশী বছর বয়সে তীর্থে গিয়েছিলেন। . কোন তর্ক না করিয়া তাঁহাকে আশ্বাস দিয়া বলিলাম—ভয় কি

ভ্রমণ কাহিনী

পিসীমা, আজকাল পথে কি আর কোন ভয় আছে? ঘরে আর পথে কোন তফাৎ নাই।

স্ত্রী একটি সিগারেটের টিন পানের মসলায় ভর্তি করিয়া খুটকেসে পুরিয়া দিয়া বলিলেন—কৌটোতে পানের মসলা রইল, যেখানে সেখানে পানটান খেয়ানা।

‘আ’কারের উপর জোর দিয়া প্রশ্ন করিলাম, পানওয়ালার হাতেও না? অকুণ্ঠিত করিয়া তিনি বলিলেন—মানে?

—মানে—পানের দোকানদার যদি নারী না হয়ে পুরুষ হয়—তার হাতেও না?

অত্যন্ত গম্ভীরভাবে তিনি বলিলেন, ঠাট্টার কথাটা কি বলেছি, শুনি? বিদেশী লোক দেখে যদি পানের সঙ্গে—

বাকীটা আমিই বলিয়া দিলাম, বেশ গম্ভীরভাবেই বলিলাম—হ্যাঁ তা বটে, বিস-টিস কিছু দিয়ে দেয়।

আর গাম্ভীৰ্য্য রক্ষা করিতে পারিলাম না—হো হো করিয়া হাসিয়া উঠিলাম।

প্রত্যুত্তরে তিনি দুম্ দুম্ শব্দে ঘর হইতে বাহির হইয়া চলিয়া গেলেন। আমিও বাড়ী হইতে বাহির হইয়া যাহাকে বলে পলাইয়া বাঁচিলাম। ফুটানো জল ঠাণ্ডা হইতে যত সময় লাগে তাহার দ্বিগুণ সময় বাহিরে অপেক্ষা করিয়া বাড়ী ফিরিলাম দেখিলাম ঠাণ্ডা হওয়া দূরের কথা গোটা বাড়ীটাই টগ্-বগ্ করিয়া ফুটিতেছে। একটা তুমুল আন্দোলন আরম্ভ হইয়া গেছে।

আমার মা শহরের মেয়ে, তা ছাড়া দৃষ্টির প্রসারতাও সাধারণ মেয়েদের

যাছুকরী

চেয়ে অনেক বেশী—দেখিলাম, তিনি পর্য্যন্ত এই আন্দোলনে যোগ দিয়াছেন। শুধু যোগ দেওয়া নয়, তিনিই দেখিলাম সভায় নেত্রী পদ গ্রহণ করিয়াছেন। তিনি বলিতেছিলেন—কবরেজ মশায় কাশী থেকে এসে মোগলসরাই মুসাফিরখানায় ট্রেনের জন্তে বসে আছেন, এমন সময় একটি-লোক এসে বলে, বাবু পেঁড়া নেবেন। লোকটা খুব গরীব আর লোকটার পেঁড়াগুলি দেখে খুব ভাল বলেই মনে হল। তবুও কবরেজ বললেন—না দরকার নাই। লোকটা তখন খুব কাকুতি-মিনতি করে বললে—বাবুজী আমি খুব গরীব, বাড়ীতে খুব যত্ন করে পেঁড়া তৈরী করে বেচি—তাতেই আমার দিন চলে। অল্প দু একটিও যদি নিতেন বাবু। লোকটার কথা শুনে কবরেজের মায়া হল—আর তাঁর ক্ষিদেও পেয়েছিল; তিনি দুটো পেঁড়া কিনলেন। লোকটা যেন কৃতার্থ হয়ে গেল। সে তাড়াতাড়ি নিজের খালাটা নামিয়ে কবরেজের কাছে লোটা চেয়ে নিয়ে জল এনে দিলে তারপর এ গল্প সে গল্প করে কবরেজের কাছে বসল। একটু পরেই কবরেজ ঘুম পেয়েছে বলে বেঞ্চের উপর শুয়ে পড়লেন। তারপর আর কবরেজের কিছু মনে নেই। যখন জ্ঞান হল, তখন তিনি রেল-হাসপাতালে। ব্যাচারার ব্যাগ নাই—গায়ের জামা নাই—এমন কি পরণের কাপড়খানা পর্য্যন্ত পাল্টে একখানা ছেঁড়া কাপড় পরিয়ে দিয়েছে। লোকটা পেঁড়ার সঙ্গে বিষ দিয়েছিল।

ঘটনাটি সত্য, সে আমিও জানি। হাতকাটা কবিরাজ মহাশয়ের ঘটনা পাটনা সহরে সৰ্ব্বজনবিদিত। মা সবটা বোধ হয় জানেন না, জানিলে হাতকাটা যাওয়ার কথাও বলিতেন। ভদ্রলোক প্রথম চেতনা পাইয়া পাগলের মত প্লাটফর্মে ঘুরিয়া বেড়াইতেছিলেন, কোন কথা তাঁহার

ভ্রমণ কাহিনী

মনেও ছিলনা। সেই অবস্থায় লাইন পার হইতে গিয়া লাইনের ধারে পড়িয়া যান। দৈবের কৃপায় জীবন রক্ষা হইল কিন্তু একখানা হাত লাইনের উপর পড়িয়াছিল—সেখানা তাঁহার কাটা গেল।

সে ভ্রমটুকু ইচ্ছা করিয়াই সংশোধন করিয়া দিলাম না—চাপিয়া গেলাম। একান্ত নিরীহের মত বলিলাম—ওঃ সে অনেক দিনের কুখা, এখ আর ওসব জোচ্চুরি চলে না।

পিসীমা গর্জন করিয়া উঠিলেন—না, চলে না! তুমি তীর্থে যাবে ব'লে সব চোর জোচ্চোর সাধু হয়ে উঠেছে।

মা বলিলেন, কাজ কি তোমার যেখানে সেখানে পান খেয়ে কি খাবার খেয়ে। পৃথিবীতে সাধুর চেয়ে পাপীর সংখ্যাই বেশী।

এ কথাটা অবনত মস্তকে স্বীকার করিয়া লইলাম। সাবধানে থাকিব না এমন সংকল্প মুহূর্তের জ্ঞাতও মনের কোণে স্থান না দিলেও পিসীমা, মা এবং স্ত্রী প্রত্যেকের নিকট স্বত্ত্ব প্রতিশ্রুতি দিয়া তবে ছুটি পাইলাম।

*

*

*

*

লুপলাইনের পথে যাত্রা, পথে প্রথমেই নামিলাম গৈবীনাথে। একেবারে মাঝগঙ্গায় দীপের মত একটি শিলাস্তূপ মাথা ঠেলিয়া উঠিয়াছে, তাহারই উপর ছোট ছোট মন্দির। শিলাস্তূপের পাথর কাটিয়া কয়টি গুহাও প্রস্তুত করা হইয়াছে। শিলাস্তূপটির চারিপাশে ছোট ছোট গুল্ম ও কতকগুলি ছোট গাছ স্থানটিকে আরও সুন্দর করিয়া তুলিয়াছে। গঙ্গার তরঙ্গ-বেটনীর মধ্যে তপোবনের মত দেবস্থানটা বড় ভাল লাগিল। যাই যাই

যাছুকরী

করিয়াও শেষ পর্যন্ত একটা ট্রেন ফেল করিয়া একেবারে সন্ধ্যায় ষ্টেশনে আসিয়া পৌঁছলাম।

সকল ছিল এখান হইতে যাইব মুন্সের। কিন্তু হিসাব করিয়া দেখিলাম মুন্সের গিয়া পৌঁছিব রাত্রি এগারটায়। মনটা কেমন খুঁত খুঁত করিয়া উঠিল, অপরিচিত স্থান—রাত্রি এগারটা। পরক্ষণেই আপন মনেই একটু হাসিলাম, সংক্রামক ব্যাধির বীজ মনোদেহে প্রবেশ না করিয়া ছাড়ে নাই। শুধু প্রবেশ করা নয়, বেশ চাপিয়া ধরিয়াছে দেখিতেছি! জোর করিয়া সকল করিলাম—মুন্সের যাইবই। মুন্সেরের টিকিট কিনিয়াই গাড়ীতে চাপিয়া বসিলাম। কিন্তু অদ্ভুত ব্যাধির শক্তি; জামালপুর আসিয়া মত পরিবর্তন করিতে বাধ্য হইলাম। প্রথমে ধীরে ধীরে তারপর ক্রমশ বর্ধিততর শক্তিতে আত্মপ্রকাশ করিয়া সমগ্র মনটাকে পরিব্যপ্ত করিয়া যে আমাকে কেমন করিয়া আয়ত্ত করিল ভাবিলে আজও আশ্চর্য্য হইয়া যাই। জামালপুরে পাটনার একখানা টিকিট করিয়া ঐ গাড়ীতেই রওনা হইয়া গেলাম। মুন্সের পিছনে পড়িয়া রহিল।

কিউল জংশনে আসিয়া নামিতে হইল। মেন লাইনের ট্রেন রাত্রি তিনটার পর। ঘড়ি দেখিলাম, এখন সবে দশটা। এখন শীতের রাত্রি, কোথায় কাটাই? থার্ডক্লাসের মুসাফিরখানাটার চারিদিক খোলা, উপরে টিনের আচ্ছাদন, অদূরবর্তী নদীটার জলো হাওয়া ছু শব্দে বহিয়া চলিয়াছে। বাতাসের শিশির কণা আচ্ছাদনীর টিনে লাগিয়া ঝুপ্‌ঝুপ্‌কার মত টিন বাহিয়া নীচে পড়িতেছে। কুলিটা বলিল—বাবুজি, ধরমশালায় যাবেন? আচ্ছা মোকাম, খুব আরামসে থাকবেন।

ভ্রমণ কাহিনী

রূপারটা বেশ করিয়া মুড়ি দিয়া আর একবার মুসাফিরখানাটা দেখিয়া লইলাম। যাত্রীর সংখ্যা বেশী নয়—যাহারা আছে তাহারা হাত পা গুটাইয়া শামুকের মত যেন পিঠে একটা খোলার সন্ধান করিতেছে বলিয়া মনে হইল। কনেষ্টবলটা ওভারকোট গায়ে দিয়াও হি হি করিয়া কঁাপিতেছে।

কুলিটা বলিল—ফি বাবু চিঞ্জ-বিজ্ঞ এখানে নামিয়ে দেই।

বলিলাম—ধরমশালা আছে বলছিলে না ?

—হাঁ—ও তো পহেলাই হামি বললাম বাবুজী !

—চল বাবা—সেইখানেই চল। কতদূর এখান থেকে ?

—ওহি বাবু—বাতী জ্বলছে, খুব কাছেই।

অল্প ধানিকটা আসিয়াই ধরমশালা পাইলাম। কুলিটাকে মনে মনে বহু ধন্যবাদ দিলাম—সত্যই বাড়ীখানি শীতের দিনে আরামপ্রদ। ছোট্ট এক টুকরা উঠানকে মধ্যে রাখিয়া চারিপাশে সারি সারি ঘর। ঘরগুলির কোলে আচ্ছাদিত টানা বারান্দা। বারান্দার উপরেই আড্ডা গাড়িয়া বসিলাম। সমস্ত বাড়ীখানাই অঙ্ককার। বাড়ীর প্রবেশ মুখেই দরজার মাথায় একটি চোঁকা লণ্ঠন জ্বলিতেছে—বহুদিনের আমাজ্জিনায় কালি-পড়া কাচের ভিতর স্তিমিত আলো লালচে হইয়া উঠিয়াছে। বসিয়া ভাবিতে-ছিলাম—একটা বাতি হইলে হইত।

—বাবুজী !

মুখ তুলিয়া দেখিলাম, এক প্রোচ বাড়ীর উঠানে দাঁড়াইয়া ডাকিতেছে। নিতান্ত সাধারণ বেহার প্রদেশের অধিবাসী—গায়ের উপরের অংশটা

যাতুকরী

নয়, পরণে ময়লা কাপড়, লোকটির হাতে একগাছি ঝাঁটা। বিস্মিত হইয়া বলিলাম—আমাকে বলছ ?

লোকটি বলিল—হাঁ, বাবু। বিছাওনা তো বিছাইবেন, ঝাড়ু দিয়ে দিই।

লোকটার দিকে তীক্ষ্ণদৃষ্টিতে ভাল করিয়া চাহিয়া দেখিয়া বলিলাম—তুমি কে ?

—আপইলোগনকে দাস হামি। ধরমশালাকে নোকর।

এই অসহায় অবস্থায় অকস্মাৎ একজন দাস পাইয়া আমি কিঞ্চিৎ উৎসাহিত হইয়া উঠিলাম, বেশ নড়িয়া চড়িয়া বসিয়া বলিলাম—হ্যাঁ হে—এখানে বাতি মোমবাতি মিলবে ?

সে বলিল—হাঁ জরুর মিলবে। আমি নিজে কিনে রেখে দিয়েছি—আপলোকের জন্তে।

মনে মনে ধরমশালার প্রতিষ্ঠাতাকে সহস্র ধন্যবাদ দিলাম, সচরাচর এমন বন্দোবস্ত তো দেখা যায় না !

লোকটিই বলিল, বাতি চাই আপনার ?

অ কুক্ষিত করিয়া লোকটার দিকে চাহিয়া বলিলাম, চাই বৈকি। বাতি আর কার না দরকার হয়, ওটা তোমার যাত্রী এলে সঙ্গে সঙ্গেই দেওয়া উচিত। সে বলিল, উ তো সচ বাত ছায়। লেकिन—যাত্রী লোকই নিতে চায় না ছজুর, বলে বহত আক্রা—হুনা দাম। তারা আধিয়ামেই দো-চার বণ্টা কাটিয়ে দিয়ে চলে যায়। দেখিয়ে না—সব আদমী আধিয়ারমেই শুয়ে ঘুমুচ্ছে।

কথাটা বেশ করিয়া হৃদয়ঙ্গম করিতে করিতেই একবার চারিদিকে

ভ্রমণ কাহিনী

চাহিয়া দেখিলাম। ছাদ ও থামের আওতার মধ্যে দরজার মুখের
স্তিমিত আলোক প্রবেশ করিতে পারে নাই, ভাল করিয়া দেখিতে না
পাইলেও নাসিকাবন্ধনির কোরাস শুনিয়া কথা অবিশ্বাস করিলাম না।
লোকটা বলিল, বাতি এনে দেব হুজুর? একটা না দুটো? ছোট বাতি
দুটো না হলে—।

অসহিষ্ণু হইয়া বলিলাম, দুটোই নিয়ে এস কত দাম?

—হু পয়সা হুজুর। বাজারমে পয়সামে দোঠো মিলতা, তা আপনিই
বিচার করুন—আমি কিনে রেখে দিই খোড়া মুনাফা না হলে—

—আচ্ছা, আচ্ছা, তুমি নিয়ে এস।

একটা বাতি জ্বালতেই স্থানটা য়হু আলোকে আলোকিত হইয়া
উঠিল। লোকটি আমার প্রয়োজন মত স্থানটুকু পরিষ্কার করিয়া দিয়া
বলিল, বিছাওনা বিছাইয়ে দিই হুজুর?

বুঝিলাম, ভবিষ্যৎ প্রত্যাশায় সে অতিমাত্রায় ভক্তিমান হইয়া
উঠিয়াছে। এই অজানা দেশে রাত্রিকালে তাহার ভক্তিতে আঘাত
করিলাম না, মন আমার আমাকেই চুপি চুপি বলিল—নৌকায় নদী পার
হইয়া নাবিকের সহিত সহিত বোঝা-পড়া করাই ভাল। যুক্তিটা মানিয়া
লইলাম। নিজেই বিছানাটার বাঁধন খুলিতে খুলিতে বলিলাম—হ্যাঁ, শোব
বৈকি, একটু দাঁড়াও, আমি বিছানাটা খুলে খুচরো জিনিষগুলো বের করে
নিই।

আবার একবার স্থানটায় ঝাড়ু বুলাইয়া সযত্নে বিছানা পাতিয়া দিয়া
লোকটি বলিল—পানি, জল লাগবে বাবুজী। পথিকের কিসের পর কোন
বস্তুর প্রয়োজন লোকটার যেন ধারাপাতের ধারায় মুখস্থ, দুইএর পর

যাছুকরী

তিন'এর মত। খুসী হইয়া বলিলাম,—হ্যা বাবা, পানি তো চাই—
কিন্তু আমার ত' ওই ছোট লোটা, একটু মুখ হাত ধুতাম।

—আমার বালতী লিবেন ছজুর ?

পরম আগ্রহভরে বলিয়া উঠিলাম—হ্যা হ্যা—নিয়ে এস।

অলক্ষ্যের মধ্যেই সে এক বালতী জল লইয়া ফিরিয়া আসিল।

গামছাটা বাহির করিয়া মুখ হাত ধুইতেছি—এমন সময় একদল
মাড়োয়ারী যাত্রী আসিয়া হাজির হইল। লটবহর মেয়েছেলে লইয়া দলে
তাহারা বেশ ভারী। সঙ্গে সঙ্গে আমার সেবকটি বারান্দা হইতে ঝাড়ু
গাছটি কুড়াইয়া লইয়া তাহাদের কাছে গিয়া হাজির হইল—শেঠজী !

আমি আর ওদিকে কান দিলাম না, আপন পরিচর্যায় মনোযোগ
দিলাম। মিনিট দুয়েক পরেই মাড়োয়ারী দলের এক ব্যক্তি আসিয়া
বিনা ভূমিকায় বলিলেন—আপনার বাতিটা একবার দিবেন মশা ?
এ দু-মিনিট। বলিতে বলিতেই তিনি বাতিটা উঠাইয়া লইয়া চলিয়া
গেলেন। অবাক হইয়া আলোক ধারার পশ্চাতে দৃষ্টি অনুসরণ করিয়া
দেখিলাম, শেঠজী লোক একখানা ঘরের মধ্যে আশ্রয় লইয়াছেন। ঘরের
ভিতর ঝাড়ু টানার খস খস শব্দ উঠিতেছে। অন্ধকারের মধ্যেই নীরবে
বসিয়া এইবার অকস্মাৎ অনুভব করিলাম—পেট বেশ জলিতেছে—
জঠরানল উগ্র হইয়া উঠিয়াছে।

ষ্টেশন প্রাটকর্ম ভিন্ন খাবার পাওয়া যাইবে না। কিছু পাওয়া গেলেও
সে খাওয়া ঠিক নয়—অন্তত সেই প্রতিশ্রুতি দিয়া বাহির হইয়াছি। হঠাৎ
বোধ হয় ক্ষুধার জ্বালায় মন শেঠজী লোকের উপর বিরক্ত হইয়া উঠিল।
ইাকিয়া বলিলাম—বাতি ঠোঁ দিন মশায়।

ভ্রমণ কাহিনী

শেষজী বাহির হইয়া আসিয়া বলিলেন—আর ধোড়া সবুর করেন মশা, দো মিনট।

পরক্ষণেই আবার বলিলেন—আপকে পাশ তো একটা বাতি আছে—উটা জ্বালেন না।

—ওঃ, নরক গুলজার যে ! কোন এক অপরিচিত কণ্ঠে কথা কৃষ্ণা ধরমশালার প্রবেশ মুখেই ধ্বনিত হইয়া উঠিল। কণ্ঠ অপরিচিত, কিন্তু ভাষা সম্পূর্ণ পরিচিত—একবারে খাঁটি বাঙলা। উৎসুক হইয়া সেইদিকে চাহিলাম, লালচে আলোর স্তিমিত প্রভাব বেষ ভাল করিয়া দেখিতে না পাইলেও, বুঝিলাম ভদ্রলোক বাঙালী। গায়ে গরম জামা কাপড়গুলি আধুনিক রুচিসম্মত, ভদ্রলোকের হাতে ছোট একটি স্মটকেস ও বগলে একটি ছোট বিছানা, মুখে প্রজ্জ্বলিত সিগারেটের আগুনের প্রতিবিম্বে দেখিলাম চোখে চশমাও আছে। অকস্মাৎ একটা তীব্র আলোকরশ্মি ধূমকেতুর পুচ্ছের মত জ্বলিয়া সারা বারান্দাময় ঘুরিয়া বেড়াইয়া আমার মুখের উপর পড়িয়া স্থির হইল। ভদ্রলোক টর্চ জ্বালিয়াছেন। আলোকের তীব্রতায় বিরক্তিভরে চোখ ফিরাইয়া লইলাম, ইচ্ছা হইল বেষ রুঢ় কয়েকটা কথা লোকটাকে শুনাইয়া দিই। কিন্তু তাহার পূর্বেই তিনি বলিলেন—যাকরে বাবা, ভাইয়ের বন্ধু ভাই, কোথায় গেলে পাই ? তা' বহু কষ্টেই পেয়েছি আপনাকে। উঃ মশাই, সেই আগ্রা আর এই কিউল—এর মধ্যে গাড়ীতে একজন বাঙালী উঠল আমার ভাগ্যে ? যাক, এই পাশেই বসা যাক।

বলিয়া আবার টর্চটা জ্বালিয়া পাশেই বিছানা ও স্মটকেস রাখিয়া চাপিয়া বসিলেন। আমি তাড়াতাড়ি দ্বিতীয় বাতিটা বাহির করিয়া

যাছুকরী

আলিয়া ফেলিলাম, শেঠজীকে আর অর্দ্ধদণ্ড বাতিটার জন্ত বিরক্ত করিলাম না।

ভদ্রলোক বাতির আলোকে আমার জিনিষ-পত্রের দিকে দৃষ্টিপাত করিয়া বলিলেন—ও আপনি যে একটা সংসার সঙ্গে নিয়ে চলেছেন। কতদূর যাবেন ?

‘হাসিয়া বলিলাম, পাঞ্জাব পর্য্যন্ত। বেড়াতে বেরিয়েছি।

মোট পাঞ্জাব পর্য্যন্ত ? তার জন্ত এত আসবাব ? আমার এই দেখুন, এই এতেই Whole India। তবে আমাদের কথা স্বতন্ত্র—জীবন-বীমার দালাল। বলিয়া তিনি হাসিতে আরম্ভ করিলেন।

বাবুজী !

দেখিলাম সেবক-প্রবর আবার আসিয়া দাঁড়াইয়াছে। ভদ্রলোক বলিলেন—এ চক্রবদনটি আবার কে ? আপনার চেলা নাকি ?

হাসিয়া বলিলাম, না’ ও হ’ল আমাদের দাস, ধরমশালার নোকর। সঙ্গে সঙ্গে হাতজোড় করিয়া সে বলিল—ই মায়া-বাপ আপলোগন্কা দাস হামি—ধরমশালাকে নোকর।

ভদ্রলোক বলিলেন—ভালোরে বাপধন দাসজী, এখন কেয়া আরজ তুমহারা ?

লোকটি বলিল, আপলোগন্কা হুকুম কিছু যদি থাকে বাবুজী, খানাপিনা ?

তিনি বলিলেন—না বাবা, সহস্র ধন্যবাদ তোমাকে দাস মহাশয়, খাবারের দরকার নেই আমার।

ভ্রমণ কাহিনী

আমার কিন্তু দরকার ছিল, আমি বলিলাম—কি মিলবে এখানে ? সেই ষ্টেশনে যেতে হবে তো ?

—নেহি, মায় বাপ, এই নগিচে আমার একটা খাবারের দোকান আছে ; যা বলবেন, তাজা বানিয়ে দেব—পুরী-তরকারী রাবড়ী—যা আপনার বরাত হবে বলুন ।

—তোমার দোকান ?

—হাঁ হুজুর, আমি এখানে নোকরী করি, আমার পরিবার বরাত মত জিনিষ বানিয়ে দেয় । গরীব আদমী হুজুর, কাচ্চা বাচ্চা নিয়ে ঘর—কিছু মুনাফা না হলে চলে কি ক'রে ? কি আনব বলুন ?—খানচারেক পুরী আর...

খপ করিয়া আমার হাতখানা চাপিয়া ধরিয়া ভদ্রলোক বলিলেন—‘না । পাগল না কি আপনি ? একরাত্রি না খেলে মানুষ মরে যায় না ।’ বলিয়া আমার হইয়াই লোকটিকে বলিয়া দিলেন—‘নেহি, কুছ দরকার নেহি হ্যায় ।’

লোকটি আমার মুখের দিকে চাহিয়াছিল । তাহার দৃষ্টির মধ্যে অদ্ভুত এক কাঙালপনা । তাহার সে দৃষ্টি দেখিয়া মানুষের করুণা হয়ত গানিকটা হয়, কিন্তু করুণার চেয়ে ঘৃণা হয় বেশী ।

—আসুন ।

সঙ্গীর কথায় চকিত হইয়া দৃষ্টি ফিরাইয়া দেখিলাম, তিনি বিছানার বাঁধন খুলিয়া একটি ছোট টিফিন কেরিয়ার বাহির করিয়াছেন, এবং লুচি, আলু ভাজা বাহির করিয়া দুই ভাগ করিয়া আমাকে বলিতেছেন—
আসুন ।

যাহুকরা

অন্তর আমার প্রলুব্ধ হইয়া উঠিল—এ কথা গোপন করিয়া লাভ নাই। ক্ষুধার অপর নাম জঠরানল, লোভ সেই অনলশিখার কলুষকালি। তবুও মুখে বলিলাম, না না, ওর কাছেই তৈরী করিয়ে নিই।

বাধা দিয়া ভদ্রলোক বলিলেন, হ্যাঁ তারপর একটা ব্যাধি ট্যাধি হোক এই বিদেশ-বিভূয়ে, আমার হাঙ্গামা বাড়ুক—আপনার বাড়ীতে টেলিগ্রাম করি, আটকে পড়ে থাকি। আচ্ছা মানুষ মশায় আপনি, ওই নোঙরা লোকের হাতে খেতে রুচিও তো হচ্ছে আপনার !

লজ্জিত হইয়া বলিলাম—না-না, তা বলছি না।—না না আর দেবেন না।

ভদ্রলোক আমাকে সম্পূর্ণরূপে উপেক্ষা করিয়া লোকটিকে বলিলেন—
পানি কাঁহা মিলেগা, দেখলাও ;

বলিয়া আনার লোটাটা লইয়া উঠিয়া পড়িলেন।

শস্ত্রকণার মধ্যে যে ধরিত্রী জননীর স্তম্ভ সূখা সঞ্চিত আছে, তাহাতে সন্দেহ নাই। পরিতৃপ্ত উদরে বিলাস ভোজনে সে সূখার আশ্বাদ সম্যক পাওয়া যায় না—আগুন না জ্বলিলে তাহাতে ঘৃতাছতিতেও কেবল ধোঁয়াই ওঠে ! আহার করিয়া এমন তৃপ্তি বহুদিন পাই নাই। খাওয়া প্রায় শেষ হইয়া আসিয়াছে—এমন সময়ে ভদ্রলোক বলিলেন—ও হো-হো, দাঁড়ান, দাঁড়ান ! বলিয়া আবার টিফিন-কেরিয়ার খুলিয়া বসিলেন—সর্বশেষ বাটিটা খুলিয়া একটা মিষ্টান্ন আমার পাতে দিয়া বলিলেন—‘বলুন দেখি কি জিনিষ এটা ?’

নিজেও তিনি একটা পাতায় তুলিয়া লইলেন। মিষ্টান্নটার খানিকটা ভাঙিয়া মুখে দিয়া—যাহাকে বলে বিমোহিত হইয়া গেলাম।

ভ্রমণ কাহিনী

আবার তিনি প্রশ্ন করিলেন, ‘বলুন তো কি মিষ্টি?’

—বাবুজী!.

—কি হে বাপু—আবার তোমার খবর কি?

—খোড়া রাবড়ী বাবুজী, বানাইয়ে রাখিয়েছিলাম, বরবাদ হ’বে।

আপলোক কিরপা করকে যদি ভোজন করেন।

ভদ্রলোক এবার তাহার মুখের দিকে চাহিয়া একটা দীর্ঘনিশ্বাস ফেলিয়া বলিলেন—আচ্ছা রাখ। কি দাম লাগবে?

যো কিছু আপলোগনকে কিরপা হয় হুজুর, আমার তো সবই বরবাদ হো গিয়া।

ঠন করিয়া একটা সিকি অথবা দো-আনি তিনি তাহাকে ফেলিয়া দিলেন। আমি তখন লোটাটা লইয়া ঢক ঢক করিয়া জল গলায় ঢালিতেছি। ভদ্রলোক বলিলেন, একটু খেয়ে দেখুন, বেড়ে বানিয়েছে।

বলিলাম এক ফোঁটাও না, গলায় গলায় হয়েছে আমার।

রাবড়ীর ভাঁড়টা সরাইয়া দিয়া ভদ্রলোক আহার পৰ্ক শেষ করিলেন। তারপর একটা সিগারেট আমাকে দিয়া নিজে একটা ধরাইয়া বলিলেন, এইবার একটা সিগারেট, তারপর নিদ্রা। ব্যাস।

আমি কিন্তু ওই সেবকটির কথা ভাবিতেছি, লোকটার মধ্যে স্বার্থপরতা চমৎকার বন্ধি ভঙ্গীতে প্রকাশ পাইয়াছে। এক পয়সার বাতি হু’ পয়সায় বেচিয়া থাকে, রাবড়ী নষ্ট হইলেও নিজে খায় না, কোনরূপে কাহাকেও বেচিয়া মুনাফা অর্জন করে। আরও কি কি করে ওই জানে।

ভদ্রলোক ইহারই মধ্যে চুপ করিলেন যে।

যাছুকরী

অগত্যা আমিও ঘুমের চেষ্ঠায় চোখ বুজিলাম।

* * * *

চোখ মেলিয়া কিছুই বুঝিতে পারিলাম না। মাথায় অসহ্য যন্ত্রণা ?

এ কদর্যমূর্তির লোকটি কে ?

—বাবুজী !

আবার চোখ বুজিয়া স্মরণ করিতে চেষ্ঠা করিলাম কে লোকটা ?

—কেমন বোধ করছেন এখন ?

চোখ খুলিয়া দেখিলাম, একজন বাঙালী ভদ্রলোক আমার পাশে দাঁড়াইয়া ঐ প্রশ্ন করিতেছেন। প্রত্যুত্তরে আমি প্রশ্ন করিলাম—এ আমি কোথায় ?

ভদ্রলোক উত্তর দিলেন, কিউলের ধরমশালায়। আপনার কিছু মনে পড়ছে না ?

আবার একবার সমস্ত স্মরণ করিতে চেষ্ঠা করিলাম।

ভদ্রলোক বলিলেন, জোচ্চোরের পাল্লায় পড়েছিলেন আপনি, খাবারের সঙ্গে আপনাকে কেউ বিষ দিয়েছিল। ধন্যবাদ দিন এই লোকটিকে— এই আপনার জীবন রক্ষা করেছে। তাড়াতাড়ি আমাকে ডেকে এনেছিল, এবং সময়ে ডেকে এনেছিল বলেই এত শীগ্গরি আপনার জ্ঞান হয়েছে।

এইবার সব মনে পড়িল। প্রশ্ন করিলাম—আপনি ডাক্তার ?

—হ্যাঁ।

—আমার বাড়ীতে একটা—

—হ্যাঁ, টেলিগ্রাম করে দিয়েছি।

ভ্রমণ কাহিনী

—আমার জিনিষপত্র ?

—সব ঠিক হ্যায় বাবুজী ! একদম পহেলেই আমার মালাম হয়ে যেতেই লোকটা ঝটসানি ভাগ গেল। আঁধার রাত বাবুজী—দুসরা আদমী কোই ছিল না হামি আপনাকে দেখবে—না—উসকে পাকড়াবে !

আমি জামার বুকে হাত দিলাম। গায়ে জামা ছিল না—ছিল গেঞ্জী। বলিলাম, আমার মনিব্যাগ ?

লোকটি তাড়াতাড়ি উঠিয়া বলিল—হামার পাসে আছে বাবুজী, আনিয়ে দিই।

*

*

*

*

আশ্চর্য—একটি পয়সা কম পড়িল না। প্রশ্ন করিলাম, টেলিগ্রাম করা হয়েছে বলছিলেন না ডাক্তারবাবু।

ডাক্তারবাবু বলিলে—হ্যাঁ, আপনার কাগজপত্র দেখে আরজেন্ট টেলিগ্রাম করেছি—এক টাকা বার আনা লেগেছে।

লোকটি বলিল—হুজুর—উ হাম আপসে দিয়া হ্যায়। টেলিগ্রাম এক রুপেয়া বার আনা—দাওয়াই লিয়া তিন রুপেয়া—বরক চৌদা আনা—ডাগদারবাবুকে লিয়ে পান এক পয়সা, সিগারেট দুঠো তিন পয়সা বাতী আর দুঠো দো পয়সা, হয়া আপকে। মনে মনে সে বোধ হয় হিসাব জুড়িতে আরম্ভ করিল।

এই সময়েই আমার আত্মীয়স্বজন ধরমশালায় প্রবেশ করিলেন। আবেগের প্রথম আতিশয্য কাটিয়া গেলে সকলে একটু শান্ত হইয়াছেন, এমন সময় সেই লোকটি আসিয়া সবিনয়ে বলিল—জনানা লোকের জন্তে

যাছুকর

হুসরা কামরা সাফা করে দিয়েছি—পানি ভি আনিয়েছি। আউর হুকুম
হোয় তো—থাবার পুরী তরকারী—

স্ত্রী আমাকে প্রশ্ন করিলেন—ও লোকটা আবার কে ?

সে সবিনয়ে হাতজোড় করিয়া বলিল—আপলোগন্কা দাস হামি
মায়ীজী, ধরমশালার নোকর হামি ।

ফল্গু

অসহযোগ আন্দোলনের তীব্র প্রতিবাদ করিয়া কার্তিকবাবু বলিলেন, সাহেবদের তাড়িয়ে কি রাজত্ব করবে তোমরা ? ভাইয়ে ভাইয়ে লাঠালাঠি করা তোমাদের স্বভাব ।

অতঃপর তিনি যাহা বলিলেন সেটুকু চর্কিত-চর্কণের সামিল ; বহুবায় তিনি একথা বলিয়াছেন। সুতরাং তরুণের দল মুখ টিপিয়া হাসিয়া ফেলিল। কার্তিকবাবু এটুকু লক্ষ্য করিলেন ; তিনি তীক্ষ্ণ ঘৃণার সহিত বলিলেন—হেসোনা, হাসির কথা নয় ! ইংরেজরা আমাদের ভাই, এক বংশ। ওরা আৰ্য্য আমরাও আৰ্য্য। আমরা বাবাকে প্রাচীন ভাষায় বলি, পিতা—পিতর, ওরা বলে ফাদার, মাতা—মাদার, বাবা পাপা, মা মামা, ভ্রাতা ব্রাদার ! তফাৎ কোনখানে ? আমরা ভয় লাগলে বলি, হরিবোল হরিবোল, ওরা বলে ‘হরিবল্ হরিবল্’। চামড়ার তফাৎ—সে তোমার দেশের জলবাতাসের গুণে। আমাদের বৈষ্ণবধর্মে বলেছে, তৃণাদপি সুনীচেন—তৃণের চেয়ে নত হবে। তা না ধ্বজা পতাকা উঁচু করে বন্দেমাতরম্ আর ঝাঙা উচা রহে হামারা ।

যাছুকরী

ছেলেরা কি একটা ডে উপলক্ষ্যে শোভাযাত্রা করিয়া চলিয়াছিল তাহারা আর তর্ক না করিয়া পথ ধরিয়া অগ্রসর হইল। কার্তিকবাবু সম্বন্ধে হইয়া বলিলেন, হাঁ যাও, বাড়ী যাও সব। পড়াশুনো কর মন দিয়ে, চাকরীবাকরী কর।

কিন্তু ছেলের দল গান ধরিল—সুজলাং সুফলাং মলয়জ শীতলাং—কার্তিকবাবু তাহাদের দিকে চাহিয়া বলিলেন—An idle brain is the devil's workshop ! বেকার—যত সব অপগণ্ডের দল !

সত্যকার গোপন কথাটা হইতেছে পেমেন। কার্তিকবাবু বড় সরকারী চাকুরে ছিলেন, এখনও মোটা পেমেন পাইয়া থাকেন ! সংসারের কয়েকজন এখনও সরকারী কাজে নিযুক্ত রহিয়াছে। প্রাচীন জমিদার বংশের ভূতপূর্ব নায়েব প্রোঢ় রামসুন্দর বলিল, সর্বদেবময়ো. রাজা ! এখনও আপনার এক দুই তিন বললে লাট নিলেম হয় ; কিন্তু দরখাস্ত কর, নীলেম করাবে না। ব্যবস্থা কি ! বন্দোবস্ত কি !

কার্তিকবাবু বলিলেন, তোমার বাবুর ছোট ছেলেটা আবার এককাঠি সরেশ। সে আবার কি বলে কংগ্রেসের leader, একেবারে extremist। উগ্রপন্থী ! বাপরে !

রামসুন্দর অপেক্ষা করিয়া বলিল, আর বলেন কেন মশাই, সে আবার বলে ঈশ্বর মানি না।

—তোমার বাবুকে ছেলের বিয়ে দিতে বল, ছেলের বিয়ে দিন।

—বিয়ে করে খাওয়াবে কি বলুন, ছেলেপিলে হবে তাদের ভরণ-পোষণ করবে কি দিয়ে। সেই জেগেই তো আপনাকে বারবার বিরক্ত করছি।

জমিদারবাবু রামসুন্দর মারফৎ ছেলের চাকরীর জন্তু কার্তিকবাবুকে ধরিয়েছেন।

কার্তিকবাবু একটা গভীর দীর্ঘনিশ্বাস ফেলিয়া বলিলেন—বড় দুঃখ হয়, বুঝলে রামসুন্দর, এতবড় বংশের এই রকম পরিণাম দেখলে বড় দুঃখ হয়! বিশেষকরে আমাদের দুঃখ হয় বেশী।

রামসুন্দরও একটা দীর্ঘনিশ্বাস ফেলিল। বলিল, তা তো হবারই কথা, আপনারা হলেন আত্মীয়—আপনার জন, দশজন পরের হয়, তো আপনাদের কথা তো স্বতন্ত্র।

অনেকক্ষণ চুপ করিয়া থাকিয়া কার্তিকবাবু বলিলেন, যা হয়েছিল তা হয়েছিল, দৈবের উপর হাত ছিল না, কিন্তু কর্তার মাথাটা যদি খারাপ না হত তা হলে বাড়ীটা বজায় থাকত। ধীরেনের কাণ্ডটা থেকেই গুঁকে সেয়ে দিয়ে গেল।

রামসুন্দর এ তথ্যটা অস্বীকার করিয়া ঘাড় নাড়িয়া বলিল—না মশাই, মাথার গুঁর অনেকদিন থেকেই গোলমাল হয়েছে। বুঝলেন, বহুদিন পূর্বে প্রথম সংসার শেষ হবার পরই এর সূত্রপাত। তখন মধ্যমধ্যে কবরেজ ডাকিয়ে ফিস্‌ফাস্‌ ক’রে পরামর্শ করতেন। একদিন কবরেজ আমাকে বলেছিলেন, বড়লোকের কেমন অভ্যুত ভয় দেখ দেখি। বলেন কি—দেখ আমার হাতে কুষ্ঠ হয়েছে বলে মনে হচ্ছে। কেন? না—হাত কিরকম লাল হয়েছে দেখ।

কার্তিকবাবু আতঙ্কে শিহরিয়া উঠিলেন, বল কি? কুষ্ঠ?

—আরে মশাই কুষ্ঠ কোথায় পাবেন, মনের ভয়। আমার মনে হয় ঐটাই মাথাখারাপের সূত্রপাত। হাতের তালু অল্প অল্প লাল সকলেরই

যাছুকরী

হয়—আবার ওঁদের বংশের কথা আলাদা—ওঁদের হাতেই যেন লাল রঙ মাখানো। এখন আর তাও নাই—রক্তহীন সাদা ক্যাকাসে চেহারা হয়ে গেছে বাবুর।

কার্তিকবাবুর কিন্তু কথাটায় বিশ্বাস হইল না। তিনি মনে মনেই কথাটা লইয়া আলোচনা করিতেছিলেন। রামসুন্দর কোন উত্তর না পাইয়া আবার বলিল, এখনও তো আপনার সেই একই বাতিক—ধীরেনবাবুর দ্বীপাস্তুর হবার পর থেকে বাতিক—ঐ হাতে আমার কুষ্ঠ হচ্ছে। তোমরা কেউ বুঝতে পারছ না—আমি বেশ বুঝতে পারি। আগে চূপচাপ থাকতেন, যা বলাকওয়া কবরেজের সঙ্গেই হত। এখন সেটা প্রকাশে—আর ওই একটা মনগড়া লজ্জায় ঘর থেকে বেরুবেনওনা, কিছু করবেন না হাত দিয়ে, চূপচাপ ঘরে বসে আছেন।

ধীরেন জমিদার মহাবিষ্ণু সরকারের জ্যেষ্ঠ পুত্র। ছয় বৎসর পূর্বে খুনের অপরাধে যাবজ্জীবন দ্বীপাস্তুর দণ্ডে দণ্ডিত হইয়াছে।

কার্তিকবাবু বলিলেন, দেখ রামসুন্দর, বলতেও আমার বাধে—লজ্জাকষ্ট দুইই হয়। ওঁরা হয়ত মনে করবেন কার্তিক কাজ করে দিলে না। কিন্তু যার বাপ পাগল, ভাই খুন করে দ্বীপাস্তুরবাসী, নিজে যে সরকারের বিরোধী, তার চাকরী কি হয়। অন্ততঃ সরকারী চাকরী।

রামসুন্দর সরকার বাড়ীর পুরাতন নায়েব, বর্তমানে সরকার বংশের সম্পত্তিও নাই, রামসুন্দর আর নায়েবও নয়, তবুও মমতার একটা নিবিড় বন্ধনে পুরাতন প্রভুবংশের সহিত তাহার জীবন জড়াইয়া গিয়াছে। সে এখনও তাঁহাদের জন্ত এই সংসার সমুদ্রে ভারবহনক্ষম

একখানি তরণীর সন্ধানে ব্যাকুল আগ্রহে ছুটিয়া বেড়াইতেছে। তরণীতে তাহার মন উঠে না ; মনের গোপন ইচ্ছা—একখানি ধ্বজশোভিত অর্ণবপোত। • এই চাকরীর জন্ত কার্তিকবাবুকে অল্পরোধ সে মিথ্যা মহাবিষ্ণুবাবু ও তাহার পত্নীর নাম দিয়া, নিজেই করিতে আসিয়াছে। তাঁহারা কেহ বিন্দু-বিসর্গ পর্য্যন্ত জানেনা। দয়াময়ী, মূর্ত্তিমতী লক্ষ্মী প্রতিমার মত ছোট মায়ের স্নান মুখ মনে হইলে তাহার চোখে জল আসে।

*

*

*

*

পাঁচ পুরুষ পূর্বে রচিত সরকারদের দালান বাড়ীখানা এখন ইটকার্ঠের একটা স্তূপ, একদিকে একটা বটগাছ প্রবল বিক্রমে কয়েক বৎসরের মধ্যেই নাগপাশের মত মূলবেষ্টনীর পেষণে একে একে বক্ষপঞ্জরগুলি ভাঙ্গিয়া ভাঙ্গিয়া চলিয়াছে। সেদিকটা এখন অব্যবহার্য্য, বড় বড় ফাটলের মধ্য দিয়া নিশীথরাত্রে বাতাস কাঁদিয়া কাঁদিয়া ফেরে, মধ্যে মধ্যে ধুপধাপ করিয়া পলেন্তারা বা ইটের চাঙর খসিয়া পড়ে ; দুইমাস তিনমাস অন্তর এক একখানা কড়ি অথবা বরগা। একটা অংশ জরাজীর্ণ হইলেও এখনও ব্যবহার করা চলে, সেই অংশে মহাবিষ্ণুবাবু তাঁহার কনিষ্ঠা পত্নী ও কনিষ্ঠ পুত্র নীরেনকে লইয়া বাস করেন। তাঁহার প্রথমা পত্নীর সন্তান সন্ততি ছিল না, কনিষ্ঠা পত্নী করুণাময়ীর দুই পুত্র দীরেন ও নীরেন। আশ্চর্য্য দুইজনে প্রকৃতিতে দিন ও রাত্রির রূপের মত বিরোধী এবং বিপরীত। দীরেন এই জমিদারবংশের বংশাঙ্কুরমিক ধারায় দুর্দান্ত, দান্তিক, উগ্র, বিলাসী—জীবনে সে চলিতে চাহিত ঝড়ের মত, তাহার সম্মুখে নত না হইলে সে তাহাকে ভাঙ্গিয়া দিয়া চলিয়া

বাতুকরী

যাইতে চাহিত। লেখাপড়াও বিশেষ করে নাই, স্কুল হইতেই বিদায় লইয়া সে জমিদারী পর্য্যবেক্ষণে মনোনিবেশ করিয়াছিল। প্রয়োজনও ছিল। তাহার অনেক পূর্ব্ব হইতেই মহাবিষ্ণুবাবু ঘরে ঢুকিয়া বসিয়া-ছিলেন—মধ্যে মধ্যে কবিরাজ আসা-যাওয়া করিত অপর কাহারও সহিত দেখা করিতেন না—বাহিরেও বড় আসিতেন না। ধীরেনের মাও বিশেষ আপত্তি করিলেন না—এতবড় বাড়ীর পৈতৃক মর্যাদাসম্পদ উদ্ধার করিতে যদি ধীরেন পারে—তবে উদ্ধৃতন সাতপুরুষ তাহাকে আশীর্বাদ করিবেন। সেই ত শ্রেষ্ঠ শিক্ষা।

কিন্তু একদিন বিনামেঘে বজ্রাঘাত হইয়া গেল। তরুণ ধীরেন্দ্র মহলে গিয়াছিল—সেখানে প্রজাদের সঙ্গে বিরোধ বাধাইয়া বসিল। একদিন প্রজাদের কয়েকজন মাতব্বর আসিয়া তাহাকে চোখ রাঙাইয়া বলিল, আপনি এমন করে চাপরাশীলগ্নী পাঠাবেন না বাবু, আমরা আর খাতির রাখব না।

ধীরেনের রক্ত টগবগ করিয়া ফুটিয়া উঠিল, সে ক্রুদ্ধ অঙ্গগয়ের মত দীর্ঘনিঃশ্বাস ফেলিয়া শুধু বলিল, হঁ। তারপর?

—আমরা খাজনাও দেব না। বুদ্ধি স্নদ এতো দেবই না?

—তারপর?

—তারপর আবার কি? বেশী যদি করেন—আমরা মেজেষ্টারের কাছে দরখাস্ত করব—দরবার করব।

—আর?

আর কিছু প্রজারা খুঁজিয়া পাইল না, কিন্তু একটা উনিশ কুড়ি বৎসরের ছেলের এই আকাশম্পর্শী আভিজাত্যের নিকট অত্যন্ত খাটো

হইয়া গিয়া তাহাদের অন্তর ক্ষোভে ভরিয়া উঠিল। সেই ক্ষোভের আক্রোশেই একজন বলিয়া উঠিল, মশায়, এত ভাল নয়, বুঝলেন? এই পাপেই আপনার বাবার কুষ্ঠ হয়েছে! অকস্মাৎ যেন একটা বজ্রপাতে আশ্বেয়গিরির উৎসমুখ খুলিয়া গিয়া অগ্ন্যুদগার হইয়া গেল। হাতের কাছেই ছিল বন্দুক—একটা বিপুল শব্দে চারিদিক কাঁপিয়া উঠিল, লোকটা আতঁনাদ করিয়া মাটিতে লুটাইয়া পড়িল, ক্ষতস্থান হইতে রক্তশ্রোতে মাটা ভাসিয়া গেল। ধীরেন্দ্র বন্দুকটা খুলিয়া দু' দিয়া নলের ধোয়া বাহির করিয়া দিয়া বন্দুকটা হাতেই থানায় গিয়া আত্মসমর্পণ করিল। কোন কথা সে গোপন করিল না। অল্পগ্রহ করিয়া বিচারক চরম শাস্তির পরিবর্তে যাবজ্জীবন দ্বীপাস্তরের আদেশ দিলেন। সে আজ ছয় বৎসর পার হইয়া গেল।

এখন এ সংসারের ভরসাস্থল নীরেন। ভরসা করিবার মত সন্তান সে। ধীরেন্দ্রের মামলায় ও ঋণের দায়ে বিষয় সম্পত্তি নিঃশেষিত হইয়া গেল, নীরেনের স্কুলের বেতন যোগান দায় হইয়া উঠিল। কিন্তু স্কুলের হেডমাষ্টার তাহার বেতন কোনদিন চাহিলেন না। ফ্রি স্টুডেন্ট-শিপও তাহাকে দেওয়া হয় নাই, তবু তাহার বেতন মাসে মাসে জমা হইয়া যাইত। নীরেনকে ডাকিয়া মাষ্টার মশায় বলিয়া দিলেন, দেখ, যখন তোর হবে মাইনে দিস, আমরা বাকীই রেখে যাচ্ছি। বেতন লাগবেনা কথাটাও তিনি বলেন নাই। ম্যাট্রিকুলেশন পরীক্ষার সময় রামসুন্দর একেবারে হিসাব করিয়া টাকা আনিয়া দিল। বিনাপ্রশ্নে মাষ্টারমহাশয় সে টাকা গ্রহণ করিলেন। নীরেন বৃত্তি পাইল পনের টাকা। মাষ্টারমহাশয় নতুন ঝকঝকে বই নীরেনকে পাঠাইয়া দিলেন—

যাছুকরী

To the best boy of my school—with my best wishes.

তারপর নীরেন আই-এ, বি-এও সম্মানের সহিত পাশ করিল। কিন্তু এম-এ পরীক্ষা দিবার সময় জাতীয় আন্দোলনে মাতিয়া পড়া ছাড়িয়া ঘরে আসিয়া বসিল।

তাহার মা বলিলেন, নীরেন, বাবা আমার মাথা আর পাসনে বাবা !

মায়ের গলা জড়াইয়া ধরিয়া নীরেন বলিল—তোমার মাথা কি আমি খেতে পারি মা ?

মা ভুলিলেন না, সজল চক্ষে বলিলেন, মায়ের চোখের জল ফেলিয়ে কি আনন্দ হয় নীরু ?

—আনন্দ ? জান মা, আলেকজেন্ডার বলেছিলেন—আমার মায়ের একবিন্দু চোখের জল—

—মিথ্যে আমায় ভোলাচ্ছিস নীরু, তুই আমায় পরিক্ষার কথা বল। যা বুঝতে পারি এমন কথা বল।

—তোমাকে দুঃখ আমি দিতে পারি না মা। আমায় কি করতে হবে বল ?

—উপায়ের একটা পথ কর ; এম-এ টা পাশ কর—আইন পড়। বাবুর বড় সাধ ছিল ধীরেনকে উকিল করবেন—আর—

ঝরঝর করিয়া মা কাঁদিয়া ফেলিলেন।

নীরেন সেই বৎসরেই এম-এ পরীক্ষা দিয়া বসিল। পড়াশুনা তাহার শেষ হইয়াই ছিল, পরীক্ষায় পাশ ও সে করিল। কিন্তু ফল আশানুরূপ হইল না। রামসুন্দর আনন্দে আত্মহারা হইয়া বলিল—এইবার ভাই

আইন পাশ করে ফেল। আমি তোমাকে কেশ এনে দেব। একবার ওই কার্তিকবাবুকে আমি দেখিয়ে দিই তা হ'লে।

* * * * *

অন্ধকার রাত্রি। বাড়ীর সেই ফাটলে ভরা জরাজীর্ণ অংশটার ছাদের উপর নীরেন বসিয়াছিল। মৃদু বাতাসের বেগে বটগাছটার পত্রান্দোলনে থম্ থম্ শব্দ উঠিতেছিল—যেন কাহারো ফিস্ ফিস্ করিয়া কথা কহিতেছে, কানাকানি করিয়া হাসিতেছে। নীরেন সেই দিকে চাহিয়া কিছু বোধ হয় চিন্তা করিতেছিল। মা তাহার সন্ধান পাইলেন, তিনি ডাকিলেন—
নীরেন উঠে আয়।

নীরেন হাসিয়া বলিল—তুমি বুঝি আমার গন্ধ শুন'কে শুন'কে বেড়াও ?
সন্ধানও ত ঠিক পাও।

—উঠে আয় আগে।

নীরেন অবহেলা করিল না, উঠিয়া সন্তর্পণে ভাঙ্গা ছাদ পার হইয়া নিকটে আসিতে মা বলিলেন—তুই কি আমার সর্বনাশ না ক'রে ছাড়বি নে ? ওই ভাঙ্গা ছাদ—চারিদিকে ফাটল গর্ত—ওই বটগাছ—ওখানে তোরা কি কাজ শুনি ?

নীরেন হাসিয়া বলিল—বেশ লাগে মা আমার।

—তুই আর হাসিসনে নীরেন, তোরা হাসি দেখলে আমার সর্বনাশ জলে যায়। কখনও কি তোরা মুহূর্তের জন্যে চিন্তা হয় না, দুঃখ হয় না ! এই এত বড় বংশ, এত বড় বাড়ী—কি ছিল মনে কর দেখি—আর ভাব তো কি হয়েছে !

সেই হাসি হাসিয়াই নীরেন বলিল—সেই ত ভাবি মা। ভাবি কেন,

যাছুকরী

চোখে যেন দেখি—‘মা কি হইয়াছেন। আনন্দমঠ মনে আছে মা ? মা কি ছিলেন—আর মা কি হইয়াছেন ! অন্ধকার কালো রাত্রির মধ্যে—আমাদের এই ভাঙ্গা বাড়ীর মধ্যে—সমস্ত দেশের—

মা বলিয়া উঠিলেন—তোর পায়ে পড়ি নীরেন—চূপ কর ! তোর দেশকে ছাড়। মাটিকে ভক্তি না করে মাকে ভক্তি কর একটু !

মায়ের পায়ের ধূলা লইয়া নীরেন বলিল—তুমি বড় সেটিমেন্টাল। আর রাগ করবে না তো, বড় হিংস্রটে তুমি।

মা দৃঢ়স্বরে এইবার বলিলেন—দাঁড়া এইবার তোর বিয়ে দেব আমি। তোর এই সব পাকামী আমি ঘুচিয়ে দিচ্ছি।

নীরেন হা হা করিয়া হাসিয়া যেন ভান্দিয়া পড়িল। হাসি দেখিয়া মায়ের সর্বাঙ্গ জলিয়া গেল, তিনি বিরক্তিপূর্ণ কণ্ঠে বলিলেন—হাসুচ্ছিস কেন ?

—বিয়ের কথা শুনে আনন্দ হচ্ছে মা।

মা আর কোন কথা বলিলেন না, তিনি সেখান হইতে একেবারে আসিয়া সন্তর্পণে স্বামীর কক্ষের দুয়ার ঠেলিয়া প্রবেশ করিলেন। পিলসুজের উপর প্রদীপের আলো জলিতেছে। ঘরখানি আয়তনে বৃহৎ ক্ষুদ্র একটি প্রদীপের মৃদু আলোকের ব্যাপ্তি সর্বত্র প্রসারিত হইতে পারে নাই, আলোকিত পরিধিটুকুর চারিপাশে অন্ধকার নিখর হইয়া যেন দীপ নির্বাণের প্রতীক্ষায় জাগিয়া রহিয়াছে। তাহার উপর ঘরখানা অস্বাভাবিক রূপ নিস্তরু। আলো আঁধারির নিস্তরুতায় ঘরখানি যেন রহস্যের মোহে আচ্ছন্ন। মহাবিশুঝাবু বিছানার উপর নিস্তরু ছায়ামূর্তির মত বসিয়া আপনার বাঁ হাতখানি ঘুরাইয়া ঘুরাইয়া দেখিতেছিলেন।

নীরেনের মা ঘরে প্রবেশ করিতেই তিনি নীরবে তাঁহার উপর দৃষ্টি নিক্ষেপ করিলেন। ওই দৃষ্টির মধ্যে তাঁহার ভাষা প্রকাশ পায়। নীরেনের মা তাঁহার নিকট আসিয়া মুহূর্ত্তে বলিলেন, ক্ষিদে পেয়েছে ?

আপনার চিবুকে অভ্যস্ত চিন্তিতভাবে একবার হাত বুলাইয়া তিনি মুহূর্ত্তেই উত্তর দিলেন—হ্যাঁ।

—আচ্ছা আনছি খাবার। কিন্তু আমি একটা কথা তোমাকে বলতে চাই। আর না বললে নয়।

—বল।

—তুমি একবার নীরেনকে ডেকে বেশ ক'রে বুঝিয়ে বল।

—বলব।

—হ্যাঁ। ডেকে বল, বাবা তোর মুখ চেয়ে আমরা বসে রয়েছি। আইন পাশ করে তুই ওকালতি কর—অভাবের কষ্ট আর আমরা সহ্য করতে পারছি না, পৈত্রিক মর্যাদা তুই আবার বজায় কর।

—নীরেন এবার ত এম-এ পাশ করলে না ?

—হ্যাঁ। ও যদি মনে করে তবে না পারে এমন কাজই নেই। কিন্তু দেশই ওকে খেলে। কি যে দেশ দেশ বাতিক হয়েছে !

—দেশ ?

—হ্যাঁ দেশ—জন্মভূমি—বন্দেমাতরম্ ?

—হঁ। তারপর গভীর চিন্তা করিয়া তিনি বলিলেন—আচ্ছা, সুরেন্দ্র বাড়ুজ্জে মশায় এখন কি করছেন ?.....ও—না, এখন তো লীডার হলেন গান্ধী। বলিয়া তিনি ঘাড় নাড়িতে আরম্ভ করিলেন—যেন ব্যাপারটা সব হৃদয়ঙ্গম হইয়াছে—সকল কথাই তাঁহার মনে পড়িয়াছে।

যাছুকরী

—আমি ডেকে দিছি নীরেনকে। বলিয়া নীরেনের মা বাহির হইবার জন্ত দরজার মুখে ফিরিলেন। মহাবিষ্ণুবাবু বলিলেন—শোন।

—কি ?

—অভাব কি আজকাল খুব বেশী হয়েছে ?

‘—না না ? কিন্তু নীরেন ওকালতি করলে যে আবার সেই সব হবে। চণ্ডীমণ্ডপ, পূজো, বাড়ী, জমিদারী এ সব কিরে আসবে।

গাঢ়স্বরে মহাবিষ্ণুবাবু বলিলেন—দেখ, কি করব আমি ! লজ্জায় বেরুতে পারি না। কুষ্ঠরোগ নিয়ে কি দেশের সামনে বার হওয়া যায় ?

—কোথায় তোমার কুষ্ঠ রোগ ? ওই তোমার এক বাতিক ! ডাক্তার কবরেজরা কি বলেছে ? ছুবার রক্ত পরীক্ষা করান হ’ল, বলেছে কেউ যে ওই ব্যাধি হয়েছে !

—এই হাতটায়। এটাতে আর কিছু নেই। এইটায় দেখ না, এই রকম লাল হয় কারও হাত ? এত টাটিয়ে থাকে। তিনি শীর্ণ জীর্ণ হাতখানি সেই অস্পষ্ট আলোকের সম্মুখে প্রসারিত করিয়া ধরিলেন।

নীরেনের মা একটা গভীর দীর্ঘনিঃশ্বাস ফেলিয়া ঘর হইতে বাহির হইয়া আসিলেন। আর এখন নীরেনকে পাঠাইয়া কোন লাভ নেই—এখন ওই রোগের কথা ছাড়া আর কোন কথাই মহাবিষ্ণুবাবু বলিবেন না। নীরেন ঘরের মধ্যে বসিয়াছিল, মাকে দেখিয়া সে প্রশ্ন করিল—বাবার খাওয়া হয়ে গেল মা ?

মা বলিলেন—না। তুই কাল সকালে একবার বাবুর সঙ্গে দেখা করবি। আমায় বলছিলেন।

—আচ্ছা।

তারপর আবার সে বলিল—কাল কলকাতায় যাব মা। আইনটা পড়ে ফেলায় ভাল; একটা চাকরী বাকরী দেখে খরচ চালিয়ে নেব কোন রকম করে।

মা খুসী হইয়া উঠিলেন।

নীরেন বলিল, রামসুন্দর দাদার কাছে গিয়েছিলাম আমি। তিনি বললেন, কোন মোড়লের কাছে ষাট টাকা আমাদের পাওনা রয়েছে, কালই তিনি টাকাটা আদায় করে আনবেন। না হ'লে উনিই দেবেন তারপর আদায় করে নিজে নেবেন।

মা সজল নেত্রে বলিলেন, দেখ বাবা, ঐ রামসুন্দরের অনুগ্রহও আমাদের নিতে হচ্ছে। এ লজ্জার হাত থেকে তুই আমাদের বাঁচা। তোদের পৈত্রিক মর্যাদা তুই আবার উদ্ধার কর বাবা!

পরদিনই নীরেন কলিকাতা রওনা হইয়া গেল।

*

*

*

*

মাস ছয়েক পর।

গভীর রাত্রে নীরেনের ডাক শুনিয়া মা চমকিয়া জাগিয়া উঠিলেন।

নীরেন? সঙ্গে সঙ্গেই মনে হইল, না তিনি স্বপ্ন দেখিয়াছেন।

—মা!

ওই তো! নীরেনই তো! তিনি তাড়াতাড়ি আসিয়া দরজা খুলিয়া দিলেন।

—এমন হঠাৎ যে তুই, নীরেন? এখন ট্রেনই বা কোথায়?

হাসিয়া নীরেন বলিল, হরিপুরের একটি ছেলে সঙ্গে ছিল মা। সে

যাছুকরী

একা বাড়ী যেতে পারলে না, তাকে পৌঁছে দিয়ে বাড়ী আসছি। নেমেছি রাত্রি আটটায়।

—কিন্তু কই বাড়ী আসবার কথা তো লিখিস নি ?

—তোমার জন্তে মন কেমন ক'রে উঠল মা। চলে এলাম।

—মুখ হাত ধুয়ে ফেল, ব'স, আমি দুটো গরম ভাত চড়িয়ে দিই।

—ভাত ? একটুখানি চিন্তা করিয়া নীরেন বলিল—আচ্ছা, দাও, অনেকদিন তোমার হাতের রান্না খাইনি। আবার চলে গিয়ে কবে আসব ! কালই চলে যাব।

মা তাড়াতাড়ি রান্না চড়াইয়া দিলেন।

—ই্যারে, দুটো ভাজাভূজি করে দিই কেবল—না, তরকারীও একটা করে দেব ? নীরেন !

নীরেন তখন দাওয়ার উপর পড়িয়াই অগাধ ঘুমে আচ্ছন্ন হইয়া গেছে। মা একটু স্নেহের হাসি হাসিলেন, এখনও সেই বালকের মত স্বভাবই রহিয়া গেল, মাটী বিছানা বিচার নাই, মায়ের উচ্ছিষ্ট এখনও কাড়িয়া খায় ! ওয়ে কেমন করিয়া বিদেশে থাকে ?

—দরজা খোল, কে আছে ?

কে ? কাহার কণ্ঠস্বর ? দরজায় এমন ক্রুদ্ধ আক্ষালন ও প্রভূত্বের ভঙ্গিতে কে আঘাত করিতেছে !

দরজা খোল।

নীরেন উঠিয়া দাঁড়াইয়া বলিল—আমি চলাম মা !

—সে কি ? তোর হাতে ও কি ?

—পিস্তল !

—পিস্তল ! নীরেনের মা কাঁপ দিয়া পড়িয়াই যেন পিস্তলটা চাপিয়া ধরিলেন । ছাড়—ছাড় ।

নীরেন পিস্তলটা ছাড়িয়া দিল । সেটা তৎক্ষণাৎ তিনি উঠানের কুয়ার মধ্যে নিক্ষেপ করিয়া শুধু বলিলেন, নীরেন !

নীরেন বলিল—আমি একজন পুলিশ অফিসারকে গুলি ক’রে মেরেছি মা ।

মা এক বিচित्र দৃষ্টিতে তাহার মুখের দিকে চাহিয়া রহিলেন ।

নীরেন বলিল, থাকতে পারলাম না মা । অণু বন্ধুরা আমাকে ভার দিতে চায় নি । আমি নিজেই নিয়েছি, আমি যেন পাগল হ’য়ে গিয়েছিলাম—আশ্চর্য্য তোমার মুখও তখন মনে পড়ল না । ওদিকে দরজার খিলটা প্রচণ্ড আঘাতে ভাঙ্গিয়া খুলিয়া গেল । পুলিশ কর্মচারী ও কনষ্টেবলে বাড়ীর পাশটা গিস্ গিস্ করিতেছিল ।

মায়ের পায়ে একটা প্রণাম করিয়া নীরেন অগ্রসর হইয়া বলিল, আমি ধরা দিচ্ছি ।

সঙ্গে সঙ্গে নিশীথ রাত্রির মর্ষচ্ছেদ করিয়া একটা তীক্ষ্ণ আর্ন্তস্বর জ্যা-বিমুক্ত শরের মতই উদ্ধলোকে দিকে ছুটিয়া বাহির হইয়া গেল । আর্ন্তনাদ করিয়া নীরেনের মা সংজ্ঞা হারাইয়া মাটিতে পড়িয়া গেলেন ।

* * * * *

রামসুন্দর আহাৰ নিত্রা ত্যাগ করিয়া নীরেনের মামলার তদ্বির তদারকের জন্য কলিকাতা ছুটাছুটা আরম্ভ করিল ।

মহাবিকু বাবুও ব্যাপারটা শুনিয়াছেন । সেই দিনেই তিনি জানিতে

যাছুকরী

পারিয়াছিলেন। খানাতল্লাসী করিতে পুলিশ তাঁহার ঘরেও প্রবেশ করিয়াছিল।

তিনি বলিয়াছিলেন—খুন করেছে নীরেন? অ! তা আমাকে স্ত্রু ফাঁসী দেবে না কি?

সেদিন রামসুন্দর ঘরে প্রবেশ করিয়া বলিল, আপনাকে একবার যেতে হবে। কোটে আপনাকে একবার দাঁড়াতে হবে।

—আমাকে? কেন, আমারও বিচার হ'বে নাকি?

—না। সরকারী উকিল আমাদের খানার দারোগার মুখ দিয়ে বলিয়েছেন আসামীর দাদাও খুন করেছে। আমাদের ব্যারিষ্টার সেই স্ত্রুযোগে জেরা করেছেন—আসামীর বাপ পাগল কি না? দারোগা স্বীকার করেছে। কিন্তু নীরেনের জন্মের আগে থেকে পাগল এইটা আমাদের প্রমাণ করতে হবে।

মহাবিশ্ব বাবু বলিলেন, কিন্তু কুষ্ঠ রোগ—তা অনেকটা এখন ভাল বটে, কিন্তু তবু তো কুষ্ঠ রোগ!.....

নীরেনের মা বলিলেন, না বাবা রামসুন্দর, ওঁকে আর টানাটানি করনা। হয়ত হঠাৎ হার্টকেল হয়ে মারাই যাবেন। বরং গ্রামের কাউকে.....।

রামসুন্দর বলিল, কার্তিক বাবু যদি সাক্ষী দেন তা হ'লে কিন্তু অনেক কাজ হয়।

একটা দীর্ঘ নিঃশ্বাস ফেলিয়া নীরেনের মা বলিলেন, আমাদের কবরেজ মশাইকে দিয়ে হবে না? উনি তো সকলের চেয়ে ভাল জানেন।

—দেখি তাই না হয়, মন্দের ভালোও তো হবে। ক্ষুধ মনেই রামসুন্দর ফিরিল। মহাবিশুবাবু কি যেন ভাবিতে ছিলেন, অকস্মাৎ বলিলেন, আচ্ছা রামসুন্দর !

রামসুন্দর দাঁড়াইল, বলিল, আঞ্জে !

—আচ্ছা ওরা আমাকে কেন ফাঁসী দিক না ! আমারই তো ছেলে। দোষ তো আমারই।

নীরবে মাথা নত করিয়া রামসুন্দর চলিয়া গেল। চোখে জল মুখে হাসি লইয়া নীরেনের মা বলিলেন, ভেবো না তুমি, রামসুন্দর বলেছে আমাকে—নীরেন খালাস হয়ে যাবে। কবরেজকে দিয়ে এইটে প্রমাণ করাতে পারলেই পাগল বলে খালাস দেবে।

—খালাস দেবে ?

—ই্যা দেবে।

—কবরেজকে একবার ডাকাও দেখি !

—ডাকতে হবে না রামসুন্দর নিজে গেল তার কাছে। তিনি কখনও না বলবেন না।

—না, সেজন্তে নয়, ব্যারামটা আমার বাড়ছে বলে মনে হচ্ছে—মানে এই হাতটা কেবল একবার ভাল করে দেখুন। তুমিই দেখনা, গাঁঠে ঘা হয়েছে না ? এইবার বোধ হয় গলবে।

নীরেনের মা দেখিলেন—আঙুলের গিঠে গিঠে কয়টা ক্ষত চিহ্ন। নখে খুঁটিয়া খুঁটিয়া গিঠগুলি ক্ষত বিক্ষত করিয়া তুলিয়াছেন। তিনি কহিলেন, এমন ক'রে নখ দিয়ে ছিঁড়ো না। এ যে সব নখের আঁচড়ের ঘা। বস তোমার নখগুলো কেটে দিই আমি। ছোট একখানি কাঁচি লইয়া তিনি

যাছুকরী

স্বামীর নথ কাটিতে বসিলেন। তাঁহার মরিবার উপায় নাই, তাঁহার কাঁদিবার উপায় নাই, মহাবিষ্ণুবাবু যেন অহরহ তাঁহাকে ডাকেন—দেখ ! আমার আঙুলগুলো দেখ তো ভাল ক'রে। না—না, এই হাতে কি খাওয়া যায় ! তুমি বরং খাইয়ে দাও।

* * * * *

“ কয়েক মাস পর।

আগামী প্রত্যুষে নীরেনের ফাঁসী হইবে। নীরেনের মা বিছানার উপর উপুড় হইয়া পড়িয়া মৃদুগুঞ্জে কাঁদিতেছিলেন। মহাবিষ্ণুবাবু শুক্ক হইয়া বসিয়া আছেন, তেমনি দৃষ্টি তেমনি ভঙ্গি। ঘরের মধ্যে তেমনি শব্দ আলোক—আলোক পরিধির চারিপাশে তেমনি নিখর অন্ধকার।

সহসা মহাবিষ্ণুবাবু বলিলেন, রামসুন্দর গেছে কলকাতায় ?

—হ্যাঁ, কাল সন্ধ্যা নাগাদ নীরেনকে নিয়ে ঘরে ফিরবে। বহুকষ্টেই নীরেনের মা উত্তর দিলেন। সংবাদটা মহাবিষ্ণুবাবুর নিকট গোপন রাখা হইয়াছে।

মহাবিষ্ণুবাবু অত্যন্ত বিষণ্ণভাবে ঘাড় নাড়িয়া বলিলেন, না। তার ফাঁসী হবে আজ ; আমি জানি, শুনেছি আমি। তোমরা কথা কইছিলে—

এতক্ষণে নীরেনের মা হা হা করিয়া কাঁদিয়া উঠিলেন। মহাবিষ্ণুবাবু কিন্তু তেমনি ভঙ্গিতেই বসিয়া রহিলেন। বহুক্ষণ কাঁদিয়া নীরেনের মা বলিলেন, আমার ভাগ্যের দোষ, আমার গর্ভের দোষ, আমার জন্তে তোমার এত কষ্ট !

পূর্বের মত ধীরে ধীরে ঘাড় নাড়িয়া মহাবিষ্ণু বলিলেন—না ! তারপর বহুক্ষণ নীরবতার পর বলিলেন, জান না তুমি—কেউ জানে না, শুধু

ভগবান জানেন আমার দোষ, আমার রক্তের দোষ ! ছায়া মূর্তির মত
মুহু সঞ্চালনে হাত তুলিয়া অঙ্গুলী নির্দেশ করিয়া বলিলেন, ওইখানে
তোমার দিদিকে আমি এই দুই হাতে গলা টিপে মেরেছিলাম।

নীরেনের মা বিস্ফারিত দৃষ্টিতে স্বামীর মুখের দিকে চাহিয়া রহিল।

—আমার নিজের চরিত্র খারাপ ছিল, তাকেও আমার সন্দেহ হ'ত।
খুব সুন্দরী ছিল কিনা ! আর খুব হাসতো।

নীরেনের মা কাঁদিয়া কাঁদিয়া তাঁহার মুখ চাপিয়া ধরিয়া বলিলেন,
না—না বলতে হবে না ! বলো না !

বহুক্ষণ নীরব থাকিয়া আবার অকস্মাৎ মহাবিস্ফুবাবু বলিলেন, যখন
তার বৃকে চেপে বসলাম সে শাপ দিলে, ওই দুই হাতে তোমার কুষ্ঠ
হবে। কিন্তু এ হাতটা বাঁচিয়ে দেবে ধীরেন আর ঐটা নীরেন। তোমার
দোষ নাই খুনের রক্ত তো !

বাহিরে পাখীর কলরবে প্রত্যুষ ঘোষণা করিয়া উঠিল। নীরেনের
মা বৃক ফাটাইয়া কাঁদিয়া উঠিলেন, নীরেন নীরেন রে !

চকিত হইয়া মহাবিস্ফুবাবু বলিলেন, এঁ্যা।

তারপর বলিলেন ভোর হয়ে গেল ?

জানলাটা খুলিয়া দিয়া ভোরের আকাশের দিকে চাহিয়া তিনি দাঁড়াইয়া
রহিলেন। মুহূর্তের পর মুহূর্ত লক্ষ লক্ষ যোজন পথ অতিক্রম করিয়া
উদয়াচল হইতে ধারায় ধারায় আলোকের বন্যা ছুটিয়া আসিতেছে,
চারিদিক পরিষ্কার দেখা যাইতেছে। সহসা আপনার হাত দুইটা সেই
আলোকের মধ্যে প্রসারিত করিয়া দিয়া বলিলেন সাদা হয়ে গেছে !

অস্থি চর্ম সার রক্তহীন বিবর্ণ হাত—

তপোভঙ্গ

রাণুর বিবাহ ।

নিতান্ত মধ্যবর্তী ঘরের কণ্ঠার বিবাহ, খরচের অঙ্কও এ বাজারের তুলনায় অত্যন্ত অল্পই বলিতে হইবে, তবুও মেয়েদের সাধ হইল ‘রৌশন চৌকী’ বাজনা চাই ।

অল্পবয়স্কা নাতনী, নাত বোয়ের দল গিয়া ধরিল ঠাকুমাকে—‘বাজনা একটা করতেই হবে ঠাকুমা ।’

ঠাকুমা বলিলেন—‘বাজনা ?’

—‘হ্যাঁ ঠাকুমা ! নইলে বিয়ে জমছে না । শাঁক বাজিয়ে উলু দিয়ে আমরা আর পারছি না ।’

—‘তাই ত রে, আমি বলব কি করে ভোলানাথকে ! সে মনে করবে কি ! নইলে—’

তিনি চুপ করিলেন, কিছুক্ষণ পর আবার বলিলেন, ‘বাজনা একটা না হলে সত্যিই মানায় না ।’

সমস্বরে এক সঙ্গে চার-পাঁচজন কলরব করিয়া বলিয়া উঠিল—‘সেই ত বলছি ঠাকুমা, আপনি মনে করলেই হবে ।’

ঠাকুমা বলিলেন—‘আমারও কিন্তু—’

তিনি চুপ করিয়া গেলেন।

তারপর আবার বলিলেন—‘আচ্ছা, বলছি আমি ভোলানাথকে।’

ভোলানাথ গুনিয়া বলিলেন—‘না মা, আবার দশ-বার টাকা অনর্থক খরচ হয়ে যাবে।’

মা বলিলেন—‘মেয়েরা কিন্তু বড় ধরেছে; ওরা বলছে বাজনা না হলে বিয়ে জমছে না।’

ভোলানাথবাবু হাসিয়া বলিলেন—‘বল কি, এত চীৎকারেও বিয়ে জমছে না! চীৎকারে বাড়ীখানা প্রায় ফাট ধরল!’

মা বলিলেন—‘আহা বাবা, পাঁচজনে এক জায়গা হয়েছে, প্রাণ খুলে আনন্দ করবার একটা দিন পেয়েছে সব—একটু চীৎকার করবে বই কি! আমারও ত এখনও সাধ হয় ওদের সঙ্গে পাল্লা দিয়ে গোলমাল করি।’

ভোলানাথবাবু চুপ করিয়া রহিলেন, কোন উত্তর দিলেন না। বাড়ীর ভিতরের ঘন ঘন উলুধ্বনি ও শঙ্খধ্বনি চারিদিকে ছড়াইয়া পড়িতেছিল। ছোট ছেলের দল আনন্দের সংস্পর্শে হেতু না বুঝিয়াও কলরব করিয়া নাচিতেছে।

ইলেকট্রিক তার খাটাইতেছিল জন দুই মিস্ত্রী। তাহার মধ্যে একজন চীৎকার করিতেছিল—‘একটো টুল—নেহিতো কুর্সী! বাবুজী!’

ভোলানাথবাবু হাঁকিলেন—‘সুধাংগু! সুধাংগু! শ্রামল শ্রামল!’

বাহিরের ঘরে বাড়ীর জোয়ান ছেলের দলের বিপুল হাঙ্গামানিতে বৈঠকখানার খাপরার চাল যেন থর থর কাঁপিতেছিল।

বাহুকরী

নাপিতটা অত্যন্ত অসহায়ের মত ব্যর্থ চীৎকার করিতেছে—‘মাদ্জী ! মাদ্জী ! মা-দ্জী-জী !’

রন্ধনশালায় ভোলানাথবাবুর ভাই রমানাথবাবু হাঁকিতেছিলেন—
‘কাঠ কাঠ, এ আকলু ! আকলু !’—

ভোলানাথবাবুর ছোট মেয়ে মিন্সু আসিয়া বলিল—‘বাজনা কখন আসবে ঠাকুমা ! জল সহিতে যাবে আর কখন ?’

মা হাসিয়া বলিলেন—‘ঐ দেখ, ওরা আবার লোক পাঠিয়েছে ! ঐ যে সব জানলায় ভিড় ক’রে দাঁড়িয়ে আছে, শুনছে—কি হয় ! তা’ বাজনা বিয়ের একটা অঙ্গ—ওতে আর অমত ক’র না বাবা ! পাঠিয়ে দাও কাউকে । এই ত চামার বস্তীতে গেলেই পাবে !’

ভোলানাথবাবু বলিলেন—‘তা হ’লে রবীনকে পাঠিয়ে দি, ও এক্ষুণি গিয়ে নিয়ে আসতে পারবে ।’

মিন্সু সঙ্গে সঙ্গে সেইখান হইতেই চীৎকার করিয়া ছুটিল—‘আসছে, আসছে, হ’য়ে গেছে মা !’

ওদিকে জানালার সম্মুখের ভিড় সিগন্যাল পাইয়া হড়াহড়ি করিয়া বাড়ীর দিকে ফিরিল । সঙ্গে সঙ্গে সমস্তের কলরব—‘হয়েছে—হয়েছে । আসছে—আসছে ! রোশন চৌকী, রোশন চৌকী !’

কে একজন আনন্দের আতিশয্যে শাঁখটা লইয়া সজোরে বাজাইয়া দিল । সঙ্গে সঙ্গে সমস্তের বাজিয়া উঠিল—উলু লু লু লু লু লু ! ভোলানাথবাবুর মা বিপুল দেহভার লইয়া একরূপ ছুটিতে ছুটিতে বাড়ীর দিকে আসিতেছিলেন—মুখে তাঁহার মুখভরা হাসি ।

তপোভঙ্গ

একজন নাতনী ছুটিয়া আসিয়া তাঁহার হাত ধরিয়া বলিল—‘বাজনা এলে আপনাকে কিঙ্ক নাচতে হবে ঠাকুমা !’

ঠাকুমা অধর-লীন হাশ্বরেখা এবার সরস হইয়া ধরিয়া পড়িল, তিনি বলিলেন—‘সে তুই নাচবি, অনিমা নাচবে, শ্রামা নাচবে, চিহ্ন নাচবে।’

ওদিকে একসঙ্গে কয়জনে সশঙ্ক চীৎকারে বলিয়া উঠিল—‘আহা-হা ! তোন্ তোন্ ! ওঠ-ওঠ !’

পরক্ষণেই তুমুল হাসি ! রাগুর পিসতুত দিদি স্থলাঙ্গী শ্রামা কলতলায় পা পিছলাইয়া পড়িয়া গিয়াছে। পড়িয়া পড়িয়া সেও এখন সবার সঙ্গে হাসিতেছিল, হা-হা-হা-হা !

* * * * *

আধঘণ্টা পরেই দুয়ারে রৌশনচৌকী বাজিয়া উঠিল। সানাইয়ের সুভৌল সুরে চন্দ্রবাগের সুমিষ্ট ধ্বনিতে, মন্দিরার ধাতব ঝঙ্কারে এক মুহূর্ত্তে যেন বিবাহ-বাড়ীর প্রচণ্ড কলরবের অন্তরালবর্তী সঙ্গীত ঝঙ্কারময় অংশটুকু রূপ পরিগ্রহ করিয়া অপরূপ হইয়া উঠিল ! প্রভাত রোদ্দ যেন উজ্জলতর হইয়া উঠিল। বাড়ীখানার প্রাণের আনন্দবার্তা যেন দিগদিগন্তে সঙ্গীতের মধ্য দিয়া ছড়াইয়া পড়িল।

বাহিরে রাস্তার উপর লোকের ভিড় জমিতেছে। বাড়ীর ছেলেরা কলরব থামাইয়া বাজনার কাছে মুগ্ধ হইয়া দাঁড়াইল। ঠাকুমা একটা কাজের ছুতা করিয়া দেখিতে আসিয়াছিলেন, তিনি হাসিতে হাসিতে ফিরিবার পথে বলিলেন, ‘কেমন সুন্দর লাগছে বল ত।’

যাছুকরী

এমন সময় ভোলানাথবাবু সবিস্ময়ে বলিয়া উঠিলেন, ‘মাসীমা। মাসীমা ! মাসীমা এসেছেন মা ! আন্সুন, আন্সুন।’

একটি বর্ষীয়সী স্থলান্ধী মহিলা মন্ডর গমনে যে হাঁপাইতে হাঁপাইতে বাড়ীতে প্রবেশ করিলেন। তাঁহার পরণে গেরুয়া রঙের সেমিজ, গেরুয়া রঙের কাপড়, চোখে চশমা, মাথার চুলে অধিকাংশই পাক ধরিয়াছে, তবুও চুলগুলি সমস্তে বিস্তৃত।

—‘মা মা ! মাসীমা এসেছেন, মাসীমা।’

ভোলানাথবাবুর মা ফিরিয়া আগন্তুককে দেখিয়া যেন স্তম্ভিত হইয়া গেলেন।

মহিলাটি তাহার দিকে চাহিয়া ঈষৎ হাসিয়া বলিলেন—‘আমি এলুম দিদি !’

ভোলানাথবাবুর মা তাঁহার হাত ধরিয়া এবার বলিলেন—‘এস ভাই এস। আজ রাগুর বিয়ে হৈম। ভুলুর মেয়ে রাগু। এই আমি ডাবছিলাম—গিয়ে তোকে ধ’রে নিয়ে আসব।’

* * * * *

বহুদিনের কথা। ভোলানাথবাবুর মা ও হৈমবতী তখন প্রথম যৌবনের দুটি সখি। উভয়ের স্বামী কর্মসূত্রে বেহারের এই শহরটিতে আসিয়া পাশাপাশি দুইখানি বাড়ীতে নীড় বাঁধিয়াছেন। হৈমবতীর স্বামী ছিলেন উকীল; ভোলানাথবাবুর বাপ কাজ করিতেন সরকারী দপ্তরে।

বেলা দ্বিপ্রহরে পুরুষেরা কাজেকর্মে বাহিরে গিয়াছেন, হৈমবতী দাঁকৈ সঙ্গে করিয়া এ বাড়ীতে প্রথম প্রবেশ করিয়া ফিক্ করিয়া হাসিয়া

বলিয়াছিলেন, “আপনার সঙ্গে আলাপ করতে এলুম দিদি! এই পাশের বাড়ীতে এসেছি আমরা। বাপ রে, এই কেউড়ী মেউড়ীর দেশে কথা না কুয়ে পেট ফুলে মারা যাবার জো!”

ভোলানাথবাবুর মায়ের কোলে তখন তাঁহার মেজ মেয়ে ছয় মাসের শিশু নিভা তারস্বরে কাঁদিতেছিল। তিনি তাড়াতাড়ি সম্বন্ধনা করিয়া বলিলেন, ‘আসুন—আসুন!’

হৈম বলিল, ‘নাঃ তবে আর আসা হ’ল না দিদি। আমি বললুম দিদি, আর আপনি বলছেন আসুন!’

ভোলানাথবাবুর মা বলিলেন—‘তা হলে তোমারও যে আপনি বলা সাজে না ভাই। তুমিও তুমি বল!’

হৈম তাড়াতাড়ি হাত বাড়াইয়া বলিল, ‘কই তোমার মেয়েকে দাও দিদি আমায়; আমায় ভাই তুমি এক গ্লাস জল দাও—আর একটা পান।’

ভোলানাথবাবুর মা জলের গ্লাসটা দিয়া পান সাজিতে সাজিতে বলিলেন, ‘তোমার ছেলেপিলে কি ভাই?’

হৈম বলিল—‘মহাজনের খাতক এখনও হয়নি দিদি!’ বলিয়া হাসিয়া নিভার গাল টিপিয়া আদর করিয়া আবার বলিল—‘এরা সব মহাজন দিদি, নিজের পাওনা আদায় করতে আসেন এঁরা।’

এমন সময় ঘরের মধ্যে নিভার বড় বোন বিভা ঘুম ভাঙিয়া উঠিয়া কাঁদিয়া উঠিল।

হৈম বলিয়া উঠিল—‘ওমা, ইনি আবার কিনি?’

বিভার মা হাসিয়া বলিলেন—‘আমার বড় মেয়ে। বিভা, উঠে আর এখানে।’

যাহুকরী

বৎসর দেড়েকের শিশু ঘুম ভাঙিয়া উঠিয়া অত্যন্ত অপ্রসন্ন মনে বিছানার উপর বসিয়া বসিয়াই কাঁদিতে আরম্ভ করিল। ভাড়াভাড়া নিভাকে তাহার মায়ের কোলের উপর ফেলিয়া দিয়া হৈমবতী ছুটিয়া গিয়া বিভাকে কোলে তুলিয়া লইয়া আসিল।

—‘ও দিদি, এ যে খাসা, চমৎকার। এঁয়া, কেমন রেশমের মত চুলগুলি দেখ ত! নাঃ, এই ভাল দিদি, ও তোমার এখনও কেমন প্যাক প্যাক করছে—নাড়তে চাড়তে ভয় হয়, মনে হয়, হাত পাগুলো বুঝি থ’সে পড়ে যাবে। এই—একেই আমি নিয়ে যাচ্ছি।’

তারপর ক্রমে ক্রমে দুটি বধূর সখিত্ব ক্রমশ নিবিড় হইতে নিবিড়তম হইয়া উঠিল।

* * * * *

হৈমবতীর স্বামী বিশ্বনাথবাবু ছিলেন বিশিষ্ট ধরণের মানুষ। রাশি রাশি বই ছিল তাঁহার জীবনের প্রিয়তম বস্তু আইন ব্যবসায়েরও তাঁহার ক্ষমতা ছিল প্রচুর, ফলে অল্পদিনের মধ্যেই তিনি কৃতী পারদর্শী উকীল বলিয়া খ্যাত হইয়া গেলেন। সঙ্গে সঙ্গে অর্থ-সম্পদ নিম্নাভিমুখিনী জলস্রোতের মত তাঁহার গৃহে আসিয়া প্রবেশ করিল। দেখিতে দেখিতে বিস্তৃত স্বীন অধিকার করিয়া তাঁহার বাগান, বাড়ী মনোহর সজ্জায় আকাশে মাথা ঠেলিয়া উঠিল। বিশ্বনাথবাবু সন্ধ্যার পর লাইব্রেরী ঘরে বসিয়া স্ত্রীকে ডাকিয়া বলিতেন—‘আমার কাছে বসে থানিকটা পড় দেখি। আচ্ছা, আমার কতটা পড়া হয় আর তোমার কতটা হয় আজ দেখব!’

তপোভঙ্গ

হৈমও সঙ্গে সঙ্গে বই লইয়া বসিত। কিন্তু কিছুক্ষণ পরই চঞ্চল হইয়া বারবার আড়চোখে স্বামীর দিকে চাহিয়া দেখিত তিনি কি করিতেছেন।

বিশ্বনাথবাবু টেবিলের উপরে ঝুঁকিয়া পড়িয়া নিবিষ্ট চিত্তে বইয়ের মধ্যে তখন ডুবিয়া গেছেন! হৈম বইখানা ফেলিয়া দিয়া পা টিপিয়া টিপিয়া ঘর হইতে বাহির হইয়া যাইত। এবং সঙ্গে সঙ্গে হাজির হইত গিয়া দিদির বাড়ী।

—‘পালিয়ে এলুম দিদি, মাষ্টারের মত পড়াতে বসেছিলেন।’ বলিয়া হি-হি করিয়া হাসিয়া সে গড়াইয়া পড়িত! তারপর বিভা, নিভা, দিবা, নিশিকে লইয়া খেলা আরম্ভ করিয়া দিত। বিভার মাকে বলিত—‘তোমার কত্তা এলে ব’ল দিদি, পলাব সঙ্গে সঙ্গে।’ নিভাকে কোলে টানিয়া বলিত, ‘এইটেকেই আমার সব চেয়ে ভাল লাগে গো, মেমসাহেব, আমার পুতুল, নীল নীল চোখ, দুধের মত রঙ, লালচে—চুল—ডলি— আমার ডলি!’

কোন কোন দিন বিশ্বনাথবাবু হৈমর পলায়নের কথা জানিতে পারিতেন। তিনি হাসিয়া পিছন হইতে ডাকিয়া বলিতেন—‘পালাচ্ছ।’

হৈম চমকিয়া উঠিয়া ফিরিয়া দাঁড়াইত, তারপর বলিত, ‘হ্যাঁ পালাচ্ছি।’

‘ঐ আবার পারে নাকি মানুষে! ওদিকে দিদির বাড়ীতে ছেলেগুলো বোধ হয় কাঁদছে এতক্ষণ। দিদির কত কাজ, একলা মানুষ, আমি না গেলে ওরা আবার ঘুমাবে না।’

আরও বৎসর তিনেক পর। তখন বিভার মায়ের দ্বিতীয় পুত্র সবে মায়ের কোলে আসিয়াছে। আঁতুড় হইতে বাহির হইবার দিন ভোর

যাছুকরী

না হইতেই হৈমবতী আসিয়া হাজির। আচার আচরণ বিধি-ব্যাপারের সমস্ত ভার তাহার উপর।

গুটি-স্নানান্তে নিভার মা ছেলে কোলে লইয়া বসিতেই হৈম কোল পাতিয়া বলিল—‘দাও দিদি। ও মা গো, এ যে বড় সুন্দর হয়েছে—সুকলের চেয়ে সুন্দর।’

ছেলেটিকে কোলে লইয়া তাহাকে আদর করিতে করিতে নির্নিমেষ দৃষ্টিতে তাহার দিকে চাহিয়া সে যেন স্থির মুক হইয়া গেল। নিভার মা একটু দূরে রোঁদ্রে বসিয়াছিলেন, তিনি বলিলেন—‘কি হ’ল রে হৈম, তুই যে বড় বকছিস নে।’

চমক ভাঙিয়া হৈম বলিল—‘একে কিন্তু আমায় দিতে হবে দিদি।’

নিভার মা হাসিয়া বলিলেন—‘তুই সবাইকে নিয়েছিস—ও-ই বা বাদ থাকবে কেন? সন্ধ্যাই ত থাকে তোর বাড়ীতে তুই-ই ত সঙ্কলকেই মানুস করলি!’

হৈম বলিল—‘না দিদি, এ সে দেওয়া নেওয়া নয়, একেবারে আমায় দিতে হবে! ওকেই আমি আমার সমস্ত কিছু দিয়ে যাব।’

নিভার মা বিস্মিত নেত্রে হৈমর মুখের দিকে চাহিয়া রহিলেন। হৈম তখনও বলিতেছিল—‘আমি ওকে বিলেত পাঠাব; খুব বড় বিদ্বান করব আমার মাণিককে। নাম দেব কি জান দিদি, নাম দেব মাণিক।’

নিভার মা কাছে আসিয়া বসিয়া নিজেই কোল হইতে ছেলেটিকে লইয়া বলিলেন—‘তুই এত ব্যস্ত হচ্ছিস কেন, তোরও ছেলে পিলে হবে। সকলেরই কি আর সকাল সকাল ছেলে হয়। কত জনের—’

—‘তুমি আমার কোল থেকে ছেলে কেড়ে নিলে দিদি?’

নিভার মা অপ্রতিভভাবে হৈমর মুখের দিকে চাহিয়া রহিলেন, কোন উত্তর দিতে পারিলেন না। হৈম আবার বলিল—‘তুমি আমার কোল থেকে ছেলে কেড়ে নিলে দিদি?’

* * * * *

বিশ্বনাথবাবু লাইব্রেরী হইতে বাহির হইয়া গুনিলেন, হৈম অসুস্থ। হৈম সেই যে গিয়া বিছানায় উপুড় হইয়া পড়িয়াছিল আর ওঠে নাই। বিশ্বনাথবাবু গিয়া হৈমর ললাট স্পর্শ করিতেই সে হঁ হঁ করিয়া কাঁদিয়া উঠিল। বিশ্বনাথবাবু সম্মেহে প্রস্থ করিলেন—‘কি, হ’ল কি হৈম?’

—‘ওগো,’—বলিয়া হৈম আর বলিতে পারিল না, অশ্রুর বগ্নায় তাহার মুখ আবার ভাসিয়া গেল।

বহুকষ্টে সমস্ত কথা বলিয়া হৈম বলিল—‘আমি দেবতার দোরে হত্যে দেব।’

বিশ্বনাথবাবু হাসিয়া বলিলেন,—‘অনর্থক পণ্ডশ্রম, আর শরীরের কষ্টের চেয়ে ডাক্তার দেখান ভাল। চল, কালই তোমায় নিয়ে কলিকাতায় যাব।’

হৈম অকূলে যেন কুল পাইয়া হাসিমুখে উঠিয়া বসিল। পরদিনই বিশ্বনাথবাবু হৈমকে লইয়া কলিকাতা রওনা হইয়া গেলেন। কলিকাতায় বড় বড় বিশেষজ্ঞ ডাক্তার মোটা মোটা টাকা লইয়া বিদায় হইয়া গেল। নানা পরীক্ষা হইল। ডাক্তারদের অভিমত লইয়া বিশ্বনাথবাবু আসিয়া স্নান হাসি হাসিয়া বলিলেন,—‘ডাক্তারেরা কি বললেন?’

—‘সে অনেক কথা। ওষুদ পত্রের ব্যবস্থা করে দিয়েছে।’

—‘না, তারা কি বলেছে বল।’

যাছুকরী

—‘দেখ, আমাদের গরীর ঘষের নানা রকম ব্যাপার আছে। তার মধ্যে কারও কোনটা খুঁত থাকে। সেটা অবশ্য দুর্ভাগ্য। কিন্তু করবে কি, তার ওপর ত হাত নাই।’

হৈম বালিশে মুখ গুঁজিয়া পড়িয়া চোখের জলে বালিশটা ভিজাইয়া দিল।

অতঃপর দেব-দ্বারের পালা। বিশ্বনাথবাবুর যুক্তি হৈম মানিল না। দেখিতে দেখিতে সে তপস্বিনীর মত দেব-সেবায় মাতিয়া উঠিল।

হৈম নিজার মায়ের বাড়ী আসা বন্ধ করে নাই। পরের ছেলের জন্ত কেন যে তাহার চিন্তা চঞ্চল হয় সে বোঝে না, কোনমতে সে আত্মসম্বরণ করিতে পারে না, তাহাতে আসিতে হয়।

নিভার মা বলেন—‘তুমি যে ডুমুর ফুল হয়ে উঠছ হৈম!’

হৈম বলে—‘আর দিদি, দিনরাত্রি দেবতা দেবতা করেই গেলুম। দেবতাই একবার দেখব।’

তাহার চোখ যেন চক চক করিয়া ওঠে।

ছেলেরা মাসীমার সাড়া পাইয়া চারিদিক হইতে কলরব করিয়া ছুটিয়া আসে—মাসীমা! মাসীমা!

নিভাকে বুকে চাপিয়া ধরিয়া হৈম বলে—‘ডলি যে আমার দিন দিন রোগা হয়ে যাচ্ছে। ডলি—ডলি রে—এ্যা!’

নিভার মা বলেন—‘তুমি বন্ধিনাথে একবার হন্তে দিগ্নে দেখলে না কেন?’

হৈম বলে—‘তাই যাব দিদি। চল না তুমি গুঁক যাবে?’

হাসিয়া নিভার মা বলেন—‘দেখছ ত আমার গোরাপন্টনের দল, এদের নিয়ে যাব বললেই কি যাওয়া হয়!’

হৈম মনের কথা বলিতে সাহস পায় না। সে ফিরিয়া আসিয়া বৈষ্ণনাথ ধাম যাত্রার আয়োজনেই লাগিয়া পড়ে।

ঘাইবার দিন হৈম দিদিকে বলিল—‘দিদি, বলতে ভয় হচ্ছে, যদি নিভা কি বিভাবে আমার সঙ্গে দিতে’--

দিদি হাসিয়া বলিলেন—‘দেখছ ত ভাই, আমি একা মাহুষ, আর সব কাচ্চা বাচ্চার দল, বিভা নিভা বড় হয়েছে—আমার সাহায্য হয়।

* * * *

বিশ্বনাথবাবু নিজেকে অবিশ্বাসী হইলেও হৈমর অভিপ্রায়ে তিনি বাধা দিলেন না। একাদিক্রমে পাঁচটি বৎসর হৈম নানান সাধু ও দেবতার ছুয়ারে ব্যর্থ তপস্তা করিয়া ফিরিল। সর্বশেষ দেবদ্বার হইতে ফিরিবার পর একদিন নিভার মা জিজ্ঞাসা করিলেন—‘কিছু হ’ল হৈম, কোন আশা পেলো?’

কিছুক্ষণ নীরব থাকিয়া হৈম বলিল—‘কিছু বুঝলুম না দিদি।’

সেদিনের সভায় আরও কয়জন প্রতিবেশিনী উপস্থিত ছিল, একজন বলিল—‘তোমারও মধ্যে হচ্ছে ভাই, কপালে না থাকলে হয় না। তার চেয়ে ভূমি এক কাজ কর না, তোমার এত সম্পত্তি, এত টাকা, একটি পুষ্টি নাও না কেন?’

হৈম তাহার দিকে স্তব্ধ হইয়া চাহিয়া রহিল। কিছুক্ষণ পর ম্লান হাসি হাসিয়া বলিল—‘আপন সন্তান কি কেউ পরকে দিতে পারে?’

যাছুকরী

প্রতিবেশিনী হাসিয়া বলিল—‘কত নেবে তুমি? নাও না—আমারই পাঁচটা ছেলে রয়েছে, একটা নাও না।’

হৈম আশ্চর্য্য হইয়া গেল। প্রতিবেশিনী উত্তরের প্রতীক্ষা করিয়া বলিল—‘নেবে? যেট তোমার পছন্দ হয়, তাকেই দেব আমি।’

• হৈম কহিল—‘না।’ বলিয়া সে উঠিয়া চলিয়া গেল।

বাড়ীর বহির্দ্বারে সবে সে আসিয়াছে, তখন তাহার কানে আসিয়া শৌছিল, প্রতিবেশিনীটি ব্যঙ্গভরে বলিতেছে—‘হবে নারে ঝাঁজার ছেলে, কান্তিকেরও বাবা এলে!’

তাহার আজ কিন্তু দুঃখ হইল না, বেদনাতুর মুখে মৃদু হাস্য রেখা ফুটিয়া উঠিল।

বিশ্বনাথবাবু সমস্ত শুনিয়া বলিলেন—‘মা হতে পারবে হৈম?’

হৈম অগাধ বিশ্বাসে স্বামীর মুখের দিকে চাহিয়া রহিল। বিশ্বনাথবাবু বলিলেন—‘আজ পনের ঘোল জনের মত জলখাবার ক’রে রেখো।’

অপরাত্নে বার-তেরটি কিশোর ছেলেকে সঙ্গে করিয়া বাড়ী ফিরিলেন। বলিলেন—‘এরা সবাই তোমার ছেলে হৈম। এরা তোমায় ডাকবে মাতাজী, আর তুমি বলবে বাচ্চা। এদের এখানে ব্যায়াম চর্চা, জ্ঞান চর্চার আখড়া করে দিলাম। রোজ আসবে এবং তুমি এদের পরিচর্যা করবে। এদের তুমি মানুষ ক’রে তোল—এদের মা হও।’

হৈম বিপুল স্নেহে কনিষ্ঠটিকে বুকে জড়াইয়া ধরিল। সে যেন আজ সর্বকাম্য পরিপূর্ণরূপে পাইয়া গেল।

কিন্তু কিছুদিন না যাইতেই ছেলের দলে ভাঙন ধরিল। একটি দুটি করিয়া ছেলে কম পড়িতে আরম্ভ হইল।

হৈম জিজ্ঞাসা করিল—‘এরা আসছে না কেন বীরেন ?’

বীরেন ছেলেটি কিছুক্ষণ চুপ করিয়া থাকিয়া বলিল—‘জানিনে ঠিক।’

হৈম বলিল—‘তুমি কাল এদের ডেকে নিয়ে এস—না—আমিই যাব।’

পরদিন ছেলেদের বাড়ী গিয়া ছেলেদের দেখা পাওয়া ত দূরের কথা, তাহাদের গৃহে প্রবেশের অধিকারও পাইল না। অধিকন্তু যে কুংসিত তীব্রতম জ্বালাময় বিষ কণ্ঠে লইয়া ফিরিল তাহাতে তাহার মনে হইল তাহার মৃত্যু হইয়াছে। এটা ইহলোক নয়—এ নরক। সন্তানহীনতার পাপে যে নরক জীবের জন্য নির্দিষ্ট, সেই নরকের মধ্যে কুমিকীটের মত অসহ যন্ত্রণার মধ্যে সে বাস করিতেছে।

বাড়ী ফিরিয়া অনেক চিন্তা করিয়া স্থির করিল সে মরিবে! সে বিষ সংগ্রহ করিয়া স্বামীকে পত্র লিখিতে বসিল। অনেক ভাবিয়া সে সমস্ত খুলিয়া লিখিয়া শেষে লিখিল, “এ আমার আর সহ্য হইতেছে না। মানুষের মধ্যে বাস করিতে আমি আর পারিব না। তাই—”

থপ করিয়া পিছন হইতে কাগজখানা টানিয়া লইয়া বিশ্বনাথ বাবু বলিলেন—‘ছি, হৈম!’

বিশ্বনাথবাবু কখন আসিয়া তাহার পিছনে দাঁড়াইয়াছিলেন, হৈম জানিতেও পারে নাই। হৈম স্বামীকে দেখিয়া আছাড় খাইয়া লুটাইয়া পড়িল।

বিশ্বনাথবাবু বলিলেন,—‘কৈদ না হৈম, ভয় কি, দুঃখ কি। আমি তোমায় এমন রাজ্যে ঘর গড়ে দেব—সেখানে মানুষ থাকবে না।’

যাদুকরী

হৈম বলিল—‘শুধু মাহুষ নয়,—দেবতা ভগবান যে রাজ্যে নাই, তেমন রাজ্যে আমি বাস করতে চাই।’

বিশ্বনাথবাবু হৈমের হাত ধরিয়া লাইব্রেরী ঘরে লইয়া গিয়া বলিলেন—
“এই রাজ্যে তোমার ঘর গড়ে দেব হৈম, এখানে ভগবান নেই, পাপ নেই, পুণ্য নেই, মাহুষ নেই। শুধু একা তুমি থাকবে। পারবে?”

হৈম বলিল,—‘পারব।’

*

*

*

সত্যই বিশ্বনাথবাবু এক অপূর্ণ রাজ্যের দুয়ার হৈমবতীর সম্মুখে খুলিয়া দিলেন। আজ ত্রিশ বৎসর হৈমবতী স্বামীর সঙ্গে সেই রাজ্যের মধ্যে বাস করিতেছে। মাস কতক আগে বিশ্বনাথবাবু মারা গেলেন, হৈম তাঁহার দেহ দাহ করিল না, বাড়ীর বাগানের মধ্যে সে তাঁহার সমাধি নির্মাণ করিল। নিজে সে সন্ন্যাসিনী সাজিল, গেরুয়া কাপড় পরিয়া সংসারের সহিত বাকী সংশ্রবটুকুও শেষ করিতে মনস্থ করিল।

নিভার মা সেদিন আসিয়াছিলেন।

তিনি অনেক সাধুনা দিয়া বলিলেন—কি করবে বল ভাই, ভগবানকে ডাক, তাঁর স্বরণ নাও।”

তিনি দুটি হাত জোড় করিয়া প্রণাম করিলেন।

হৈম তৎক্ষণাৎ নিজের পায়ের ধূল নিজের মাথায় লইয়া বলিল—
“আমার ভগবান আমি নিজে দিদি। সাধুনা আমি পেয়েছি।”

নিভার মা অবাক হইয়া গেলেন। কিছুক্ষণ পর বলিলেন,—‘আমি উঠি হৈম, মাঝে মাঝে যেয়ো আমার ওখানে, একা মন খারাপ হয়।’

হৈম উত্তর দিল—‘মানুষের রাজ্য আমি ছেড়েছি দিদি। আমার রাজ্য ছেড়ে যাবার আমার সময় হয় না।’

নিভার মা দুঃখিত হইয়া চলিয়া আসিলেন।

যাক। তারপর আপন মনোমত প্রণালীতে স্বামীর আত্মক্রিয়া শেষ করিয়া হৈমবতী আবার সেই ঘরটিতে ঢুকিয়া বসিল।

দেওয়াল ঢাকিয়া সারি সারি কাচের আলমারীর মধ্যে পুস্তকের রাশি ঝকঝক করিতেছিল। সে একখানা বই টানিয়া লইয়া বসিল। নাস্তিক্যবাদের একখানা বই। বহুবার এই বইখানা সে পড়িয়াছে। কয়েক পৃষ্ঠা পড়ার পর কেন যেন সে বুঝিল না, বইখানা আর ভাল লাগিল না। সেখানা টেবিলের উপর রাখিয়া দিয়া সে আর একখানা টানিয়া লইয়া বসিল। কিছুক্ষণ পর সেখানাও রাখিয়া দিয়া আর একখানা লইয়া বসিল। ক্রমে ক্রমে টেবিলের উপর বই স্তুপীকৃত হইয়া জমিয়া উঠিল। থাকিতে থাকিতে সে সমস্ত ফেলিয়া দিয়া বাহির হইয়া আসিল। ওদিকে স্বামীর চেয়ারখানা শূন্য পড়িয়া আছে। একা থাকিতে থাকিতে সে যেন হাঁপাইয়া উঠিয়াছে। উঃ! জানালার ধারে দাঁড়াইয়া সে দেখিল, রাস্তায় মানুষ চলিয়াছে! সমস্ত দিনটা সে সেই লইয়া কাটাইয়া দিল।

দিন কয় পর সে দেশ ভ্রমণে বাহির হইয়া পড়িল। জানালা পারি-পার্শ্বিকের বিভিন্ন বর্ণ বিভিন্ন ভাষা ভাবী কোটা কোটা মানুষের মেলায় আসিয়া তাহার বড় ভাল লাগিল। অপেক্ষাকৃত শান্ত সুস্থ মন লইয়া যাস চারেক পর সে ফিরিল।

বাড়ী-ঘর ঝাড়িয়া মুছিয়া আবার সে আপনার রাস্তার মধ্যে প্রবেশ

যাছুকরী

করিয়া বসিল। কিন্তু আশ্চর্য্য, দিন পনেরর মধ্যেই আর সে ভাল লাগিল না।

দিন কয় পর, সে লাইব্রেরী ঘরে পড়িতেছিল, অকস্মাৎ হলুধনি ও শঙ্খধনির শব্দে সে সচকিত হইয়া চাকরটাকে প্রশ্ন করিল—“ও কি রে?”

—‘সাদী, মাদ্জী! ও বাড়ীতে ভোলাবাধুর বেটীর সাদী হোবে।’

—‘ওদিকের জানালাটা বন্ধ করে দে’ত।’

চাকরটা জানালাটা বন্ধ করিয়া দিল।

হৈম বইখানা লইয়া গভীর মনযোগের সহিত পড়িতে আরম্ভ করিল।

বিবাহের বাসর। বর-কন্যা সুসজ্জিত আসনে বসিয়া আছে! চারিদিকে সুসজ্জিতা কৌতুকোচ্ছল যত পুরনারীদের মেলা।

—‘গান গাও না ভাই, বর।’

—‘আপনারা আগে গাইবেন। আমি ত অতিথি আপনাদের।’

—‘এই ইনি গাইবেন। খুব ভাল গাইতে পারেন। গাও না ভাই!’

বরের পিছনে দেওয়ালে বিলম্বিত একখানা আয়নার মধ্যে হৈম আপনার প্রতিবিম্ব দেখিতে পাইল।

—‘মাদ্জী!’

দরজায় ধাক্কা মারিয়া চাকরটা ডাকিতেই, হৈম চমকাইয়া সচেতন হইয়া উঠিল। এ কি! বই হাতে করিয়া অতীতের কোন বিবাহ বাসরের স্মৃতি স্বপ্ন সে দেখিতেছে!

বইখানা রাখিয়া দিয়া সে বাহিরে আসিল।

চাকরটা বলিল—‘মাদ্জী, বাজারের ফেরৎ নোটের রূপেয়া।’

হৈম বলিল—‘তোর কাছেই থাক।’

তপোভঙ্গ

রোশনচোঁকীদার সঙ্গীতে, বিবাহ বাড়ীর আনন্দের আহ্বান
বাজিতেছে। উছল আনন্দ কলরব! ওই শাঁখ বাজে!

উদ্‌গ্রীব হইয়া হৈম সঙ্গীত ঝঙ্কার শুনিতেছিল। শুনিতে শুনিতে
সহসা সে চাকরটাকে ডাকিল—‘বংশীয়া!’

—‘মাঈজী!’

চাদরটা গায়ে দিয়া সে তাড়াতাড়ি বাড়ী হইতে বাহির হইয়া পড়িল।
ভুলুর মেয়ের বিবাহের বাসরে সে গান গাহিবে নাচিবে।

ভোলানাথবাবুর মা তাহার হাত ধরিয়া লইয়া গেলেন। হৈম বলিল
—“কই, আমার রাগু ডার্লিং কই? আমি কিন্তু আজ বাসরে গান গাইব
দিদি, নাচব! আর আমার নাতি-নাতনীদের চিনিযে দাও—আমি
বং খেলব যে।’

প্রত্যাবর্তন

পুকুরের মাছ বর্ষায় বাহিরের জলস্রোতের সংযোগ বাহির হইয়া যায়।
নালা নদী নদ সমুদ্র ঘুরিয়া সে অবশ্য আর পুকুরে ফিরিয়া আসে না ;—
কিন্তু ফিরিয়া আসিলে যা ঘটে তাই ঘটিল। আত্মীয় জ্ঞাতি বন্ধুবর্গ
দূরের কথা—মা পর্য্যন্ত চিনিতে পারিল না।

পরনে নীল রঙের পাংলুন, ফুলহাতা কোমরটুকু অবধি খাটো জামা,
জামার পিছনে পিঠের উপর আবার একটা চোঁকা ফালি, মাথায় বিচিত্র
টুপি—এই পোষাকপরা লোকটিকে দেখিয়া জেলেপাড়ার সকলে
ভাবিয়াছিল কোন অভুত দেশের মানুষ। লোকটি পরম আরামে
সিগারেট টানিতে টানিতে আসিয়া জেলেদের বিপন অর্থাৎ বিপিনের
বাড়ীর দ্বারা দাঁড়াইল। পিছনে একপাল ছেলে জুটিয়াছিল, সে
দাঁড়াইতেই ছেলেগুলিও দাঁড়াইয়া গেল। বিচিত্র পোষাকপরা লোকটির
দৃষ্টি জীব পতনোন্মুখ বাড়ীটার দিকে পড়িতেই সে-দৃষ্টি চকিত হইয়া
উঠিল—জর কুঞ্জে জাগিয়া উঠিল নীরব প্রাণ। পিছন ফিরিয়া জেলেদের
দিকে চাহিয়া হাতের একটিমাত্র আঙুল নাড়িয়া সে ডাকিল এই কাম
ইয়ার—ইয়ার আও ! শুন্ শুন্—ইখানে শুন্। এ-ই ছো-করা !

প্রত্যাবর্তন

যে ছেলেটি সম্মুখে ছিল সে চট করিয়া পিছু হটিয়া চার-পাঁচ জনকে আড়াল রাখিয়া দাঁড়াইল। সে চার-পাঁচ জনও পিছনে যাইবার জ্ঞান একটা ঠেলাঠেলি স্তব্ধ করিয়া দিল। লোকটি কোঁতুক বোধ করিয়াও স্থগার সহিত বলিল—শূয়ার-কি-বাচ্চা !

তারপর সে বাড়ীর ভাঙা দরজাটা ঠেলিয়া বাড়ীর ভিতর প্রবেশ করিয়া উঠানে দাঁড়াইল। চারিদিক ভাঙা-ভগ্ন, উহারই মধ্যে অল অবস্থার ঘরখানার দাওয়ার উপর বসিয়াছিল এক প্রোঁচা ;—খাটো-ছেঁড়া একখানা কাপড় পরিয়া কতকগুলো গুগলি শামূকের খোলা ভাঙিয়া পরিক্ষার করিতেছিল। সে সমস্ত হইয়া রুঢ় শঙ্কিত স্বরে প্রশ্ন করিল—কে ? কে গো তুমি ?

আগন্তুক একমুখ হাসিয়া বলিল—মা !

বিস্ময় বিস্ফারিত দৃষ্টিতে প্রোঁচা তাহার মুখের দিকে চাহিয়া রহিল।

এবার মাথার টুপিটা খুলিয়া আগন্তুক বলিল—চিনতে পারছিস্ না মা ? হামি পশুপতি ! কথাগুলিতে অদ্ভুত একটি টান—‘শ’কারগুলি সব কেমন শিষের মত তীক্ষ্ণ, উচ্চারণে শব্দগুলি যেন কেমন বাঁকা।

পশুপতি ? পশু ? পশো ? প্রোঁচার হাত দুইটি নিষ্ক্রিয় স্তব্ধ হইয়া গেল ; ঠোঁট দুইটি থর থর করিয়া কাঁপিয়া উঠিল, আকুল প্রশ্নভরা চোখে আগন্তুকের দিকে প্রোঁচা নির্বাক হইয়া চাহিয়া রহিল। তাহার হারানো ছেলে ‘পশো’ পশুপতি ? লম্বা, রোগা, দ্রুস্ত পনের বছরের ছেলে দশ বৎসর আগে পলাইয়া গিয়াছিল জগন্নাথের পাণ্ডার সঙ্গে,—সেই পশুপতি ? পশো ?

আগন্তুক আগাইয়া আসিয়া বলিল—চিনতে পারছিস্ না মা ?

যাহুকরী

সত্যই প্রোচা চিনিতে পারিতেছিল না ; পরনে অদ্ভুত পোষাক—সায়েরদের পোষাকও সে দেখিয়াছে—এ পোষাক সেই ধরণের হইলেও ঠিক তেমন নয় ; নীলবর্ণ এ এক অদ্ভুত পোষাক । জেলের ছেলে পশুপতি—যে কেবল নেংটির মত এক ফালি কাপড় পরিয়া থাকিও, কালো রং, নির্বোধ বোকা চেহারা, জলে থাকিয়া যাহার সর্কান্ন চুলকানায় ভরিয়া থাকিত,—সেই পশুপতি—পশো ? মাথার পিছন দিকটা একেবারে কামানো—সামনের বড় বড় চুলগুলি আইবুড় মেয়েদের মত পিছনের দিকে আঁচড়ানো, চোখে মুখে এমন একটা চালাক-চতুর ভাব এই কি সেই ?

আগন্তুক এবার পকেট হইতে রুমাল বাহির করিয়া দাওয়াটা বার দুয়েক ঝাড়িয়া লইয়া বসিল, হাসিয়া বলিল—বহু মুল্লুক ঘুরে এলম মা । জাপান চীন বিলাত মার্কিন মুল্লুক ঘুরলুম । জাহাজে খালাসী হইয়েছিলম । সে আবার একটা সিগারেট ধরাইল ।

দশ বৎসর আগের কিশোর একখানি মুখের ছবির সহিত এই মুখখানি ক্রমশ মিলিয়া এক হইয়া আসিতেছিল—এক বিচিত্র জ্যামিতি ও পরিমিতির আঙ্কিক নিয়মে বিভিন্ন কালে পরিবর্তিত একখানা জমির মত । নাকের ঝাঁক ভাবটি ঠিক তো—সেই তো ! ঠোঁটের কোণ দুইটার ঠিক তেমনই নীচের দিকে টান ! ভুরু দুইটা তো তেমনি মোটা !

এক মুখ ধোঁয়া ছাড়িয়া আগন্তুক বলিল—বুঢ়া কাঁহা ?—শ্যার-কি-বাচ্চা ?

বুঢ়া—বিপিন জেলে—এই বাড়ীর মালিক, প্রোচার দ্বিতীয় পক্ষের স্বামী । পশুপতির সং-বাপ ।

প্রত্যাবর্তন

প্রোটা এবার কাঁদিয়া ফেলিল—বুড়ো মইছে বাবা—আমাকেও মেরে যেইছে। পথে বসিয়ে গেল বাবা, সব দিয়ে যেইছে ‘বেটা’দিগে।

বিপিন মন্দিবার সময় সব দিয়া গিয়াছে তাহার প্রথম পক্ষের স্ত্রীর গর্ভজাত কন্যাদের।

পশুপতি হাসিয়া বলিল—মর গেয়া বুঢ়া, শূয়ার-কি-বাচ্চা ?

দশ বৎসরের পূর্বে পশুপতি নিরুদ্দেশ হইয়াছিল। দূরন্ত নির্বোধি জেলের ছেলে, সংবাপ বিপিনের পোষ্য ছিল। বিপিন ছিল এখানকার মধ্যে অবস্থাপন্ন জেলে—এ অঞ্চলের ভাল ভাল পুরুষ সে জমা করিয়া লইত, অদূরবর্তী নদীটার খানিকটা অংশও সে খোদ সরকারের কাছে জমা লইত একা। বিপিন মাছ ধরিতে যাইত পশুপতিকে সঙ্গে যাইতে হইত ; জলের তলায় কোন কিছুতে জাল আটকাইলে বিপিন পশুপতিকে জলে ডুবিতে বাধ্য করিত। জলের তলায় বুক যেন ফাটিয়া যাইত—পশুপতি জলের তলায় হাতড়াইয়া ফিরিত—কোথায় কিসে আটকাইয়াছে জাল। কতবার যে বোয়াল চিতলের কামড় সে খাইয়াছে তাহার হিসাব নাই। মাছ ধরিয়া ফিরিয়া বিপিন পশুকে পাঠাইত কাঠ সংগ্রহে। সন্ধ্যায় আকর্ষ মদ গিলিয়া পশুকে সে নিয়মিত প্রহার দিত। সেবার জগন্নাথের পাণ্ডার লোক আসিয়াছিল রথযাত্রার পূর্বে যাত্রী সংগ্রহে। কেমন করিয়া জানিনা এই বিদেশবাসীর সহিত পশুর আলাপ জমিয়া যায়। তাহার এটা ওটা কাজকর্ম করিয়া দিত, এঁটো বিড়ি প্রসাদ পাইত, আর গল্প শুনিত। জগন্নাথের মন্দির, তাঁহার রথ, সে রথ নাকি আকাশ ছোঁয়, রথের উপর জগন্নাথ নাকি হাঁটিয়া আসিয়া চড়েন, লক্ষ লক্ষ লোক জমায়েত হয় ; মধ্যে মধ্যে সে রথ নাকি আটকাইয়া যায়, লক্ষ

যাত্রাকরী

লোকে টানিলেও সে রথ চলে না, তখন পাণ্ডারা জগন্নাথকে তিরস্কার করে—তবে সে রথ আবার চলে। সেখানে নাকি সমুদ্র আছে, তালগাছের সমান উঁচু এক একটা ডেউ—নীল বর্ণ জল, সমুদ্রের নাকি ওপার নাই।

পাণ্ডার লোক যাত্রী লইয়া ট্রেনে চড়িয়া কিছুদূর আসিয়া সন্ধান পাইল ট্রেনের বেঞ্চেয় তলায় লুকাইয়া শুইয়া আছে—পশুপতি। ট্রেনটা এক্সপ্রেস ট্রেন। বর্ধমান তখন পার হইয়া গেছে। হাওড়ায় পৌঁছিয়া ট্রেন থামিল। নির্বিকার পাণ্ডা, হাওড়ায় রেল কর্মচারীর হাতে পশুকে সমর্পণ করিয়া যাত্রীর দল লইয়া চলিয়া গেল। নিঃসম্বল পশু, একখানি মাত্র জীর্ণ কাপড় তাহার পরনে; রেলকর্মচারী তাহাকে সঁপিয়া দিল কনেষ্টবলের হাতে। কিল, চড় ও কয়েকটা গুঁতা দিয়া কনেষ্টবলটা তাহাকে আনিয়া পুরিল হাজতে। হাজত হইতে কোর্ট—কোর্টের বিচারে কয়েক দিনের জন্ম তাহার জেল হইয়া গেল। প্রকাণ্ড কালো রঙের ঢাকা একখানা গাড়ীতে তুলিয়া তাহাকে আনিয়া জেলে পুরিয়া দিল। আশ্চর্যের কথা অতিদ্রুত এতগুলি অবস্থাস্তরের মধ্যেও পশু কোন দিন কঁাদে নাই। একটা সভয় বিষ্ময়ের অতিরিক্ত আর কিছু সে অনুভব করে নাই। যে কষ্টে মানুষের কান্না আসে তেমন কষ্ট এই অবস্থাস্তরের মধ্যে ছিল না। অন্ততঃ তাহার কাছে ছিল না। কষ্ট অনুভব করিল বরং জেলখানা হইতে বাহির হইবার পর। বিরাট শহর—বড় বড় বাড়ী—অসংখ্য পথ—যে পথ পিছনে ফেলিয়া আসে—সে পথ আর খুঁজিয়া বাহির করা যায় না, গাড়ী—গাড়ী আর গাড়ী, মানুষ আর মানুষ। জেলখানা হইতে বাহির হইয়া কিছুক্ষণ ঘুরিয়া সে যখন অকস্মাৎ অনুভব করিল—সে হারাইয়া গেছে, যে পথ ফেলিয়া আসিয়াছে

প্রত্যাবর্তন

সে পথ আর বাহির করা যাইবে না—তখন তাহার চোখে জল আসিয়া ছিল। সমস্ত দিনটা সে কাঁদিয়াছিল। মায়ের জ্ঞান কাঁদিয়াছিল, গাঁয়ের জ্ঞান কাঁদিয়াছিল। তার পর সব সহিয়া গেল। ভিক্ষা করিয়া মোট বহিয়া ঘুরিতে ঘুরিতে সে আসিয়া উপস্থিত হইল অদ্ভুত একটা স্থানে। চারিদিকে বড় বড় বাড়ী—মধ্যে প্রকাণ্ড বাধানো নদী—নদীর উপর বড় বড় বাড়ী ভাসিতেছে। বাড়ী নয়—জাহাজ। আশপাশের লোকজনের কাছেই সে শুনিল ও-গুলি জাহাজ। বড় বড় মই লাগাইয়া মোট মাথায় লোক উঠিতেছে, নামিতেছে, আকাশের উপরে একটা মই লোহার দড়িতে প্রকাণ্ড বোঝাগুলিকে বাঁধিয়া লইয়া জাহাজের উপর আপনি তুলিয়া লইতেছে। জাহাজের মাথায় বড় বড় চোঙা মধ্যে মধ্যে চোঙা হইতে কি ভীষণ ধোঁয়ার রাশি। অদ্ভুত লাগিল পশুপতির। জায়গাটার নাম শুনিল—খিদিরপুরের ডক। কত মানুষ—কত রকমের সায়েব। সুন্দর নীল পোষাক। খাটো মাথার সায়েবগুলার ছোট ছোট চোখ—থ্যাঁদা নাক—পশুপতির বেশ লাগিল। পরে শুনিল—উহার জাপানী সায়েব। পশু ওইখানেই থাকিয়া গেল। কিছু দিনের মধ্যেই সে অনেক শিখিয়া ফেলিল। আকাশে যে মইগুলি জিনিস টানিয়া তোলে—ও-গুলি—“কেরেন”। জাহাজের গোল চোঙাগুলি চিম্নী! জাহাজের উপরের ঘরগুলি—কেবিন। জাহাজের ভিতরে—পাতালের মত গহ্বরটাও ক্রমশ তাহার পরিচিত হইয়া উঠিল। কল-ঘরের ভিতরেও সে দেখিল;—সে দিন সে বিস্ময়ে হতবাক হইয়া গিয়াছিল। বাপ রে! চারি পাশে রেলিং-ঘেরা, পিছল সিঁড়ি—নীচে ওই পাতালে নামিয়া গিয়াছে; মধ্যে ঝকঝকে বিরাট যন্ত্রপাতি। সে কি উদ্ভাপ—আর সে কি শব্দ!

যাছুকরী

খিদিরপুরের একটা খোলার পল্লীতে সে থাকিত, সেখানে কত লোক, কত জাতি, চীনাওয়ান, মগের মুলুকের লোক, চাটগাঁয়ের খালাসীর দল, গোয়ানী,—মধ্যে মধ্যে সায়েব-খালাসীর দু-চারজনও মাতাল হইয়া আসিয়া জুটিত। কত প্রহারই সে প্রথম প্রথম থাইয়াছে। বড় হইয়া অবশ্য সেও কত জনকে প্রহার দিয়াছে। কত গল্প সে শুনিষ্ঠ, দেশ-দেশান্তরের কথা—বার্মা মুলুক, সিঙ্গাপুর, হংকং, চীন, জাপান, মার্কিন, বিলাত, ফেরান্স—কত দেশ কত শহর। কত বিচিত্র অভিজ্ঞতা, সে অভিজ্ঞতার অধিকাংশই নারী-সংক্রান্ত; পশুপতির পায়ের রক্ত মাথার দিকে উঠিত। সমুদ্রের গল্প—কূল নাই, দিক্ নাই শুধু সমুদ্র আর আকাশ, আকাশে ওড়ে কত পাখী—জাহাজের আশে পাশে বোরে হান্সর, করাতের মত সারি সারি দাঁত—মধ্যে নাকি তিমিও দেখা যায়; আর ঝড়—আকাশ-ভরা কাল মেঘের কোল হইতে ঝড় নামিয়া আসে, সমুদ্রে তুফান উঠে সে তুফানে সমুদ্র যেন জাহাজ লইয়া লুফিতে থাকে। জাহাজের ডেক ভাসাইয়া জল চলিয়া যায়, কত সময় সেই ঢেউয়ের সঙ্গে ভাসিয়া যায় কত জন। ‘কালাপানি’ আর ‘মাদারিনে’ (মেডিটেরিনিয়ান) নাকি ঢেউ খুব বেশী। পশুপতি স্তব্ধ হইয়া শুনিষ্ঠ। একদা ঐ খালাসীদের সঙ্গেই জাহাজের আপিসে নাম লেখাইয়া একটা জাহাজে করিয়া সে ভাসিয়া পড়িয়াছিল। তাহার পর কত বার সে কলিকাতায় ফিরিয়াছে, কতবার গিয়াছে; এক জাহাজ হইতে অগ্ন জাহাজে—এক মুলুক হইতে অগ্ন মুলুকে।

দীর্ঘ দশ বৎসর পর সহসা কি মনে হইয়াছে—কেমন করিয়া জানি না মনে পড়িয়াছে মাকে—গাঁকে, সে কলিকাতা হইতে গ্রামে আসিয়াছে।

প্রত্যাবর্তন

*

*

*

সন্ধ্যায় জেলেপাড়ায় প্রকাণ্ড মদের মজলিস বসিল। পশুপতি
কুড়ি টাকা দিয়াছে। মদ নহিলে জেলেদের মজলিস হয় না, বিনা
মদে বিচার হয় না, বিনা মদে প্রায়শ্চিত্ত হয় না, অপরাধ যাহাই হউক
মত্তদণ্ডই একমাত্র শাস্তি। আবালবৃদ্ধবনিতা ধর্মরাজ তলায় জমিয়াছিল।
প্রকাণ্ড জালায় মদ ও একটা মাটির প্রকাণ্ড পাত্রে প্রচুর মাংসের
ব্যবস্থা হইয়াছে। সেই মদ ও মাংসের সহিত মজলিস চলিতেছিল।

একটা বড় ঝাঁশের খুড়ি উপুড় করিয়া সেইটার উপর বসিয়াছে পশু,
তাহার পরনে সেই পোষাক। সে নিজে এক বোতল পাকিমদ আনিয়া
প্রায় অর্ধেকটা ইহারই মধ্যে খাইয়া ফেলিয়াছে। মজলিসে চলিতেছে
ইঁকা—সে টানিতেছে সিগারেট। দুই পয়সা দামের সিগারেটের বাস
অনেকগুলিই সে সঙ্গে আনিয়াছে।

এক ছোকরা উঠিয়া জোড় হাত করিয়া বলিল—জ্ঞাত মশাইরা গো !
সমস্বরে দশ-বারো জনে বলিল—চুপ-চুপ-চুপ ! তাহার মজলিসের
গোলমাল থামাইতেছিল।

—নিবেদন পাই !

—বল ! বল !

—আজ্ঞে, পশু আমাদের খুব বাহাদুর।

—নিচয় ! একশো বার।

—কিস্তক বেলাত যেয়েছিল।

—হাঁ-হাঁ-ঠিক কথা !

—তা, বেলাত গেলে আর জ্ঞাত যায় না। এই আমাদের গেরামের

যাতুকরী

ছোট হুজুরের ছেলে যেয়েছিল বেলাত, দেখেন তার জাত যায় নাই।

—ঠিক। ঠিক। বটে!

—তা' পণ্ডর কেনে জাত যাবে?

—নিচয়।

—কুড়ি টাকা জরিমানা দিয়েছে—

এক জন বলিল—আরও দশ টাকা লাগবে। তা না দিলে—যাবে
উয়োর জাত যাবে। আমি বলছি যাবে।

পণ্ড বলিল—দশ রুপেয়াই দিবে আমি।

সঙ্গে সঙ্গে বক্তা বলিল—একবার হরি হরি বল!

সম্বরে সকলে হরিশ্বনি দিয়া উঠিল। তার পর আরম্ভ হইল
গল্প। পণ্ড গল্প আরম্ভ করিল—দেশ-দেশান্তরের লৌকিক-অলৌকিক।
একবার একজন আরব দেশের শেখকে তাহারা সমুদ্র হইতে তুলিয়াছিল।
বুঝিল—জাহাজের ছামুতে মাছুষটা—এই ভেসে উঠছে—বাস, ফিন্, ডুব
যাচ্ছে। তিনবার-চারবার। তখন সারং বললো নামাও—বোট।
নৌকো! নৌকো! বোট হ'ল নৌকো। বাপরে সিথানে কি হাঙ্গর—
মাছের পোনার ঝাঁকের মতুন—কিলবিল করছে হাঙ্গর। তারই অন্তরমে
মাছুষ। তাজ্জব রে বাবা।

মজলিসশুদ্ধ মেয়েপুরুষ স্তব্ধ হইয়া শুনিতেছিল। পণ্ডপতি বলিয়া
গেল ঝাঁকা ঝাঁকা উচ্চারণে—লোকটাকে যখন তুললুম রে ভাই—
তখন বলব কি, তাজ্জব কি বাত—লোকটাকে ছোয় নাই হাঙ্গরে।
জাহাজশুদ্ধ লোকের তাজ্জব লেগে গেল। বাপ রে! বাপ রে! মাছুষটার
জোয়ান হ'ল—সারং উকে পুছলো—কেয়া নাম, কাঁহাকে আদমী,

প্রত্যাবর্তন

দরিয়াওমে গিরলে, ক্যায়সে। আদমীঠো বললো, আরবী সেথ উ।
দুসরা একটা জাহাজমে বসই যাচ্ছিলো। নামাজ পড়তে পড়তে গিরে
যাং সমুন্দরে। বললো কি জানিস্? বললো—পড়লো তো ছুটে আইলো
হাজর দশঠো, বিশঠো। তো, উ বললো—দুহাই আল্লাকে, দুহাই
পরগম্বরকে—মং কাটো হামকো। বাস্ হাজর ছুতে পারলে না। ত্যুর
পর তো ভাই, সারং তার করলো— উ লোকটার জাহাজে। তারসে
ফিন্ খবর আইলো—বাত ঠিক। উ জাহাজ তখন একশো মাইল
চলে গিয়া।

এমনি কত গল্প।

তার পর আরম্ভ হয় গান—নাচ। পুরুষেরাই নাচে গায়, মেয়েরা
দেখে।

পশুপতি নিজে নাচে। পা ছুড়িয়া ছুড়িয়া অদ্ভুত নাচ। বিচিত্র
নূরে শিস্ দিয়া গান করে। মত্ত মজলিসে খুব বাহবা পড়িয়া গেল।
পশুপতি নাচ শেষ করিয়া বলিল—সবসে ভাল নাচ জোড়া মিলকে নাচ।
বড়া বড়া ঘর, শালা, আলো কতো—আসবাব কি, বাজনা কি—আঃ
হায়-হায়! নূদূর দেশের আলোকোজ্জ্বল আনন্দোৎসবের স্মৃতি তাহার
মনে আগিয়া উঠিল সে হায় হায় করিয়া সারা হইল। সহসা উৎসাহিত
হইয়া সে প্রশ্ন করিল—দেখবি সি নাচ, দেখবি?

—হাঁ-হাঁ। নিচ্চয়।

পশুপতি বোতল হইতে আর এক চুমুক মদ গিলিয়া রুমালে মুখ
মুছিয়া লইল—একটা সিগারেট ধরাইয়া বার কয়েক টানিয়া এক জনকে
দিয়া সে করিয়া বসিল একটা কাণ্ড। খানিকটা ব্যবধান রাখিয়া বসিয়া-

বাচ্চকরী

ছিল মেয়েদের দল। পশুপতি ব্যবধানের সেইখানি জায়গায় কিছুক্ষণ দাঁড়াইয়া মেয়েদের দেখিয়া নবীন জেলের যুবতী মেয়েটার হাত ধরিয়া টানিয়া বলিল—ই ঠিক পারবে, আয় উঠে—আয় !

মজলিসে একটা হৈ-হৈ পড়িয়া গেল।

পশুপতি মত্ত দৃষ্টিতেও নৃত্যসঙ্গিনী পছন্দ করিতে ভুল করে নাই। নবীনের মেয়েটি স্ত্রী তরুণী।

মজলিসে ভীষণ হৈ-চৈ উঠিল ; নবীন ক্রোধে ফুলিয়া গর্জন আরম্ভ করিয়া দিল।—মেরেই ফেলাব শালাকে।

নবীনের ছেলেটা অতিরিক্ত মদ খাইয়াছিল। সে এক স্থানে দাঁড়াইয়া টলিতে টলিতে চীংকার করিতেছিল—না না না, উ হবে না। ছেড়ে দাও, মাকে ছেড়ে দাও, উকে আমি ছাড়ব না—ছেড়ে দাও বলছি। অবশ্য তাহাঙ্ক কেহই ধরিয়া ছিল না, বারণও তাহাকে কেহ করে নাই।

নবীন বলিল—আমার মেয়েকে উকে সাঙা করতে হবে।

পশুপতি ইয়া বড় একটা ছুরি হাতে নির্ভয় কোঁতুকে দাঁড়াইয়া হুসিতেছিল, সে বলিল—বাস্ মাং চিল্লাও, সাঙা করব হামি। ই বাত আছে কসুর হইছে সাঙা করব হামি।

তরুণী তরুণী মেয়েটি স্ত্রী নয়, রূপবতী। জেলেদের মেয়েদের মধ্যে শ্রী আছে, কিন্তু নবীনের মেয়েটির মত মেয়ে দেখা যায় না। পর দিন সুস্থ দৃষ্টিতে মেয়েটিকে দেখিয়াও পশু আশ্চর্য্য করিল না। জেলের মেয়েরা মাছের পসরা লইয়া বিকিকিনি করিয়া বেড়ায়—তাহারা

প্রত্যাবর্তন

স্বভাব বটে একটু উচ্ছল, কিন্তু এ মেয়েটি শাস্ত নিরুচ্ছসিত। কাঁচ ঘেরা লণ্ঠনের ভিতরের শিখার মত স্থির ধীর।

পশুর মা' কিন্তু আপত্তি তুলিল। উ মেয়ে সর্ব্বনেশে মেয়ে বাবা। বেউলো রাঁড়ী, তিন বার বিয়ে হয়েছে—তিনটে মরদের মাথা উ খেয়েছে; উ হবে না বাবা।

মিথ্যা নয়, এই বয়সে তিন বার বিধবা হইয়াছে নবীনের মেয়ে। প্রথম বিবাহ হইয়াছিল তিন বৎসর বয়সে, বিধবা হইয়াছিল পাঁচ বৎসরে, দ্বিতীয় বার সাঙা হয় এক বৎসর পরে, ছয় বৎসরে, ছয় মাসের মধ্যে সে স্বামী মারা যায়,—তার পর ছয় বৎসর তাহার আর বিবাহ হয় নাই। বৎসর দুয়েক আগে তাহার নিরুদ্দেশ দীপশিখায় আকৃষ্ট হইয়া আসিল এক পতঙ্গ—সতেরো-আঠারো বৎসরের এক কাঁচা জোয়ান। মাসস্থানেকের মধ্যে সেও পুড়িয়া ছাই হইয়া গেল। নদীতে মাছ ধরিতে গিয়াছিল; জালখানা ফেলিয়া আর তুলিতে পারিল না। জালের ভিতর কি বজবজ করিয়া বুটবুট কাটিয়া পাকের ভিতর বসিয়া গেল; প্রকাণ্ড মাছ বুঝিয়া সে ডুব মারিল। তার পর এক বার সে ভাসিয়া উঠিয়াছিল—প্রকাণ্ড একটা কুমীরের সঙ্গে আলিঙ্গন বদ্ধ অবস্থায়। পর মুহূর্ত্তে যে ডুবিল আর উঠিল না।

এই কারণে মেয়েটার আসল নাম পর্য্যন্ত লোকে ভুলিয়া গিয়াছে, নাম তাহার রমাদাসী—লোকে এখন ডাকে তাহাকে 'বেউলো' অর্থাৎ বেহুলা বলিয়া। মেয়েটি অস্বাভাবিক শাস্ত—কিন্তু কঠিন; তাহার বড় চোখ দুইটির স্থির দৃষ্টি মেলিয়া সে যখন চায়, তখন মনে হয় সে যেন তিরস্কার করিতেছে। পশুপতির বড় ভাল লাগিল।

যাহুকরী

পর দিন সকালে উঠিয়া নবীনের বাড়ী গেল। নবীন, নবীনের ছেলে মাছ ধরিতে গিয়াছে—নবীনের স্ত্রী পুত্রবধূ গিয়াছে ভোররাত্তরে চুরি-করিয়া ধরা মাছ বেচিতে, বাড়ীতে ছিল কেবল রমা। সে স্থির শাস্ত দৃষ্টিতে পশুপতির দিকে চাহিল—ভাবী বধূ স্বরণ করিয়াও সে একবার হাসিল না, চোখ নত করিল না।

পশুপতি বলিল—রাগ ক'রেছিস ?

শাস্তভাবে মেয়েটি ঘাড় নাড়িয়া জানাইল—না।

—গোস্ব রাধিতে জানিস ? মান্‌সো-মান্‌সো ?

ঘাড় নাড়িয়া মেয়েটি জানাইল—হ্যাঁ।

তু মদ খাস ? মদ ?

এবার মেয়েটি সেই দৃষ্টিতে পশুপতির দিকে চাহিল—ভবঘুরে উচ্ছ্বল পশুপতিকেও সে দৃষ্টির সম্মুখে মাথা নত করিতে হইল। কিন্তু পশুপতি ইহাতেই বেশী মুগ্ধ হইয়া গেল। শাস্ত স্নিগ্ধ মেয়েটি, ছোট একখানি ঘর, ছেলে-মেয়ে—পশুপতি কল্পনা করিল অনেক। পুলকিত প্রবল আকাঙ্ক্ষায় সে বিবাহের দৃঢ় সংকল্প লইয়া ফিরিয়া আসিল।

মা আপত্তি করিল, কিন্তু সে কানেই তুলিল না। শিস্ দিতে দিতে বাহির হইয়া গেল, একখানা ঘর তাহাকে কিনিতে হইবে। মাকে লুপ্ত লইয়া সংসার করা তাহার পোষাইবে না। সে, পাড়ার প্রান্তে খানিকটা জমি জমিদারের গোমস্তার কাছে বন্দোবস্ত লইয়া সেই দিনই ঘর আরম্ভ করিয়া দিল।

ঘর তৈয়ারী হইলে সে নবীনকে বলিল—ঠিক করো দিন।

প্রত্যাবর্তন

সাত দিন পর দিন ঠিক হইয়া গেল। পশু বলিল—অলাইট, হামি কলকাত্তা যাবে—টিজ-বিজ কিনতে।

পথে নির্জন একটা গলির ভিতর কে ডাকিল—শোন।

রমাদাসী ! সে আজ মূহু হাসিয়া ডাকিতেছিল—শোন !

রমার মুখে হাসি আজ নূতন দেখিল পশুপতি, সে দ্রুত গলির মধ্যে প্রবেশ করিয়া রমাকে বুকে জড়াইয়া ধরিল। রমা আতঙ্কভরে বলিয়া উঠিল—না-না-না।

সে কণ্ঠস্বরে এমন কিছু ছিল যাহাতে পশুও তাহাকে ছাড়িয়া দিল।

রমা বিবর্ণ মুখে বলিল—এই কবচটি তুমি পর। মা-চণ্ডীর কবচ—আমি এনেছি তোমার লেগে। এক দিন উপোস করে থেকে কবচ এনেছি। সেই কি অস্ব্থ করেছিল এক দিন—অস্ব্থ মিছে কথা, উপোস করেছিলাম।

সে নিজেই পরাইয়া দিল—লাল সূতায় বাঁধা তামার একটি কবচ। হাসিয়া রমা বলিল—আমার কপাল যাই হোক, মা তো মিথ্যে লয়, রণে-বনে-অকণ্ঠ্যে মা তোমাকে রক্ষা করবেন !

* * * * *

ইহার পর পশুপতির সন্ধানই নাই। কলিকাতায় বাজার করিতে গিয়া সে আর কিরিল না।

উপরের কাহিনীটুকু আমার গ্রামের ঘটনা, আমি সংগ্রহ করিয়া-ছিলাম—জেলেপাড়ার একটি বিচলিত বিহ্বল মুহূর্তে। পশুপতির নিরুদ্ধেশের কিছু দিন পরেই পশুপতির ওই নূতন ঘরে রমা গলায় দড়ি দিয়া মরিয়াছিল। দারোগা সুরতহাল রিপোর্ট লিখিতেছিল—আমি

যাছুকরী

পাশে দাঁড়াইয়া শুনিতেছিলাম। দারোগা কি বুঝিয়াছিল—কি লিখিয়াছিল জানি না, আমি যাহা সংগ্রহ করিয়াছিলাম—তাহা এই। যাহা বুঝিয়াছিলাম—তাহাও মিথ্যা নয়—সে কথা শুনিলাম—আর মাস কয়েক পর, পশুপতির কাছে।

রেডিয়ো আপিসে একটা ছোট নাটক দিবার কথা ছিল। সেখানে গিয়া শুনিলাম—এক অভিনব প্রোগ্রামের ব্যবস্থা। জার্মান সাবমেরিনের গুপ্ত আক্রমণে একখানা ধ্বংসপ্রাপ্ত জাহাজের একমাত্র উদ্ধারপ্রাপ্ত ভারতীয় নাবিক আপনার অভিজ্ঞতা বর্ণনা করিবে।

রোমাঞ্চকর অভিজ্ঞতা চমৎকার লাগিল।

বন্ধুবর হীরেন থিয়েটারী ঢঙে প্রশ্ন করিল—শুনলে ?

দাদা কমলবিলাস গম্ভীর মুখে বলিলেন—শুক্রাচার্য্য করে দিলে তোমাদের।

—মানে ?

—কা-কা-কানা করে দিলে তোমাদের লেখাকে। মধ্যে মধ্যে কমল দাদার কথা ঠেকিয়া যায়।

স্বীকার করিয়া নীচে নামিয়া আসিয়া দেখিলাম—সেলারের পোষাক পরিয়া দাঁড়াইয়া আছে পশুপতি সেও আমাকে চিনিল—বাবু!

—হ্যাঁ। তোর গল্প শুনলাম। খুব বেঁচেছিস।

সে হাসিল।

রমার সংবাদ দিতে ইচ্ছা হইল না। কিন্তু প্রশ্ন করিলাম—তুই চলে গেলি কেন ?

—আজ্ঞে খিদিরপুরে গেলাম বেড়াতে। জাহাজ দেখলাম—বন্ধুদের

প্রত্যাবর্তন

সঙ্গে দেখা হ'ল, আমোদ-টামোদ করলাম রেতে ; কি হয়ে গেল, মনে হ'ল কি হবে বিয়ে ক'রে ? দ্বাশ বিত্তাশে কত ;—সে লজ্জায় থামিয়া গেল।

আমি বুঝিলাম--দেশ-বিদেশের বিচিত্রতার মধ্যে বিচিত্র বিলাসিনীদের আকর্ষণ সেদিন তাহাকে সব ভুলাইয়া দিয়াছিল। আমি একটা দীর্ঘনিশ্বাস ফেলিলাম। ছোট একটি নীড়, রমার মধ্যকার নারীত্বের শাস্ত বিকাশ—তাহাকে ভুলাইতে পারিবার তো কথা নয়—সুতরাং তাহার দোষ কি ? প্রেম তো তাহার মধ্যে সম্ভব নয়। তাহার জগৎ প্রয়োজন ছিল অপরিমেয় আনন্দের—

চিন্তায় বাধা দিয়া পশুপতি বলিল—কিন্তু ভুল হইছিল—মতিচ্ছন্ন হইছিল আমার বাবু। আজ মরে গেলে কি হ'ত ? রামদাসীর কবচই আমাকে বাঁচায়া বাবু। নইলে কেউ বাঁচল না—আমি বাঁচলাম ! আর—

পশুপতি বলিল—প্রচণ্ড বিস্ফোরণে জাহাজ ফাটিয়া গেল, বিকট শব্দ—দুরন্ত আঘাত—দোয়াচ্ছন্ন অন্ধকার ! কোথা দিয়া কি ঘটিয়া গেল সে জানে না। জ্ঞান ছিল না তাহার। যখন জ্ঞান হইল, তখন সে দেখিল কে যেন তাহাকে একখানা ভাসমান কাঠের উপর শোয়াইয়া রাখিয়াছে। তাহার মাথা ছিল হাতে উপর—রমার কবচটাই তাহার কপালে ঠেকিয়া ছিল।

কবচটা বাহির করিয়া সে কপালে ঠেকাইল। বলিল—ই কবচ যত দিন রহেগা তত দিন হামারা কিছু হবে না বাবু।

আর থাকিতে পারিলাম না, বলিলাম রমার কথা।

যাছুকরা

সুস্থিত হইয়া গেল পশুপতি । তাহার সে মূর্তি আমি বর্ণনা করিতে পারিব না ।

কয়েক মুহূর্ত্ত পর সিগারেট ধরাইয়া হাসিয়া সে বলিল—চললাম । সেলাম বাবু !

তাহাকে ডাকিলাম—শোন-শোন !

• —আজ্ঞে !

—কি করবি এখন ?

পিছনে গঙ্গায় ষ্টীমারের তীব্র সার্চ্চলাইট আকাশে ঘুরিয়া বেড়াইতেছে । চাকার জলকাটার আলোড়ন শব্দ শোনা যাইতেছে, মধ্যে মধ্যে রকমারি আওয়াজের সিটি বাজিতেছে । একটা দীর্ঘনিশ্বাস ফেলিয়াই সঙ্গে সঙ্গে পশুপতি হাসিল, তার পর বলিল—লতুন জাহাজমে চলে যায়েগা । আজকাল খালাসীর ভারী আদর । কেউ যেতে চাইছে না । হাম যায়েগা ।

সে চলিয়া গেল । যাইবার সময় পথের উপরেই কি একটা ফেলিয়া দিয়া চলিয়া গেল ; ছোট শব্দ একটা কিছু । অগ্রসর হইতেই আমার নজরে পড়িল—বিবর্ণ সূতায় বাঁধা সেটা একটা তামার কবচ ।

বাউল

প্রৌঢ় মাছুষটিকে মানাইয়াছে বড় চমৎকার । দীর্ঘ দেহখানি ঈবৎ
নমিত দেহ ভরিয়া একটি শিথিল নমনীয় স্বল্প স্থূলতা মাছুষটিকে একটি
সৌম্য কোমল রূপ দিয়াছে । টিকলো নাকের নীচের অংশ সাদা গৌণ
সাদা দাড়িতে ভরা । মাথার চুলের মধ্যে এখনও কতকগুলি কালো
চুলের রেখা দেখা যায় । ঘোঁবন যে একদিন তাহার দেহমন্দিরে
আসিয়াছিল তাহারই পরিচয় স্বরূপ সেই তীর্থযাত্রীর মত তাহার গায়ে
যেন নাম লিখিয়া রাখিয়া গিয়াছে ।

বাউল মাছুষ । পরণে হাঁটু পর্য্যন্ত খাটো বহির্কাস । তাহার
উপর অনাবরিত পরিপুষ্ট দেহ । সম্মুখের দুটা দাঁত ভাঙিয়াছে, সে
পরিচয় পৃথিবীময় সে ছড়াইয়া বেড়ায় । বাউলের আগে হাসি পরে কথা ।

সমস্ত জড়াইয়া বড় ভাল লাগে,—জীর্ণ বলিয়া চোখে কুশ্রী ঠেকে না,
পুরাতনীর প্রতি একটা সন্ত্রম বোধ আছে ।

ভিক্ষুক আসিল ভিক্ষা করিতে । ভিক্ষার পথে সে গ্রাম প্রবেশ
করিল । উপলপুর গ্রামখানির পশ্চিম প্রান্তের সর্পিলা গতি খালি পথটা

যাছুকরী

ধরিয়া আসিতে গেলে প্রথমেই পড়ে শ্রামসায়রের পাড়ের উপর চাষা পাড়াটি। ওই খালি পথ ধরিয়া বাউল আসিয়া চাষা পাড়ায় প্রবেশ করিল। কাঁধে ঝুলি, হাতে এক তারা।

তখন পল্লীগ্রামের জলখাবার বেলা। চাষা পাড়ার বকুল তলায় জলখাবার পর চাষীর দল তামাকের আসর জমাইয়া বসিয়াছে।

‘ছেলেরাও বসিয়া আছে ওই তামাকের প্রত্যাশায়। তামাক খাইয়া তাহারা গরু খুলিবে।

বিশাল শ্রামসায়রের এপার হইতে ওপার ভাল দেখা যায় না,—ওপারের মানুষকে রেখার মত মনে হয়। কাজল-কাল জল। খাটের সীমারেখাটুকু বাদ দিয়া বুকভরা পদ্মবন। পদ্মবনের পাশে তীরের কোলে কোলে শালুক, কলমী, পানাড়ি লতার সারি বেড়ার মত চলিয়া গিয়াছে।

বাউল পুকুর দেখিয়া থমকিয়া দাঁড়াইল। দীঘিটিকে সে মুগ্ধ দৃষ্টিতে দেখিতেছিল। কিয়ক্ষণ দেখিয়া দীর্ঘ নিঃশ্বাস ফেলিয়া সে কাহাকে যেন নমস্কার করিল। তারপর গুণ্ গুণ্ রবে গানের একটা কলি ভাঁজিতে ভাঁজিতে চাষা পাড়ায় ঢুকিল। পথের ধারেই বকুলতলার মজলিস। মজলিস দেখিয়া বাউল দাঁড়াইয়া কহিল—একটু আশুন পাওয়া যাবে বাবারা সব -

বুড়াদের আগে ছেলেরা বলিয়া উঠিল—দোব, দোব, একটা গান কর না বাবাজী !

বুড়া নবীন কহিল—আশুন, আশুন বাবাজী ; তামাক খাবেন বসুন।

বাউল হাসিতে হাসিতে মজলিসের একপ্রান্তে আসিয়া বসিল। কাঁধের ঝুলিটা নামাইতে নামাইতে কহিল—বহুক্ষণ থেকেই তামাক

খাবার ইচ্ছেটা হয়েছে। কিন্তু আগুনের অভাবে তা' হয়নি। দেশলাইটার কটীটার কিছুতেই জ্বললো না। সঙ্গে সঙ্গে ঝুলি হইতে দেশলাইএর বাস্ফাট বাহির করিয়া একবার এপিঠ এপিঠ ঘুরাইয়া ফিরাইয়া দেখিল। অতি পুরাতন বাস্ফাট,—ঘষিয়া ঘষিয়া ঘর্ষণের স্থানটুকু একেবারে তৈলাক্ত পদার্থের মত মসৃণ হইয়া গিয়াছে। বাবাজী হাসিয়া কহিল—কতদিনই বা আর চলবে? বয়স যে ওর আমারই মত অনেক হ'ল। আগুন কি এ বয়সে বুকে থাকে, না জ্বলে? থাক কত কাজে লাগবে। বাস্ফাট সে আবার ঝুলির মধ্যে রাখিল। তারপর কহিল—হাত মুখ একবার ধুয়ে আসি।

শ্রামসায়রের ঘাটে নামিয়া আবার একবার চারিপাশ ভাল করিয়া দেখিয়া কহিল—আহা এ কার পুকুর বাবা?

নবীন কহিল—আজ্ঞে চিনির সরবৎ ঢোল পিটিয়ে দশখানা গাঁয়ের লোককে খাইয়ে তবে শ্রামসুন্দর রায় মাটির বুকে চোট দিয়েছিল। পাতালের জলে শ্রামসুন্দর রায়ের শ্রামসায়র ভরে আছে।

বাবাজী কহিল—পুকুরের পাড়ে দাঁড়িয়েই সে মহাপুরুষকে আমি প্রণাম করেছি। মহাপুরুষের ভিটেটী কোথা বাবা—খুলো নিয়ে যাব।

নবীন আঙুলে ঠোঁকর দিয়া জলন্ত আগ্নেয়াখানা ভাঙিতেছিল—সে কহিল—সে ছোট শ্রামসায়রের পা'ড়ে মাটির পাহাড় হয়ে আছে। পাকা বাড়ী তিনি করেন নি। বলতেন শুনেছি—মাটিতে এসে মাটির কোল কি ছাড়ে? তাঁর ছেলের কত জেদ তা তিনি কিছুতেই না। কাঁধের গামছায় হাত পা মুছিয়া মজলিসে বসিয়া বাবাজী কহিল—ছেলেরাও করেন নি, না—তিনিই সব শেষ করে গিয়েছিলেন?

যাছুকরী

মজলিসের কেহ প্রশ্নটা বুঝিতে পারে নাই। কিন্তু নবীন বুঝিয়াছিল—না বাবা, তিনি থাকতে বংশের কারও পায়েও একটা কাঁটাও লাগে নাই। চার পুরুষ তিনি এক সঙ্গে সংসার করে গিয়েছেন। কিন্তু ওই পরমাযুই হ'ল তাঁর কাল। চঞ্চলা লক্ষ্মী তিনি থাকতে থাকতেই চলে গেলেন। কারবার ছিল বড়,—ওই বড় দরজার ফাঁক পেয়েই মা পালালেন। কারবারের লোকসানেই সব গেল। ওই পড়ো ভিটেও ও নাকি নীলেম হয়ে গিয়েছে। বাবাজী ওই কথার মধ্যে পাইল কে জানে—সে গুণ গুণ করিয়া গান ধরিয়া দিল—‘কারও মাথায় সোনার ছাতা কারও ফাটে ব্রহ্মতালু।’ গান করিতে করিতেই ঝুলি খুঁজিয়া সে বাহির করিল বাঁশের আঁকা বাঁকা বিচিত্র গঠন একটা নল।

দশ এগারো বছরের একটা দিগম্বর ছেলে হি-হি করিয়া হাসিয়া উঠিল—হি-হি-হি-এঁকা বঁকা সাপের মত হঁকো দেখ মাইরি—হি-হি-হি।

নবীন তাহাকে একটা ধমক দিল।

বাবাজী কহিল—না-না ভাই ছাংটা দাদাকে কিছু ব'ল না। কলিকাটার আশুদ বেষ গমগমে হইয়া উঠিয়াছিল। কলিকাটা বাবাজীর দিকে আগাইয়া দিয়া নবীন পুরাণে কথার সূত্রটা ধরিয়া কহিল—জ্ঞানেন বাবাজী, এই পুকুর নীলেমে কিনে ঘোষেরা যেদিন প্রথম জাল নামালে সেদিন বুড়ো গিল্লী কেঁদেছিলেন। তাতে কষ্টা বলেছিলেন—আমি ত' মাছ খাবার জন্তে পুকুর কাটাইনি গিল্লী, আজ কেঁদো না; যেদিন শ্রাম-সায়রের জল শুকোবে, পুকুরের পাড় থেকে যেদিন খালি কলসী নিয়ে লোকে ফিরে যাবে সেইদিন কেঁদো।

বাউল

হুঁকা টানিতে-টানিতে বাবাজী কহিল—তুমি সে মহাপুরুষকে দেখেছ
কথা ?

হাসিয়া নবীন কহিল—হু-পুরুষ আগেকার কথা বাবাজী, দেখব
কেমন করে—তবে শুনেছি। আমরা আবার গাঁয়ের মোড়ল কি না,
আমাদের সব জেনে শুনে রাখতে হয়। তবে ছেলে পিলেদের দেখেছি—
ছেলে বয়সে। আমরাও তখন নেহাৎ ছেলে মানুষ।

বাবাজী কলিকটি দিয়া উঠিয়া দাঁড়াইল—কহিল—আজ ফিরে এই
মহাপুরুষের সায়রের কূলেই রান্না বান্না ক'রে খাব। এখন একবার পাঁচ-
দোর ফিরে আসি।

ছেলের দলও সঙ্গে সঙ্গে উঠিয়া দাঁড়াইয়াছিল। নবীন কহিল—
তোরা কোথা যাবি সব ? গরু খুলতে হবে না ? পেছন পেছন ছুটছিস
যে বাবাজীর ?

বাবাজী হাসিয়া কহিল—আমারই তুল ; ওদের দোষ নাই। আমারই
যে গান শুনিবে যাবার কথা। নয় গো গ্রাংটা দাদা ? গ্রাংটা ছেলেটা
বিপুল আনন্দে আদিম মানবটির মত একান্ত সরল বেতালা নৃত্য জুড়িয়া
দিল। আর সঙ্গে সঙ্গে চীৎকার করিতে লাগিল—

ও-মা, ও-মা মা-টে—গান হবে শুনে যা—শুনে যা

লেড়ো—ও লেড়ো—আয় রৈ—!

বাবাজী পায়ে নূপুর বাঁধিয়া একতারার ঝঙ্কার দিয়া গান শুরু করিল—

সাধে কি তোরে গোপাল চাই গো

শোন যশোদে !

যাছুকরী

তোর গুণের কানাই কি গুণ জানে—

বলেন অন্ন পাই গো শোন যশোদে—

তালে তালে হাতে ঝঙ্কার দেয় একতারা, পায়ে বাজে নূপুর।

বাবাজী কহিল—গ্রামটা সেধে আসি ভাই মণ্ডল মশায়।

নবীন কহিল—দেবার জায়গা আমি পরিষ্কার করিয়ে রাখছি, এই দকে ফিরবেন যেন।

বাবাজী হাসিয়া পথ ধরিল।

ছেলের দলও সঙ্গে সঙ্গে চলিল।

ছ-পহর গড়াইয়া গেল, তখনও গ্রামের মধ্যে গৃহস্থের দ্বারে দ্বারে বাউলের একতারার সঙ্গে নূপুর বাজিতেছিল, আর বাউলের গান ধ্বনিত হইতেছিল—

ভাল ক'রে পড়গা ইঙ্কলে—

নইলে কষ্ট পাবি শেষকালে।

বড় ইঙ্কল জেলা নদীয়া,

হেড মাষ্টার দয়াল নিতাই কেলাসে দেয় তুলে।

পিছনে পিছনে তখনও সেই গ্রাংটা ছেলেটা ফিরিতেছিল।

*

*

*

*

সন্ধ্যায় নবীন জিজ্ঞাসা করিল—বাবাজীর আখড়া কোথায় ?

হাসিয়া বাবাজী কহিল—গাছতলা, বাবা। যেখানে থাকি সেই ধানেই, বাউল বৈরাগীর আর ঘর কোথা বল ? তবে আর চলে না, পিঁজরে হয়েছে জীর্ণ, ঘেরাটোপ না দিলে আর চলে না।

নবীন সাগ্রহে কহিল—তা হ'লে আমাদের এখানেই আখড়া লাগান না বাবাজী । এই শ্রামসায়রের পাড়ে— ।

—না বাবা, আর এখানে সেখানে নয় ; একেবারে ঠিকানায় গিয়ে উঠব । শ্রীধাম যাওয়ার অভিপ্রায়ই আছে ।

—কখন যাবেন বাবাজী ? আমার একবার যাবার ইচ্ছে ছিল ।

—কেমন ক'রে বলি বাবা কখন যাব ? জলের মাছ ডাঙ্গায় কি উঠতে চায়—না ইচ্ছে করলেই পারে ? একজন স্বতো দিয়ে টানবে তবে ত উঠবে ।

নবীন কহিল—তবু রথের সময়—কি রাসের সময়,—কি দোলের সময়—কখন ?

—কখন আর কবে বাবা ? বাবাজী একটু হাসিল, তারপর আবার বলিল এই ত বেরিয়েছি পথে আজ বিশ বছর ! ভিথ মাগ্‌তে মাগ্‌তে পথ চলেইছি । আজও ত' পৌঁছলাম না । এবার ঠিক করেছি আর না ; তিন দিনের বেশী এক জায়গায় আর থাকব না । এখান থেকে আজই যেতাম—তবে মহাপুরুষের কীর্ত্তি অবহেলা করতে পারলাম না । রাত্রিটা কাটালাম । ভোরে উঠেই চলে যাব ।

* * * *

তখন বোধ হয় মধ্য-রাত্রি, চাঁদ ঠিক মাথার উপরে ভাসিতেছিল । একটা কোলাহলে বাউলের ঘুম ভাঙিয়া গেল । কান পাতিয়া বাউল শুনিল, কোলাহলটা যেন আর্ন্ত—বিষন্নতা পীড়িত । নিকটেই কোন বাড়ীতে একটা কিছু ঘটয়াছে । ত্রুস্তপদে লোকজনের চলাচলের শব্দও শোনা যাইতেছিল ।

যাছুকরী

একটা লোক দ্রুতপদে এই দিকেই আসিতেছিল। বাবাজী তাহাকে জিজ্ঞাসা করিল—কি হয়েছে ভাই ?

—সন্ধ্যাত হয়েচে—শেষ কথাগুলি আর শোনা গেল না লোকটা দ্রুতপদে চলিয়া গেল। ব্যস্ত হইয়া বাউল আপন কোলাটা কাঁধে ফেলিয়া উঠিয়া পড়িল। গ্রাম্য রাস্তাখানির দুধারে গৃহস্থের ঘর, সকল ঘরেই যেন আগরণের সাড়া পাওয়া যায়। কিন্তু সাড়ার মধ্যে কোথায়ও হাসি বা আনন্দের পরিচয় নাই, সব খানেই শঙ্কাতুর বিষম একটা অভিব্যক্তি দীর্ঘশ্বাসের মত ব্যক্ত হইতেছিল। একটা বাড়ীর দুয়ারে আসিয়া বাউল দাঁড়াইল। এই বাড়ীতেই কিছু ঘটিয়াছে বলিয়া তাহার বোধ হইল। বাড়ীর মধ্যে শঙ্কা পীড়িত আর্ন্ত কলরব উঠিতেছে। বাউল উকি মারিয়া দেখিল ঘরের আঙ্গিনাখানি লোকে ভরিয়া গিয়াছে। ভরসা করিয়া সে বাড়ীর মধ্যে প্রবেশ করিল। কোনরূপে ভিড় ঠেলিয়া অগ্রসর হইয়া সে দেখিল পাঁচ ছয় বৎসরের একটি শিশুকন্যা বিষজর্জর অচেতন হইয়া পড়িয়া আছে। ওপাশের বারান্দায় মেয়েদের কান্নার ধ্বনি উঠিতেছিল। একটি কণ্ঠের রোদন ধ্বনি মর্মান্তিক হইয়া সকল স্বর ও সুরকে ছাপাইয়া ফেলিয়াছিল। কণ্ঠস্বরে বোধ হইল তরুণ কণ্ঠ। বাউল বুঝিল কোন তরুণী মাতার স্বপ্নের ধন এটা।

—ভিড় ছাড়ো না হে বাপু, ভিড় ছাড়ো।

নবীন লোকগুলিকে সরাইয়া দিয়া কহিল—এর ওপর ভিড় কল্পে ত' ভাল হবে না ভাই। বস কেন বস,—ওই দাওয়ার ওপর উঠে বস সব।

মাতব্বরের কথায় ভিড় সরিয়া গেল।

এতক্ষণে বাউল শিশুটাকে ভাল করিয়া দেখিতে পাইল। শ্রাম

বাউল

বনের কচিমুখ—খুকী একটা। বাউল একটু অগ্রসর হইয়া নবীনকে কহিল—কেমন বুঝছ ভাই? মুখ তুলিয়া নবীন কহিল—আপনি? আন্সুন, আন্সুন।

কিস্ত ভাল আর বুঝছি কই? কি হে ওস্তাদ—কেমন বুঝছ? যে লোকটা ঝাড়ফুক করিতেছিল, সে মুখে কিছু বলিল না, বিষমভাবে ঘাড় নাড়িল শুধু।

নবীনের সহসা কি যেন মনে হইল। সে ব্যগ্র ভাবে বাউলকে কহিল—আপনারা ত' গুণীলোক। যদি জানেন টানেন বাবাজী তা হ'লে একবার দেখুন না!

বাউল সেই ওস্তাদকে কহিল—তোমার দেখা শেষ হ'ল ভাই?

লোকটা হতাশার একটা দীর্ঘশ্বাস ফেলিয়া উঠিয়া পড়িল। কহিল—আপনি দেখবেন?

বিনীত ভাবে হাসিয়া বাউল কহিল—একবার চেষ্টা ক'রে দেখি। যখন এ বিড়ো শেখা গিয়েছে তখনই ওস্তাদের কাছে এ প্রতিজ্ঞে করতে হয়েছে। আপনিও গুণী লোক সবই ত' জানেন।

শিশুটিকে আপাদ-মস্তক বেশ ভাল করিয়া দেখিয়া বাউল ষোড়হাত করিয়া কহিল—গুণী লোক যারা আছেন, তাঁদের পায়ে পেণাম করছি আমি। আমার শিক্ষা সামান্যই। তবে যদি পারি সে গুরুর আশীর্বাদ আর আপনাদের দয়া। কেউ যেন কোন অনিষ্ট করবেন না।

তারপর নানারূপ প্রক্রিয়া করিয়া লইয়া নবীনকে কহিল—একটু দুধ চাই যে ভাই, কাঁচা দুধ।

যাদুকরী

নবীন ব্যস্তভাবে একজনকে কহিল—গাইটা দুইয়ে ফেল দেখি শিগ্গীর !

বাউল আসন করিয়া বসিয়া নানা মন্ত্র অভ্যুত সুরে আওড়াইতে আরম্ভ করিল। সে উচ্চারণ ভঙ্গীতে, কণ্ঠস্বরে যেন একটা মোহের সৃষ্টি করিতে-ছিল। দর্শকমণ্ডলীর গুঞ্জনলাপ বন্ধ হইয়া গেল। সকলেই যেন মৌহাবিষ্ট হইয়া গেছে।

সহসা মন্ত্রোচ্চারণ ক্ষান্ত করিয়া বাউল কহিল—এসেছিস ? আরে তুই যে নেহাৎ শিশু। এরই মধ্যে—নাঃ তোরা আর দোষ কি বল ? দোষ যদি কারও থাকে—তবে তোরা মুখে যে বিষ দিয়েচে—এ স্বভাব দিয়েছে, তারই দোষ। তুই কি করবি ?

লঠনের আলোকে বিস্তৃত প্রাঙ্গন ভাল করিয়া দেখা যাইতেছিল না। সকলে মনোযোগ সহকারে দেখিয়া, দেখিতে পাইল একটি সর্পশিশু, গোখুরা সাপের বাচ্ছা, বাউলের সম্মুখে ছোট্ট ফণাটি তুলিয়া দাঁড়াইয়া আছে।

বাউল দুধের বাটীটা তাহার মুখের কাছে আগাইয়া দিল। কহিল—তোকে আমি অমৃত দিচ্ছি। নে—খা। তোরা বিষ তুই তুলে নে। অমৃত ফেলে দিয়ে যা ছেলের দেহে।

সর্পশিশু দাঁড়াইয়া রহিল, বিষ নিঃশ্বাসের সঙ্গে সঙ্গে তাহার ছোট ফণাটি মুহু মুহু হুলিতেছিল। বাউল আবার মন্ত্রোচ্চারণ করিয়া দৃঢ় কণ্ঠে কহিল—

দোহাই—দোহাই, মহাদেবের দোহাই; যার মাথায় নাচিস, পায়ে

বাউল

লুটোম তোরা। দোহাই মা বিষহরির দোহাই! দোহাই আস্তিক মুনির দোহাই।

সর্প শিশুর উত্তত বিস্তৃত ফণা ক্রমশঃ সঙ্কুচিত ও নত হইতেছিল।

বাউল উচ্চকণ্ঠে কহিল—জয় জয় নীলকণ্ঠের জয়। দোহাই মা বিষহরির।

মহাকাল যদি তোকে পাঠিয়ে না থাকে তবে তুই আমার কথা শোন—আমার ওস্তাদের আজ্ঞে রাখ।

আশ্চর্যের কথা সর্পশিশু এবার আজ্ঞা পালন করিল। পাত্র হইতে দুগ্ধ পান করিয়া আবার শিশুকে দংশন করিল। সঙ্গে সঙ্গে বাউল তাহাকে স্নর্কোশলে ধরিয়া ফেলিয়া কহিল—না-না এখানে তোর থাকা হবে না। ওই শিশুর ওপর আক্রোশ তোর যাবে না। আর নাগে নরে বাস হয় না। চল নির্জনে রেখে আসব তোকে। একটা হাঁড়ি দেবেন ও মণ্ডল মশায় আর একটা সরা।

একটা হাঁড়ির মধ্যে সর্পশিশুকে বন্দী করিয়া রাখা হইল। তারপর একটা শিকড় বাহির করিয়া নবীনের হাতে দিয়া বাউল কহিল—জল ঢালুন খুঁকীর মাথায়। জ্ঞান হবে। জ্ঞান হ'লে এই শিকড়টা গোল মরিচের সঙ্গে বেঁটে খাইয়ে দেন। তিনটা গোল মরিচ।

সাপের হাঁড়িটা হাতে সে উঠিয়া দাঁড়াইল! একটা তরুণী মেয়ে আসিয়া বাউলের পা জড়াইয়া ধরিয়া কহিল—না—না, যেয়োনা বাবাজী, তুমি যেয়ো না।

ব্যস্ত সমস্ত হইয়া বাউল পিছাইয়া গেল। কহিল—কি কর মা—

যাছুকরী

কি কর ? রাধে রাধে কি অপরাধে ফেল্লে মা তুমি ? রাধারাণীর জাত তোমরা । ওঠ মা ওঠ । আমি ত যাই নি, যাব না ।

নবীনও পথ আগুলিয়া যোড়হাত করিয়া দাঁড়াইয়াছিল । সে কহিল—এখন যাওয়া হবে না বাবাজী ।

—না ভাই, আর কোন ভয় নাই । ওই দেখ খুকীর জ্ঞান হচ্ছে । আমি এটাকে ছেড়ে দিয়ে আসি । বন্ধন করে কি কাউকে রাখতে আছে ?

—আপনি কিন্তু যেতে পাবেন না আজ । ভোরবেলা আপনি যে চলে যাবেন তা হবে না ।

এলায়িত তমু শিশুটির দিকে চাহিয়া বাউল কহিল—থাকুব ভাই থাকব ।

*

*

*

বাউলের যাওয়া হয় নাই ।

আজ যাই—কাল যাই করিয়া যাত্রার দিন স্থির হয় কিন্তু একটা না একটা বাধা আসিয়া উপস্থিত হয় ।

বাউলের শরীর যেন ভাঙিয়া পড়িয়াছে—প্রায়ই অসুস্থতা বোধ তাহাকে যেন অবসন্ন করিয়া তোলে । নবীন কহিল—এত তাড়াতাড়ি কি বাবাজী ? পথও পড়ে আছে—দিনও পড়ে আছে । শরীর খারাপ তখন বিশ্রাম করে সেরে উঠেই যাবেন ।

বাউল নবীনের মুখপানে চাহিয়া থাকে ; অতি অসহায় ক্লান্ত সে দৃষ্টি । তারপর একটা দীর্ঘ নিঃশ্বাস ফেলিয়া কহে—তাই দেখি ।

বাউল

নবীন কহিল—বাবাজী খড়ে বাঁশে একখানা চালা এইখানেই তুলে দি—

তাড়াতাড়ি বাবাজী কহিল—না-না মণ্ডল মশায়—সে থাক ।

তারপরই সে একতারাটা বাজাইয়া ভিক্ষায় বাহির হয় । প্রথমেই আসিয়া দাঁড়ায় খুমণির দুয়ারে । বাহির হইতেই সে ডাকে—মা হও গো গরীবের ।

খুমণির মা আসিয়া ভূমিষ্ঠ হইয়া প্রণাম করে । বাউল আশীর্বাদ করে—রাজরাণীর মা হও মা ।

বাউলকে প্রণাম গ্রহণ করিতে হইয়াছে, তাহাদের দীর্ঘ-নিঃশ্বাসের আক্ষেপ সে সহ্য করিতে পারে নাই । মনে মনে প্রতি-প্রণাম করিয়া বাউল আত্ম-অপরাধ স্থালন করিয়া লয় । তারপর কহে—আমার মা কৈ গো, আমার মা !

কচি শিশু-মুখখানি, ঘরের দেয়ালের আড়াল হইতে উকি মারে । মুহু মুহু সে হাসে । তাহার মা চুপি চুপি গিয়া তাহাকে ধরিয়া আনে । খুকী হাত পা আছাড়াইয়া কাঁদে,—না—না আমি মা হব না, মা হব না ।

বাউল হাসিয়া কহে—ছেড়ে দাও মা ছেড়ে দাও ।

মা ছাড়িয়া দিতেই সে ছুটিয়া পলাইয়া যায় । আবার সেই দেওয়ালের আড়াল হইতে উকি মারে আর মুহু মুহু হাসে । কোঁতুক ভরে কহে—এই ভাই—আমাকে মা বলছে ! এত বুড়ে !

এবার সে খিল খিল করিয়া হাসিয়া সারা হয় । সে হাসির ছোঁয়াচ বাউলকেও স্পর্শ করে—সেও হাসিয়া সারা হয় ।

অপরাহে ভিক্ষা প্রত্যাগত বাউল গাছতলায় রান্না চাপায় । সম্মুখের

যাছুকরী

পরিস্কার স্থানটুকুতে ছেলের দল উপদ্রবে কলরবে একটা বিপর্যয় বাধাইয়া তোলে। ছুচার জন বয়স্ক লোকও থাকে, তাহারা ধমক দিয়া বলে—

বেরো—বেরো—বেরো সব এখান থেকে।

বাউল হাঁ-হাঁ করিয়া উঠে—না-না-না। গোপালের দল সব, ওরা নইলে আঙিনা সাজবে কেন?

—ওই নেন, ঠেলা নেন গোপালের। মারামারি আরম্ভ করলে।

বাউল দেখিয়া হাততালি দিয়া উঠে, কহে—দেখব, দেখব—কে হারে কে জেতে! সুবল হারল, সুবল হারল। বলিহারি শ্রীদাম বলিহারি! এইবার দাম আর বসুদাম লড়াই হোক। না, ভাই সুবল, কাঁদলে হবে না ভাই। হেরে গিয়ে কাঁদে না কি? এস এস একখানা বাতাসা নাও, খেয়ে জোর করে ওকে হারিয়ে দেবে। না—না—দাম আজ লড়াই থাক। এস সব নাম ডাকি।

নিজের একতারাটা লইয়া সে গান ধরে, পিছনে নাচিতে নাচিতে শিশুর দল কলরব করিয়া গায়—

মা-টীতে চাঁদের উদয় দেখবি যদি আ-য়।

যুগল চাঁদ কেউ দেখিস নি, দেখসে নদীয়ায়।

মধ্যস্থলে গান থামাইয়া বাউল অগ্রসর হইয়া ব্যগ্রভাবে কহে—এস, এস আমার মা এস গো।

খুকীর মা খুকীকে বাউলের আঙিনার একপাশে নামাইয়া দিল। সে শ্রামসায়রের ঘাটে জল লইতে আসিয়াছিল। মা কহিল—খুকু তুমি তোমার ছেলের কাছে বস, আমি জল ক' ঘড়া তুলে নি।

বাউল

খুকী উত্তর দিল না। সে বাউলের মুখপানে চাহিয়া মূহু মূহু হাসিতেছিল।

বাউল একটু দূরে বসিয়া কহিল—আমার মা হবে না তুমি ?

খুকী ঘাড় নাড়িয়া ইঙ্গিতে জানাইল—হব।

বাউল সঙ্গে সঙ্গে বাহু বিস্তার করিয়া কহিল—ছেলের কোলে এস মা।

এবার আড়ষ্ট ভাবে খুকী হাত বাড়াইল। তাহাকে বুকে তুলিয়া লইয়া গায়ে লম্বা দাড়ী বুলাইয়া দিয়া কহিল—দি দি দাড়ী লাগিয়ে দি।

কাতকুতুতে খুকী খিল খিল করিয়া হাসিয়া আকুল হইল।

এমনি করিয়া মা-ছেলেতে পরিচয় নিবিড় হইয়া উঠে।

নবীন হুকা টানিতে টানিতে আসিয়া কহিল—এ বেলা শরীর কেমন বাবাজী ?

বাবাজী একটুখানি চমকিয়া উঠিল—এ ওশুটা যেন সে প্রত্যাশা করে নাই। সে কহিল—শরীর ?—খুব ভাল নাই।

একটু পর আবার হাসিয়া কহিল—এ যে শরীর ভাল না থাকারই বয়স ভাই।

নবীন কহিল—একখানা চালা কাল থেকে আরম্ভ করে দি। এই গাছ তলায় খোলা জায়গায় অল্পখ শরীরে কি থাকা হয় !

বাবাজী চুপ করিয়া রহিল।

নবীন উৎসাহ ভরে কহিল—কালই শেষ হয়ে যাবে। সমস্ত লোক লাগলে কতক্ষণ ?

বাবাজী খুকীর মুখপানে চাহিয়া রহিল।

যাছুকরী

চালা উঠিল শ্যামসুন্দর রায়ের পড়ে ভিটার উপর ।

*

*

*

বর্ষার শেষ হইতেই নবীন কহিল—বাবাজী, একখানা ঘর করুন ।

বাউল শিহরিয়া উঠিল । অবশেষে সে শুধু কহিল—ঘর ?

—হ্যাঁ ঘর একখানা করুন । বোষ্টম, সাধু, সন্দেশী আসে সব ।

তঁরা ইচ্ছা হলে থাকবেন, সাধু বোষ্টমের সেবা হবে ।

বাউল কহিল—না বাবা, বত্রিশ বন্ধন আর থাক ।

নবীন কিছুতেই মানে না ।

খুকীর মা খুকীকে কোলে করিয়া আসিয়া কহিল—ঘর করতেই হবে ।

খুকী কহিল—আমরা মা বেটাতে থাকব ।

কথাটা খুকীর মায়ের শিখাইয়া দেওয়া ।

বাউল একটা দীর্ঘ নিঃশ্বাস ফেলিয়া নবীনকে কহিল—ভেবে দেখি ভাই ।

নির্জন দ্বিপ্রহরে বাউল তুলসী গাছটার পরিচর্যা করিতেছিল—আর ভাবিতেছিল । ভাবিয়া যে কুল-কিনারা পাওয়া যায় না । সাগরের কুলে আসিয়া মুক্তার পরিবর্তে শুক্লির খোলা কুড়াইতে মাতিয়া থাকিবে সে !

তুলসী গাছটার বেদীটি বর্ষার জলে ক্ষয় হইয়া গিয়াছিল ; কিছু মাটি দেওয়ার প্রয়োজন হইয়াছে ।

হাতার ডাঙাটা লইয়া চিন্তাবিহীন মনে সে মাটি খুঁড়িতে বসিল । কিন্তু স্থানটা বড় কঠিন, আর অঙ্গুটাও খুব উপযুক্ত নয় । এদিক ওদিক

বাউল

দেখিতে দেখিতে নজরে পড়িল—একটা জায়গা খুঁড়িয়া কাহারো মাটি লইয়া গিয়াছে, সেই গর্তটা বেশ নরম হইয়া আছে। বাবাজী সেই গর্তটায় নামিয়া মাটি খুঁড়িতে বসিল। খুঁড়িতে খুঁড়িতে সহসা শব্দ উঠিল ঠন্-ঠন্-ঠন্! বাবাজী চমকিয়া উঠিল, তাহার চিন্তার স্বত্র কাটিয়া গেল। আবার সে আঘাত করিল,—আবার সেই শব্দ উঠিল। কোনও ধাতু পাত্রে অস্ত্রটার আঘাত লাগিতেছে যেন। বাউল উঠিয়া দাঁড়াইল। চারিদিক বেশ ভাল করিয়া দেখিয়া সে আবার গর্তটায় নামিল। আশ-পাশের মাটি খুঁড়িয়া স্থানটায় বেশ করিয়া মাটি চাপা দিল।

অপরূহে ছেলের দল আসিয়া জুটিল কিন্তু নাম গান আজ জমিল না। বাবাজীর শরীর তেমন ভাল নাই। বুড়ার দলও চলিয়া গেল। নবীন কহিল—বাবাজী ঘর করে ফেলি, আপনি আর অমত করবেন না।

বাবাজী অগ্ৰমনস্ত ভাবেই কহিল—হ্যাঁ, তাই দেখি।

নিমন্ত্রণ রাত্রি বাবাজী ডিবেটা জ্বালাইয়া আবার সেই গর্তে নামিল। খুঁড়িয়া বাহির হইল একটি ঘটি। বাবাজীর সমস্ত শরীর ধব্ব ধব্ব করে কাঁপিতেছিল। কম্পিত হস্তে মুখের মাটি ছাড়াইয়া বাবাজী ঘটাটার ভিতরে দৃষ্টি নিক্ষেপও করিল। আছে—আছে—আছে। ঘটাটার ভিতর রৌপ্যের রূপ আলোকের ছটায় ঝলমল করিতেছিল। কুঁড়েঘ মধ্যে আসিয়া ঘটাটা উপুড় করিয়া ঢালিয়া ফেলিল। তারপর কম্পিত হস্তে গণনা আরম্ভ করিল। একবার, দুইবার, তিনবার। দেড়শত টাকা মাত্র। কিন্তু আরও আছে—আরও আছে; ধনী শ্রামসুন্দরের ভিত্তি এ—এখানে আরও আছে!

যাছুকরী

*

*

*

প্রভাতে নবীন আসিয়া কহিল—কেমন আছেন বাবাজী ? একি ?
গায়ে কি জর-টর হয়েছিল না কি ? চোখ যে বসে গিয়েছে ; মুখে যেন
ক কালি মাখিয়ে দিয়েছে !

বাবাজীর বুকটা ধড়াস করিয়া উঠিল। সে ক্ষীণ কণ্ঠে কহিল—হ্যাঁ।

“নবীন চিন্তাশ্রিত হইয়া কহিল—তাইত এখানে আপনার শরীর বেশ
ভাল থাকছে না।

বাউল ম্লান হাসি হাসিয়া কহিল—জায়গার দোষ কি ভাই, বয়সের
দোষ।

নবীন কহিল—জায়গার দোষও আছে বৈ কি ! নাঃ আপনাকে
আর এমন করে আটকাব না। আপনি বরং ভাল জায়গা-টায়গা দেখে—

বাধা দিয়া বাউল কহিল—নাঃ কাল ঠিক করে ফেলেছি—আপনাদের
কথাটাই ভাল ; বরই একখানা আরম্ভ করা যাক। কুঁড়ের মধ্যে শীত
বর্ষা ভাল কাটে না।

নবীন উৎসাহিত হইয়া উঠিল, কহিল—সে ত আমি অনেক দিন
থেকেই বলছি। আপনাকে কিছু করতে হবে না। সব আমরা দেব।
মাটিত বইতে হবে না, এই ত মাটির পাহাড় হয়ে আছে।

—না-না-না ! মহাপুরুষের বাস্তবিকতার মাটিতে হাত দেবেন না।
বরং পুরুষের ওই মাটি কেটে—

—তাই হবে। সে বেশ বলেছেন আপনি।

ঘর আরম্ভ হইয়া গেল।

এ পাড়ার লোকগুলি সকলেই নিপুণ, কর্মঠ। মাস খানেকের মধ্যেই

বাউল

দেওয়াল ডিঠিয়া শেষ হইয়া গেল। বাবাজীর উৎসাহের অন্ত ছিল না। প্রত্যেক খুঁটিনাটিটা চোখে দেখিয়া সুন্দর ভাবে না করাইলে মন খুঁত খুঁত করে। বাবাজী নিজে রায়েদের ভিটা খুঁড়িয়া ইঁট বাহির করিয়া জমা করে। ঘরের-মেঝে বারান্দা বঁধান হইবে।

লোকে বলে—আপনি নিজে কেন বাবাজী, আমরা খুঁড়ে ইঁট বার করে দেব একদিনে।

বাবাজী কহে—বাপরে, বাপরে, মহাপুরুষের ভিটে—এতে তোমরা হাত দিয়ো না ভাই। যদি কিছু হয় আমারই হবে।

খুকুমণি বাবাজীর পিছু পিছু ঘুরিয়া বেড়ায়। তাহার পায়ে এখন চারগাছি রূপার মল উঠিয়াছে, হাতে দুগাছি বালা। বুড়ো ছেলে তাহার দিয়াছে।

রাত্রি ঘনাইয়া আসে। নিম্নরূপ গ্রামখানির সংসারবন্ধ জীবগুলি সারাটা দিন স্বার্থের যুদ্ধ করিয়া ক্লান্ত হইয়া ঘুমাইয়া পড়ে। তখনও বাউলের বিশ্রাম নাই, একহাতে কেরোসিন ডিবা অন্য হাতে একটা শাবল লইয়া পড়ো ভিটাটার চারিপাশ পরীক্ষা করিয়া বেড়ায়। শাবলটা দিয়া আঘাত করে আর কান পাতিয়া শোনে।

অকস্মাৎ বন জঙ্গলের মধ্যে মর্ম্বর ধনি ধনিত হইয়া উঠে। দপ করিয়া আলোটা নিভাইয়া দিয়া বাউল তীক্ষ্ণ দৃষ্টিতে চারিদিকে চায় সে দৃষ্টি যেন আশুনের মত ধক্ ধক্ করে। তাহার শিখিল স্থল দেহ যেন কঠিন হইয়া উঠে। কাহাকেও দেখা যায় না। কোন নিশাচর জন্তু হয়ত হইবে।

আবার অন্ধকারের মধ্যে বাউল পরীক্ষা করিয়া চলে।

যাছুকরী

ক্রমশঃ ক্রমশঃ ঘরের চাল, দরজা, জানলা কার্তিকের ২০শে তারিখের মধ্যে সুসম্পূর্ণ হইয়া গেল।

২০শে তারিখ ছিল শুভদিন। স্থির হইল ঐ দিন গৃহ প্রবেশ হইবে। গ্রামে গ্রামে বৈষ্ণবদের নিমন্ত্রণ হইয়াছে। সেদিন এখানে মহোৎসবের আয়োজন সম্পূর্ণ হইয়া উঠিয়াছে। নবীন গ্রামে গ্রামে ঘুরিয়া চাল তুলিয়াছে, চাঁদা তুলিয়াছে। তাহার উৎসাহের সীমা ছিল না। সমস্ত আয়োজনের তদারক করিয়া ফিরিতেছিল!

খুকী নাচিয়া নাচিয়া ফিরিতেছে। তাহার চঞ্চল-চরণে রূপার মল চারগাছি অবিরত বাজিতেছিল—ঝুম্ ঝুম্ ঝুম্।

২৪শে তারিখে সকাল বেলা পাশের গ্রাম সাহোড়ার আখড়ার বাবাজী সমস্ত দেখিতে আসিলেন। তিনি বেশ সম্মানী ব্যক্তি। চারিদিক দেখিয়া তিনি কহিলেন—বাঃ বেশ হয়েছে।

বাউলের আর আনন্দ ধরে না। বাবাজীকে ঘরের সমস্ত ঘুরাইয়া ফিরাইয়া দেখাইতে লাগিল। পিছনে পিছনে ঝুম্ ঝুম্ করিয়া ফিরিতেছিল খুকী।

সমস্ত দেখিয়া শুনিয়া সাহোড়ার বাবাজী কহিল—ভারী সুন্দর,—চমৎকার হয়েছে বাবাজী! এখানে বিগ্রহ প্রতিষ্ঠা করুন আপনি।

খুকীকে কোলে তুলিয়া লইয়া বাউল কহিল—করব। খুকুমণির বিয়ে দোব আসছে বার, আর বিগ্রহ প্রতিষ্ঠা করব।

খুকী বাউলের মুখখানি ধরিয়া আপনার দিকে ফিরাইয়া কহিল—আমাকে কিন্তু অনেক গয়না দিতে হবে ছেলে।

।
কৃতার্থতার হাসিতে বাউলের মুখ ভরিয়া গেল, কহিল—দোব মা—দোব।

সাহোড়ার বাবাজী কহিল—কিছু গয়না নেবেন, সস্তায় হবে। আমার সন্ধানে আছে। তবে শীগ্গির তার টাকা চাই, অপেক্ষা করতে পারবে না।

ব্যগ্রভাবে বাউল কহিল—কত টাকার জিনিষ হবে ?

—শো দুই সে চায়। জিনিষের দাম অবিশ্রি বেশী হবে।

—নোব, আমি নোব। আপনি দেখবেন যেন হাত ছাড়া না হয়।
কাল—কালই আমি নোব।

সে সাহোড়ার বাবাজীর হাত চাপিয়া ধরিল।

* গভীর রাতি। নিবিড় অন্ধকারে চারিদিক ভরিয়া গিয়াছে। বাউল *
ষর হইতে বাহির হইল। চোখের দৃষ্টি যেন তাহার জ্বলিতেছিল।
হাতের শাবলটা মাটির বুকে বিধিয়া বিধিয়া সে প্রোথিত ধনের সন্ধান *
করিয়া ফিরিতেছিল। কাল তাহার টাকা চাই। এখনও তাহার আশি
টাকা অবশিষ্ট আছে—বাকী এক শত কুড়ি তাহার চাই। একশত
কুড়ি কেন—আরও বেশী—দুই শত—পাঁচ শত—না—আরও বেশী।
যদি ঘড়া ঘড়া টাকা পাওয়া যায়।

অসম্ভব ত' নয়। শ্রামসুন্দর রায়ের ভিটা এ।

ঠক—ঠক !

বাউল খুঁড়িয়া তুলিল একটা পাথর।

সেটাকে বিরক্তি ভরে ছুড়িয়া ফেলিয়া দিয়া আবার বাউল আর
এক স্থানে পরীক্ষা আরম্ভ করিল।

যাছুকরী

জঙ্গলের মধ্যে পাতার উপর নড়িয়া চড়িয়া উঠিল। বাউল ভ্রক্ষেপও করিল না। মর্ম্মর শব্দে সে আর চমকিয়া উঠে না।

প্রভাতে নবীন আসিয়া ডাকিল—বাবাজী !

কেহ সাড়া দিল না।

নবীন দাওয়ার উপর বসিল। সে ভাবিল বাবাজী, প্রাতঃকৃত্য শেষ করিতে বাহিরে গিয়াছে।

বাহিরে খুকীর কণ্ঠস্বর শুনিয়া বুঝিল বাবাজী ফিরিয়াছে।

খুকী ডাকিতেছিল—ছেলে ও ছেলে !

নবীন ডাকিল—বাবাজী !

খুকীর কণ্ঠস্বর শোনা গেল—ছেলে ও ছেলে ওঠ কেন ? স্বর তাহার অভিমানরুদ্ধ। নবীন হাসিল,—পথচারী বাউল বাঁধা পড়িয়াছে ভাল। সে বাহির হইয়া উদাসীর মায়ার খেলা দেখিতে গেল।

পথের উপর ত নাই !

ওপাশের জঙ্গলের মধ্যে খুকীর গলা শোনা যাইতেছি।

শব্দ লক্ষ্য করিয়া নবীন গিয়া দেখিল, বাবাজী একটা গাছতলায় পড়িয়া আছে। খুকী তাকে ডাকিতেছে—ছেলে ওঠ।

শঙ্কিত হইয়া নবীন অগ্রসর হইয়া দেখিল প্রাণহীন দেহ, মুখে অসীম যন্ত্রণার চিহ্ন। মুখ দিয়া গৈজ্জলা ভাঙিয়াছে।

নবীন খাড়া হইয়া দাঁড়াইতেই ওদিকে নজরে পড়িল একটা শাবল আর একটা দ্বিখণ্ডিত গোক্ষুরা সাপ।

সাপটাকে কে যেন টানিয়া ছিড়িয়া ফেলিয়াছে।

শ্রামাদাসের মৃত্যু

শ্রামাদাসবাবু রোগশয্যায় শায়িত ছিলেন—মৃত্যু-রোগশয্যা। সে কথা তিনি জানেন। গভীর-চিন্তাশীল বিচক্ষণ বৈজ্ঞানিক তিনি, এ কথা তাঁহার কাছে অবিদিত ছিল না। লোলচর্মের আবরণীর অভ্যন্তরে কাল-জীর্ণ মধুশূণ্য মধুচক্রের মত অসংখ্য কোটি কোষচক্রগুলির স্বরূপ তাঁহার কাছে প্রত্যক্ষ; তীক্ষ্ণদৃষ্টিতে তিনি সেগুলির ক্রমজীর্ণতা দীর্ঘকাল ধরিয়া লক্ষ্য করিয়া আসিতেছেন। গভীর প্রশান্ত দৃষ্টিতে খোলা জানালার ভিতর দিয়া তিনি দেখিতেছিলেন, গাঢ় নীল আকাশ—অসীম রহস্যময় শূণ্যমণ্ডল।

দুইটি জিনিসকে জানিবার জন্ম ছিল তাঁহার অসীম আগ্রহ, অপরিমেয় কৌতূহল; তাঁহার সমস্ত জীবনটাই কাটিয়াছে সেই সাধনায়, কঠোর অক্লান্ত, ক্লৈব্যহীন সাধনা। জীবনরহস্য আর মরণরহস্য জানিবার সাধনায় সমস্ত জীবনটাই তাঁহার কাটিয়া গেল! আরম্ভ করিয়াছিলেন বাইশ বৎসর বয়সে, আজ তাঁহার বয়স সত্তর, কিন্তু—। শ্রামাদাসবাবুর মুখে বিচিত্র হাসি ফুটিয়া উঠিল, জীবনরহস্য জানা হয় নাই, জানিবার আর সময়ও নাই। সেজন্ম তাঁহার আক্ষেপ নাই, তাঁহার শিষ্য, শিষ্যের

যাছুকরী

শিষ্য, তাহার শিষ্য, তাহাদের উপরই রহিল তাঁহার অসমাপ্ত সাধনা সমাপ্ত করিবার ভার। তিনি এখন নিজে ধীরে ধীরে এক গভীরতর রহস্যের সহিত মুখোমুখি দাঁড়াইতে চলিয়াছেন, দ্রুত ক্রমশঃ কমিয়া আসিতেছে।

পৃথিবীর স্বাদ গন্ধ ধ্বনি বর্ণ সমস্ত কিছুর উপর ক্রম-ঘনায়মান কুয়াশার মত একটা লুপ্তির রহস্য ঘনাইয়া আসিতেছে—ওই তার পদ-ধ্বনি। দেহের অভ্যন্তরে, কোষচক্রের অভ্যন্তরে জীবনীমধুর দ্রুত আবর্তন—প্রোটোপ্লাস্মকে তিনি জীবনীমধু বলেন—ক্রমশ গতিহীন স্থির হইয়া আসিতেছে,—ধাতুবহি নিবিয়া যাইতেছে সে তিনি জানেন; কিন্তু তাহারও অতিরিক্ত কিছু জানিবার আগ্রহ তাঁহার।

কুড়ি বৎসর পূর্বের কথা মনে পড়িয়া গেল।

মাসথানেকের মধ্যেই সংসারে দুইটি মৃত্যু ঘটয়া গিয়াছিল। তাঁহার ছোট ভাই দুর্গাদাস এবং তাঁহার নিজের স্ত্রী কৃষ্ণভামিনী মাসথানেক আড়াআড়ি মারা গিয়াছিলেন।

*

*

*

দুর্গাদাস ছিলেন উকিল, অল্প বয়সেই তিনি হাইকোর্টে প্রতিষ্ঠা অর্জন করিয়াছিলেন। তাঁহাদের দুই ভাইকে লক্ষ্য করিয়া লোকে বলিত, ইন্দ্র-চন্দ্রের মত দুই ভাই। কথাটা অতিরঞ্জন সন্দেহ নাই, কিন্তু দুই ভাইয়ের কৃতিত্ব সত্যই ছিল গৌরবের বস্তু! শ্রামাদাসবাবু নিজে বিজ্ঞান শাস্ত্রে সুপণ্ডিত ব্যক্তি, মেডিকেল কলেজের বায়োলজির অধ্যাপক। একটা মামলা লইয়া দুর্গাদাস মফস্বলে গিয়াছিলেন, টাইফয়েডে আক্রান্ত হইয়া ফিরিলেন। মারা গেলেন বত্রিশ দিনের দিন, অজ্ঞান অবস্থায় চীৎকার

শ্রামাদাসের মৃত্যু

করিতে করিতে তিনি মারা গেলেন। শ্রামাদাসবাবু অবিচলিত ধৈর্য্যে ভাইয়ের বিছানার পাশে বসিয়া ছিলেন, সব শেষ হইলে তিনি উঠিয়া বাহিরে আসিয়া দীর্ঘনিশ্বাস ফেলিয়া দুঃখের হাসি হাসিলেন, বার বার—বার বার তিনি দুর্গাদাসকে বলিতেন, অন্তত জলটা গরম ক'রে খাবে।

দুর্গাদাস তাঁহার কথা উপেক্ষা করিতেন এমন নয়, কিন্তু বৈজ্ঞানিক দৃষ্টি ছিল না; বলিয়াই সতর্ক হইবার মত ব্যগ্রতা তাঁহার ছিল না; চাকরকে বলিয়াই তিনি নিশ্চিন্ত থাকিতেন। ফলে বৈজ্ঞানিক সত্য আপনাকে সপ্রমাণ করিল অতি নিষ্ঠুরভাবে; মেঘের আড়ালে অদৃশ্য শত্রুবিমান নিষ্কিণ্ত বোমার স্প্রিণ্টারের আঘাতে অসতর্ক পথচারীর মতই দুর্গাদাস মারা গেলেন।

কৃষ্ণভামিনীর মৃত্যু ধ্রুব—এ কথা তিনি কল্পনা না করিলেও আঘাত অনিবার্য্য এটা তিনি সেই সময়েই জানিয়াছিলেন। দুর্গাদাসের ব্যাধিটা টাইফয়েড বৈজ্ঞানিক পরীক্ষায় এ কথা ধরা পড়তেই শ্রামাদাসবাবু বাড়ির প্রতিটি জনকে টি-এ-বি ভ্যাক্সিন ইন্জেকশন লইতে বাধ্য করিলেন। বাধ্য করিতে পারিলেন না কৃষ্ণভামিনীকে। দুর্গাদাসের স্ত্রী পর্য্যন্ত ভাণ্ডারের কথায় অবনত মুখে নীরবে হাতটি বাড়াইয়া দিলেন, কিন্তু কৃষ্ণভামিনী বলিলেন, আর জালিও না বাপু, ইন্জেকশন নিয়ে জ্বর-যন্ত্রণা ভোগ করতে পারব না আমি।

শ্রামাদাসবাবু অহুরোধ করিলেন, অহুন্নয় করিলেন, অবশেষে অত্যন্ত ক্রুদ্ধ হইয়া বলিলেন, তবে মর।

হাসিয়া কৃষ্ণভামিনী বলিলেন, তোমার মুখে ফুলচন্দন পড়ুক।

যাছুকরী

তোমার আশীর্বাদ সফল হোক। তোমাদের সকলের বালাই নিয়ে যেন ঘাই আমি। তা হ'লে আমার মত ভাগ্যমানী কে ?

ও রকম ভাগ্যমানী হিন্দুর সংসারে ঘরে ঘরে, হাজারে হাজারে, লাখে লাখে। হিসেব করতে হলে চিত্রগুপ্তের খাতা চাই। ইংরেজ আমলের আগে জন্মমৃত্যু রেজেষ্ট্রির নিয়ম ছিল না। যাক, এখন ইন্জেক্শন নেবে কি না ?

না।

দুর্গাদাসবাবু মারা গেলেন, কৃষ্ণভামিনী বিছানায় শুইতে বাধ্য হইলেন।

শ্রামাদাসবাবু বলিলেন, এইবার ওষুধ খাবে তো ?

অসুখ করলে ওষুধ না খেলে চলবে কেন ?

ইন্জেক্শন ?

কয়েক মুহূর্ত চুপ করিয়া থাকিয়া কৃষ্ণভামিনী হাসিলেন—সে এক বিচিত্র হাসি। বলিলেন, ডাক্তার কি বলছে ? আমি বাঁচব না ?

শ্রামাদাস বিরক্ত হইয়া বলিলেন, ডাক্তারে তা বলতে পারে না।

কৃষ্ণভামিনী বলিলেন, ঠাকুরপো চ'লে গেলেন, আমার বাঁচবার জন্তে ইন্জেক্শন নিতে লজ্জা হয় ! কিন্তু মরণ যদি না হয় ? তবে মিছিমিছি রোগের ভোগ বাড়িয়ে তো লাভ নেই। আমার কষ্টের কথা বলছি না, গোটা বাড়িটা কষ্ট পাবে। তোমার কষ্ট হবে। তখন ইন্জেক্শনও দরকার হ'লে নিতে হবে বইকি। নেব।

তবে ? তখন নিলেই তো হ'ত।

শ্রামাদাসের মৃত্যু

‘তুমি ব’কো না বাপু ; ইন্জেকশন নিলেই নাকি অস্থির আমার হ’ত না ! কপালের দুর্ভোগ যার যা থাকে, সে যাবে কোথায় ?

কপাল ? • দুর্ভোগ ?—হাসিয়া শ্রামাদাস সেদিন বলিয়াছিলেন, সে তোমার নয়, আমার । অবশু মনে মনে বলিয়াছিলেন, প্রকাশে বলিলে আর রক্ষা থাকিত না । জীর্ণ দেহে রোগশয্যায় শুইয়া দীর্ঘকাল পরেও শ্রামাদাস সে কথা মনে করিয়া আজ হাসিলেন ।

মুহূর্ত্ত পরে আবার তিনি হাসিলেন, সে হাসি অল্প হাসি ।

দুর্ভোগ তাঁহারই বইকি ?

জীবনে তাঁহার ও কৃষ্ণভামিনীর মিলনের মধ্যে বিরোধের সংস্থান অদ্ভুত । জীবন-পথে তাঁহাদের যাত্রা ঠিক একটি অসুস্থীন সরলরেখার দুইপ্রান্ত অভিমুখে,—ক্লাস্তিতে, বিশ্রামে, অবসাদে কখনও পাশাপাশি বসিবার সুযোগ মিলে নাই ।

কৃষ্ণভামিনীর যাত্রা ছিল পাপ-পুণ্যের, ধর্ম-অধর্মের, মায়ামোহে বিচিত্র মর্ত্যলোক পার হইয়া জন্মজন্মান্তরের পথে—পরলোকেরও পরপারে স্বর্গলোক অভিমুখে । তারও পরে আছে নাকি এক পরম আমন্দলোক ।

শ্রামাদাসের যাত্রা বিপরীত মুখে । তাঁহার পৃথিবী—অত্যাভূত ফুটন্ত ধাতবীয় এক পরিমণ্ডলের উপর বারিধিমণ্ডলবেষ্টিত কঠিন স্তরময়ী এই পৃথিবী ; এই পৃথিবীর বৃকে জীবজীবনের বিবর্তন-পথে—এক কৌষিক দেহ হইতে বহু কৌষিক দেহে, উপাদান হইতে অবয়বের পথে, অবয়ব হইতে শক্তির পথে, শক্তি হইতে গতির পথে, শ্রীর পথে ; চেতনা হইতে বোধের পথে, বোধ হইতে বাসনার পথে, ইচ্ছা হইতে

যাহুকরী

মনের পথে ; মন হইতে বুদ্ধির পথে, জ্ঞানের পথে, বিজ্ঞানের পথে
তাহার যাত্রায়।

কৃষ্ণভামিনী যখন পূজার আসনে বসিয়া ধ্যানস্তিমিত চিত্তে মনশ্চক্ষে
দেখিতেন আকাশমণ্ডলের বুক চিরিয়া অদৃশ্যপথে নামিয়া আসিতেছে
এক অপূর্ব-গঠন জ্যোতির্ময় রথ, সেই রথের মধ্যে জ্যোতির আকর
তাহার ইষ্টদেবতা, তখন শ্রামাদাসবাবু তাঁর লাইব্রেরি ঘরে বসিয়া রাশি
রাশি বই লইয়া মনের দৃষ্টিতে প্রত্যক্ষ করিতেন সৌরমণ্ডলের শূণ্য-
লোকের মধ্যে এক বাষ্পলোক। বিভিন্ন বাষ্পের আলোড়ন সংমিশ্রণ
সেখানে। পৃথিবীর বুক হইতে ক্রমশ উর্দ্ধে উঠিয়া চলিয়া যাইতেন আর
এক মণ্ডলে—স্ট্রাটোস্ফিয়ারে।

এ কি ? অকস্মাৎ সেদিন নজরে পড়িয়াছিল, দুইটা গিনিপিগ
বাগানের পথে ছুটিয়া একটা কোপের দিকে পলাইতেছে। এ কি ?
ও দুইটা খাঁচা হইতে বাহির হইল কি করিয়া ? বই ফেলিয়া চিন্তা
ছাড়িয়া তাহার গবেষণাগারে আসিয়া শ্রামাদাস স্তম্ভিত হইয়া
গিয়াছিলেন—খাঁচার ভিতর বাটিতে দুধ, ভিজা ছোলা ! কে দিল ?
যে দিচ্ছে, খাঁচা খুলিবার সময় তাহারই অসাবধানতাবশত ও দুইটা
পলাইয়াছে। শ্রামাদাস বরাবরই অত্যন্ত কঠোরচিত্ত লোক। কঠিন
ক্রোধে তিনি উত্তপ্ত হইয়া উঠিয়াছিলেন। কয়েকটা গিনিপিগকে অনাহারে
রাখিয়া বিভিন্ন অবস্থায় তাহাদের দেহ ব্যবচ্ছেদ করিয়া মৃত্যু পর্য্যন্ত
কোষচক্রগুলির পরিবর্তন লক্ষ্য করাই ছিল তাহার উদ্দেশ্য।

গবেষণাগার হইতে বাহির হইয়া আসিয়া তিনি চাকরটাকে
ডাকিয়াছিলেন। শ্রামাদাসবাবুর মূর্তি দেখিয়া সে শুকাইয়া গিয়াছিল,

শ্রামাদাসের মৃত্যু

হাতজোড় করিয়া সভয়ে সে নিবেদন করিয়াছিল, সে কিছুই জানে না।

শ্রামাদাস অত্র কোন শাস্তি দেন নাই, তাহাকে তৎক্ষণাৎ জবাব দিয়াছিলেন, বলিয়াছিলেন, এক মাসের মাইনে তোমার বাকি আছে, সেও তুমি পাবে না।

লোকটা অনেক দিনের পুরানো চাকর, সে আবার কাকূতি *করিয়া বলিয়াছিল, আমি কিছু জানি না হুজুর ; তবে বড় বউমা—

কি ?

আজ্ঞে, তিনি একবার চাবি নিয়েছিলেন ঘরের।

বড় বউ চাবি নিয়েছিল ?

হ্যাঁ। আমিই নিয়েছিলাম চাবি। কৃষ্ণভামিনীর বয়স তখন সবে পঁচিশ কি ছাব্বিশ ; কৃষ্ণভামিনী নির্ভয়ে আসিয়া ক্রুদ্ধ শ্রামাদাসের সম্মুখে দাঁড়াইয়া ছিলেন।

জরাগ্রস্ত মৃত্যুসমীপবর্তী শ্রামাদাসের চোখের উপর আজও সে মূর্তি ভাসিয়া উঠিল। সত্তন্নাতা কৃষ্ণভামিনীর চুল হইতে নখ পর্য্যন্ত সব মনে পড়িল। তব্বী দীর্ঘাঙ্গী কৃষ্ণভামিনীর পরনে সেদিন ছিল লালপাড় শাড়ি। আয়ত চোখ নির্ভীক দৃষ্টিতে চাহিয়া আজও যেন তিনি সম্মুখে দাঁড়াইয়া আছেন।

হ্যাঁ আমিই নিয়েছিলাম চাবি।

তুমি ?

হ্যাঁ। আমিই দুধ দিয়েছি, খাঁচা খুলতে ছোটো পালিয়েও গিয়েছে।

তুমি ? তুমি দুধ দিয়েছ ?

যাছুকরী

হ্যাঁ আমি। বার বারই তো বলছি।

শ্রামাদাস ক্রোধের উপর বিশ্বয়ে অভিভূত হইয়া গিয়াছিলেন।

কৃষ্ণভামিনীকে নিত্য নিয়মিত তিনি বিজ্ঞান পড়াইতেন। বিবাহের পর হইতে তিনি প্রাণপণে চেষ্টা করিতেছিলেন তাঁহার জীবনের সত্যকারের অর্থ কৃষ্ণাকে সঙ্গিনী করিয়া তুলিবার জন্য। অসীম আগ্রহ, কৌতূহল এবং নিষ্ঠার সঙ্গে কৃষ্ণভামিনী তো সবই শুনিতেন। অণুবীক্ষণ-যন্ত্রের মধ্য দিয়া চক্ষুর অগোচর সৃষ্টিবৈচিত্র্য-রহস্য দেখিয়া তাঁহার বিশ্বয়বিস্ফারিত দৃষ্টি দেখিয়া শ্রামাদাসের আনন্দের তৃপ্তির আর অন্ত থাকিত না। সেই কৃষ্ণভামিনী এই কাজ করিয়াছে! এ কণায় তাঁহার বিশ্বয়ের আর অবশিষ্ট থাকিত না।

কৃষ্ণভামিনী বলিয়াছিলেন, এমনই ক'রে অনাহারে তিলে তিলে দন্ধে তুমি জীবন্তলোকে মারবে, শুধু তাই নয়, মড়ার ওপর খাঁড়ার ঘা চালাবে, ওদের কাটবে, সে পাপ আমি হতে দেব না—কিছুতেই না।

শ্রামাদাস আর আত্মসম্বরণ করিতে পারেন নাই, বলিয়াছিলেন, বাজে ব'কো না কৃষ্ণা, সেন্টিমেন্টাল ফুলের মত।

সেন্টিমেন্টাল ফুল? কৃষ্ণভামিনীর আয়ত কালো চোখ দুইটা বিদ্যুৎস্ফুরিত রাত্রির মেঘের মত ঝকঝক করিয়া উঠিয়াছিল।

শ্রামাদাস এজন্ত প্রস্তুত ছিলেন না। আজও তিনি শিহরিয়া উঠিলেন—জীর্ণ দেহ লইয়াও তিনি ঈষৎ চঞ্চল হইয়া পড়িলেন।

কে ডাকিল, বাবু!

চাকরটা ডাকিতেছিল, কৃষ্ণ শ্রামাদাস বলিলেন, বাইরে যা, বাইরে যা তুই।

শ্রামাদাসের মৃত্যু

সেদিনও তিনি কৃষ্ণার মূর্তি দেখিয়া ব্যস্ত হইয়া চাকরটাকেই সর্বাগ্রে বলিয়াছিলেন, যা যা, বাইরে যা তুই।

চাকরটা চলিয়া যাইবামাত্র কৃষ্ণভামিনী বলিয়াছিল, জান তোমার ওই পাপে আমার সংসার শূন্য হয়ে রইল। সন্তান থেকে ভগবান আমায় বঞ্চিত করলেন; আমাকে দিলেন না তিনি। পরমুহুর্তেই বিদুদীর্ণ মেঘের বর্ষণের মত অনর্গল ধারায় কৃষ্ণভামিনীর চোখ হইতে জল বারিতে আরম্ভ করিয়াছিল।

শ্রামাদাস মাথা নীচু করিয়া চলিয়া আসিয়াছিলেন। এত বড় আঘাত তিনি জীবনে পান নাই। সেদিনের পূর্বেও না, পরেও না। আপন গবেষণাগারে আসিয়া তিনি সেদিন অর্ধেকটা দিন ক্রমাগত মাথা হেঁট করিয়া পায়চারি করিয়াছিলেন। কৃষ্ণভামিনীর অভিযোগের জন্ত নয়; কৃষ্ণভামিনী নিজেই জানিতেন, তাঁহার বন্ধ্যাস্ব তাঁহার নিজের দেহাভ্যন্তরের কোন স্তম্ভ ভ্রুটির জন্ত; বৈজ্ঞানিক পরীক্ষার ফল তিনি বার বার বহু প্রশ্ন করিয়া বুঝিয়া লইয়াছিলেন। শ্রামাদাসের বিদ্রোহ দুঃখ তাঁহার দাম্পত্য-জীবনের ব্যর্থতার জন্ত। কৃষ্ণভামিনীকে তিনি সহধর্মিণী করিতে চাহিয়াছিলেন, কিন্তু কৃষ্ণভামিনী প্রকাশ্য বিদ্রোহ করিয়া ধর্মাস্তর গ্রহণ করিলেন, সত্যকে অস্বীকার করিলেন। মর্যাস্তিক আক্ষেপে তিনি একটা গভীর দীর্ঘনিশ্বাস ফেলিয়াছিলেন, সে কথাটি পর্যন্ত শ্রামাদাসের মনে পড়িল।

আজও তিনি একটা দীর্ঘনিশ্বাস ফেলিলেন। মনে হইল, সেদিন বাকি গিনিপিগগুলোকে ছাড়িয়া দিলেই হয়তো ভাল হইত। সেদিনও সে কথা তাঁহার মনে হইয়াছিল।

যাছুকরী

কল্প শ্যামাদাসের স্তিমিতদীপ্তি স্নান্নাভ নিম্প্রভ চোখ দুইটি ক্ষীণ দীপ্তিতে মুহূর্তের জ্ঞান যেন জলিলে ছিল। সেদিন মুখে তাঁহার এক ক্ষুব্ধ হাসি খেলিয়া গিয়াছিল। তবাব তিনি কৃষ্ণভামিনীকে বুঝাইয়াছিলেন জীবন-মৃত্যুর অবিরাম কথার কথা; জীবন-সৃষ্টির দিন হইতেই অহরহ নিরবধি সে দ্বন্দ্ব চলে আসিতেছে,— হয় জীবনের বিলুপ্তিতে তাহার সমাপ্তি হইবে, নয় মৃত্যুর পরে ক্রিয়া তাহাকে পঙ্কু করিয়া জীবন এ দ্বন্দ্বের মহাকাব্যের শেষে প্রকাশিত হইবে।

গাঢ় নীল আকাশের দিকে চাহিয়া কল্পের মনশ্চক্ষে সেই অনন্ত মহাদ্বন্দ্বের প্রতিচ্ছবি ভাসিয়া উঠে। অগ্নিবীক্ষণের দিব্যদৃষ্টির মধ্য দিয়া দেখা ছবি। দেহের অগ্নি-স্রোতায় অস্থির মধ্যে আপদমস্তক কোষে অগ্নিকোষে জ্বলিয়া উঠে। অবিরাম এক সংগ্রাম। জীবনীমধুরসে টলমল করিয়া আক্রমণে জীর্ণ হইয়া ধ্বংস হয়, জীবন আবার নতুন নতুন রূপ লাভ করে নূতন কোষচক্র।

কল্পনা নয়, প্রত্যক্ষ করা সত্য। অগ্নিবীক্ষণের মধ্য দিয়া কৃষ্ণভামিনী এ দ্বন্দ্ব প্রত্যক্ষ করিয়াছিলেন, শ্যামাদাস আপনার অন্তর উন্মুক্ত করিয়া তাঁহার অনুভূতির রাজ্যে কৃষ্ণভামিনীকে প্রবেশাধিকার দিয়াছিলেন, কৃষ্ণভামিনী তবু তাঁহার উপলব্ধি সত্যকে—সাধনার ফলকে গ্রহণ করিতে পারিলেন না, আকস্মিক জীবনীশক্তির প্রাচুর্য যেমন দুর্বল জীবন গ্রহণ করিতে পারে না। কৃষ্ণভামিনী সেই দিন হইতেই তাঁহার কাছে মরিয়াছিলেন।

জীবনের শেষ দিন পর্যন্ত কৃষ্ণভামিনী—যেন মৃত্যুরূপিনী হইয়া

শ্যামাদাসের মৃত্যু

তাঁহাকে ক্ষয় করিয়া জয় করিতে চাহিত ছিলেন। কিন্তু কৃষ্ণভামিনীকে হার মানিতে হইয়াছে। শ্যামাদাসের জীবনের একটা দিনও তাঁহার গবেষণায় ক্ষান্ত হন নাই।

না, না। কৃষ্ণভামিনীও তাঁহাকে হার মানেন নাই—কোন দিন না। তিনিও যেমন তাঁহার গবেষণায় ক্ষান্ত হন নাই, কৃষ্ণভামিনীও তেমনই কোন দিন মুহুর্তের জন্য তাঁহার স্বতন্ত্র ধর্মসাধনায় বিরত হন নাই।

মনে পড়িল—স্বতন্ত্র কৃষ্ণভামিনী বলিয়া যেমন কাপড় যেমন ছাড় তুমি, তেমনই স্নানও করা তুমি কেন?

ল্যাবরেটোরির তোমার স্নান করা উচিত নয়? নিজে তুমি অস্ত্র না।

না নয়, তোমাকে স্নান করতে হবে। সাবান দিয়ে হাত-পা আমি ধুয়ে থাকি। যতটুকু প্রয়োজন বোধ করি, তার অতিরিক্ত কিছু করব না আমি।

কৃষ্ণভামিনী আর তাঁহাকে কিছু বলেন নাই, কিন্তু সেই দিনই তাঁহার শয্যা রচনা করিয়াছিলেন খাট ছাড়িয়া মেঝের উপর, ঘরের বিপরীত প্রান্তে।

অথচ একটি দিনের জন্ত তাঁহার পরিচর্য্যার ব্যবস্থায় এক বিন্দু ক্রটি কৃষ্ণভামিনী হইতে দেন নাই। মূর্গীর ডিম, মাংস পর্য্যন্ত নিজের হাতে

বাছুকরী

তিনি রান্না করিয়া দিতেন। তাহার পর ছিল কৃষ্ণভামিনীর স্নানের নিয়ম।

শ্রামাদাস বিছানায় শুইয়া সত্ত্বস্নাতা কৃষ্ণভামিনীর দিকে চাহিয়া দেখিতেন ; কৃষ্ণভামিনী নিষ্পন্দ মূর্তিতে ধ্যান করিতেন।

কৃষ্ণভামিনী তাঁহার কাছে হার মানেন নাই।

অকস্মাৎ শ্রামাদাসের চোখের দৃষ্টি কেমন হইয়া উঠিল। জীবন-মৃত্যু জ্ঞান-বিজ্ঞান সব তিনি যেন ভুলিয়া গেলেন। মনে পড়িয়া গেল এক দিনের কথা। প্রদীপের মিটমিটে আলোক সম্মুখে কৃষ্ণভামিনী সেদিন এক অপরূপ রূপে অসামান্য হইয়া উঠিয়াছিলেন। স্নান আলোর সম্মুখে কৃষ্ণভামিনীকে দেখিয়া শ্রামাদাসের অকস্মাৎ মনে পড়িয়াছিল একটা লাইন—

“Oh she doth teach torches to burn bright !”

শ্রামাদাস বিছানার উপর উঠিয়া বসিয়াছিলেন। শীতের রাত্রি। আকাশে পাণ্ডুর চাঁদ খোলা জানালা দিয়া দেখা যাইতেছিল। বৈজ্ঞানিক শ্রামাদাসের শীত গ্রীষ্ম বারো মাস বিছানার পাশের জানালা খোলা থাকে। পাণ্ডুর চাঁদের মর্য্য জ্যোৎস্নার দিকে চাহিয়া থাকিতে থাকিতে আবার তিনি চাহিয়াছিলেন কৃষ্ণভামিনীর দিকে। মনের মধ্যে আবার গুঞ্জন করিয়া উঠিয়াছিল—

“Arise, fair sun, and kill the envious moon,

Who is already pale and sick with grief

That thou her maid art far more fair than she.”

কৃষ্ণভামিনীর পিঠের উপর এলানো একরাশ ভিজা চুল, ভ্রমরের

শ্রামাদাসের মৃত্যু

সারির মত কৌকড়ানো কালো চুল ; মোমে-মাজা সাদা পুতার মত সিঁথি, মন্মথ উজ্জল গৌরবর্ণ ছোট কপালটির মধ্যখানে সিঁদুরের টিপ, আধ-মুদিত ভাগর দুইটি চোখ ;—সেদিনের কৃষ্ণভামিনী অসামান্য ।

শ্রামাদাস বিছানা হইতে নামিয়া আসিয়া কৃষ্ণভামিনীর পাশে দাঁড়াইয়াছিলেন ।

কৃষ্ণভামিনী পদশব্দে বন্ধিমদৃষ্টিতে চাহিয়া ভ্র কুঞ্চিত করিয়া শুধু বলিয়াছিলেন, হঁ । অর্থাৎ সরিয়া যাও ।

না, শ্রামাদাস সেইখানেই বসিয়া পড়িয়াছিলেন । বাঁ হাতটা মাটির উপর রাখিয়া ডান হাত তিনি প্রসারিত করিয়াই অকস্মাৎ চকিত হইয়া উঠিয়াছিলেন । বাঁ হাতে কোন কিছুর স্পর্শে তাঁহার সর্বদেহে একটা চকিত সঙ্কটন-শিহরণ খেলিয়া গিয়াছিল । হাতের, বুকের, উরুদেশের পেশীগুলি অকস্মাৎ মুহূর্ত্তে সঙ্কুচিত হইয়া লাফাইয়া উঠিয়াছিল, মস্তিষ্কের স্বায়মণ্ডলীতে খেলিয়া গিয়াছিল, যেন বিদ্যুতের প্রবাহ । আপনাকে সংযত করিয়া শ্রামাদাস হাত তুলিয়া দেখিলেন, তাহার পর চাহিয়া দেখিয়াছিলেন মাটির দিকে । দেখিলেন, হাতের তালুতে আলপিনের মাঝার মত এক বিন্দু স্থান সাদা, মাটির উপর ধূপকাটার মাঝার স্তিমিত অগ্নিবিন্দুটিও ঠিক সেই মুহূর্ত্তেই নিবিয়া গেল ।

কৃষ্ণভামিনীও ব্যাপারটা দেখিয়াছিলেন, ধ্যানস্তিমিত মুখেই যুহু হাসি তাঁহার ঠোঁটের উপর খেলিয়া গিয়াছিল ।

শ্রামাদাসের মুখেও হাসি ফুটিয়া উঠিয়াছিল । তিনিও হাসিয়াছিলেন—ওই সাদা জায়গাটার ভিতরের কোষচক্রটা অগ্নিস্পর্শে মরিয়া গেল, তাহারই অহুভূতি ।

যাহুকরী

আকস্মিক মৃত্যুর মধ্যে একটা প্রচণ্ড যন্ত্রণা আছে। সেটা যেমন কণিক, তেমনই সেটা প্রচণ্ড।

গিলোটিনে অথবা বন্দুকের গুলিতে বা বজ্রাঘাতে যাহাদের মৃত্যু হয়, তাহাদের কথা তাঁহার মনে পড়িয়াছিল। ধীরে ধীরে তিনি উঠিয়া আসিয়া খোলা জানালার ধারে দাঁড়াইয়াছিলেন। সেই চিন্তায় তাঁহার সমস্ত রাত্রি কাটয়া গিয়াছিল।

এই প্রচণ্ড মৃত্তি মৃত্যুর কিন্তু বিকৃত রূপ—অকস্মাৎ তপোভঙ্গে বহি-সুরিতনেত্র শিবের রূপের মত। তাহার স্বরূপ শাস্ত, গতি ধীর; তিনি নিজে বেশ অমুত্তব করিতেছেন। লোলচর্ম হাতখানি তুলিয়া তিনি আপনার চোখের সম্মুখে ধরিলেন। পরমুহূর্তেই হাসিলেন। দৃষ্টি অস্বচ্ছ, পরিপূর্ণ পরিষ্কার দৃষ্টির সম্মুখে আবরণ পড়িতে শুরু করিয়াছে। হাত দিয়া স্পর্শ করিয়াও কিছু বুঝা যাইবে না। স্পর্শানুভূতিও ক্ষীণ হইয়াছে; লোলচর্মের অন্তরালে পেশীস্নায়ুর পরিবর্তন হইতেছে মৃত্যুর স্পর্শে, পেশীস্নায়ুর মধ্যে কোষ-অণুকোষগুলি বোধ হয় মরণোন্মুখ। ক্রমে ইঞ্জিরগুলি শিথিল অসাড় হইয়া পড়িবে, শ্বসিত বৃদ্ধি আচ্ছন্ন হইয়া আসিবে, সন্তোজাত শিশুর অশ্রুট অবসাদ-স্রবের মত এক আচ্ছন্নতার মধ্য দিয়া পরিপূর্ণ বিলুপ্তিতে হইয়া যাইবে সমস্ত কিছুর অবসান।

হুর্গাদাস বড় চীৎকার করিয়াছিলেন। তাঁহার মৃত্যুটা অনেকটা আকস্মিক; শেষের দিকে মস্তিষ্কের মধ্যে রোগ প্রবেশ করিয়াছিল। ক্ষুদ্র অল্পপ্রদেশের সূক্ষ্ম কারুকার্যময় নলযন্ত্রটি ক্ষত-বিক্ষত হইয়া গিয়াছিল, গিলা-করা মসলিনের মত অতি সূক্ষ্ম কুঞ্জে কুঞ্চিত শৈল্পিক ত্রকখানি

শ্রামাদাসের মৃত্যু

জীর্ণ করিয়া দুই ক্ষত উদগার করিয়াছিল বিষবাস্প; সেই বাস্পাচ্ছন্ন মস্তিষ্কে সে কি যন্ত্রণা—সে কি দুঃস্বপ্ন বিকার! কিন্তু বড় মর্মান্বশী প্রলাপ বকিয়াছিলেন দুর্গাদাস।

কে বাঁধলে? আমার বাস্প বিছানা কে বাঁধলে? আঃ—ছি-ছি-ছি! আমি যেতে পারব না বলছি। কি বিপদ দেখ দেখি!

কৃষ্ণভামিনীই চমকিয়া উঠিয়া বলিয়াছিলেন, ঠাকুরপো! ঠাকুরপো! কি বলছ?

রক্তচক্ষু মেলিয়া দুর্গাদাস তাঁহার মুখের দিকে অনেকক্ষণ চাহিয়া চিনিয়া বলিয়াছিলেন, বউদি!

কি বলছ?

কিছু না।

ওই যে বাস্প বিছানা ব'লে কি বলছ?

শ্রামাদাস বিরক্ত হইয়া ধমক দিয়াছিলেন, কেন ওকে বিরক্ত করছ? ডিলিরিয়াম হয়েছে, দেখছ না?

হ্যাঁ, হ্যাঁ। ওরা বলছে, আমায় যেতেই হবে। আমি পারব না বলছি। কিছুতেই শুনবে না। আঃ—ছি-ছি-ছি। আমি যাব না। যাব না।

মৃত্যুর কয়েক মিনিট পূর্বে পর্য্যন্তও অক্ষুট গোড়ানির মধ্যেও তিনি বলিয়াছিলেন, না, না, না। আঃ—ছি-ছি-ছি!

রোগ টাইফয়েড শুনিয়া দুর্গাদাস মৃত্যুর আশঙ্কা করিয়াছিলেন, জীবনের আকাজক্ষা ও মৃত্যুর আশঙ্কার দ্বন্দ্ব—বিকারের প্রভাবে বিশৃঙ্খল

যাছুকরী

মন এমনই ভাবেই প্রকাশ করিয়াছিল। বাঁচিবার প্রবল আকাঙ্ক্ষা ছিল দুর্গাদাসের।

কৃষ্ণভামিনী কি মরিতে চাহিয়াছিলেন? আজও সে প্রশ্নের মীমাংসা শ্রামাদাস করিতে পারেন নাই। মৃত কৃষ্ণভামিনীর মুখ মনে পড়িল— প্রশান্ত হাসিমুখ। কৃষ্ণভামিনীর শবদেহ দেখিয়া সেদিন শ্রামাদাসের বৈজ্ঞানিক তথ্য মনে পড়ে নাই; মনে পড়িয়াছিল রোমিও-জুলিয়েটের কয়েকটা লাইন—

“Death, that hath sucked the honey of thy breath
Hath had no power yet upon thy beauty—
‘Thou art not conquered”

কৃষ্ণভামিনীর মরণ তাঁহার কাছে আজও বিস্ময়। সংসার সম্পদ স্তূথ, এ সমস্ত পিছনে ফেলিয়া কেমন করিয়া এমন হাসিমুখে মৃত্যুর সঙ্গে মুখামুখি দাঁড়াইলেন তিনি? তাই তাঁহার আজও মনে হয়, গোপন অন্তরে বোধ করি কৃষ্ণভামিনী মরিতে চাহিতেন। তাঁহাকে হয়তো সে—। কিন্তু সে কথা শ্রামাদাস মনে মনেও উচ্চারণ করিতে পারিলেন না। রাজি বারোটায় কৃষ্ণভামিনীর মৃত্যু হইয়াছিল। সন্ধ্যা হইতেই নাড়ী কাটিতেছিল; ডাক্তার ইন্জেক্শন দিলেন, শ্রামাদাস নিজে কৃষ্ণভামিনীর হাতখানি হাতে লইয়া বসিয়াছিলেন। অমুভব করিতেছিলেন, আঙুলের অগ্রভাগগুলি ক্রমশ হিম হইয়া আসিতেছে।

কৃষ্ণভামিনী হাসিয়া বলিয়াছিলেন, পারলে না? বাঁচাতে পারলে না?

শ্যামাদাসের মৃত্যু

বিবর্ণমুখে শ্যামাদাস বসিয়া ছিলেন, হাস্তমুখী কৃষ্ণার এ করুণ প্রশ্নের জবাব দিতে পারেন নাই।

মরতে আমার ইচ্ছে ছিল না, তোমাকে রেখে বৈকুণ্ঠে গিয়েও তো আমার শান্তি নেই। কিন্তু কি করব বল ?

এবার শ্যামাদাস আত্মসম্বরণ করিয়া বলিয়াছিলেন, বেশি কথা ব'লো না। কি বাজে বকছ !

বাজে ? হাসিয়া কৃষ্ণভামিনী বলিয়াছিলেন, না, বাজে নয় ! আমি বুঝতে পারছি।

কেন ? কি হয়েছে তোমার ?

কি হবে আর ? খুব ভাল লাগছে।

সে তো ভাল। ঘুমেও দেখি একটু।

না। তোমার সঙ্গে কথা ব'লে নিই। তোমার কাজ সেয়ে যেতে কত দেরি, তা তো জানি না। কতদিন তোমার সঙ্গে কথা বলতে পাব না !

শ্যামাদাস অভিভূত হইয়া পড়িয়াছিলেন।

না, তুমি এমন করে থেকো না। তোমার মত জ্ঞানী লোক—ছি ! আবার তো দেখা হবে দুজনে। নাও, তোমার পায়ের ধুলো নিয়ে আমার মাথায় দাও। সিঁদুর-কোঁটো থেকে সিঁদুর নিয়ে পরিয়ে দাও।

তারপর বলিয়াছিলেন, ছোট বউ কই, ছোট বউ ? ডাক, তাকে ডাক।

সত্ত্ববিধবা দুর্গাদাসের স্ত্রী কাছে আসিয়া দাঁড়াইতেই বলিয়াছিলেন,

বাতুকরী

আমি তো যাচ্ছি ছোট বউ, ঠাকুরপো সেখানে আছেন, বল, আমায় ব'লে দে, তোর কি বলবার আছে ব'লে দে।

মৃত্যুর পঁচিশ মিনিট পূর্বে বোধ হয় বিকার অথবা চিত্তবিভ্রম ঘটিয়াছিল।

অকস্মাৎ কৃষ্ণভামিনী বলিয়াছিলেন, ছোট বউ, ছোট বউ, স'রে দাঁড়া, দরজা থেকে স'রে দাঁড়া। আসতে দে।

বাহিরে কেহ ছিল না। শ্রামাদাস ডাকিয়াছিলেন, কৃষ্ণ! কৃষ্ণভামিনী।

ঠাকুর এসেছেন, ঠাকরণ এসেছেন, মা এসেছেন, বাবা এসেছেন, ছোট বউকে দরজা থেকে স'রে দাঁড়াতে বল।

কি বলছ তুমি?

হাসিয়া কৃষ্ণভামিনী তাঁহার মুখের দিকে চাহিয়া বলিয়াছিলেন, ভুল বকি নি আমি। আমিও আসব তোমাকে নিতে। দেখো তুমি, ঠিক আসব।

* * * *

চিত্তবিভ্রম? হাঁ, চিত্তবিভ্রমই। চিত্তবিভ্রম, দৃষ্টিবিভ্রম।

বার বার আপনাকেই কয়দিন ধরিয়া শ্রামাদাস ওই প্রশ্ন করিলেন, নিজেই ওই উত্তর দিলেন। চিত্তবিভ্রম ঘটে! মৃত্যুর পূর্বে ওটা একটা লক্ষণ। মৃত্যুর সঙ্গে জীবনের স্বন্দে জীবনের ক্ষয় হয়, সঙ্গে সঙ্গে বহু কোটা বৎসরের বিবর্তন-পথে জীবনের সাধনার সঞ্চয় একে একে ক্ষয় হইয়া লয় হয়। একে একে চৈতন্য, বুদ্ধি, মন, ইচ্ছা, বোধশক্তি—সর্ব অস্তর্লোক আচ্ছন্ন হইয়া আসে, বাহিরে শ্রীর উপরে পড়ে কালিমা,

শ্রামাদাসের মৃত্যু

শক্তির নিঃশেষে হয় ক্ষয়, পড়িয়া থাকে শুধু দেহ, অবয়ব তাহার মধ্যে পার্থিব উপাদান ।

শ্রামাদাসের ঘুম আসিতেছিল !

একটা অতি ক্ষীণ স্ত্রী কিছু স্পর্শে মৃদু বেদনা অনুভব করিয়া তিনি জাগিয়া উঠিলেন । কিন্তু কিছু বুঝিতে পারিলেন না । শীতের শেষরাত্রির কুয়াশাচ্ছন্ন চন্দ্রালোকের মধ্যে তাঁহার যেন ঘুম ভাঙিয়াছে । কিছুক্ষণ পর ভোর হইল । আলো ফুটিয়া উঠিতেছে । অস্পষ্ট শব্দ কানে আসিল । কোথায় দূরে কেহ কথা বলিতেছে ।

কেমন আছেন ?—দূর হইতে কে প্রশ্ন করিল ।

চারিদিক চাহিয়া শ্রামাদাস দেখিলেন, পাশে দাঁড়াইয়া কেহ, ক্রমশ তাহাকে চিনিলেন, সে ডাক্তার । ক্রমে দৃষ্টিগোচর হইল, ডাক্তারের হাতে ইন্জেক্টিং সিরিঞ্জ । ক্ষীণকণ্ঠে বলিলেন, ইন্জেক্শন দেবেন ?

ইন্জেক্শন দিয়েছি ।

বারোটা বাজতে কত দেরি ?—বিচিত্র হাসি হাসিয়া শ্রামাদাস প্রশ্ন করিলেন ।

ডাক্তার সে কথার উত্তর দিলেন না, বলিলেন, কোন কষ্ট হচ্ছে আপনার ?

কষ্ট ? না । তবে—

কি বলুন ?

কিছু না ।—শ্রামাদাস চোখ বন্ধ করিলেন ।

যাহুকরী

স্তিমিত আচ্ছন্ন একাগ্রতার মধ্যে সমস্ত পৃথিবী হইতে বিচ্ছিন্ন হইয়া গিয়াছেন শ্রামাদাসবাবু। একটা অসীম শূন্যতা। শীতের সন্ধ্যা বোধ হয় হইয়া আসিল। অশ্রুট কণ্ঠে তিনি বলিলেন, সূর্য্যাস্ত হয়ে গেছে? চাঁদ ওঠে নি?

আবার বলিলেন, আকাশে তারা ফুটেছে?

• আবার কিছুক্ষণ পর বলিলেন, সে আসে নি? সে? সে?

বলিতে বলিতেই তিনি যেন নীরব হইয়া গেলেন। আচ্ছন্ন হইয়া নিদ্রিতের মত পড়িয়া রহিলেন। ঘণ্টাখানেক পর চোখ মেলিয়া চাহিলেন, এবার যেন তিনি অনেকটা আচ্ছন্নতাবিমুক্ত, চারিদিক চাহিয়া বলিলেন, ডাক্তার?

বলুন।—মুখের উপর ঝুঁকিয়া পড়িয়া ডাক্তার উত্তর দিল।

আর দেরি নেই। কিন্তু—

বলুন।

কিন্তু সে কই? সে?

কে?

সে।—শ্রামাদাস ঘরের চারিদিকে চাহিয়া দেখিলেন, বহুক্ষণ চাহিয়া চাহিয়া খোলা জানালার উজ্জলতর আলোকাভাস অল্পভব করিয়া বাহিরের পথে আকাশ অল্পসঙ্কান করিলেন, চারিদিকে শীতের রাত্রির কুয়াশা, চাঁদটাও যেন অস্তাচলশায়ী, কুয়াশার স্তর অবলম্বন করিয়া অন্ধকার আত্মপ্রকাশ করিতেছে। অতি ক্ষীণ হতাশ কণ্ঠে শ্রামাদাস বলিলেন, সে—সে এল না? আসব বলেছিল, এল না?

শ্যামাদাসের মৃত্যু

ডাক্তার বৈজ্ঞানিকের দৃষ্টি লইয়া চাহিয়া রহিলেন, আর কোন প্রশ্ন করিলেন না, উত্তরও দিলেন না ।

তা হ'লে— ?

ডাক্তার একটা দীর্ঘনিশ্বাস ফেলিলেন ।

নাথিং মোর ? আর নেই ? সে আর নেই ?

জরাজীর্ণ বৃদ্ধ মুহূর্তের জগা চঞ্চল অধীর হইয়া উঠিলেন । শেষবারে একবার শুধু ডাকিলেন, মা !

স্থির দৃষ্টি, নিম্পলক চোখ দুইটির চোখের পাতা ডাক্তার হাতের চাপ দিয়া নামাইয়া দিলেন । হাত দুইটি তুলিয়া দেখিলেন, দুই হাতের তালুতে দুই বিন্দু জল ।

সনাতন

শিবনাথ প্রশ্ন করিল, রোগটা কি ?

ননীবাবু প্রবীণ চিকিৎসক, চিকিৎসাবিজ্ঞান বংশগত বিজ্ঞান, তিন পুরুষ ধরিয়া এ বংশের প্রত্যেকেই চিকিৎসক হিসাবে শুধু জীবিকাই নয়, খ্যাতি এবং প্রতিপত্তিও যথেষ্ট পরিমাণে অর্জন করিয়া আসিয়াছে। এই বিজ্ঞান সঙ্গে ইহাদের একটা যেন জন্মগত পরিচয় আছে। বাড়ির মেয়েরা পর্যন্ত নাড়ী দেখিতে জানে, আকস্মিক আপদে-বিপদে দুই-চারিটা টোটকার ব্যবস্থা পর্যন্ত তাহারা দিয়া থাকে। ননী ডাক্তার কবিরাজি এবং ডাক্তারি দুই জানেন, ধীর গম্ভীর লোক, এ অঞ্চলে লোকে বলে—ধনুস্তরি। অবশ্য ননী ডাক্তারের হাতে সকল রোগীই যে বাঁচে তাহা নয়, তবে ননীবাবু ভুল করেন না; ক্ষেত্রবিশেষে সসম্মানে মৃত্যুকে অভিবাদন করিয়া পথ ছাড়িয়া সরিয়া দাঁড়ান।

ননীবাবু হাসিয়া বলিলেন, রোগটা ? কালরোগ, আর কি ?

কালরোগ।

হ্যাঁ। বয়স যে অনেক। পঁচাল্লিশ কম নয়। কাল—মানে বয়সই এখন ব্যাধি। ননীবাবু আবার একটু হাসিলেন।

* * * *

শিবনাথদের বাড়ির চার পুরুষের চাকর।

শিবনাথের প্রপিতামহের আমলে এ বাড়িতে বাহাল হইয়াছিল। দশ বছর বয়সের হাড়ীর ছেলে, মোটাসোটা চেহারা, থ্যাবড়া নাক, কুতকুতে চোখ, মাথায় একমাথা কৌকড়া ঝাঁকড়া চুল, বলিষ্ঠ গঠন; গরুর রাখালি করিবার জ্ঞান বাহাল হইয়াছিল। নাম সনাতন, কিন্তু মোটাসোটা চেহারার জ্ঞান কর্তা নাম দিয়াছিলেন, কুমড়ো।

ছোট ছোট চোখে অনেকক্ষণ কর্তার দিকে চাহিয়া থাকিয়া বলিয়াছিল, বাবু মশায়! কত্তাবাবু!

কি রে?

কর্তার পোষাক-পরিচ্ছদ, ভাবভঙ্গি, কথাবার্তা কুমড়োর মনে কেমন যেন ভয়ের সঞ্চার করিতেছিল; অদ্ভুত, বিস্ময়কর, দুর্কৌধ্য! কুমড়ো বিহ্বল করণ ভাবে সভয়ে প্রশ্ন করিয়াছিল; আমাকে মারবা না কত্তাবাবু?

বিরক্তিতে ক্রকুক্ষিত করিয়াও স্নেহে হাসিয়া কর্তা বলিয়াছিলেন, না, মারব কেন?

ষরের ভেতর ভ'রে রাখবা না?

না, না। বরং ভাল ক'রে কাজ করলে বকশিশ দেব।

বসকিস দেবা? কি দেবা?

কি নিবি?—কর্তা হাসিয়া প্রশ্ন করিয়াছিলেন।

চাপরাসীর লাল শালুর পাগড়িটা দেখাইয়া কুমড়ো বলিয়াছিল, অমুনি লাল টুপি একটো আমাকে দিও।

ঠিক সেই সময়েই বাড়ির ঝি আসিয়া কর্তাকে দেখিয়া সসম্মমে

যাছুকরী

ঘোমটা টানিয়া মুহূৰ্ত্তে জানাইয়াছিল, বাজার যাইবার জন্ত লোকের
প্রয়োজন, লবঙ্গের অভাব পড়িয়াছে, পান সাজা বন্ধ হইয়া রহিয়াছে।

চাকরটা কার্য্যাস্তরে গিয়াছিল, চাপরাসীরও কার্য্যভার লইয়া বাহিরে
যাওয়ার কথা, কৰ্ত্তা কুমড়োকেই পাঠাইয়াছিলেন, লবঙ্গ নিয়ে আয়
চার পয়সার, বুঝি ?

কিছুক্ষণ পর প্রকাণ্ড একটা ঠোঙা হাতে কুমড়ো বাড়ির ভিতরে
প্রবেশ করিয়া ঠোঙাটা নামাইয়া দিয়াছিল, এই ল্যান গো।

ঠোঙায় একঠোঙা হুন।

বাড়িতে হাসির ধুম পড়িয়া গিয়াছিল। গিন্নী সেবার বুঝাইয়া
দিয়াছিলেন, খেতে বাল-বাল লাগে, লবঙ্গ, লবণ নয়, বুঝি ? লঙ্গ।

দ্বিতীয় বারে আরও একটা বড় ঠোঙা হাতে কুমড়ো ফিরিয়া আসিয়া-
ছিল, এবার ঠোঙায় এক ঠোঙা লঙ্কা।

সেবার আর হাসির ধ্বনি বাড়ির গণ্ডির মধ্যে আবদ্ধ ছিল না, কাছারি-
বাড়ি পর্য্যন্ত পৌঁছিয়াছিল, কুমড়ো বিব্রত এবং বিরক্ত হইয়া বলিয়াছিল,
বললা যি, বাল !

কৰ্ত্তার খড়ম বাজিয়া উঠিয়াছিল, তিনি এত উচ্চ হাসির জন্ত বিরক্ত
হইয়াই আসিয়াছিলেন, কিন্তু সমস্ত গুনিয়া উচ্চ হাসিতে তিনি গোটা
পাড়াখানা সচকিত করিয়া তুলিয়াছিলেন।

দীর্ঘ পঁচাত্তর বৎসর পরেও সনাতনের সে কথা এ বাড়িতে সকলেই
জানে ; পরিবারের ইতিহাসের মধ্যে স্থান পাইয়াছে। আরও একটা
কথা—সেই প্রথম দিনেরই কথা—বাঁচিয়া আছে। বাড়ির গরু-বাছুর

গোয়ালে বন্ধ করিয়া, সনাতন বাড়ি-বাইতে বাহির হইয়া পথে দাঁড়াইয়া সরবে কাঁদিয়াছিল, ও—মা গো ! ওগো—মা গো !

কর্তা নিজে বাহির হইয়া আসিয়া প্রশ্ন করিয়াছিলেন, কে মেরেছে ?

হাতের মুঠায় চোখ মুছিতে মুছিতে কুমড়ো বলিয়াছিল, ‘আনার’ হয়ে যেল যি !

কি ?

• আদার !

আঁধার !

হ্যাঁ। আমি কি ক’রে বাড়ি যাব ? ‘মোলাকিনী’ পুকুরের পাড়ে ভূত আছে যি ! ভাগাড়ে গো-দানা আছে গো !

কর্তা হাসিয়া চারাসী সঙ্গে দিয়া কুমড়োকে বাড়ি পাঠাইয়া দিয়াছিলেন। সনাতনের সঙ্গে সে কথা আজও বাঁচিয়া আছে। সে তাহার দীর্ঘ জীবনে অসংখ্য ভূতের আশ্রয়স্থল আবিষ্কার করিয়াছে।

গুপ্ত ভূত নয়, দেবস্থান এবং দেবতাকেও তাহার ভয় ছিল বিবম, সে ভয় আজও তাহার যায় নাই। আর একটা নূতন ভয় তাহার মধ্যে সংক্রামিত হইল চাকরির কয়েক দিন পরেই।

বড়বাবু অর্থাৎ কর্তাবাবুর বড় ছেলে শিবনাথের পিতামহ কাছারিতে বসিয়া একজন প্রজার সঙ্গে কথা বলিতেছিলেন ; মাতব্বর প্রজাটি কথা বলিতে বলিতে অকস্মাৎ কর্তৃস্বর উচ্চ করিয়া কেলিল। কুমড়ো কয়েক আঁটি খড় লইয়া সম্মুখ দিয়া বাইতে বাইতে থমকিয়া দাঁড়াইল। ব্যাপারটা না বুঝিলেও ব্যাপারটার অন্তর্নিহিত উত্তেজনা গুপ্ত বহির

যাছুকরী

উত্তাপের মত তাহাকে স্পর্শ করিল। বড়বাবুর ধমধমে মুখ, মোড়ল মহাশয়ের সোজা বসিবার ভঙ্গি এবং সতেজ কণ্ঠস্বর তাহাকেও উত্তেজিত এবং কৌতূহলী করিয়া তুলিল। সকল কথা মনে নাই, কিন্তু ঘটনাটার শেষ দুইটা কথা সনাতনের বার্কাক্যজনিত বধির কানে আজও বাজে—
পারবে না ?

সমান তেজে প্রজ্ঞাটি উত্তর দিল, না।

সঙ্গে সঙ্গে বড়বাবুর এক লাথিতে এত বড় মানুষটা উল্টাইয়া দাওয়া হইতে একেবারে নীচে আসিয়া পড়িল।

কুমড়োর সর্বাঙ্গ ভয়ে থর থর করিয়া কাঁপিয়া উঠিল। সে পলাইয়া আসিল। বড়বাবুর প্রতি দুরন্ত একটা ভয় তাহার বুকে চিরদিনের মত বাসা বাঁধিয়া বসিল। দীর্ঘ দিন চাকরির মধ্যে সে ভয় তাহার আর যায় নাই।

এই কয়টি ভয় বাদ দিয়া কিন্তু সনাতনের দুর্দান্ত সাহস। বাবুদের ‘উদাসীর ডাঙা’র বিস্তীর্ণ জঙ্গলাবৃত প্রান্তরে গো-চারণের মাঠ—সেখানে গোখরো, কেউটে, চন্দ্রবোড়া সাপ যথেষ্ট। গো-চারণের ছোট পাচনি লাঠি ও তেলার সাহায্যে কত সাপ যে সে মারিয়াছে, তাহার হিসাব নাই। শুধু মারাই নয়, সাপের সঙ্গে যুদ্ধ করিতে করিতে সে নিজেই সাপকে বন্দী করার কৌশল আয়ত্ত করিয়াছে। নেকড়ে জাতীয় হিংস্র হেঁড়োলের বাসস্থান আবিষ্কার করিয়া হেঁড়োলের বাচ্চাও সে ধরিয়া আনিয়াছে। একবার বড় একটা নেকড়ে একটা বাছুর আক্রমণ করিয়াছিল ; তখন অবশ্য কুমড়ো আর কুমড়ো নয়, সে তখন আঠারো-উনিশ বছরের কাঁচা জোয়ান ; দৈর্ঘ্যে প্রায় সাধারণ মানুষের হাতের সওয়া

চার হাত অর্থাৎ ছয় ফিটেরও বেশী। পাচনটা লইয়াই সে নেকড়েটার উপর লাফাইয়া পড়িয়াছিল। নেকড়েটার টুটির উপর যখন সে পা দিয়া উঠিয়া দাঁড়াইয়াছিল, তখন তাহার সর্বাঙ্গ ক্ষত-বিক্ষত রক্তাক্ত; সে ক্ষতচিহ্ন তাহার লোলচর্ম দেহে আজও অক্ষয় হইয়া আছে।

জানোয়ারটাকে কাঁধে তুলিয়া লইয়া আসিল। চামড়াটা ছাড়াইয়া লইবার অভিপ্রায় ছিল। কিন্তু মনিব-বাড়ির চাপরাসীটা সেটাকে লইয়া গিয়া হাজির করিল কাছারিতে। সঙ্গে সঙ্গে তাহার ডাক পড়িল।

কর্তাবাবু তাহার মুখের দিকে চাহিয়া হাসিলেন, বলিলেন, বেটা অশুর! সঙ্গে সঙ্গে হুকুম দিলেন নায়েবকে, বেটাকে একটা পাগড়ি কিনে দাও তো। আমার মনে আছে, প্রথম দিনই বেটা আমার কাছে লাল পাগড়ি চেয়েছিল।

বড়বাবু গম্ভীরভাবে হুকুম দিলেন, আগে ওকে ডাক্তারের কাছে নিয়ে যাক, যে রকম কেটে গেছে, আর নেকড়ে টেকড়ের দাঁতে বিষ আছে শুনেছি।

সনাতন প্রতিবাদ করিতে পারিল না, কিন্তু একটু একটু করিয়া সরিয়া আসিয়া আড়াল পড়িতেই একেবারে সোজা দৌড় মারিল। বাপ রে! ডাক্তার ছুরি চালাইয়া দিবে, আঠেপুঠে ঝাকড়ার ফালি দিয়া বাঁধিয়া দিবে, বাপ রে! পলাইয়া আসিয়া সে একেবারে গোয়ালঘরের মাচায় উঠিয়া বসিয়া রহিল। চাপরাসীরাটা বার দুয়েক ডাকিয়া ফিরিয়া গেল। পাখির কলরবে সন্ধ্যা আসন্ন বুঝিয়া মাচা হইতে চুপি চুপি নামিয়া গরুগুলোকে গোয়ালে পুরিয়া দিয়া বাড়ী পলাইল। কিন্তু কিছুদূর আসিয়াই তাহার বুক কাঁপিয়া উঠিল। সন্ধ্যার অন্ধকার ঘন হইয়া

যাতুকরী

আসিয়াছে, সম্মুখে মোলকিনী পুকুরের পাড়ের বটগাছটায় ভূত আছে। বাঁকড়া অঙ্ককার বটগাছটার পাশেই বাঁশের ঝাড়, ভূত বাঁশ হইয়া রাস্তার উপর পড়িয়া থাকে, কেহ সেটাকে পার হইতে গেলেই তঁড়াক করিয়া বাঁশটা সোজা উপরে উঠিয়া যায়; বাঁশের সঙ্গে মাছুষটাও ওই উপরে উঠিয়া ঘাড় গুঁজিয়া মাটিতে পড়িয়া মরে। শতেক ছলনা ভূতের, ভাদ্র মাসে পাকা তাল হইয়া গাছ হইতে একেবারে নির্ঘাত ঘাড়ে আসিয়া পড়ে। কখনও বা হঠাৎ একেবারে তালগাছের মত আকাশে মাথা ঠেকাইয়া পথের উপর দাঁড়ায়। এই তালগাছের মত মূর্তিকেই সনাতনের বেশি ভয়। কিন্তু উপায়ই বা কি? এ পথে তো তাহাদের জাতি-জ্ঞাতি ছাড়া বড় কেহ যায় না। আবর্জনা পরিপূর্ণ এই অংশটা পার হইয়া তবে তাহাদের পল্লী। কিছুক্ষণ অপেক্ষা করিয়াও সনাতন কাহারও সঙ্গ পাইল না। তাহাদের অগ্র সকলে এতক্ষণে বাড়ি ফিরিয়া গিয়াছে। ধর্মরাজতলার বটগাছটির নীচে ঢোল লইয়া গান আরম্ভ করিয়া দিয়াছে। বৈশাখে বোলান গান, জ্যৈষ্ঠে পাঁচালি, আষাঢ়ে পঞ্চমী হইতে নাগপঞ্চমী পর্যন্ত মনসার ভাসান, ভাদ্রে ভাদ্র, আশ্বিন হইতে কাল্গুন পর্যন্ত পাঁচামশালী, চৈত্রে ঘেঁটু। সনাতন নিজে গান গাহিতে পারে না। কর্কশ মোটা কণ্ঠস্বর, কিন্তু উৎসাহ তাহার প্রবল। কোনরূপে সে বুক বাঁধিয়া চলিতে আরম্ভ করিল। ঠিক করিল, বটগাছ-তলাটার আগে হইতেই সে চোখ বন্ধ করিয়া চলিয়া যাইবে।

মোলকিনীর পাড়ে আসিয়া সে চোখ বন্ধ করিল। কিন্তু চোখ সে আপনার অজ্ঞাতসারেই বার বার খুলিয়া ফেলিতেছিল।

ও কে ? বুকের ভিতরটায় যেন ঢেঁকি দিয়া কেহ হুংপিঙটাকে ছুটিতেছে ! সাদা-কাপড়-পর্য ছোট আকারের ও কে ওখানে ঘুরিতেছে ! সে অদ্ভুত একটা বিকৃত কণ্ঠে চীৎকার করিয়া উঠিল, কে ? মূর্তিটা এতক্ষণ তাহাকে বোধ হয় দেখে নাই, তাহার অদ্ভুত বিকৃত স্বরের সাড়ায় এবার সে ঘুরিয়া খানিক আগাইয়া আসিয়া খিলখিল শব্দে হাসিয়া উঠিল । সনাতনের চেতনা লোপ পাইতেছিল, প্রাণপণে সে চেতনাঞ্জে জাগ্রত রাখিবার চেষ্টা করিল ।

মূর্তিটা আরও খানিকটা আগাইয়া আসিয়া নাকী সুরে বলিল, আমি ভূত । সঙ্গে সঙ্গে আবার সে খিলখিল করিয়া হাসিয়া উঠিল ।

এবার সনাতনের সর্বাঙ্গে একটা অতি উত্তেজনাময় উষ্ণ চেতনার প্রবাহ ভয়ের হিমশীতল অন্ধকারের মধ্যে অগ্নিগর্ভ বিদ্যুৎ চমকের মত খেলিয়া গেল ।

নন্দ । ভূত নয়, নন্দরাণী—তাহাদেরই সেই ডাকবুকো মেয়েটা—কষ্টিপাথরের মত কালো, শ্রাওলার মত নরম—সেই মেয়েটা ! ভয় সনাতনের কোথায় চলিয়া গেল, সে বুঝিল না, বুঝিতেও চাহিল না ; বিপুল উত্তেজনাময় উল্লাসে সেও হো-হো করিয়া হাসিয়া নন্দের দিকে ছুটিল । মুহূর্তে মেয়েটাও ছুটিল । সুদীর্ঘ সনাতন, আর নন্দ ছোটখাটো মেয়েটি, সে কতক্ষণ তাহার মাগে আগে ছুটিবে ! সনাতন লম্বা হাত বাড়াইল । কিন্তু অদ্ভুত কৌশল মেয়েটার—চট করিয়া পাশ কাটাইয়া এমন মোড় ফিরিল যে, সনাতন শূণ্য হাত বাড়াইয়া গতির আবেগে চলিয়া গেল—নন্দ অগ্র দিকে সরিয়া খিলখিল করিয়া হাসিতে লাগিল । এমনই একবার নয়, বার বার । ভাদ্রমাসের অন্ধকার সে হাসিতে যেন শিহরিয়া উঠিতেছিল । অবশেষে নন্দকে সে যখন ধরিল, তখন নন্দ

যাতুকরী

এলাইয়া পড়িয়াছে। সনাতনও হাঁপাইতেছিল। তবুও সে শিশুর মত নন্দর ছোট দেহখানি দুই হাতে তাহার মাথার উপরে তুলিয়া বলিল, দি, ফেলে দি আছিড়ে ?

স্বকোশলে ঈষৎ বুঁকিয়া নন্দ তাহার গলা জড়াইয়া ধরিয়া বলিল, কই, দে দেখি !

‘ ভাদ্র-সঙ্ক্যার নন্দ তালের খোঁজে আসিয়াছিল।

এই নন্দকেই সে বিবাহ করিল। সেও একটা কাণ্ড। নন্দর বাপ পণের দাবি করিল অনেক—এক কুড়ি পাঁচ টাকা।

পরের দিন নন্দকে আর পাওয়া গেল না। সে এক হৈ-চৈ ব্যাপার ; সনাতন কিন্তু নিশ্চিত মনে মনিব-বাড়িতে কাজ করিতেছিল। ষাট-পয়ষটি বৎসর পূর্বে খানা-পুলিসকে লোকে এড়াইয়াই চলিত, আইন-কানুনও জানিত না। নন্দর বাপ-মা বড়বাবুর কাছে আসিয়া গড়াইয়া পড়িল।

বড়বাবু কড়া লোক, স্বল্প বিচারক ; কর্তাবাবুর সবতাতেই হাসি।

আজ্ঞে হুজুর, ওই—ওই শালায়ই কাজ।

বড়বাবু হুকুম দিলেন, ডাক তো বেটাকে। কিন্তু সনাতন তখন অদৃশ্য হইয়া গিয়াছে। চাপরাসীটা ফিরিয়া আসিয়া বলিল, আজ্ঞে, কোথাও পেলাম না।

সবিস্ময়ে বড়বাবু বলিলেন, আরে, এই তো ছিল !

একান্ত নিরুপায় ভঙ্গিতে চাপরাসীটা বলিল, আজ্ঞে, তন্ন তন্ন ক’রে খুঁজলাম।

ঠিক এই সময়ে কর্তাবাবু আসিয়া উপস্থিত হইলেন। সমস্ত গুনিয়া তিনি হাসিলেন, বলিলেন, সে বেটা অসুর গেল কোথায়?

এই ছিল, কিন্তু আর পাওয়া যাচ্ছে না।

কর্তাবাবু তীক্ষ্ণ দৃষ্টিতে বাড়ির বাগানের গাছগুলার দিকে চাহিয়া দেখিলেন। তারপর চলিয়া গেলেন গোয়াল-বাড়ির দিকে। সেখানে কিছুক্ষণ স্তব্ধ হইয়া চূপ করিয়া দাঁড়াইয়া থাকিয়া, গোয়াল-ঘরে ঢুকিয়া ডাকিলেন, এই ব্যাটা অসুর!

গোয়ালের মাচার উপরে থসথস শব্দ হইতেছিল, শব্দটা ধামির গেল।

এবার ঈষৎ কঠোর স্বরে ডাকিলেন, সনাতনে!

মাচার উপর হইতে ঝুপ করিয়া লাফাইয়া পড়িয়া ভয়ে সঙ্কুচিত হইয়া সনাতন দাঁড়াইল।

কর্তা আবার একবার উপরের দিকে চাহিয়া বলিলেন, এই হারামজাদী হাড়িনী, নাম মাচা থেকে।

বিড়ালীর মত কড়িকাঠ আঁকড়াইয়া ছলিতে ছলিতে এবার নন্দ লাফাইয়া নামিল।

কর্তা বলিলেন, আয়।

নিঃশব্দে পোষা জানোয়ারের মত কর্তাবাবুর পিছনে পিছনে কাছারিতে আসিতেই নন্দর বাপ-মা দারুণ ক্রোধে উচ্চ চীৎকার আরম্ভ করিয়া দিল। বড়বাবুর চোখ দুইটাও রাঙা হইয়া উঠিয়াছে। ভয়ে সনাতন যেন অসাড় পঙ্গু হইয়া গেল। কর্তাবাবু গম্ভীর স্বরে নন্দর বাপ-মাকে বলিলেন, চেষ্টা কর নি। তারপর নায়েবকে বলিলেন, পঁচিশটা টাকা আমাকে দাও তো।

যাছুকরী

বড়বাবু প্রশ্ন করিলেন, আজ্ঞে ?

পঁচিশটা টাকা। কর্তাবাবু নায়েবের দিকে চাহিলেন। নায়েব বিনা বাক্যব্যয়ে পঁচিশটা টাকা বাহির করিয়া দিল। কর্তাবাবু নন্দর বাপকে ডাকিয়া বলিলেন, নে, শুনে নে। আজ রাত্রেই বিয়ে দিতে হবে, বুঝলি ?

বিবাহের পর সনাতন গোল বাধাইল। যে সনাতন সকাল হইতে সন্ধ্যা পর্য্যন্ত মনিব-বাড়িতে পড়িয়া থাকিত, সেই সনাতন ঘন্টায় ঘন্টায় বাড়ি পলাইতে আরম্ভ করিল। সনাতন এই আছে, এই নাই। শুধু তাই নয়, সেদিন চাপরাসীটা সনাতনকে ডাকিতে গিয়াছিল, সনাতন তাহাকে বেশ ধাক্কা লাগাইয়া দিল। ইহার পর তিন চার জন চাপরাসী গিয়া সনাতনকে বাঁধিয়া লইয়া আসিল। বড়বাবু তাহাকে একটা গাছের গুঁড়ির সঙ্গে বাঁধিয়া রাখিতে হুকুম দিলেন। কিন্তু কর্তাবাবু কি স্নানজরেই তাহাকে দেখিয়াছিলেন, তিনি সে দণ্ড মাপ করিয়া বলিলেন, দে, নাকে খত দে বেটা শুয়ার।

মাটির উপরে নাক ঘষিয়া সনাতন চামড়া পর্য্যন্ত তুলিয়া ফেলিল। রক্তাক্ত নাকটা দেখিয়া এবার বড়বাবুও হাসিয়া ফেলিলেন। বলিলেন, খবরদার, এমন কাজ আর যেন করবি না।

সনাতন কাঁদিয়া ফেলিল, বলিল, আমি ছেলাম না বাড়িতে, প্যায়দা কেনে উঠোনে দাঁড়িয়ে হাসছিল মাশায় ?

বড়বাবু এবার কঠিন দৃষ্টিতে চাপরাসীটার দিকে চাহিলেন। কর্তাবাবু বিচিত্র মাছুষ, তিনি এক কথায় ব্যাপারটাকে চাপা দিয়া বলিলেন, তোর বউকেও আজ থেকে কাজ করতে হবে এখানে, বুঝলি ? সকালবেলা

থেকে খোকাকে নিয়ে থাকবে। আর দুপুরবেলায় তুই গরু নিয়ে যাবি মাঠে, ঝুড়ি নিয়ে বউ যাবে তোর সঙ্গে, গোবর কুড়িয়ে মাঠে জড়ো করবে। বুঝলি? দুবেলা খেতে পাবে, বছরে পূজোর সময় একখানা কাপড়।

সনাতন উল্লাসে যে কি করিবে খুঁজিয়া পাইল না। গোয়ালবাড়িতে আসিয়া বড় মহিষটার গলা ধরিয়া দশটা চুমা খাইল, খানিকটা নাচিল, ভেড়ার পালের মেড়াটার সঙ্গে চুঁ খেলিয়া উপর-হাতের পেশীতে কালসিটে পড়াইয়া ফেলিল। আঃ কর্তাবাবুকে কাঁধে করিয়া সে যদি নাচিতে পাইত! অথবা বাবুর পায়ের তলাটা যদি জিব দিয়া চাটিতে পাইত! সে ছুটিয়া গিয়া নন্দকে হিড়হিড় করিয়া টানিয়া আনিল।

অতর্কিত আকর্ষণে নন্দ বিব্রত এবং বিরক্ত হইয়া গালিগালাজ আরম্ভ করিল, কিন্তু সনাতন সে গ্রাহ্যই করিল না।

ইহার পর নন্দ সকাল হইতে বড়বাবুর খোকাকে—শিবনাথের বাপকে লইয়া বসিয়া থাকিত, খেলা দিত। সনাতন কাজ করিত, মধ্যে মধ্যে খোকাকে কাঁধে লইয়া নাচিত, কখনও কখনও খোকার গিঠে মৃহু মৃহু কিল চড় মারিত, কান মলিয়া দিত, বলিত, ছ-চার ঘা মেয়ে রাখি নন্দ, বড় হ'লে তখন তো চোখ লাল করবে, দেবে কষে জুতোর বাড়ি।

নন্দ হাসিত মৃহু হাসি, সনাতনের হাসি অটুহাসি।

দুপুরে নির্জ্জন উদাসীর প্রান্তরে সনাতন বটগাছতলায় বসিয়া থাকিত; নন্দ তাহার পাচনি লাঠিটা লইয়া গরু-মহিষগুলোকে আগলাইয়া ফিরিত। লাঠি হাতে নন্দকে এমন সুন্দর মানাইত! খাটো মোটা কাপড় পরা, মাথায় খাটো নন্দর হাতে সনাতনের লাঠিগাছটা নন্দর মাথার উপরেও খানিকটা উঠিয়া থাকিত। নন্দ নির্ভয়ে প্রকাণ্ড কালো মহিষ ছুইটাকে দুমদাম করিয়া পিটিত। কখনও কখনও সে সুকোশলে

যাছুকরী

উঠিয়া বসিত মহিষের পিঠে, মহিষটা চলিত, নন্দ এমন দুলিত সেই চলার সঙ্গে সঙ্গে যে, সনাতনও ছুটিয়া গিয়া চড়িয়া বসিত অন্য মহিষটার পিঠে ।

মহিষের পিঠের উপর হইতেই নন্দ প্রথম দিনই চাৎকার করিয়া উঠিল, সাপ ! আলান !

‘ প্রকাণ্ড বড় এক আলান—অর্থাৎ আল কেউটে চলিয়া যাইতেছিল, নন্দর চাৎকারে সেটা অল্প মাথা তুলিয়া দাঁড়াইল । সনাতন দেখিয়া নিরীকার চিন্তে হাসিয়া বলিল, ওর নাম কালকুটি, কিছু বলে না বুড়ী। বুঝিলি, ওকে যেন মারতে-টারতে যাস না । তারপর সে হাতে তালি দিয়া বলিল, যা যা বুড়ী, চলে যা ।

সাপটা আর কিছুক্ষণ স্থির হইয়া থাকিয়া ধীরে ধীরে চলিয়া গেল ।

সনাতন এখানকার কীট-পতঙ্গটিকেও চেনে । ওই প্রকাণ্ডবড় কেউটেটার রীতিনীতি, গতিবিধি সব তাহার সুবিদিত, এমন কি কালকুটির গর্তটাও সে চেনে । কালকুটির বহু শাবককে সে হত্যা করিয়াছে । সেগুলার স্বভাব মায়ের মত নয় । সনাতন জানে, বয়স হইলে উহারাও এমনই ধীর স্থির হইবে, কিন্তু বয়স হইতে হইতে যে কত জীবজন্তু মানুষ মারিবে তাহার কি ঠিক আছে ? আষাঢ় মাসের প্রথম হইতেই সে সম্ভরণে তীক্ষ্ণ দৃষ্টি রাখে গর্তটার আশেপাশে । সহসা একদিন দেখা যায়, কালো কালো সর্পশিশুতে চারিপাশ ভরিয়া গিয়াছে । সাপের ডিম, গরম-খোলায়-দেওয়া ধান হইতে খইয়ের মত ফোটে যে ! ডিম কাটিয়া ছটকাইয়া বাহির হয় সাপের বাচ্ছা । নহিলে উহাদের মা ওই কালকুটিই যে খাইয়া ফেলিবে উহাদের । গর্তের ভিতরে উদ্ভত গ্রাসে বসিয়া থাকে কালকুটি, উপরে থাকে সনাতন

লাঠি লইয়া। তবুও যাহারা বাঁচিয়া যায়, তাহারা বড় হইয়াও প্রাণ দেয় সনাতনের হাতে।

নন্দ সেদিন কালকুটিকে চিনিল, ক্রমে ক্রমে আরও অনেককে চিনিল, কত নূতনকে আবিষ্কার করিল, প্রজাপতির ডিম সনাতন চিনিত না, সে জানিত সেগুলো মরা কাঁচপোকা, নন্দ সনাতনকে চিনাইয়া দিল। দুইজনে মিলিয়া গোবর কুড়াইয়া বানাইয়া তুলিল প্রায় একটি পাহাড়।*

কর্তাবাবু খুশি হইয়া গোটা একটা টাকা বকশিশ দিলেন। সনাতন সেদিন নন্দকে আদর করিল, তু আমার আনার ঘরের আলো।

নন্দ অবাক হইয়া গেল।

সনাতন সেই দিনই কথাটা শিখিয়াছে বড়বাবুর কাছে। পূজার কাপড়ের প্রকাণ্ড গাঁটরি মাথায় সনাতন বড়বাবুর সঙ্গে বাড়ির ভিতর গিয়াছিল। বড়গিন্নী অঙ্ককার বড় ঘরের দরজা খুলিয়া বলিয়াছিলেন, দাঁড়াও, আলো জ্বলে দিই।

বড়বাবু হাসিয়া বলিয়াছিলেন, দরকার নেই, তুমি আমার আধার ঘরের আলো!

কথাটা সনাতনের বড় ভাল লাগিয়াছে।

*

*

*

বছর দশেক পরে সেই নন্দ একদিন সনাতনকে ছাড়িয়া চলিয়া গেল, সন্তান গ্রসব করিতে গিয়া মারা পড়িল। সনাতনের সে আবস্থা বর্ণনার অতীত; কর্কশ উচ্চকণ্ঠের কুণ্ঠাহীন আর্ন্ত টীংকারে সমস্ত গ্রামখানাকে নিশীথরাত্রে সচকিত করিয়া তুলিয়াছিল।

কর্তাবাবু তখন মারা গিয়াছেন, বড়বাবু তৎক্ষণাৎ লোক পাঠাইয়া-ছিলেন, সেই লোকের সঙ্গে শিবনাথের বাবাও গিয়াছিলেন। সনাতনকে

যাছুকরী

তিনি বড় ভালবাসেন, সে তাঁহাকে মানুষ করিয়াছে। শব্দেহের পাশে একটি কেরোসিনের ডিবে জ্বলিতেছিল, উঠানে সে আলো বিশেষ আসিয়া পড়ে নাই, অন্ধকার উঠানে অন্ধরের মত প্রশস্ত প্রকাণ্ড বৃকে বাঘের খাবার মত হাত চাপড়াইয়া চীৎকার করিয়া যাইতেছে।

সংকার করিয়া পরদিন সে যখন মনিব বাড়িতে আসিল, তখন চোখ দুইটা তাহার কুঁচের মত রাঙা হইয়া উঠিয়াছে। সকলে ভাবিল, সনাতন পাগল হইয়া যাইবে।

সেইদিন গভীর রাত্রে সে যখন ছুটিয়া আসিয়া কাছারির দাওয়ার চাপরাসীটার পাশে আসিয়া হাঁপাইতে আরম্ভ করিল, তখন পাগল হইয়া গিয়াছে ভাবিয়া চাপরাসীটা সম্ভ্রান্ত হইয়া উঠিল। সনাতন হাঁপাইতে হাঁপাইতে বলিল, নন্দ, প্যায়দা, নন্দ বাড়ির আনাচে কানাচে ঘুরে বেড়াইছে।

মাস-থানেক পরেই একদিন সকালে চাপরাসীটা বলিল, সনাতন আসে নাই।

বড়বাবু বলিলেন ডেকে নিয়ে আস।

চাপরাসীটা বলিল, আজ্ঞে রাত্রে উঠে সে কোথা চলে গিয়েছে। এইখানে আমার কাছেই তো শোয় এখন, ভোররাত্রে উঠে গেল, তারপর আর আসে নাই।

কড়া মেজাজের মানুষ বড়বাবুও একটা দীর্ঘনিশ্বাস ফেলিলেন।—
নন্দর শোকে সনাতন দেশত্যাগ করিয়াছে। কিন্তু পরের দিনই সনাতন ফিরিয়া আসিল।

চাপরাসীটা প্রশ্ন করিল, কোথায় গিয়েছিলি ?

সনাতন জবাব দিল, গেয়েছিলাম যেখানে মন হুঁচিল।

সনাতন

আবার দিন দুই পরে দেখা গেল, সনাতন নাই। সেদিন সন্ধ্যা হইতেই সে নিখোঁজ। যে সনাতন নন্দর প্রেতাচার ভয়ে সন্ধ্যাতেই ভয়কাতর শিশুর মত অসহায় হইয়া পড়ে, সে রাত্রির অন্ধকারেই কোথায় চলিয়া গিয়াছে!

চার দিন পর সে ফিরিল। বড়বাবু এবার কষ্টভাবেই বলিলেন, এমন করবি তো কাজে জবাব দে। সন্ন্যাসী হতে চাস তো সন্ন্যাসীই হয়ে যা। আর নয় তো আবার বিয়ে-থা করে ঘরসংসার কর, কাজকর্ম কর।

সনাতন চুপ করিয়া দাঁড়াইয়া রহিল।

বড়বাবু বলিলেন, কি বলছিস?

নথ দিয়া দেওয়াল খুঁটিতে খুঁটিতে সনাতন বলিল, আজ্ঞে—

বুঝলি আমার কথা?

ষাড় নাড়িয়া সায় দিয়া সনাতন আরও কিছুক্ষণ দাঁড়াইয়া থাকিয়া চলিয়া গেল। একেবারে সটান অন্তরে আসিয়া বড়গিন্নীর সম্মুখে জোড়হাত করিয়া দাঁড়াইল।

দু কুড়ি টাকা আপুনি ছান। লইলে বড়বাবুকে বলে ছান।

বড়গিন্নী সবিস্ময়ে বলিলেন, দু কুড়ি টাকা নিয়ে কি করবি তুই? তীর্থ যাবি নাকি?

সনাতন মাথা চুলকাইয়া বলিল, বড়বাবু বলছেন বিয়ে করতে।

বিয়ে করতে?—সম্মেহে হাসিয়া বড়গিন্নী বলিলেন, ভালই বলেছেন রে! মরণকে ঠেকিয়ে তো সংসার করা যায় না বাবা, তার জন্তে বিবাগী হলে কি চলে?

পরম আগ্রহে সম্মতি জানাইয়া সনাতন বলিল, আজ্ঞে হ্যাঁ।

যাহুকরী

খুশি হইয়াই গিল্লী বলিলেন, বেশ, কনে ঠিক কর, টাকার জন্তে বলব আমি বড়বাবুকে ।

আজ্ঞে, কনে আমি ঠিক করেছি, টাকা হলেই হয় ।

বাড়ির মেয়েরা বিষয়ে চূপ করিয়া থাকিয়া হাসিয়া কলরব করিয়া উঠিল, ও মাগো !

কোথায় রে কোথায় ? কবে ঠিক করলি রে এর মধ্যে ?

কেমন কনে রে ? কত বড় ? দেখতে কেমন ?

সনাতন বসিয়া মাথা চুলকাইতে চুলকাইতে পুলকিত লজ্জার সহিত সমস্ত প্রশ্নের জবাব দিল ।

মেয়েটির বাড়ি ক্রোশ থানেকের মধ্যেই—যুগলপুরে । অনেক দিন হইতেই সনাতন চেনে । হাটে সে নিয়মিত আসে । সনাতন বলিল, কনে আজ্ঞে ভারী সোন্দর । আর বয়েস তা থানিক হবে বইকি !

সনাতন বর্ণনায় অতিরঞ্জন করে নাই । মেয়েটি সত্যই সুন্দর দেখিতে । বর্ণে সে গোরী, মুখশ্রীতে লাবণ্যময়ী, কেবল চোখ দুইটি খয়রা রঙের, গঠনে সে দীর্ঘাঙ্গী, বয়সে বাইশ চব্বিশ । সনাতন বৈরাগ্যের বশে মধ্যে মধ্যে নিখোঁজ হয় নাই, মেয়েটির প্রেমের আকর্ষণেই সেখানে ছুটিয়া গিয়া পড়িতেছিল । মেয়েটি সধবা । অনেক কাণ্ডের পর তাহার স্বামী দুই কুড়ি টাকার বিনিময়ে তাহাকে ছাড়পত্র দিতে রাজী হইয়াছে । সেদিন রাত্রে তাহাদের দুইজনকে একত্র পাকড়াও করিয়া সনাতনকে তাহারা দুঃস্থ প্রহার দিয়াছিল । সনাতন সে গ্রাহ করে নাই, মার খাইয়াও স্পষ্ট বলিয়া দিয়াছে ছেড়ে দিস তো দে, লইলে আমি নিয়ে পালাব । শুধো কেনে ওকে—উ-ও থাকবে না তোর কাছে ।

মেয়েটার লজ্জার আবরণ নিঃশেষে খসিয়া গিয়াছিল, তাহার উপর মার খাইয়া সে উগ্র হইয়া উঠিয়াছিল। সেও বলিয়াছিল, আজই যাব আমি উয়োর সঙ্গে।

শেষ পর্য্যন্ত কুড়ি টাকায় সনাতন রক্ষা করিয়া আসিয়াছে।

* * * *

আবার সনাতন ঘর বাঁধিল, সংসার পাতিল। নিজের ঘর ছাড়িয়া সে নূতন ঘর তৈরি করিল বাবুদের গোয়াল-বাড়ির পাশেই। পুরানো বাড়িতে নন্দ ঘুরিয়া বেড়ায়। কোন দিন রাত্রে কড়িকাঠে বসিয়া সে যদি তালগাছের মত মোটা পা বাহির করিয়া ঘুমন্ত অবস্থায় বুকে চাপাইয়া দেয়, তবে—! ঝাঁকড়া চুল ভর্তি মাথাটা বারবার নাড়িয়া সনাতন আতঙ্কে অস্থির হইয়া উঠে। তাই সে নূতন করিয়া ঘর গড়িল—সে ঘরে নন্দর এতটুকু জিনিসও সে রাখিল না, আপনার সামগ্রীর লোভে নন্দ যে নিশ্চয় এখানে আসিয়া হাজির হইবে।

নূতন বউয়ের নামটিও বড় ভাল, পেরভাতী, অর্থাৎ প্রভাতী। মেয়েটি কিন্তু বিলাসিনী। চলনে-বলনে, আহারে-রুচিতে, পোশাকে-প্রসাধনে সনাতনের বিপরীত। মেয়েটি চলে হেলিয়া ছলিয়া, কথা কহিতে হাসিয়া ভাঙিয়া পড়ে, পোড়ানো সামগ্রী তাহার মুখে ঝোচে না, সে পান খায়, দোস্তা খায়, কাপড় পরে পা ঢাকিয়া পরিপাটি ছাঁদে, চুল বান্ধে বাবুদের বাড়ির মেয়েদের মত ‘আলবোট কাটিয়া। অথচ সনাতন ভালবাসে পোড়ানো জিনিস খাইতে, সে ভালবাসে খাটো মোটা কাপড় আঁটসাঁট করিয়া পরিতে, রক্ষ চুল টানিয়া মাথার উপর ঝুঁটি-খোঁপা তাহার সবচেয়ে ভাল লাগে। নন্দর মত গোবর প্রভাতী

বাতুকরী

কুড়াইবে না। ছেলের ঝি হইতে আপত্তি ছিল না, কিন্তু বাবুদের বাড়িতে শিশু ছেলেও কেহ নাই।

তবুও সনাতন অবনত মস্তকে মস্তমুগ্ধের মত পেরভাতীর আনুগত্য স্বীকার করিল। প্রভাতীর মনোরঞ্জনের জন্ত এখানে ওখানে সে ঋণ করিতে আরম্ভ করিল। অবশেষে মনিব-বাড়ির কাজের উপর আর একটা কাজ লইল; ও-পাড়ার হীরু চাটুজ্জ বিদেশে চাকরি করে, এবার সে মেয়েছেলে লইয়া গিয়াছে, রাত্রে তাহার বাড়িতে পাহারা দিবার কাজ লইল সনাতন। প্রভাতীকে সঙ্গে লইয়া সে সন্ধ্যার পর চাটুজ্জের বাড়ি যাইত। আবার ভোরবেলায় উঠিয়া চলিয়া আসিত।

মাস কয়েক পর—

সেদিন পেরভাতী কোন ভদ্রলোকের বধু বা কন্যার পরনের শাড়ি দেখিয়া বলিল, ওই শাড়ি আমার চাই।

সনাতন মাথায় হাত দিয়া বসিল। মনিব-বাড়িতে বিবাহের ঋণ জমিয়া আছে, এখানে ওখানে যে ঋণ করিয়াছে সেও শোধ হয় নাই, এখন টাকা কোথায় মিলিবে? ভাবিয়া চিন্তিয়া সে আসিল ছোটবাবু অর্থাৎ শিবনাথের বাপের কাছে। ছোটবাবুকে নন্দ ও সে কোলে-পিঠে করিয়া মাহুষ করিয়াছে, আর ছোটবাবু এখনও পুরা বাবু হইয়া উঠে নাই, জুতা মারিবার বয়স হয় নাই, সনাতন ছোটবাবুর পায়েয় কাছে বসিয়া পা টিপিতে টিপিতে সলজ্জভাবেই কথাটা ব্যক্ত করিল।

ছোটবাবুও একটু লজ্জিত হইলেন, টাকা তো আমার কাছে নেই সনাতন।

গিন্নীমাকে চাও। লয়তো বউরাণীয়ে কাছে লাও। আমাকে

কিন্তুক দিতে হবে ছোটবাবু। ছোটবাবুর তখন বিবাহ হইয়াছে, দশ-এগারো বছরের বধু।

আচ্ছা, কাল বলব তোকে।

সনাতন খুশী হইয়া আসিয়া পেরভাতীকে বলিল, কাল।

পরদিন সকালেই ছোটবাবু টাকা লইয়া গিয়া অবাক হইয়া গেলেন। সনাতন বসিয়া আছে, তাহার সে মূর্তি অদ্ভুত। চোখ দুইটা রাঙা, মুখখানা ভীষণ, আর প্রভাতী দাওয়ার উপর পড়িয়া আছে উপুড় হইয়া অসম্ভূত বেশে অনাবৃত গৌরবর্ণ পিঠখানায় প্রহার-চিহ্ন রক্তমুখী হইয়া ফুটিয়া উঠিয়াছে। ছোটবাবু প্রশ্ন করিলেন, কি হয়েছে সনাতন?

সনাতন গর্জন করিয়া উঠিল, আজ আধ-মরা ক'রে ছেড়েছি, এক-দিন কিন্তুক নিদ্রম মেরে ফেলাব ছোটবাবু।

প্রভাতীর পিঠের প্রহার-চিহ্নগুলি দেখিয়া ছোটবাবু সনাতনকেই তিরস্কার করিলেন, ছিঃ, এমনই ক'রেই কি মারে রে!

প্রভাতী ফোপাইয়া কাঁদিয়া উঠিল। সনাতন গর্জন করিয়া বলিল, রেতের বেলায় চাটুজের বাড়িতে আমাকে একখানা বস্তা দিলে বলে কি, বাখার থেকে ধান বার ক'রে লে। আমি চুরি করব ছোটবাবু!

ছোটবাবুর মনে পড়িল ছেলেবেলার কথা। তাঁহাদের বাড়ির আমগাছটার আম পাকিত সকল গাছের আগে। যতটি আম গাছ হইতে পড়িত সনাতন কুড়াইয়া বাড়িতে দিয়া আসিত, কখনও তিনি সনাতনকে কুড়াইয়া লইয়া আম খাইতে দেখেন নাই। একবার তিনি চাহিয়াছিলেন একটা আম। সনাতন বলিয়াছিল, বাড়িতে লেবা।

ছোটবাবু কাপড়ের টাকা দিতে গেলে সনাতন লইল না, বলিল, এক ছুঁচ ওকে আমি দোব না।

বাতুকরী

প্রভাতীও সহ্য করিবার মেয়ে নয় ; মাস খানেক পরে সে পলাইয়া গেল। বাবুদের বাড়ির চাপরাসীটার সঙ্গে—সনাতনের যথাসর্বস্ব লইয়া নিকরদেশ হইল। শুধু তাই নয়, ঘরের মধ্যে সনাতনকে পাওয়া গেল আহত রক্তাক্ত অবস্থায়। বাঁটির একটা কোপ তাহার ঘাড়ে বসাইয়া দিয়াছিল। দশ দিন অচেতন অবস্থায় থাকিয়া সনাতন বাঁচিল। সে দশ দিন অচেতন সনাতনের কি চীৎকার !

নিশীথরাত্রে ঘুমন্ত মানুষ শিহরিয়া জাগিয়া উঠিয়া গুনিত, সনাতন যন্ত্রণায় চীৎকার করিতেছে—আঁ—আঁ—আঁ—।

দশ দিন পর চেতনা পাইয়া সনাতন বড়বাবুকে সম্মুখে দেখিয়া হাউ-হাউ করিয়া কাদিয়া উঠিল, ওগো বড়বাবু গো ! আমি আর বাঁচব না গো !

তাহার সে কাতরতায় বড়বাবু বিচলিত হইলেন, সনাতন তাঁহাকে বাবের মত ভয় করে, আজ সে তাঁহাকেই আঁকড়াইয়া ধরিতে চাহিতেছে একান্ত আপন জনের মত।

ছোটবাবুকে সে বলিল, বাঁচি তো আর মেয়ের মুখ দেখব না ছোটবাবু।

সনাতন বাঁচিল।

*

*

*

*

সনাতন বাঁচিল এবং মাস খানেক না যাইতেই আবার সে বিবাহ করিল। অত্যন্ত কুংসিতদর্শনা একটা মেয়ে। অতুল স্বাস্থ্য এবং আকারে সে সনাতনেরই যোগ্যা। কর্তাবাবু সনাতনের নাম দিয়াছিলেন—অশ্রু, এবার ছোটবাবু সনাতনের নূতন বধূর নাম দিলেন—হিড়িষা।

সনাতন অতি সলজ্জভাবে পুলকিত হইয়া হাসিল।

নূতন বধূটিও হাসিল—হি-হি করিয়া হাসিল—নির্বোধের মত ; সে হাসি দেখিয়া ছোটবাবুর গা-ঘিনঘিন করিয়া উঠিল—হাসির সঙ্গে মেয়েটার মুখ দিয়া লালা গড়াইয়া পড়ে। কিন্তু হিড়িষা অদ্ভুত, কিছু দিনের মধ্যেই সে সনাতনকে ঠাকুর করিয়া তুলিল। সনাতনকে সে সকালবেলায় গোয়াল পরিষ্কার করিতে গোবর ঘাঁটিতে দেয় না, নিজেই সে গোবর পরিষ্কার করে ; নন্দর মত সেও বুড়ি লইয়া সনাতনের সঙ্গে মাঠে যায়, সেখানে সনাতন ঘুমায়—একা হিড়িষা গরু মহিষ আগলায়, গোবর কুড়ায়, কুঁচিকাটি সংগ্রহ করে, জ্বালানী কাঠ জড়ো করে। জ্বালানী কাঠের জন্ত অবলীলাক্রমে সে তালগাছে উঠিয়া যায়। কুঁচিকাটি বিক্রি করিয়া সে পয়সা আনে, বাড়িতে খুঁটে দিয়া—খুঁটে হইতেও মাসে এক টাকা দেড় টাকা হয়।

সনাতনের অদৃষ্ট ! এই হিড়িষাও তাহার অদৃষ্টে সহ্য হইল না ; অদৃষ্টের তাড়নায় সে নিজেই একদিন দুদ্দান্ত প্রহার দিয়া শেষে গলায় হাত দিয়া হিড়িষাকে বাহির করিয়া দিল।

হিড়িষার সে কি কান্না !

ছোটবাবু মধ্যস্থতা করিবার চেষ্টা করিলেন, কিন্তু হিতে বিপরীত হইয়া গেল।

সনাতন বলিল, সন্দেশের রস রান্ধুসী চুখে মেরে দিলে !

সনাতন কয়েকটা রসগোল্লা কিনিয়া আনিয়াছিল, হিড়িষা লোভের বশে গোপনে রসগোল্লাগুলি চুষিয়া থাইতেছিল, সনাতন সেটা দেখিয়া ফেলিয়াছে।

ছোটবাবু হাসিয়া ফেলিলেন।

যাতুকরী

সনাতন বলিল, ভাত ডাল যা হয় ঘরে আগে-ভাগে চুরি করে খায় !
মারের চোটে আজ নিজেই বলেছে ।

ছোটবাবু বলিলেন, আচ্ছা, আর থাকে না ।

তবুও সনাতন অটল । বলিল, উওর এত বড় বাড়ি, আমাকে ‘মর’ বলে ! আমি মরব ! আমি ম’রে ঘাব ছোটবাবু !

‘ছোটবাবু হাসিলেন, আবার খানিকটা বিরক্তও হইলেন, ‘মর’ বললেই কি মানুষ মরে সনাতন ?

বার বার ঘাড় নাড়িয়া সনাতন তবুও বলিল, আচ্ছা না । আমাকে ‘মর’ বললে উ !

এবার ধমক দিয়া ছোটবাবু বলিলেন, ‘মর’ বললে তো হ’ল কি ?
তুই অমর নাকি ? মরবি না তুই ?

ছোটবাবুর মুখের দিকে চাহিয়া সনাতন বলিল, আপুনি আমাকে ‘মর’ বলছ ছোটবাবু !

সে এত দিনের মনিব-বাড়ির কাজে জবাব দিয়া সেই দিনই কোথায় চলিয়া গেল ।

*

*

*

*

কিরিল সে দীর্ঘ দিন পর । আজ হইতে বৎসর থানেক আগে ।
তখনও সে সমর্থ, এত বড় দেহ আশির উপর বয়সেও প্রায় সোজাই
আছে ; অল্প একটু নমিত হইয়াছে মাত্র, আর চলিবার গতি মন্থর
হইয়াছে ।

এক মাথা পাকা চুল, প্রকাণ্ড বড় পাকা গৌফ, স্থবির অশ্রুর মত
দেহ, সনাতন একেবারে মনিব-বাড়ির অন্তরে আসিয়া ঢুকিয়াছিল ।
কাছারিতে যাইতে সাহস হয় নাই । এই দীর্ঘকাল অল্পপস্থিতির কি

কৈফিয়ৎ দিবে বড়বাবুর কাছে ! ছোটবাবুর সম্মুখে মুখ দেখাইবে কি করিয়া !

শিবনাথের বধু, শিবনাথের ভগ্নী সকলে বিস্ময়ে চকিত হইয়া উঠিল। সনাতনও হতভম্ব হইয়া গেল। কাহাকেও সে চেনে না, ইহার সব কে ?

শিবনাথের মা আসিয়া, অনেকক্ষণ স্থির দৃষ্টিতে তাকে দেখিয়া বলিলেন, তুমি সনাতন ? বালিকা-বয়সে তিনি তাহাকে দেখিয়াছিলেন, তিনি এ বাড়িতে আসিবার পর, বৎসর দুয়েক সনাতন এ বাড়িতে ছিল ; কিন্তু তবু তিনি তাহাকে চিনিলেন, সনাতনের আকৃতির ক্ষুদ্র ।

সনাতন একমুখ হাসিয়া বলিল, আজ্ঞে হ্যাঁ ঠাকরণ। একবার গিন্নীমাকে আর বউ-ঠাকরণকে ডেকে গুন তো। বলেন—সনাতন আইচে।

শিবনাথের মা অল্প হাসিয়া বলিলেন, আমিই বউ-ঠাকরণ সনাতন। গিন্নীমা তো নেই।

সনাতন নির্ঝাক নিষ্পন্দ হইয়া তাহার মুখের দিকে চাহিয়া রহিল। এই প্রৌঢ়া বিধবা—তাহার ছোটবাবুর কচি বউটি ! গিন্নীমা নাই ! তবে কি, তবে কি—! সে ক্ষুণ্ণ উঠিয়া কাছারি-বাড়িতে আসিল।

শিবনাথ নূতন, নায়েব নূতন, চাপরাসী নূতন, চাকর নূতন—সকলে সবিস্ময়ে প্রশ্ন করিল, কে তুমি ?

সনাতন চারিদিক খুঁজেতেছিল। কোন উত্তরই সে দিল না। উত্তর দিলেন শিবনাথের মা। তিনি তাহার পিছন পিছন আসিয়া-ছিলেন। সন্নেহে হাসিয়া বলিলেন, শিবু, এই সনাতন। সনাতনকে বলিলেন, সনাতন, এই আমার ছেলে।

যাছুকরী

সনাতন এতক্ষণে প্রশ্ন করিল, বড়বাবু নাই ? ছোটবাবু নাই ?

* * * *

গোয়াল-বাড়ির একখানা খালি ঘরে সনাতন আশ্রয় লইল। শিবনাথের বাড়িতেই অন্নের বরাদ্দ করিয়া দিলেন শিবনাথের মা। প্রথম দিনই পাচিকা ভাত দিয়া গালে হাত দিল। সনাতন ভাত লইল তিন বার। শিবনাথের মা হাসিলেন। সনাতনের আহ্বার এখনও প্রায় সমানই আছে। খাইতে বসিলে শিবনাথের মা প্রশ্ন করিলেন, “কোথায় ছিলে সনাতন ?

প্রকাণ্ড হাতে বিপুল এক গ্রাস ভাত তুলিয়া সনাতন বলিল, দু তিন জায়গায় মা।

ছেলেপুলে কি ? ঘরকন্না করেছ ?

বা হাতে মাথা চুলকাইয়া সনাতন বলিল, ছেলে আনেকগুলান মা। তিনটে পরিবারের ছেলে।

আরও তিনবার বিয়ে করেছিলে ?

মেয়েরা সকোঁতুকে খিল খিল করিয়া হাসিয়া উঠিল।

সনাতন বলিল, হ্যাঁ মা। তা সে সব চুকিয়ে দিয়েছি। ছাড়পত্র করে সব তাড়িয়ে দিয়েছি।

সনাতনের এখানকার ইতিহাস এ বাড়ির সকলেই জানে ; সনাতন এ বাড়ির কাহিনীর মানুষ। শিবনাথের বোন মুখে কাপড় চাপা দিয়া হাসিয়া বলিল, এইবার আবার ঘর-দোর পাতাও সনাতন। আপন ভিটেতে ঘর কর, বিয়ে কর।

সনাতন নির্ঝোঁধের মত খানিক হাসিয়া বলিল, আর লয় মা। সে একটা গভীর দীর্ঘনিশ্বাস ফেলিল।

সনাতন

উদের তাড়িয়ে দিলে কেন বাবা ?

আর একটা গভীর দীর্ঘনিশ্বাস ফেলিয়া সনাতন বলিল, সবাই মরণ
তাকায় মা। মর, মর, মর—ছাড়া বাক্যি নাই, তিনটে বউয়েরই ওই
এক রা।

সনাতন তৃতীয় বারের ভাতটা আর শেষ করিতে পারিল না।

ভাতের অপচয়ে লঙ্কিত হইয়া সে বলিল, খেতে পারি মা। ই ভাত
কটা আমি খাই। তা আজ লারলাম।

সনাতন বাড়িতে থাকিলে চূপ করিয়া বসিয়া থাকিত ; মধ্যে মধ্যে
গ্রাম প্রান্তর ঘুরিয়া আসিত।

উদাসীরা ডাঙায় দীর্ঘ দিন ঘুরিয়াও সে কালকুটিকে দেখিতে
পাইল না।

মধ্যে মধ্যে ডাক্তারখানায় গিয়া ওষুধ লইয়া আসিত। তাহার
ক্ষুধা হয় না।

আজ কয়েকদিন সনাতন বিছানাতেই শুইয়া আছে। খাবার
পাঠাইয়া দিলে অন্ন-স্বল্প খায়, না পাইলেও চূপ করিয়া পড়িয়া থাকে।
অভাবও বোধ করে না।

শিবনাথের মা এ অঞ্চলের প্রবীন বিচক্ষণ ডাক্তার ননীবাবুকে
তাকাইয়াছিলেন। ননীবাবু হাসিয়া বলিলেন, কালরোগ।

শিবনাথ দেখিতে গেল।

ককালসার সনাতন জীর্ণ পরিত্যক্ত ঐতিহাসিক পাষণ-দুর্গের মত
পড়িয়া আছে। মোটা মোটা হাড়গুলো প্রকট হইয়া উঠিয়াছে। সে
দিগন্তের দিকে দৃষ্টি রাখিয়া চাহিয়া আছে। শিবনাথের মা সেখানে
ছিলেন, তিনি ডাকিতেছিলেন, সনাতন ! সনাতন !

যাদুকরী

সনাতন যেন শুনিতে পাইতেছে না।

শিবনাথ কাছে আসিয়া কণ্ঠস্বর উচ্চ করিয়া ডাকিল, সনাতন ?
সনাতন !

এবার সনাতনের দৃষ্টি ফিরিল সে দৃষ্টি যেন কিছু খুঁজিতেছে, কিন্তু
খুঁজিয়া পাইতেছে না।

সনাতন !

এবার দৃষ্টি শিবনাথের দিকে রাখিয়া ক্ষীণস্বরে বলিল, দেখতে
পেছি না। সে হাতের ক্ষীণ ইঙ্গিতে ডাকিল, আরও কাছে এস।
শিবনাথ সরিয়া গেল।

খোকাবাবু !

হ্যাঁ। কেমন আছ ?

ভাল আছি।

কি কষ্ট হচ্ছে তোমার ?

ঘাড় নাড়িয়া সনাতন জানাইল, কিছু না। তারপর ক্ষীণস্বরে বলিল,
দেখতে পেছি না ভাল, শুনতি পেছি না।

শিবনাথের মা এবার বলিলেন, ভয় নেই সনাতন। সেখানে
তোমার নন্দ আছে, কর্তাবাবু আছেন, বড়বাবু আছেন, গিন্নীমা আছেন,
ছোটবাবু আছেন—

সনাতন কাহারও সন্ধানে কোন দিকে চাহিল না—শিবনাথের
মুখের দিকে চাহিয়া ছিল, সেই দিকেই দৃষ্টি রাখিয়া অশ্রুটস্বরে বলিল,
অন্নকার !

অর্থাৎ অন্ধকার।

সমাপ্ত

